

萬有文庫

第二集七百種

王雲五主編

後漢書集解

(三)

王先謙集解

商務印書館發行



後漢書集解

(三)

王先謙集解

國學基本叢書

孝靈帝紀第八

後漢書八

宋宣城太守范曄撰  
唐章懷太子賢注

王先謙集解

孝靈皇帝諱宏

謚法曰亂而不損曰靈。伏侯古今注曰宏之字曰大。〔集解〕沈字曰據伏滿傳注。章懷親見伏侯古今注。其書終於質帝不及桓帝。今桓獻二紀注俱無伏侯古今注曰六字。獨此紀有之。蓋傳寫者妄增耳。

肅宗

玄孫也。曾祖河間孝王開。祖淑。父萇。世封解瀆亭侯。

淑以河間王子封爲解瀆亭侯。靈襲父封。故言世封也。解瀆亭在今定州義封縣東北也。〔集解〕錢大昕曰按董皇后紀亦稱

解瀆侯。獨河間王開傳作長古書長叢多通用。

帝襲侯爵。母董夫人。桓帝崩。無子。皇太后與父城門校尉竇武定策禁中。使守光

祿大夫劉儵持節將左右羽林至河間奉迎。

續漢志曰桓帝之初京都童謠曰城上烏尾畢逋公爲吏子爲徒一徒死百乘車車班班入河間河間妬女工數錢以錢爲室金爲堂室上慊慊春

黃梁梁下有懸鼓我欲擊之丞卿怒城上烏者處高獨食不與下共謂人主多聚斂也公爲吏子爲徒者言變夷叛逆父既爲軍吏子弟又爲卒徒往擊之也一徒死百乘車者言前一人討胡既死矣後又遣百乘車往也車班班者言乘輿班班入河間迎靈帝也妬女數錢言帝既立其母永樂太后好聚金以爲堂室也石上慊慊者言太后雖積金錢猶慊慊常若不足使人春黃梁而食也我欲擊之者言太后教帝使竇官受錢天下忠篤之士怨望欲擊鼓求見卿懸鼓者復怒而止我也

建寧元年春正月壬午城門校尉竇武為大將軍己亥帝到夏門亭

東觀記曰到夏門外萬壽亭羣臣謁見

使竇武持節

王青蓋車迎入殿中庚子即皇帝位年十二

〔集解〕惠棟曰考異云袁紀初立為嗣詔書云年十有二建寧二年誅黨人時云年十四袁紀是也棟案魚豢典略云建寧二年帝時年十三歲宜

官用事排疾士人與范書合汪文臺曰御覽五百八十一引謝承書云靈帝善鼓琴吹洞簫

改元建寧呂前太尉陳蕃為太傅與竇武及司徒胡廣參錄尚書

事〔集解〕惠棟曰應劭漢官儀載冊書云故太尉陳蕃忠亮譽謬有不吐茹之節司徒胡廣惇德允元五世從政今以蕃為太傅與廣參錄尚書事

使護羌校尉段熲討先零羌二月辛酉葬

孝桓皇帝于宜陵

在洛陽東南三十里高十二丈周三百步

廟曰威宗庚午謁高廟辛未謁世祖廟大赦天下賜民爵及帛各

有差段熲大破先零羌於逢義山

山在今原州高平縣逢一作途〔集解〕惠棟曰漢之高平唐之平高縣當作平高先謙曰即今固原州

閏月甲午追尊皇祖為孝

元皇夫人夏氏為孝元皇后考為孝仁皇

〔集解〕先謙曰御覽百九十九引續漢書云帝封河間王子庚為濟南王奉孝仁祀

夫人董氏為慎園貴人

園慎在今瀛州樂壽縣東南俗呼為二皇陵

夏四月戊辰太尉周景薨司空宜鄼免長樂衛尉王暢為司空五月丁未朔日有食

之詔公卿百下各上封事及郡國守相舉有道之士各一人又故刺史二千石清高有遺惠為衆所歸



者皆詣公車。太中大夫劉矩爲太尉。六月，京師雨水。秋七月，破羌將軍段熲復破先零羌於涇陽。

涇陽縣名。

屬安定。故城在平涼縣南也。〔集解〕先謙曰：今平涼府平涼縣。

八月，司空王暢免。宗正劉寵爲司空。九月丁亥，

〔集解〕惠棟曰：考異云：按長曆是年九月乙巳朔，無丁亥。當從袁紀。

作辛亥。

中常侍曹節矯詔誅太傅陳蕃、大將軍竇武，及尙書令尹勳、侍中劉瑜、屯騎校尉馮述，皆夷其族。

皇太后遷于南宮。

太后與竇武密謀欲誅曹節。今武等既誅，故太后被遷。

司徒胡廣爲太傅，錄尙書事。司空劉寵爲司徒，大鴻臚許栩

爲司空。冬十月甲辰晦，日有食之。令天下繫囚罪未決，入繚贖，各有差。十一月，太尉劉矩免。太僕沛國

聞人襲爲太尉。

姓聞人，名襲，字定卿。風俗通曰：少正卯，魯之聞人，其後氏焉。

十二月，鮮卑及濊貊寇幽并二州。

二年春正月丁丑，大赦天下。三月乙巳，尊慎園董貴人爲孝仁皇后。

續漢志曰：置永樂宮儀。如桓帝尊醫貴人之禮。

夏四月癸巳，

大風雨雹。

〔集解〕惠棟曰：續漢志：拔郊道樹十圍以上百餘株。

詔公卿以下各上封事。五月，太尉聞人襲罷。司空許栩免。六月，司徒劉

寵爲太尉。太常許訓爲司徒。

訓字季師，平輿人。

太僕長沙劉翥爲司空。

翥字重寧。〔集解〕惠棟曰：風俗通：司隸劉翥以黨諸常侍致位公輔。

秋七月，破羌

將軍段熲大破先零羌於射虎塞外谷東羌悉平九月江夏蠻叛州郡討平之丹陽山越賊

〔集解〕通鑑胡注山越本

亦越人依阻山險不納王租故曰山越

圍太守陳夔夔擊破之冬十月丁亥中常侍侯覽諷有司奏前司空虞放太僕杜密

長樂少府李膺司隸校尉朱瑀

〔集解〕錢大昕曰按黨錮及竇武傳皆作朱寓此作瑀誤同時有長樂五官史朱瑀乃宦官黨於曹節者〔見竇武傳〕此別是一人

潁川太守巴肅

沛相荀翬河內太守魏朗山陽太守翟超皆為鈎黨下獄

鈎謂相牽引也事見劉淑李膺傳

死者百餘人妻子徙邊諸附

從者錮及五屬

五屬謂五服內親也

制詔州郡大舉鈎黨於是天下豪傑及儒學行義者一切結為黨人

續漢志曰建寧中京

都長者皆以葦方箭為裝具時有識者竊言葦箭郡國讞篋也後黨人禁錮會赦有疑者皆讞廷尉人名悉入方箭中

庚子晦日有食之

〔集解〕王會汾曰晦監本訛朔從宋本改按上文已序冬十二月事係此語於年終當作晦字

元年二年日食皆在十月晦晦而日食司天者失其御也錢大昕云五行志作戊戌此誤惠棟曰續志右扶風以聞

十一月太尉劉寵免太僕郭禧為太尉

字公房扶溝人也禧音僖〔集解〕惠棟曰

趙明誠曰郭氏世為陽翟人自躬以下皆葬陽翟其墓尚存今太尉郭禧碑缺處猶有陳留扶溝字疑禧嘗寓居是邑其卒也返葬故鄉注遂以為扶溝人恐誤洪适云案郭禧碑既云扶溝華門應劭漢官儀又云孝靈太尉扶溝郭禧郭曼碑云禧之子五原守洪奉極

歸葬舊鄉則史注初不誤也

鮮卑寇并州是歲長樂太僕曹節為車騎將軍百餘日罷

〔集解〕汪文臺曰御覽百九十八引袁山松書是年爵乳母趙克為平氏君

三年春正月。河內人婦食夫。河南人夫食婦。三月丙寅晦。日有食之。〔集解〕惠棟曰。續志梁相以聞。夏四月。太尉郭禧罷。

〔集解〕惠棟曰。案後碑。禧罷為太中大夫。卒於光和二年。太中大夫聞人襲為太尉。秋七月。司空劉囂罷。八月。大鴻臚喬玄為司空。〔集解〕惠棟曰。

東鼎銘云。九月。執金吾董寵下獄死。冬。濟南賊起。攻東平陵。東平陵。縣名。屬濟南國。故城在今濟州東。鬱林。烏潯民相率內屬。烏潯南方。

夷號也。廣州記曰。其俗食人。以鼻飲水。口中進噉如故。〔集解〕惠棟曰。異物志。烏潯者。南夷別名也。其種族為人所殺。則居其死所。且伺殺主。若有過之者。是與非之者。則仇而食之。

四年。〔集解〕汪文臺曰。御覽九百十六引謝承書云。是年河南上言。二鳳皇。二鸞鳥。集原縣。春正月甲子。帝加元服。大赦天下。賜公卿以下各有差。唯黨

人不赦。二月癸卯。地震。海水溢。河水清。三月辛酉朔。日有食之。太尉聞人襲免。〔集解〕惠棟曰。案蔡質漢官典職儀。載建寧四年七月立

宋皇后儀。稱太尉襲使持節奉璽綬。襲於三月罷。不應七月尙與立后之事。何焯云。蔡氏所載。是詔書不應有誤。當是本紀所書拜罷未審也。太僕李咸為太尉。字元卓。汝南西平人。〔集解〕惠棟曰。蔡邕李公碑。咸。孝和皇帝時為尙書。

歷僕射。今徵拜。將作大匠。大司農。大鴻臚。太僕。遷太尉。詔公卿至六百石。各上封事。大疫。使中謁者巡行致醫藥。司徒許訓免。司空橋

玄為司徒。〔集解〕惠棟曰。中鼎銘云。三月丁丑。夏四月。太常來豔為司空。豔字季德。南陽新野人。〔集解〕惠棟曰。華嶠書。豔好學。下士聞館。豔徒。少歷顯位。靈帝時。位至司空。五月。河東

地裂。

〔集解〕惠棟曰。續志十二處裂。合長十里百七十步。廣者三十餘步。深不見底。

雨雹。山水暴出。

〔集解〕惠棟曰。續志。漂壞廬舍五百餘家。

秋七月。司空來豔免。癸丑。立貴

人宋氏爲皇后。

執金吾宋鄴女。前年入掖庭。爲貴人。〔集解〕何焯曰。禮儀志載蔡質所記立后儀。下詔之日。非癸丑。乃乙未。太尉奉鬯。授者乃聞人襲。非李咸。疑范氏誤。

司徒橋玄免。太常宗俱爲

司空。

俱字伯儺。南陽安衆人。〔集解〕惠棟曰。姓苑載南陽安衆宗氏云。後漢五官中郎將伯。伯子司隸校尉河內太守均。均族兄遂。東太守京。京子司隸校尉意。意孫司空俱。司空俱碑云。祖父司隸校尉父長沙太守公。以察孝爲城門候。歷郎中。議郎。五官中

郎將。越騎校尉。汝南太守。少府令僕。太常。遂拜司空。

前司空許栩爲司徒。冬。鮮卑寇并州。

熹平元年春三月壬戌。太傅胡廣薨。夏五月己巳。大赦天下。改元熹平。長樂太僕侯覽有罪。自殺。六月。

京師雨水。癸巳。皇太后竇氏崩。秋七月甲寅。葬桓思皇后。宦官諷司隸校尉段熲。捕繫太學諸生千餘

人。

時有人書朱雀闕云。天下大亂。公卿皆尸祿。故捕之事見宦者傳。

冬十月。勃海王惺被誣謀反。丁亥。惺及妻子皆自殺。十一月。會稽人許

生自稱越王。寇郡縣。

東觀記曰。會稽許昭聚衆自稱大將軍。立父生爲越王。攻破郡縣。〔集解〕何焯曰。許生。吳志作許昌。許昭作許韶。惠棟曰。天文志。臧洪傳。皆作許生。晉諱昭。故作韶。當從本紀。

遣揚州刺史

臧旻。丹陽太守陳夤討破之。

〔集解〕惠棟曰。夤。天。文志作寅。通鑑同。

十二月。司徒許栩罷。大鴻臚袁隗爲司徒。鮮卑寇并州。

是歲，甘陵王恢薨。

〔集解〕錢大昕曰：清河王慶傳：梁太后立安平孝王子經侯理為甘陵王，是為威王。理立二十五年薨。子貞王定嗣。定立四年薨。子獻王忠嗣，別無名恢者。考理以桓帝建和二年封，至熹平元年，恰二十五年，則恢與理實

也。一人

二年春正月，大疫，使使者巡行致醫藥。丁丑，司空宗俱薨。二月壬午，大赦天下。呂光祿勳楊賜為司空。

三月，太尉李咸免。

〔集解〕惠棟曰：李公碑：公遷台司，位太尉，功遂身退，以疾自遜，求歸田里，告老致仕，七十有六，熹平四年薨。

夏五月，呂司隸校尉段熲為太尉，沛相

師遷坐誣罔國王，下獄死。

國王，陳愨王寵也。臣賢案：陳敬王傳云：國相師遷，又東觀記曰：陳行相師遷，奏沛相魏愔前為陳相，與陳王寵交通，明魏愔為沛相。此言師遷為沛相，蓋誤也。〔集解〕惠棟曰：陳敬王傳：中常侍干輔奏

前相魏愔，職在匡正，而所為不端，國相師遷誣告其王，皆誅死。注當云：沛相魏愔，坐前為王相時，無輔道之功，所為不端，陳相師遷坐誣罔國王，病下獄死。范史沿襲舊史，衍沛相而脫陳相也。

六月，北海地震，東萊、北海

海水溢。

續漢志曰：時出大魚二枚，各長八九丈，高二丈餘。

秋七月，司空楊賜免，太常潁川唐珍為司空。

〔集解〕惠棟曰：秦世系，珍四世祖尚書令林，王莽封建德侯，生蔚，國除，徙

居潁川，生武威長惠，惠生侍御史賈賈生，珍，續漢書：珍，中常侍，唐衡弟。

冬十二月，日南徼外國重譯貢獻，太尉段熲罷，鮮卑寇幽并二州，癸酉晦，

日有食之。

〔集解〕惠棟曰：續志：在虛二度，是時中常侍曹節、王甫等專權。

三年春正月。夫餘國遣使貢獻。二月己巳。大赦天下。大常陳耽為太尉。

耽字漢公。東海人也。

三月。中山王暢薨。無

子國除。

〔集解〕錢大昕曰。按中山王焉。傳穆王暢立三十四年薨。子節王稚嗣。無子國除。是暢本有子。而國亦未即除也。

夏六月。封河間王利子康為濟南王。奉孝仁皇祀。

秋。洛水溢。冬十月癸丑。令天下繫囚罪未決。入繡贖。十一月。揚州刺史臧旻。率丹陽太守陳夤。大破許

生於會稽。斬之。任城王博薨。十二月。鮮卑寇北地。北地太守夏育追擊破之。鮮卑又寇并州。司空唐珍

罷。永樂少府許訓為司空。

四年春三月。詔諸儒正五經文字。刻石立于太學門外。

〔集解〕惠棟曰。羊頭山記曰。學堂。洛陽南陽關門外。長十丈。廣三丈。堂前石經四部。本碑凡四十八枚。西尚書。周易。公

羊十六碑。南禮記五碑。東論語三碑。有諫議大夫馬日禪。議郎蔡邕名。水經注。光和六年。刻石鑲碑。載五經。立於太學講堂前東側。蔡邕自書。丹於碑。闕若璵云。案洪氏隸釋。蓋諸儒受詔在熹平。而碑成則光和年也。余故以杜甫詩。苦縣光和尙骨立。光和指石經言。

封河間王建孫佗為任城王。

建。桓帝弟也。〔集解〕錢大昕曰。光武十王傳。佗為建子。非建孫。

夏四月。郡國七大水。五月丁卯。大赦天下。延陵

國災。

成帝陵也。在今成陽縣西。

遣使者持節告祠延陵。鮮卑寇幽州。六月。弘農二輔螟。遣守宮令之鹽。監穿渠。為民興



利。前漢地理志及續漢郡國志並無鹽。今蒲州安邑縣西南有鹽城監也。〔集解〕劉敞曰注鹽城當作鹽池耳。及無鹽字下。當有一監字。說文監字訓爲鹽池。然則注家案地志求監所在。則無之。二漢志不謂池爲監也。而據今所見則有池云。 令郡

國遇災者減田租之半。其傷害什四以上勿收責。冬十月丁巳令天下繫囚罪未決入繚贖拜沖帝母

虞美人爲憲園貴人。順帝虞美人也。憲園在洛陽東北。 質帝母陳夫人爲渤海孝王妃。渤海孝王鴻之夫人也。 改平準爲中準。漢官儀曰平準令一人秩

六百石也。 使宦者爲令列於內署。自是諸署悉巨闈人爲丞令。

五年夏四月癸亥大赦天下益州郡夷叛太守李暕討平之復崇高山名爲嵩高山。前書武帝祠中嶽改嵩高爲崇高東觀記曰使

中郎將堂谿典請雨因上言改之名爲嵩高山〔集解〕惠棟曰堂谿典嵩高山闕銘曰中郎將堂谿典伯并熹平四年來請雨嵩高廟趙明誠曰漢史云五年誤也。 大雩使侍御史行詔獄亭部理冤枉原

輕繫休囚徒五月太尉陳耽罷司空許訓爲太尉閏月永昌太守曹鸞坐誣黨人棄市。訟謂申理之也其言切直帝怒檻車送槐

里獄掠殺之也。 詔黨人門生故吏父兄子弟在位者皆免官禁錮六月壬戌太常南陽劉逸。逸字大迥安衆人。 爲司空秋

七月太尉許訓罷光祿勳劉寬爲太尉冬十月壬午御殿後槐樹自拔倒豎司徒袁隗罷十一月丙戌

光祿大夫楊賜爲司徒。十二月，甘陵王定薨，試太學生年六十以上百餘人，除郎中。太子舍人至王家

郎，郡國文學吏。

漢官儀曰：太子舍人，王家郎中，並秩二百石，無員。

是歲，鮮卑寇幽州，沛國言黃龍見譙。

〔集解〕惠棟曰：光祿大夫橋玄問太史令畢颺曰：此何祥也？颺曰：其國後

當有王者興，不及五十年，當復見天事恆象，此其徵也。

六年春正月辛巳，大赦天下。二月，南宮平城門及五庫東垣屋自壞。

平城門，洛陽城南門也。蔡邕曰：平城門，正陽之門，與宮連，郊祀法駕所從出，門之最尊者。

〔集解〕惠棟曰：案謝承書及續漢志，皆云光和元年事，疑紀誤也。

夏四月大旱，七州蝗，鮮卑寇三邊。

謂東西與北邊。

市賈民爲

宣陵孝子者數十人，皆除太子舍人。秋七月，司空劉逸免，衛尉陳球爲司空。

〔集解〕錢大昕曰：球傳其時爲廷尉，非衛尉。惠棟曰：球後碑乃遷衛

尉，遂作司空。球傳不載其由，衛尉遷司空也。

八月，遣破鮮卑中郎將田晏出雲中，使匈奴中郎將臧旻與南單于出鴈門，護烏桓

校尉夏育出高柳，並伐鮮卑，晏等大敗。冬十月癸丑朔，日有食之。

〔集解〕惠棟曰：續志趙相以聞。

太尉劉寬免，帝臨辟雍。

辛丑，京師地震。辛亥，令天下繫囚罪未決，入練贖。十一月，司空陳球免。

〔集解〕惠棟曰：本傳以地震免。

十二月甲寅，太常

河南孟鹹爲太尉。鹹字叔達音乙六反。〔集解〕錢大昕曰：按成陽堯廟碑，濟陰太守河南醫師（卽僂師）孟府君諱郁字敬達，

帝尚書經歷典六郡威教若神卽其人也。鹹與郁同碑立於永康元年。至嘉平六年相距十年矣。注云字叔達

而碑云敬達叔敬二文相似，碑已亡失，莫能決其然否。何焯曰：蜀志孟光傳注引續漢書云：郁中常侍孟賈之弟，惠棟曰：案郁當作鹹，郁字敬達，河南僂師人，桓帝永嘉初爲濟陰太守，見隸釋。蜀志誤以郁爲鹹也。

太常陳耽爲司空，鮮卑寇遼西，永安太僕王晏下獄死。永安宮之太僕也。

光和元年春正月，合浦交阯烏潞蠻叛，招引九真日南民攻沒郡縣，太尉孟鹹罷。二月辛亥朔，日有食

之，癸丑，光祿勳陳國袁滂爲司徒。滂字公喜。〔集解〕惠棟曰：滂爲梁相良之孫，良字厚卿，扶樂人，少子璋，謁者。生滂，袁宏紀曰：滂字公熙，閔之孫也，純素寡欲，終不言人之短，當權寵之盛，或以同異致禍，滂獨

中立於朝，故愛憎不及焉。己未地震，始置鴻都門學生。鴻都門名也，於內置學，時其中諸生皆敕州郡三公舉，或出爲刺史，太守入爲尙書侍中，乃有封侯賜爵者，士君子皆恥與爲列焉。

孔子及七十二弟子像十字，文選任昉讓吏部封侯表注引華書：其諸生皆敕州郡三公舉用羣召，或出爲刺史，太守入爲尙書侍中，乃有封侯賜爵者，士君子皆恥與爲列焉。三月辛丑，大赦天下，改元光和。太

常常山張顥爲太尉。顥字智明，搜神記曰：顥爲梁相，新雨後有鷓飛翔近地，令人擣之，墮地化爲圓石，顥命椎破得一金印，文曰忠孝侯印。〔集解〕何焯曰：續漢書張顥中常侍張奉弟。夏四月丙辰地

震，侍中寺雌雞化爲雄，司空陳耽免，太常來豔爲司空。五月壬午，有白衣人入德陽殿門，亡去不獲。

東觀

記曰白衣人言梁伯夏教我上殿與中黃門桓賢語因忽不見

六月丁丑有黑氣墮所御溫德殿庭中

東觀記曰墮所御溫明殿庭中如車蓋隆起奮迅五色有頭體長十餘丈形貌似龍

秋七

月壬子青虹見御坐玉堂後殿庭中

洛陽宮殿名南宮有口玉堂前後殿據揚賜傳云隨嘉德殿前〔集解〕汪文臺曰初學記二引薛瑩書云虹畫見御所居崇德後殿前庭中色青赤

八月有

星孛于天市九月太尉張顥罷太常陳球為太尉司空來豔薨

〔集解〕惠棟曰袁宏紀豔以久病罷不云薨也

冬十月屯騎校尉

袁逢為司空皇后宋氏廢后父執金吾鄴下獄死丙子晦日有食之

〔集解〕惠棟曰續志在冀四度冀為後宮口舌是月上聽譏廢宋后

十一月

太尉陳球免

〔集解〕惠棟曰本傳以日食免

十二月丁巳光祿大夫橋玄為太尉是歲鮮卑寇酒泉京師馬生人

京房易傳曰諸侯相

伐厥妖馬生人〔集解〕惠棟曰續志司徒長史馮巡馬所生也

初開西邸賣官自關內侯虎賁羽林入錢各有差

山陽公載記曰時賣官二千石二千萬四百石四百萬其以德次應

選者半之或三分之一於西園立庫以貯之

私令左右賣公卿公千萬卿五百萬

〔集解〕惠棟曰桓範世論云靈帝置西園之邸賣爵號曰禮錢錢積如屋封塗漆書傅子曰靈帝時勝門賣官於是太尉

段熲司徒崔烈太尉樊陵司徒張溫之徒皆入錢上千萬下五百萬以買三公類數征伐有大功烈有北州重名溫有傑才陵能偶時皆一時顯士猶以貨取位而況於劉翬唐珍張顥之黨乎

二年春大疫使常侍中謁者巡行致醫藥三月司徒袁滂免

〔集解〕惠棟曰袁宏紀云二月丁巳免

大鴻臚劉郃為司徒

郃字季承

〔集解〕惠棟曰：袁宏紀作劉劭，案郃漁陽泉州人，先爲濟陰太守，見帝堯碑。續漢志曰：御史劉倫建議立靈帝，以倫爲侍中，侯覽爲其親近，逼殺之。朝廷少長思其功效，乃拔用其弟郃，致位司徒也。

夫段熲爲太尉，京兆地震，司空袁逢罷，太常張濟爲司空。濟字元江，細陽人。〔集解〕惠棟曰：濟，張酺曾孫，見酺傳。夏四月甲戌朔，日有

食之。辛巳，中常侍王甫及太尉段熲並下獄死。丁酉，大赦天下。諸黨人禁錮，小功以下皆除之。時上祿長和海上言。

黨人錮及五族，有乖典訓，帝從之。〔集解〕先謙曰：東平王瑞薨。〔集解〕先謙曰：官本瑞作端。五月，衛尉劉寬爲太尉。秋七月，使匈奴中郎

將張修有罪，下獄死。時張修擅斬單于呼微，更立羌渠爲單于，故坐死。冬十月甲申，司徒劉郃、永樂少府陳球、衛尉陽球、步兵校尉

劉納、謀誅宦者，事泄，皆下獄死。巴郡板楯蠻叛，遣御史中丞蕭瑗督益州刺史討之，不剋。十二月，光祿

勳楊賜爲司徒。鮮卑寇幽并二州，是歲，河間王利薨，洛陽女子生兒，兩頭四臂。京房易傳曰：二首下不一也。厥妖人生兩頭。〔集解〕惠棟

曰：續漢志曰：雒陽上西門女子生兒，兩頭，異肩共胸，俱前向，以爲不祥，墮地棄之。自此之後，朝廷騷亂，政在私門，上下無別二頭之象。

三年春正月癸酉，大赦天下。二月，公府駐駕廡自壞。公府，三公府也。駐駕，停車處也。廡，廊屋也。音無禹反。續漢志云：南北四十餘間。三月，梁王元薨。

夏四月江夏蠻叛六月詔公卿舉能通尚書

〔集解〕顧炎武曰尚書上脫古文二字

毛詩左氏穀梁春秋各一人悉除議郎

秋表是地震涌水出

表是縣屬酒泉郡故城在今甘肅張掖縣西北〔集解〕惠棟曰續志自三年秋至明年春酒泉表氏地八十餘動涌水出城中官寺民舍皆頓縣易處更築城郭氏與是古字通先謙曰在今肅州高臺縣西

月令繫囚罪未決入繯贖各有差冬閏月有星孛于狼弧

二星名也

鮮卑寇幽并二州十二月己巳立貴人

何氏爲皇后

南陽宛人也車騎將軍何真女也〔集解〕惠棟曰袁宏紀在十一月

是歲作畢圭靈昆苑

畢圭苑有二東畢圭苑周一千五百步中有魚梁臺西畢圭苑周三千三百步並在洛陽宣平門外

也

四年春正月初置駮驥廐丞領受郡國調馬

駮驥善馬也調謂徵發也〔集解〕何焯曰調馬爲調良之馬猶言過馬也注謂徵發似誤

豪右辜權馬一匹至

二百萬

前書音義曰辜障也權專也謂障餘人賣買而自取其利

二月郡國上芝英草夏四月庚子大赦天下交趾刺史朱儁討交趾合

浦烏濟蠻破之六月庚辰雨雹

續漢書曰雹大如雞子

秋七月河南言鳳皇見新城

〔集解〕惠棟曰續志此羽孽也沈約云五色大鳥見新城民皆謂之鳳皇先謙

曰新城在今河南府洛陽縣南

羣鳥隨之賜新城令及三老力田帛各有差九月庚寅朔日有食之太尉劉寬免衛尉許



饒爲太尉。〔集解〕惠棟曰：應劭漢官儀載三公云：孝靈時，有吳郡陽羨許饒季軼，許劭撰太尉碑，言饒自司農遷衛尉也。袁宏紀作許郁，案饒諫議大夫，荆之孫也。荆在循吏傳。 閏月辛酉，北宮東掖庭永

巷署災。永巷，宮中署名也。漢官儀曰：令一人宦者爲之，秩六百石，掌宮婢侍使。〔集解〕劉攽曰：注侍使，案使當作史，卽給尚書郎侍史之類。 司徒楊賜罷。冬十月，太常陳耽爲司徒。〔集解〕

惠棟曰：袁宏紀三年閏月，楊賜久病罷。十月，陳耽爲司徒。考異以爲誤置，聞於去年。案長歷，此年閏十月，以紀考之，閏九月是。 鮮卑寇幽并二州。是歲，帝作列肆於後宮，使諸采女

販賣，更相盜竊，爭鬪。帝著商估服，飲宴爲樂。又於西園弄狗，著進賢冠，帶綬。三禮圖曰：進賢冠，文官服之前高七寸，後高三寸，長八寸。續漢志曰：

靈帝寵用便嬖子弟，轉相汲引，賣關內侯，直五百萬，令長強者，貪如豺狼，弱者，略不類物，實狗而冠也。昌邑王見狗冠，方山冠，龔遂曰：王之左右，皆狗而冠。〔集解〕汪文臺曰：續五行志注：弄狗下有以配人三字。 又駕四驢，帝躬自操

轡，驅馳周旋。京師轉相放效。續漢志曰：驢者乃服重致遠，上下山谷，野人之所用耳。何有帝王君子而驂駕之乎？天意若曰：國且大亂，賢愚倒植，凡執政者，皆如驢也。〔集解〕汪文臺曰：書鈔百四十五引續漢書云：帝好

胡服，胡飯，京師貴戚，皆競爲之。

五年春正月辛未，大赦天下。二月，大疫。三月，司徒陳耽免。夏四月，旱。太常袁隗爲司徒。五月庚申，永樂

宮署災。續漢志曰：德陽前殿西北入門內永樂太后宮署災。 秋七月，有星孛于太微。巴郡板楯蠻詣太守曹謙降。癸酉，令繫囚罪未決。

入縑贖。八月起四百尺觀於阿亭道。冬十月太尉許儼罷。

〔集解〕惠棟曰：袁宏紀，儼坐辟召謬錯免。

太常楊賜為太尉，校獵上

林苑，歷函谷關，巡狩于廣成苑。十二月還幸太學。

〔集解〕惠棟曰：典略云：帝幸太學，自就碑作賦。

六年春正月，日南徼外國重譯貢獻。二月復長陵縣，比豐沛。三月辛未，大赦天下。夏大旱，秋金城河水

溢，五原山岸崩，始置圍囿署。巨宦者為令，冬東海、東萊、琅邪井中冰厚尺餘。大有年。

〔集解〕惠棟曰：考異云：今年夏大旱，縱使秋成。

亦不得為大有年。史雖書之，非實也。汪文臺曰：書鈔百五十九引續漢書，所載與范書同。

中平元年春二月，鉅鹿人張角自稱黃天，其部師有二十六萬。

〔集解〕官本考證曰：師當作帥，萬當作方。何焯曰：三十六方，見皇甫嵩傳，不知何自訛寫為萬。復緣

注引續漢書語相沿不察也。惠棟曰：萬，袁宏紀作坊，今作萬，疑万字之誤。案何晏景福殿賦云：屯坊列署，三十有二，星居宿陳。綺錯鱗比。辛壬癸甲為之名秩。李善云：聲類曰：方，別屋也。方與坊古字通。蓋張角列部署為三十六坊，各有甲乙以別之也。

皆著

黃巾同日反叛。

續漢書曰：三十六萬餘人。

安平、甘陵人各執其王，巨應之。

安平王續，甘陵王忠。

三月戊申，巨河南尹何進為大將

軍，將兵屯都亭，置八關都尉官。

都亭在洛陽八關，謂函谷、廣成、伊闕、大谷、轅轅、旋門、小平津、孟津也。〔集解〕先謙曰：在今河南府宜陽縣東北。漢函谷關新關之南塞也。水經注：惠水流逕關城北二十里，其城西走塞。

垣、東抗惠水。八 關都尉官治此。 壬子，大赦天下黨人，還諸徙者。時中常侍呂彊言於帝曰：「黨錮久積，若與黃巾合謀，悔之無救。」帝懼，皆赦之。 唯張角不赦。詔公卿出馬弩。

舉列將子孫及吏民有明戰陣之略者，詣公車。遣北中郎將盧植討張角，左中郎將皇甫嵩，右中郎將

朱儁，討潁川黃巾。庚子，南陽黃巾張曼成攻殺郡守褚貢。夏四月，太尉楊賜免，太僕弘農鄧盛為太尉。

盛字伯能。 司空張濟罷，大司農張溫為司空。朱儁為黃巾波才所敗。〔集解〕通鑑胡注：案姓譜云：波，姓也。其先事王莽為波水將軍子孫以為氏。 侍中向

栩、張鈞，坐言宦者，下獄死。時鈞上書曰：「今斬常侍，懸其首於南郊，以謝天下。」即兵自消也。帝以章示常侍，故下獄也。〔集解〕惠棟曰：袁宏紀作均。 汝南黃巾敗太守趙謙於邵

陵。邵陵，縣名，屬汝南郡。故城在今豫州鄆城縣東。〔集解〕先謙曰：在今許州鄆城縣東三十五里。 廣陽黃巾殺幽州刺史郭勳及太守劉衛。五月，皇甫嵩、朱儁

復與波才等戰於長社，大破之。長社，今許州縣也。故城在長葛縣西。〔集解〕先謙曰：在今許州長葛縣北。 六月，南陽太守秦頡〔集解〕惠棟曰：水經注：頡，郡人也。以江夏都尉出為

南陽太守，習鑿齒襄陽〔集解〕先謙曰：頡字初起。 擊張曼成，斬之。交阯屯兵執刺史及合浦太守來達，自稱柱天將軍，遣交阯刺史賈

琮討平之。皇甫嵩、朱儁大破汝南黃巾於西華。西華縣屬汝南郡。在今陳州項城縣西。〔集解〕先謙曰：在今陳州府西華縣南。 詔嵩討東郡，朱儁討南

陽盧植破黃巾圍張角於廣宗宦官誣植抵罪

植連破張角垂當拔之小黃門左豐言於帝曰盧中郎固蠱息軍以待天誅帝怒遂檻車徵植減死一等〔集解〕先謙曰廣宗在今廣平府威

縣遣中郎將董卓攻張角不剋洛陽女子生兒兩頭共身

續漢志曰上西門外女子生兒兩頭異肩共胸以為不祥墮地棄之其後政在私門上下無別二頭之象〔集解〕惠

棟曰續志六月壬申雒陽男子劉倉居上西門外妻生男兩頭共身注所引續漢志乃光和二年事為失考也

秋七月巴郡妖巫張修反寇郡縣

劉文紀曰時巴郡巫人張修療病愈者履以米五斗號為五斗

米師〔集解〕惠棟曰考異云裴松之以為張修應是張衡案張魯傳祖父陵父衡皆為五斗米道衡死魯復行之劉焉司馬張修與魯同擊漢中魯襲殺修非其父也

河南尹徐灌下獄死八月皇甫嵩與

黃巾戰於倉亭獲其帥

其帥卜己也倉亭在東郡

乙巳詔皇甫嵩北討張角九月安平王續有罪誅國除冬十月皇甫

嵩與黃巾賊戰于廣宗獲張角弟梁角先死迺戮其屍

發棺斷頭傳送馬市

呂皇甫嵩為左車騎將軍十一月皇

甫嵩又破黃巾于下曲陽

〔集解〕先謙曰注見光武紀

斬張角弟寶滎中義從胡北宮伯玉與先零羌叛呂金城人邊

章韓遂為軍帥攻殺護羌校尉儜金城太守陳懿

儜姓也周有大夫儜州鳩

癸巳朱儁拔宛城斬黃巾別帥孫夏詔

減太官珍羞御食一肉廐馬非郊祭之用悉出給軍十二月己巳大赦天下改元中平是歲下邳王意

薨無子國除。〔集解〕錢大昕曰下邳王衍傳中平元年薨子哀王宜嗣數月薨無子建安十一年國除是意亦有子。郡國生異草備龍蛇鳥獸之形。風俗通曰亦作人狀操持兵弩一一備具。

續漢志曰龍蛇鳥獸其狀毛羽頭目足翅皆具是歲黃巾賊起漢遂微弱。

二年春正月大疫琅邪王據薨二月己酉南宮大災火半月迺滅。續漢志曰時燒靈臺殿樂成殿延及北闕度道西燒嘉德和驪殿。己亥廣陽

門外屋自壞。洛陽城西面南頭門也〔集解〕錢大昕曰五行志作癸亥。子以四分術推得是年二月庚子朔不得有己亥日紀誤。稅天下田畝十錢。以修宮室。黑山賊張牛角等十

餘輩並起所在寇鈔司徒袁隗免三月廷尉崔烈為司徒北宮伯玉等寇三輔遣左車騎將軍皇甫嵩

討之不剋夏四月庚戌大風雨雹五月太尉鄧盛罷太僕河南張延為太尉。延字公威歆之子〔集解〕惠棟曰延河內人誤作河南。秋

七月三輔螟左車騎將軍皇甫嵩免八月己酉司空張溫為車騎將軍討北宮伯玉九月特進楊賜為司

空冬十月庚寅司空楊賜薨。〔集解〕錢大昕曰以四分術推是月丙申朔無庚寅庚寅乃九月二十四日也月日必有一誤。光祿大夫許相為司空。相字公弼平輿人許訓之

子〔集解〕惠棟曰延熹六年衛尉潁川許栩為司徒汝南先賢傳曰許劭宗人許栩沈沒榮利致位司徒舉宗莫不匍匐門承風而驅官以賄成惟劭不過其門棟案劭本傳云劭從祖敬敬子訓訓子相並為三公相以能諂事宦官故自致台司數遣詣劭劭終不候

之相平輿人與劭同里必許相之誤也

前司徒陳耽諫議大夫劉陶坐直言下獄死十一月張溫破北宮伯玉於美陽

〔集解〕先謙曰

在今乾州武功縣西

因遣盪寇將軍周慎追擊之圍榆中

縣名故城在今蘭州金城縣東也〔集解〕先謙曰在今蘭州府金縣西北

又遣中郎將董卓討先零

羌慎卓並不克鮮卑寇幽并二州是歲造萬金堂於西園

〔集解〕汪文臺曰御覽九十二引續漢書云造萬金堂以為私藏引取司農金錢繒帛積之於中

洛陽

民生兒兩頭四臂

三年春二月江夏兵趙慈反殺南陽太守秦頡庚戌大赦天下太尉張延罷車騎將軍張溫為太尉中

常侍趙忠為車騎將軍復修玉堂殿鑄銅人四黃鍾四

其音中黃鍾也子為黃鍾

及天祿蝦蟆又鑄四出文錢

天祿獸也時使掖廷

令舉風鑄銅人列於蒼龍玄武闕外鍾懸於玉堂及雲臺殿前天祿蝦蟆吐水於平門外事具宦者傳案今鄂州南陽縣北有宗資碑

旁有兩石獸鑄其膊一曰天祿一曰辟邪據此即天祿辟邪並獸名也漢有天祿開亦因獸以立名〔集解〕惠棟曰前書西域傳孟康注桃拔一名符拔似鹿長尾一角者或為天祿兩角者或為辟邪獻帝春秋曰靈帝作錢猶五銖面有四道連於邊輪識者以為妖竊

言錢有四道京師將破壞此錢四出散於四方乎還如其言汪文臺曰御覽九百四十九華嶠書云又作翻車渴鳥施於橋西灑南北

郊路以省百姓灑道之費

五月壬辰晦日有食之六月荊州刺史王敏討趙慈斬之車騎將軍趙忠罷秋八月懷陵上



有雀萬數，悲鳴，因鬪相殺。懷陵，沖帝陵也。續漢志曰：天戒若曰：諸懷爵祿而尊厚者，還相自害也。冬十月，武陵蠻叛，寇郡界。郡兵討破之。前太尉

張延爲宦人所譖，下獄死。十二月，鮮卑寇幽并二州。

四年〔集解〕汪文臺曰：御覽八百七十七引袁山松書是年。雲氣如足相次，重疊彌天。春正月己卯，大赦天下。二月，滎陽賊殺中牟令。中牟，今鄭州縣。劉苪紀曰：令落皓及主簿

潘業臨陣不顧，皆被害。〔集解〕先謙曰：中牟在今開封府中牟縣東。姓苑洛氏本作落。己亥，南宮內殿罽罽自壞。前書音義曰：罽罽，連闕曲閣也。音浮思。三月，河南尹何苗討滎

陽賊，破之。拜苗爲車騎將軍。夏四月，涼州刺史耿鄙討金城賊韓遂，鄙兵大敗。遂寇漢陽。漢陽太守傅

變戰沒。扶風人馬騰、漢陽人王國並叛，寇三輔。太尉張溫免。司徒崔烈爲太尉。五月，司空許相爲司徒。

光祿勳沛國丁宮爲司空。宮字元雄。〔集解〕惠棟曰：宮先爲蒼梧太守。見吳志士燮傳。六月，洛陽民生男，兩頭共身。劉艾紀曰：上西門外劉蒼妻生也。〔集解〕惠棟曰：此

中平元年六月壬申事。注誤引也。漁陽人張純與同郡張舉舉兵叛。〔集解〕劉放曰：按他處叛賊未嘗言舉兵者，當由其人名舉故行。攻殺右北平太守劉政。遼

東太守楊終。〔集解〕惠棟曰：水經注作楊紘。護烏桓校尉公綦稠等。〔集解〕錢大昕曰：劉虞傳作箕稠。舉兵自稱天子。寇幽冀二州。〔集解〕劉放曰：按張舉自

稱天子。誤。秋九月丁酉，令天下繫囚罪未決，入織贖。冬十月，零陵人觀鵠。觀姓，鵠名。〔集解〕惠棟曰：吳志長沙賊區星自稱將軍，與此異也。自

稱平天將軍，寇桂陽。長沙太守孫堅擊斬之。十一月，太尉崔烈罷，大司農曹嵩為太尉。〔集解〕惠棟曰：華嵩書嵩時賂中官

及輸西園錢一億，萬故位至太尉。十二月，休屠各胡叛，是歲賣關內侯，假金印紫綬，傳世，入錢五百萬。〔集解〕何焯曰：光和元年已賣關內侯，此則并傳世也。

五年春正月，休屠各胡寇西河，殺郡守邢紀。丁酉，大赦天下。二月，有星孛于紫宮，黃巾餘賊郭太等

〔集解〕惠棟曰：太本作泰，范氏以家諱改也。起於西河白波谷。〔集解〕惠棟曰：薛瑩漢書亦言郭太起於西河白波谷，時謂之白波鎮，西河在洛陽北，千二百里，通鑑據宋白續通典以為在河南河清縣者非，先謙曰：孝獻紀首李注

引薛書作白波，谷稱白波賊。寇太原，河東。三月，休屠各胡攻殺并州刺史張懿，遂與南匈奴左部胡合，殺其單于。夏四

月，汝南葛陂黃巾攻沒郡縣。葛陂在今豫州新蔡縣西北。〔集解〕先謙曰：据章懷注，陂在今汝甯府新蔡縣北，項城縣南。明統志云：在汝陽縣西南。一統志駁之。太尉曹嵩罷。五月，永

樂少府樊陵為太尉。陵字德雲，胡陽人也。六月丙寅，大風。太尉樊陵罷，益州黃巾馬相攻殺刺史郗儉，自稱天子。

〔集解〕惠棟曰。華陽國志。涼州黃巾逆賊馬相。趙祇等。聚眾綿竹。殺縣令李升。募疲役之民。一二日中。得數千人。遣王饒。趙播等。進攻雒城。殺刺史儉。并下蜀郡。犍爲。旬月之間。破壞三部。相自稱天子。衆以萬數。案蜀志。儉。河南鄆師人。祗正之祖父也。又寇

巴郡。殺郡守趙部。益州從事賈龍擊相。斬之。〔集解〕惠棟曰。華陽國志。部州從事賈龍。素領家。郡國七大水。〔集解〕惠棟曰。兵在犍爲之青衣。率吏民攻相。破滅之。州界清淨。

案袁山松書。山陽。梁。沛。彭城。下邳。東海。琅邪。七縣也。秋七月。射聲校尉馬日磾爲太尉。八月初。置西園八校尉。樂資山陽公載記曰。小黃門蹇碩爲上軍校尉。虎賁中郎將袁

紹爲中軍校尉。屯騎校尉鮑鴻爲下軍校尉。議郎曹操爲典軍校尉。趙融爲助軍左校尉。馮方爲助軍右校尉。諫議大夫夏牟爲左校尉。淳于瓊爲右校尉。凡八校尉。皆統於蹇碩。司徒許相罷。司空丁宮爲司徒。光

祿勳南陽劉弘爲司空。〔集解〕惠棟曰。字子高。安衆人。衛尉董重爲驃騎將軍。九月。南單于叛。與白波賊寇河東。〔集解〕惠棟曰。考異云。匈奴傳

六年帝崩之後。於扶羅。遣中郎將孟益。〔集解〕惠棟曰。水經注作孟溢。率騎都尉公孫瓚討漁陽賊張純等。冬十月壬午。御殿

後槐樹自拔倒豎。〔集解〕劉放曰。熹平五年。書十月壬午。御殿後槐樹自拔倒豎。中平五年。青徐黃巾復起。寇郡縣。甲

子。帝自稱無上將軍。燿兵於平樂觀。平樂觀在洛陽城內。〔集解〕劉放曰。中平五年十月。又書甲子。帝稱無上將軍云云。壬午到甲子。凡四十五日。非一月所能兼也。則中平所記爲衍矣。又案續漢志。中平

五年亦無此異。惠棟曰。薛綜東京賦注曰。平樂觀名也。爲土場於上。以作樂。使遠觀之。謂之平樂觀。在城西也。汪文臺曰。水經穀水注引華嶠書云。帝於平樂觀下起大壇。上建十二重五采華蓋。高十丈。壇東北爲小壇。復建九重華蓋。高九丈。列奇兵騎士數萬人。天子

住大蓋禮畢天子躬擐甲稱無上將軍行陣三匝而還設祕戲以示遠人先謙曰續漢書十二重作十重見書鈔及御覽七百二以下文九重高九丈例之華書蓋衍二字

十一月涼州賊王國圍陳倉右將

軍皇甫嵩救之遣下軍校尉鮑鴻討葛陂黃巾巴郡板楯蠻叛遣上將軍別部司馬趙瑾討平之公孫

瓚與張純戰於石門大破之

時烏桓反叛與賊張純等攻薊中故瓚追擊之石門山名在今營州西南〔集解〕惠棟曰水經注溫水又東南逕石門峽山□高嶽絕壁立洞□開俗謂之石門口

是歲改刺

史新置牧

六年春二月左將軍皇甫嵩大破王國於陳倉三月幽州牧劉虞購斬漁陽賊張純下軍校尉鮑鴻下

獄死夏四月丙午朔日有食之

〔集解〕惠棟曰續志其月浹辰宮車晏駕

太尉馬日磾免幽州牧劉虞為太尉

〔集解〕惠棟曰袁宏紀三月乙丑光祿劉

虞為大司馬  
幽州牧

丙辰帝崩于南宮嘉德殿年三十四戊午皇子辯即皇帝位年十七

〔集解〕惠棟曰考異云張璠漢紀年十四

尊皇

后曰皇太后太后臨朝大赦天下改元為光熹封皇帝協為渤海王後將軍袁隗為太傅與大將軍何

進參錄尚書事上軍校尉蹇碩下獄

時蹇碩謀欲立渤海王協發覺〔集解〕劉放曰正文蹇碩下獄案碩以此時誅明少一死字

五月辛巳驃騎將軍董重下

獄死。

董重、皇后之弟子也。〔集解〕陳景雲曰：皇后上脫孝仁二字。據皇后紀當云：兄子注弟子亦誤。

六月辛亥，孝仁皇后董氏崩。辛酉，葬孝靈皇帝于文陵。

在洛陽西

北三十里，陵高二丈，周回三百步。

雨水。秋七月，甘陵王忠薨。庚寅，孝仁皇后歸葬河間愼陵。徙渤海王協爲陳留王。司徒

丁宮罷。八月戊辰，中常侍張讓、段珪等殺大將軍何進。於是虎賁中郎將袁術燒東西宮，攻宦者。庚午，

張讓、段珪等劫少帝及陳留王，幸北宮德陽殿。何進部曲將吳匡與車騎將軍何苗戰於朱雀闕下，苗

敗，斬之。辛未，司隸校尉袁紹勒兵收僞司隸校尉樊陵、河南尹許相及諸閹人，無少長皆斬之。讓、珪等

復劫少帝、陳留王。

〔集解〕黃山曰：少爲未成乎帝之名，說詳安紀。或援春秋晉獻公卒，奚齊立，未踰年見弑，不稱君，疑此亦不當稱帝，尤誤。無論天子卽位不待踰年，况帝辯安帝嫡長，卽位已再改元，未聞失德。賊臣董卓廢而弑之，卓

誅，原當復號立證，遭時紛亂，大禮未行，豈奚齊庶孽可比乎。

走小平津。

小平津，在今鞏縣西北。續漢志曰：時京師童謠曰：侯非侯，王非王，千乘萬騎上北邙。案獻帝未有爵號，爲段珪等所執，公卿百官皆隨其後到河上，乃得還。〔集解〕惠棟曰：御

覽引郡國志曰：陝州平陸縣小平津。張讓劫獻帝處，南岸有句陳壘。

尙書盧植追讓等，斬數人，其餘投河而死。

獻帝春秋曰：河南中部掾閔貢見天子出，率騎追之，北到河上，天子飢渴，貢宰羊進

之，厲聲責讓等曰：君以闔宦之隸，刀鋸之賤，越從污泥，扶持日月，賣弄國恩，階賤爲貴，劫迫帝王，蕩覆王室，假息漏刻，遊魂河津，自亡新以來，姦臣賊子，未有如君者，今不速死，吾射殺汝。讓等惶怖，叉手再拜叩頭，向天子辭曰：臣等死陛下自愛，遂投河而死。〔集解〕通

鑑胡注漢官儀諸郡置五部督郵以監屬縣河南尹置四部督郵中  
部爲掾御覽引獻帝春秋曰比曉到河上注脫曉字復誤比爲北也  
帝與陳留王協夜步逐螢光行數里〔集解〕先謙曰

亦可通詳余詩三篇  
得民家露車共乘之〔集解〕通鑑胡注露車者上無巾蓋辛未還宮〔集解〕陳景雲曰上文大赦  
義集疏關風東山篇四旁無帷蓋民家以載物者耳已書辛未不應複書

天下改光熹爲昭寧并州牧董卓殺執金吾丁原司空劉弘免董卓自爲司空〔集解〕汪文臺曰御覽百九

陽苑使者就拜司空九月甲戌董卓廢帝爲弘農王〔集解〕先謙曰王自六月雨至于是月〔集解〕汪文臺曰御覽百九

論曰秦本紀說趙高誦二世指鹿爲馬史記曰趙高欲爲亂恐羣臣不聽迺先設驗持鹿獻胡亥曰馬也亥曰丞相誤而

趙忠張讓亦給靈帝不得登高臨觀時宦官並起第宅擬則宮室帝常登永安侯臺宦官恐望見之乃使趙忠故知亡

敵者同其致矣然則靈帝之爲靈也優哉〔集解〕惠棟曰左傳君子是以知齊靈公之爲靈也汪文臺曰御覽九十二引

臣執政孝靈以支庶而登至尊由藩侯而紹皇統不恤宗緒不祇天命上虧三光之明下傷億兆之望於時爵服橫流官以賄成自公  
侯卿士降於阜隸運官襲級無不以貨刑戮無辜摧仆忠賢佞諛在側直言不聞是以賢智退而窮處忠良擯於下位遂至姦邪蟻起  
法防墮壞夷狄並侵盜賊糜沸小者吞城邑大者連州郡編戶擾動人人思亂〔書鈔〕引作天下思亂當斯之時  
已無天子矣會靈帝卽世則禍尋其後宮室焚滅郊社無主危自上起羣及華夏使京室爲墟海內蕭條豈不痛哉



贊曰。靈帝負乘。委體宦孽。

易曰。負且乘。致寇至。言帝以小人而乘君子之器。

徵亡備兆。小雅盡缺。

詩小雅曰。小雅廢則四夷交侵。中國徵矣。缺亦廢也。

糜鹿相露。

遂棲宮衛。

史記曰。伍子胥諫吳王。吳王不聽。子胥曰。臣今見糜鹿遊于姑蘇之臺。宮中生荆棘。露沾衣也。言帝爲政貪亂。任寄不得其人。尋以獻帝遷播。洛陽丘墟。故糜鹿棲宮衛也。衛協韻音于別反。



後漢書集解卷八按補

靈帝紀桓帝崩無子。

侯康曰御覽卷六引豫章列士傳周騰字叔達爲御史桓帝欲南郊平明出叔達仰首曰王者象星今宮中宿策馬星不出動帝何出焉四更皇子卒遂止據此則桓帝嘗有子但早薨耳其生何名卒何年則不知。

知可

夏四月戊辰太尉周景薨司空宜鄴免長樂衛尉王暢爲司空。

錢大昭曰史晨後碑建寧元年四月十一日戊子到官據此則是月爲戊寅朔不得有戊辰本紀誤。

今案下文五月朔爲丁未逆推四月小盡恰爲戊寅朔其不當有戊辰日甚明但查袁紀亦書夏四月戊辰以王暢爲司空則誤不自范書始。

冬十月甲辰晦日有食之。

一歲日再食前書五行志所紀春秋惟襄二十一年二十四年漢惟高三年文三年續志所紀亦惟靈建寧元年光和元年五行家案驗後來言之鑿鑿疇人考厥亦謂前月在交初一度日食則至後

月之朔日猶在交之末度未出食竟月行天既而來及於日或可更食則仍以謂日行差次之適然近世推步益精乃知每十八年日食當四十一次日食當二十九次逐年日食次數恆多於月食特月食時全球共見日食惟一處能見之耳然自春秋訖兩漢中國一歲日再食者亦必不僅如兩志所紀史官不見則略之而案驗後來直無其事矣。

太僕沛國聞人襲爲太尉。

侯康曰御覽三百五十三引謝承書聞人襲爲郡督郵行則負擔臥則無被連齧皮以自覆不受人一煖之費。

執金吾董寵下獄死。

董同董寵孝仁后兄坐矯后屬請獲罪事見后紀。

攻東平陵。注東平陵縣名屬濟南國故城在今濟州東。

今在濟南府歷城縣東七十五里。

太尉聞人襲免集解惠棟曰。至當是本紀所書拜罷未審也。

案袁紀建寧四年三月朔日有蝕之太尉劉寵司空喬玄以災異免免太尉者不作聞人襲其他拜罷亦多與

范書異則何說信也。

夏四月郡國七大水。

案續志但云郡國三水。

遣守宮令之鹽監穿渠為民興利。注前漢地理志及續漢郡國志並無鹽。今蒲州安邑縣西南有鹽城

監也。

錢大昭曰注監字當在上無鹽下闕本不誤案官本注末無監也二字。

集解劉攽曰注鹽城當作鹽池耳及無鹽字下當有一監字說文

監字訓為鹽池然則注家案地志求監所在則無之二漢志不謂池為監也而據今所見則有池云

今案官本依監本轉刊監本注末亦無監也字故劉氏刊誤直欲於無鹽下補監字是本注末原有監也字故錢氏辨疑但據闕本謂監字當在無鹽下惟據上說則紀鹽監為地名注今蒲州安邑縣西南有鹽城監也句正釋紀鹽監二字此監字亦仍不可移去

無鹽下亦仍係另脫一監字。閩本或出臆改。未必可信也。蒲州唐爲河中府。注仍稱蒲州。當是章懷作注時尙未改。續志河東郡安邑有鹽池。無鹽城。唐百官志亦有鹽池監。無鹽城監。劉氏謂城當作池。是也。惟說文訓鹽池者乃監字。非監字。劉忽郭書燕說。殊難索解。豈劉疑監本鹽之譌。其刊誤中亦有脫文耶。續志水利掌於司空。守宮令係少府屬官。而遣使穿渠者。史記河渠書。河東守潘係請穿渠。引汾溉皮氏汾陰下。引河。溉汾陰蒲坂下。作渠田數歲。河移徙渠不利。田者不能償種。久之河東渠田廢。予越人令少府以爲稍入。蓋此項渠田租稅。後漢仍入少府。故穿渠仍遣少府屬官耳。

太常南陽劉逸。注。逸字大迴。官本注無逸字。

冬十月癸丑朔。日有食之。至辛丑。京師地震。辛亥。令天下繫囚罪未決。入繯贖。錢大昭曰。癸丑。續志作癸酉。依本紀。十月爲癸丑朔。則是月不

得有辛丑。辛亥。依續志爲癸酉朔。則是月可以有辛丑。而辛亥終當在下月。紀疑有誤。今案續志是本雖作癸酉。官本仍作癸丑。與紀無異。京師地震。則續志各本皆作辛丑。惟袁紀於癸丑朔日食下。接書地震。不另出日。似兩事同日。辛丑或即癸丑之誤。至辛亥。誤否。則其事無可考矣。

太常河南孟馮爲太尉。注。馮字叔達。音乙六反。集解。錢大昕曰。至蜀志誤以郁爲馮也。侯康曰。後漢書考異及補表。皆以孟馮孟

郁爲一人。惠氏分之。是也。蜀志孟光傳。河南洛陽人。漢太尉孟郁之族。若濟陰太守碑。則偃師人。是縣不同也。章懷注。馮字叔達。濟陰太守碑。字敬達。是字不同也。馮郁雖可相通。而實分二字。故說文兩收之。是名不同也。蜀志之誤無疑。今案袁紀。孟馮之馮。即皆

作郁則援說文爲之分辨終是不確蓋後漢實有兩孟郁蜀志孟光傳所引本即此紀之孟禎志注所稱中常侍孟賁之弟也明年  
襪罷太常常山張顛繼爲太尉顛亦即中常侍張奉之弟宦族方盛事同一轍蜀志初不誤至濟陰太守碑立於桓帝永康元年碑  
中明言諱郁則前卒已久抑無爲太尉之  
事固與范書陳志皆不相涉自別爲一人

始置鴻都門學生注舉召能爲尺牘辭賦及工書鳥篆者相課試至千人焉集解汪文臺曰至士君子

皆恥與爲列焉

侯康曰後魏書江式傳開鴻都時諸方獻篆無出蔡邕者張懷瓘書斷師宜官南陽人靈帝好書徵天下工書  
於鴻都門至數百人八分稱宜官爲最大則一字徑丈小乃方寸千言張彥遠歷代名書記劉旦楊魯並光和

中畫手待召尙方書于洪都學原注二人並見謝

承後漢書今案汪氏所引二事已詳見蔡邕傳

大赦天下諸黨人禁錮小功目下皆除之注時上祿長和海上言集解先謙曰上祿長和海官本作和

浮非

惠棟曰和浮黨錮傳作和海是惠所據本紀  
亦作浮也姓譜和本義和之後一云下和後

東平王瑞薨集解官本瑞作端

錢大昭曰瑞當作端闕本不誤是錢所據本亦  
作瑞也觀東平王蒼傳原作端則作瑞明誤

立貴人何氏爲皇后注車騎將軍何貢女也

洪亮吉曰貢當作眞傳寫誤后本屠家立一歲後始贈此職此注即云車騎  
將軍女恐非案袁紀后父眞贈官及追封侯均在下半年與后紀合注誤惟后

爲貴人時。后兄進已再遷虎賁中郎將。出爲潁川太守。明見進傳。不應后父尙未贈一官。疑贈官在前。追爵諡在後。史連類書之。遂先後無別章懷注。或又別有所本也。后出居家。后紀進傳贊。並同袁紀。但云以袁家子選入掖庭。不曰居家也。

冬。東海、東萊、琅邪、井中、冰厚尺餘。錢大昭曰：東海、續五行志作北海。

安平王續有罪誅。錢大昭曰：續本傳作續。案安平乃樂成改封。傳謂樂成靖王傳也。惟此本傳作續。官本仍作續。與紀同。觀通鑑引傳文亦作續。則作續者誤。

光祿大夫許相爲司空。注相字公弼。平與人許訓之子。集解惠棟曰。必許相之誤也。案惠意。汝南先賢傳之許詡。實即許相之

誤。其說是也。相父子事見許劭傳。劭平與人。訓其從祖敬之子。相固其兄弟行也。訓以建寧二年爲司徒。閱十六年。而相爲司空。又二年。亦爲司徒。均具靈紀。所謂沈沒榮利。致位司徒。與先賢傳合。又呂強傳言相由侍中爲列侯。繼爲藩輔。不念爾祖。而交結邪黨。下比羣佞。亦與劭傳所謂能詔事宦官。故自致台司。封侯合。則先賢傳所稱許劭宗人。其卽爲相無疑矣。若許栩。潁川鄙人。與劭既不同縣。斷非同宗。其爲司徒。尙在桓紀延熹六年。更六年。相父訓始爲司徒。劭與栩尤時不相接。何謂不過其門乎。

江夏兵趙慈反。殺南陽太守秦頤。案慈並攻沒六縣。羊續繼爲南陽太守。發兵與荊州刺史王敏討平之。附見續傳。

初置西園八校尉。注樂資山陽公載記曰。凡八校尉皆統於蹇碩。案袁紹傳注亦引此節。載記惟瀆于瓊作瀆于鑿。小異。又何進傳載西園八校尉。不著左

右校尉何人。如趙融爲助軍左校尉。進傳則無左字。瀆于瓊爲右校尉。進傳則作爲佐軍校尉。至袁紹爲中軍校尉。進傳亦與載記無異。而紹本傳並作爲佐軍校尉。袁紀八月置西園三軍。及典軍助軍。以小黃門蹇碩爲上軍校尉。虎賁中郎將袁紹爲中軍校尉。

屯騎校尉鮑洪爲下軍校尉。議郎曹操爲典軍校尉。四校尉職名。進傳及載記固皆相合。而助軍校尉亦不著何人。且並無八校尉之名稱。故通鑑專取樂資說。以載記究較詳審也。

公孫瓚與張純戰於石門。大破之。注石門山名。在今營州西。

案瓚本傳作戰於屬國石門。傳注作在今營州柳城西南。視紀爲詳。

集解惠棟曰。水

經注。溫水又東南逕石門峽。

案言溫水誤。說在鮑邱水篇。溫泉水下。酈注明載瓚戰事。故惠氏取之。然顧炎武日知錄謂水經所指。乃漁陽之石門。非遼東屬國之石門。當以柳城爲是。通典柳城有石門山。據顧說。

則酈注蓋

不足取。

收僞司隸校尉樊陵。河南尹許相。

何進傳。讓珪等爲詔。以故太尉樊陵爲司隸校尉。少府許相爲河南尹。詔出僞爲。故稱僞許相。曾否爲少府。無考。袁紀作故司空許相。亦誤。相於中平四年。已由司空爲司徒。五年

始罷也。

遂趨宮衛。注衛協韻音于別反。

官本衛字在協韻二字下。



孝獻帝紀第九

後漢書九

宋宣城太守范曄撰  
唐章懷太子賢注

王先謙集解

孝獻皇帝諱協靈帝中子也。

謚法曰聰明睿智曰獻協之字曰合張璠記曰靈帝以帝似己故名曰協帝王紀曰協字伯和〔集解〕惠棟曰續志靈帝少子。

母王美人為何皇后所

害中平六年四月少帝即位封帝為渤海王徙封陳留王九月甲戌即皇帝位年九歲遷皇太后於永

安宮。

董卓遷也洛陽宮殿名曰永安宮周迴六百九十八丈故基在洛陽故城中。

大赦天下改昭寧為永漢丙子董卓殺皇太后何氏初令侍中給

事黃門侍郎員各六人。

續漢志曰侍中比二千石無員漢官儀曰侍中左蟬右貂本秦丞相史往來殿中故謂之侍中分掌乘輿服物下至囊器虎子之屬武帝時孔安國為侍中以其儒者特聽掌御坐唾壺朝廷榮之至東京時

屬少府亦無員駕出則一人負傳國璽操斬蛇劍乘輿中官俱止禁中又曰給事黃門侍郎六百石無員掌侍從左右給事中使關通中外應劭曰黃門侍郎每日暮向青瑣門拜謂之夕郎輿服志曰禁門曰黃闔以中人主之故號曰黃門令然則黃門郎給事黃闔之內故曰黃門郎本既無員於此各置六人也獻帝起居注曰自誅黃門後侍中侍郎出入禁中機事頗露由是王允迺奏侍中黃門不得出入不通賓客自此始也〔集解〕劉放曰註乘輿中官俱止禁中案文當云參乘與中官俱止禁中少一參字誤一輿字。

賜

公卿目下至黃門侍郎家一人為郎。目補宦官所領諸署侍於殿上。

靈帝熹平四年改平準為中準使宦官為令自是諸內署令悉以閹人為之故今並令

士人代領之

乙酉。目太尉劉虞為大司馬。董卓自為太尉。加鈇鉞虎賁。

禮記曰諸侯賜鈇鉞然後專殺說文曰鈇莖刀也蒼頡篇曰鈇斧也加鈇鉞者得專殺也

丙

戊。太中大夫楊彪為司空。甲午。豫州牧黃琬為司徒。遣使弔祠故太傅陳蕃。大將軍竇武等。冬十月乙

巳。葬靈思皇后。白波賊寇河東。

薛瑩書曰黃巾郭泰等起於西河白波谷時謂之白波賊

董卓遣其將牛輔擊之。十一月癸酉。董卓為相

國。〔集解〕何焯曰。為上脫自字。

十二月戊戌。司徒黃琬為太尉。司空楊彪為司徒。光祿勳荀爽為司空。省扶風都尉。置

漢安都護。

扶風都尉比二千石武帝元鼎四年置中興不改至此以羌擾三輔故省之置都護令總統西方〔集解〕官本考證監本西字訛四從宋本改

詔除光熹。昭寧。永漢三號。還復中平

六年。

初平元年春正月。山東州郡起兵。目討董卓。辛亥。大赦天下。癸酉。董卓殺弘農王。白波賊寇東郡。二月

乙亥。太尉黃琬。司徒楊彪免。庚辰。董卓殺城門校尉伍瓊。督軍校尉周瑒。

秘音必東觀記曰周瑒豫州刺史瓊之子也續漢書魏志並作慈音葦

巨光祿勳趙謙爲太尉。謝承書曰謙字彥信太尉趙戒之孫蜀郡成都人也太僕王允爲司徒丁亥遷都長安董卓驅徙京師百姓悉

西入關自留屯畢圭苑壬辰白虹貫日三月乙巳車駕入長安。〔集解〕惠棟曰獻帝宗廟祝嘏辭云乃以二月丁亥來祀雒越三月丁巳至於長安案下文云己酉

董卓焚洛陽宮廟己酉在丁巳前袁宏紀又作己巳未知孰是幸未央宮。未央宮蕭何所造也張璠記曰將入宮日大雨晝晦翟雉飛入長安宮〔集解〕惠棟曰通鑑云居京兆府舍己酉董卓焚洛陽宮廟

及人家戊午。〔集解〕惠棟曰戊上脫四月二字董卓殺太傅袁隗太僕袁基夷其族。隗紹之叔父基袁術之母兄卓以山東兵起依紹術爲主故誅其親屬獻帝春秋曰尺口以上

男女五十餘夏五月司空荀爽薨六月辛丑光祿大夫种拂爲司空大鴻臚韓融少府陰修執金吾胡母人皆下獄死

班風俗通云胡母姓本陳胡公之後也公子完奔齊遂有齊國將作大匠吳修越騎校尉王瓌安集關東後將軍袁齊宣王母弟別封母鄉遠本胡公近取母邑故曰胡母氏也

術河內太守王匡各執而殺之。英雄記曰匡字公節太山人也輕財好施以任俠聞爲袁紹河內太守唯韓融獲免董卓壞五銖錢更鑄小錢

光武中興除王莽貨泉更用五銖錢冬十一月庚戌鎮星熒惑太白合於尾是歲有司奏和安順桓四帝無功德不宜稱宗

又恭懷敬隱恭愍三皇后並非正嫡不合稱后皆請除尊號制曰可。和帝號穆宗安帝號恭宗順帝號敬宗桓帝號威宗和帝尊母梁貴人曰恭懷皇后安帝

尊祖母宋貴人曰敬隱皇后。孫堅殺荊州刺史王叡。王氏譜曰：叡字通曜，晉太保祥伯父也。吳錄曰：叡素遇堅無禮。堅又殺順帝尊母李氏曰恭愍皇后。

南陽太守張咨。〔集解〕惠棟曰：英雄記，咨字子儀，潁川人，亦知名。

二年春正月辛丑，大赦天下。二月丁丑，董卓自為太師，袁術遣將孫堅與董卓將胡軫戰於陽人。陽人，聚名。

屬河南郡，故城在今汝州梁縣西。史記：秦滅東周，徙其君於陽人聚，即此地也。〔集解〕惠棟曰：英雄記，軫字文才，先謙曰：陽人聚，在今汝州梁縣西四十里，亦名陽人城，梁縣在今汝州東。軫軍大敗，董卓遂發掘洛陽

諸帝陵。夏四月，董卓入長安。六月丙戌，地震。秋七月，司空种拂免，光祿大夫濟南淳于嘉為司空，太尉

趙謙罷，太常馬日磾為太尉。九月，蚩尤旗見于角亢。天官書曰：蚩尤之旗，類彗而後曲，象旗，災惑之精也。呂氏春秋云：其色黃上白下，見則王者征伐四方。角亢，蒼龍之星。冬

十月壬戌，董卓殺衛尉張溫。十一月，青州黃巾寇太山，太山太守應劭擊破之，黃巾轉寇渤海，公孫瓚

與戰於東光，復大破之。東光，今滄州縣。〔集解〕先謙曰：今河間府東光縣東。是歲，長沙有人死經月復活。

三年春正月丁丑，大赦天下。袁術遣將孫堅攻劉表於襄陽，堅戰歿。袁紹及公孫瓚戰于界橋。今貝州宗城縣。

東有古界城近枯漳  
水則界橋在此也

瓚軍大敗夏四月辛巳誅董卓夷三族司徒王允錄尚書事總朝政遣使者張种撫

慰山東青州黃巾擊殺兖州刺史劉岱於東平東郡太守曹操大破黃巾於壽張降之五月丁酉大赦

天下〔集解〕惠棟曰考異云案是年正月大赦及李傕求赦王允曰一歲不再赦然則五月必無赦也

丁未征西將軍皇甫嵩為車騎將軍董卓部曲將李傕郭

汜樊稠張濟等反攻京師六月戊午陷長安城太常种拂太僕魯旭

〔集解〕惠棟曰魯恭傳旭魯謙子

大鴻臚周奂三輔決錄

注曰奂字文明茂陵人

城門校尉崔烈越騎校尉王頌並戰歿頌音斬

吏民死者萬餘人李傕等並自為將軍己未大

赦天下李傕殺司隸校尉黃琬甲子殺司徒王允皆滅其族

〔集解〕惠棟曰張瑤漢紀傕誅允及妻子十餘人

丙子前將軍趙謙為

司徒秋七月庚子太尉馬日磾為太傅錄尚書事八月遣日磾及太僕趙岐持節慰撫天下車騎將軍

皇甫嵩為太尉司徒趙謙罷九月李傕自為車騎將軍郭汜後將軍樊稠右將軍張濟鎮東將軍濟出

屯弘農甲申司空淳于嘉為司徒光祿大夫楊彪為司空並錄尚書事冬十二月太尉皇甫嵩免光祿

大夫周忠為太尉參錄尚書事。

四年春正月甲寅朔日有食之。

袁宏記曰時未哺八刻太史令王立奏曰晷過度無變也朝臣皆賀帝令候焉未哺一刻而食賈誦奏曰立司候不明疑誤上下請付理官帝曰天道遠事驗難明欲歸咎史官益重朕

之不德也。〔集解〕惠棟曰續志在營室四度是時李傕郭汜專政。

丁卯大赦天下。

〔集解〕惠棟曰袁宏紀五月丁卯。

三月袁術殺揚州刺史陳溫據淮南。

〔集解〕錢大昕

曰裴松之注魏志引英雄記證溫自病死非術所殺攷異亦取之。

長安宣平城門外屋自壞。

三輔黃圖曰長安城東面北頭門也。

夏五月癸酉無雲而雷六月扶風

大風雨雹華山崩裂太尉周忠免太僕朱儁為太尉錄尚書事下邳賊闕宣自稱天子。

風俗通曰闕姓也承闕黨童子之後

也縱橫家有闕子著書〔集解〕顧炎武曰譏文言代漢者當塗高當塗而高者闕也故闕宣自稱天子孫愔曰闕姓出下邳漢有荊州刺史闕翊

雨水遣侍御史裴茂。

〔集解〕惠棟曰茂字巨光河東聞喜人裴潛之父也案世系云

熒煌太守裴遵自雲中從光武平隴蜀徙居河東安邑安順之際徙聞喜曾孫擘并州刺史度遼將軍生子茂也孫愔曰裴伯益之後封於葷鄉因以為氏後徙封解邑乃去邑從衣至熒煌太守裴遵始自雲中徙居河東

訊詔獄原輕繫。

六月辛丑天狗西北行。

前書音義曰有聲為天狗無聲為枉矢〔集解〕惠棟曰獻帝春秋曰初平四年六月流星起織女東南行天市中蛇行有尾長七八尺色赤照地又流星如斛長六七寸小者六七枚隨之光照地又流星西

北行有聲如雷望之如火下照地是曰天狗

九月甲午試儒生四十餘人上第賜位郎中次太子舍人下第者罷之詔曰孔子歎

學之不講。

講習也。論語之文。

不講則所識日忘。今著儒年踰六十。去離本土。營求糧資。不得專業。結童入學。

〔集解〕惠棟曰。越絕書曰。范蠡其始居楚也。生於宛。樂伍戶之虛。其爲結童之時。一癡一醒。時人盡以爲狂。

白首空歸。長委農野。永絕榮望。朕甚愍焉。其依科罷者。聽

爲太子舍人。

劉艾獻帝紀曰。時長安中爲之謠曰。頭白皓然。食不充糲。裘衣裘裳。當還故鄉。聖主愍念。悉用補郎舍。是布衣被服玄黃。

冬十月。太學行禮。車駕幸永福城門。臨觀

其儀。賜博士。目下各有差。辛丑。京師地震。有星孛于天市。

袁宏紀曰。孛于天市。將從天子移都。其後上東遷之應也。

司空楊彪免。太常趙

溫爲司空。公孫瓚殺大司馬劉虞。十二月辛丑。地震。司空趙溫免。乙巳。衛尉張喜爲司空。

獻帝春秋曰。喜作嘉。

是

歲。琅邪王容薨。

興平元年春正月辛酉。大赦天下。改元興平。甲子。帝加元服。

〔集解〕惠棟曰。時司徒淳于嘉爲。竇加賜元纁駟馬。見禮儀志注也。

二月壬午。追

尊諡皇妣王氏爲靈懷皇后。甲申。改葬于文昭陵。丁亥。帝耕于藉田。三月。韓遂。馬騰。與郭汜。樊稠。戰於

長平觀。遂。騰。敗績。左中郎將劉範。前益州刺史种劭。戰歿。

前書音義曰。長平。陂名也。上有觀。在池陽宮南。去長安五十里。今涇水南原畦城是也。袁宏紀曰。是時馬騰以李傕

等專亂。以益州刺史劉焉宗室大臣。遣使招引。共誅惟焉。遣子範將兵就

騰。故涼州刺史种劭。太常拂之子也。拂為惟所害。劭欲報仇。遂為此戰。

夏六月丙子。分涼州。河西四郡為龐州。謂金城。酒

泉。嫩煌。  
張掖。

丁丑地震。戊寅又震。乙巳晦。日有食之。帝避正殿。寢兵不聽事五日。大蝗。秋七月壬子。太尉朱

儁免。戊午。太常楊彪為太尉。錄尚書事。三輔大旱。自四月至于。是月。帝避正殿。請雨。遣使者洗囚徒。原

輕繫。洗謂蕩滌也。

是歲穀一斛五十萬。豆麥一斛二十萬。人相食。啖白骨。委積。帝使侍御史侯汝。

〔集解〕錢大昕曰。自是歲

以下百一十五字。又見董卓傳。當刪彼存此。惠棟曰。汝字文林。太原中都人。見宗俱碑陰。

出太倉米豆為飢人作糜粥。經日而死者無數。帝疑賦卹有虛。迺親

於御坐前。量試作糜。迺知非實。袁宏紀曰。時敕侍中劉艾。取米豆五升。於御前作糜。得滿三孟。於是詔尚書曰。米豆五升。得糜三孟。而人委頓。何也。

於是尚書令目下。皆詣省闕謝。

〔集解〕劉攽曰。案關當作開。開門也。詣闕無理。

奏收侯汝考實。詔曰。未忍致汝于理。可杖五十。自是

之後。多得全濟。八月。馮翊羌叛。寇屬縣。郭汜。樊稠。擊破之。九月。桑復生。樵人得目食。司徒淳于嘉罷。冬

十月。長安市門自壞。呂衛尉趙溫為司徒。錄尚書事。十二月。分安定。扶風為新平郡。是歲。揚州刺史劉



繇與袁術將孫策戰于曲阿。

策字伯符，孫堅子，曲阿，今潤州縣。〔集解〕先謙曰：今鎮江府丹陽縣治。

繇軍敗績，孫策遂據江東。

吳志曰：孫策既破繇，遂度兵據會稽。策自

領會稽太守。

太傅馬日磾薨于壽春。

壽春，縣名，屬九江郡，今壽春縣也。〔集解〕先謙曰：今鳳陽府壽州治。

二年春正月癸丑，大赦天下。

〔集解〕惠棟曰：考異云：袁紀作癸酉。案長曆是月癸卯朔，無癸酉。

二月乙亥，李傕殺樊稠，而與郭汜相攻。三月

丙寅，李傕脅帝幸其營，焚宮室。夏四月甲午，立貴人伏氏為皇后。丁酉，郭汜攻李傕，矢及御前。

山陽公載記曰：

時弓弩並發，矢下如雨，及御所止高樓殿前帷簾也。

〔集解〕惠棟曰：蔡邕獨斷云：天子所在曰御前。

是日，李傕移帝幸北塢。

服虔通俗文曰：營居曰塢，一曰庫城也。山陽公載記曰：時帝在南塢，傕在北塢，時流矢中傕左

耳，乃迎帝幸北塢，帝不肯從，強之乃行。

大旱。五月壬午，李傕自為大司馬。六月庚午，張濟自陝來，和傕汜。秋七月甲子，車駕東

歸。郭汜自為車騎將軍，楊定為後將軍，楊奉為興義將軍，董承為安集將軍，並侍送乘輿。張濟為驃騎

將軍，還屯陝。八月甲辰，幸新豐。冬十月戊戌，郭汜使其將伍習夜燒所幸學舍，逼脅乘輿。楊定、楊奉與

郭汜戰，破之。壬寅，幸華陰。

〔集解〕先謙曰：後漢屬宏農郡，今同州府華陰縣。

露次道南，是夜有赤氣貫紫宮。

獻帝春秋曰：赤氣廣六尺，東至寅，西至戌地。

張

濟復反與李傕郭汜合十一月庚午李傕郭汜等追乘輿戰於東澗

〔集解〕惠棟曰獻帝春秋十一月丙寅車駕東行到黃卷亭庚午乘輿到宏農董卓

傳大戰於宏農東澗王師敗績

〔集解〕蘇輿曰此沿春秋書法時天子無兵稱非其實也或書官軍為宜殺光祿勳鄧泉

〔集解〕錢大昕曰五行志作鄧淵此作泉者章懷避諱改衛尉士孫瑞

〔集解〕惠棟曰三輔決錄注瑞字君榮扶風人又見王允傳

廷尉宣播大長秋苗祀

〔集解〕惠棟曰祀播作瑞也步兵校尉魏桀

〔集解〕惠棟曰桀桂陽人先為破敵都尉見續漢書

侍中朱

展射聲校尉沮儁

風俗通曰沮姓也黃帝時史官沮誦之後音側余反

壬申幸曹陽露次田中

曹陽澗名在今陝州西南七里俗謂之七里澗崔浩云自南北通於河〔集解〕惠棟曰晉灼漢書

注曹陽亭也在宏農東十二里杜佑云陝郡西四十五里有曹陽澗王幼學云露次言露室也周禮掌次注次謂幄也先謙曰曹陽在陝州靈寶縣東縣志十里好陽鋪

楊奉董承引白波帥胡才李樂韓暹

及匈奴左賢王去卑率師奉迎與李傕等戰破之十二月庚辰車駕迺進李傕等復來追戰王師大敗

殺略宮人少府田芬

〔集解〕惠棟曰五行志作田邠

大司農張義等皆戰歿進幸陝

〔集解〕先謙曰今陝州陝縣

夜度河

〔集解〕汪文臺曰御覽八百十七引

華嶠書云董承夜潛過白先具舟船為應帝步出營臨河岸高不得下時伏德扶中宮一手持十匹絹乃取德絹連續挽而下餘人匍匐岸側或自投死亡文選西征賦注引同

乙亥幸安邑

〔集解〕惠棟曰獻帝春秋乘輿到安邑使侍中史時

太僕韓融奉詔詔張濟悉遣宮人公卿以下婦女及乘輿服物車馬諸見略者皆詣安邑時音直理切

是歲袁紹遣將麴義與公孫瓚戰於鮑丘

鮑丘水名出北塞中南流經九莊嶺東俗謂之

大榆河。又東南經漁陽縣故城東。是瓚之戰處。見水經注。瓚軍大敗。

建安元年春正月癸酉。郊祀上帝於安邑。大赦天下。改元建安。二月。韓暹攻衛將軍董承。夏六月乙未。

幸聞喜。秋七月甲子。車駕至洛陽。幸故中常侍趙忠宅。〔集解〕惠棟曰。獻帝春秋云。帝春秋云。在城西。丁丑。郊祀上帝。大赦天下。己卯。

謁太廟。八月辛丑。幸南宮楊安殿。〔集解〕惠棟曰。獻帝春秋云。帝使張揚繕治宮室。名曰楊安殿。癸卯。安國將軍張楊爲大司馬。韓暹爲大

將軍。楊奉爲車騎將軍。是時宮室燒盡。百官披荆棘。依牆壁間。州郡各擁彊兵。而委輸不至。羣僚飢乏。

尙書郎呂下。自出採稻。稻音呂。埤蒼曰。稽自生也。稻與稽同。或飢死牆壁間。或爲兵士所殺。辛亥。鎮東將軍曹操。自領司隸

校尉。錄尙書事。曹操殺侍中臺崇。尙書馮碩等。風俗通曰。金天氏裔孫曰臺貽。其後氏焉。山陽公載記曰。臺字作壺。〔集解〕劉攽曰。注山陽公載記曰。案文多一曰字。惠棟曰。董卓傳注

引袁宏紀。亦作壺崇。案孫愜廣韻臺姓。下云。漢有侍中臺崇。徒哀切。又十六國春秋。臺產字國初。上洛人。漢侍中臺崇之後。作壺者非。封衛將軍董承爲輔國將軍。伏完等十三人爲列

侯。〔集解〕劉攽曰。案文多一爲字。錢大昕曰。按董卓傳。是時封董承。伏完等十餘人爲列侯。董承下不當有爲字。十三人者。董承。伏完。丁中。种輯。鍾繇。郭滂。董芬。劉艾。韓斌。楊榮。羅邵。伏德。趙莖也。〔見袁紀〕。但伏完襲父爵。不其侯。當在桓靈之世。豈待此時始

封列侯。此史文之可疑者。竊意完但增加食戶。其子德別受列侯之封耳。惠棟曰。伏后紀。建安元年。拜完輔國將軍。又云。皇女華適不其侯。輔國將軍伏完。皆為字妄加之明證。

贈沮儁為宏農太守。庚申遷都許。

〔集解〕惠棟曰。王應麟云。漢潁川許縣。本許國。魏文帝改曰許昌。春秋佐助。期曰。漢以許昌失天下。酈元曰。魏承漢歷。改名許昌也。先謙曰。今許州許縣。

己巳。幸曹操營。九月。太尉楊彪。司空張喜。

罷。冬十一月丙戌。曹操自為司空。行車騎將軍事。百官總已目聽。

二年春。袁術自稱天子。三月。袁紹自為大將軍。夏五月蝗。秋九月。漢水溢。是歲飢。江淮間民相食。袁術

殺陳王寵。孫策遣使奉貢。

三年夏四月。遣謁者裴茂。率中郎將段熲討李傕。夷三族。

獻帝起居注曰。傳傕首到許。有詔高懸之也。〔集解〕惠棟曰。魏略茂。靈帝時歷縣令。郡守尙書。建安初。以奉使率導。

關中諸將。討傕有功。封列侯也。世系茂封陽吉平侯。

呂布叛。冬十一月。盜殺大司馬張楊。十二月癸酉。曹操擊呂布於徐州。斬之。

四年春三月。袁紹攻公孫瓚于易京。獲之。

公孫瓚類失利。迺臨易河築京。以自固。故號易京。其城三重。周回六里。今內城中。有土京。在幽州歸義縣南。爾雅曰。絕高謂之京。非人為之丘。〔集解〕先謙曰。

在今保定府。雄縣西北。

衛將軍董承為車騎將軍。夏六月。袁術死。是歲。初置尙書。左右僕射。

〔集解〕惠棟曰。應劭漢官儀。以執金吾榮。郤為左僕射。衛。

臻爲右僕射。晉志：僕射分置左右。蓋自此始。風俗通：營姓。周成王卿士營伯之後。漢有京兆尹營郤榮當作營也。營金傾切。

武陵女子死十四日復活。

續漢志曰：女子李娥年六十餘死。瘞於城外。有行人聞家中有聲告

家人出之。

五年春正月，車騎將軍董承、偏將軍王服、越騎校尉种輯。

〔集解〕錢大昕曰：董卓傳作長水校尉。

受密詔誅曹操。

〔集解〕惠棟曰：獻帝起居

注：承等與劉備等兵發而備出，承謂服曰：郭多有數百兵，壞李催數萬人，但足下與吾同舌耳。服曰：惶懼不敢當，且兵又少。承曰：舉訖得曹公成兵，顧不足耶。服曰：今京師豈有所任乎。承曰：長水校尉种輯、議郎吳碩，是吾腹心辦事者，遂定計。

事洩，壬

午，曹操殺董承等，夷三族。秋七月，立皇子馮爲南陽王，壬午，南陽王馮薨。

〔集解〕王會汾曰：監本脫馮字，今從宋本。按他處王薨皆書名，但此句蒙

上立皇子馮爲南陽王。王文雖無馮字亦可。

九月庚午朔，日有食之。詔三公舉至孝二人，九卿、校尉、郡國守相各一人，皆上封事。

靡有所諱。曹操與袁紹戰於官度。

裴松之北征記曰：中牟塞下臨泚水，是爲官度。袁紹曹操壘尙存焉。在今鄭州中牟縣北。

紹敗走。冬十月辛亥，有星孛于

大梁。

大梁，西之分。

東海王祗薨，是歲孫策死。

爲許貢客所射傷。

弟權襲其餘業。

權字仲謀。

六年春三月丁卯朔，日有食之。

〔集解〕錢大昕曰：五行志作十月癸未。

七年夏五月庚戌袁紹薨。

〔集解〕蘇輿曰紹操書薨正著其不臣之罪與孫策異。

于寘國獻馴象。

馴象謂隨人意也。

是歲越嶲男子化為女子。

〔集解〕惠棟曰續漢志時周羣上言哀帝時亦有此意將有易代之事也。

八年冬十月己巳公卿初迎冬於北郊。

斯禮久廢故曰初。

總章始復備八佾舞。

袁宏紀云迎氣北郊始用八佾佾列也謂舞者之行列往因亂廢今始備之總章樂

官名古之安代樂

初置司直官督中都官。

司直秩比二千石武帝元狩五年置掌佐丞相舉不法也建武十一年省今復置之〔集解〕惠棟曰漢名臣奏張禹奏曰案今丞相奏事司直持案長史持簿棟案其時司直掌督中都

官不屬司徒也

九年秋八月戊寅曹操大破袁尙平冀州自領冀州牧冬十月有星孛于東井十二月賜三公已下金

帛各有差自是三年一賜曰爲常制。

十年春正月曹操破袁譚於青州斬之。

魏書曰操攻譚不剋迺自執桴鼓應時破之。

夏四月黑山賊張燕率衆降。

魏志曰燕本姓褚常山真定人也黃

巾起燕合聚少年爲羣盜萬餘人博陵人張牛角爲主牛角死燕代爲主故改姓張燕剽勇軍中號曰張飛燕衆至百萬號曰黑山賊。

秋九月賜百官尤貧者金帛各有差。

十一年春正月，有星孛于北斗。二月，曹操破高幹於并州，獲之。典論曰：上洛郡尉王琰敗之，追斬其首。〔集解〕秋，惠棟曰：謝承書：幹字元才，才志宏邁，文武秀出。

七月，武威太守張猛。〔集解〕惠棟曰：典略曰：猛字叔威，奂少子也。殺雍州刺史邯鄲商。袁宏漢紀曰：雍州作涼州也。是歲，立故琅邪王容子熙。

為琅邪王濟北、北海、阜陵、下邳、常山、甘陵、濟陰、平原、八國皆除。〔集解〕錢大昕曰：通鑑作齊、北海。闕本亦是齊字。今本作濟，轉寫之譌也。明帝子濟陰王長早薨，無

後安帝廢太子保為濟陰王，其後入承大統，即順帝也。此後無封濟陰者，必濟北之譌。先謙曰：官本濟北作齊。

十二年秋八月，曹操大破烏桓於柳城，斬其蹋頓。蹋頓，匈奴王號。柳城，縣名，屬遼西郡，今營州縣。〔集解〕何焯曰：其字應衍。先謙曰：柳城，即後魏之營州，遼金之興中府，在今錦州邊界。

冬十月辛卯，有星孛于鶉尾。鶉尾，已之分也。乙巳，黃巾賊殺濟南王寶。河間孝王五代孫。十一月，遼東太守公孫康殺袁

尚、袁熙。

十三年春正月，司徒趙溫免。〔集解〕惠棟曰：考異云：獻帝起居注：十五年案是年罷三公，不至十五年也。夏六月，罷三公官，置丞相御史大夫，癸巳。

曹操自為丞相。秋七月，曹操南征劉表。八月丁未，光祿勳郗慮為御史大夫。續漢書曰：慮字鴻豫，山陽高平人也。少受學於鄭玄。壬子。

曹操殺太中大夫孔融。夷其族。是月。劉表卒。少子琮立。琮召荊州降操。冬十月癸未朔。日有食之。

〔集解〕

惠棟曰。續志。在尾十二度。曹操召舟師伐孫權。權將周瑜敗之於烏林赤壁。

十四年冬十月。荊州地震。

十五年春二月乙巳朔。日有食之。

十六年秋九月庚戌。曹操與韓遂、馬超戰於渭南。遂等大敗。關西平。

曹瞞傳曰。時婁子伯說操曰。今天寒。可起沙為城。以水灌之。可一夜而成。公從之。比

明。城立。超遂數挑戰。不利。操縱虎騎夾擊。大破之。超遂走涼州。是歲。趙王赦薨。

十七年夏五月癸未。誅衛尉馬騰。夷三族。六月庚寅晦。日有食之。秋七月。沛水、潁水溢。螟。八月。馬超破

涼州。殺刺史韋康。

〔集解〕惠棟曰。三國志注。康字元將。京兆人。父端。從涼州牧徵為太僕。康代為涼州刺史。時人榮之。為超所圍。堅守。歷時。救軍不至。遂為超殺。

九月庚戌。立皇子熙為濟陰

王。懿為山陽王。邈為濟北王。敦為東海王。

山陽公載記曰。時許靖在巴郡。聞立諸王。曰。將欲歛之。必姑張之。將欲奪之。必姑與之。其孟德之謂乎。〔集解〕錢大昕曰。東海王祇以建安五年薨。子榮嗣。



受禪始除不應別封  
冬十二月星孛于五諸侯。五諸侯。星名也。

十八年春正月庚寅復禹貢九州。獻帝春秋曰時省幽并州以其郡國并於冀州省司隸校尉及涼州以其郡國并為雍州省兗州并荊州益州於是有兗豫青徐荆揚冀益雍也九數雖同而禹貢無益州有梁州

然梁益亦一地也。〔集解〕胡三省曰割司州之河東河內馮翊扶風及幽并二州皆入冀州涼州所統悉入雍州又以司州之京兆入焉又以司州之宏農河南入豫州交州併入荊州則省司涼幽并而復禹貢之九州矣此曹操自領冀州牧欲廣其所統以制天下耳

夏五月丙申曹操自立為魏公加九錫。案禮含文嘉曰九錫謂一曰車馬二曰衣服三曰樂器四曰朱戶五曰納陛六曰虎賁七百人七曰斧鉞八曰弓矢九曰桓鬯大雨水。〔集解〕惠棟曰

續志六月獻帝徙趙王珪為博陵王是歲歲星鎮星熒惑俱入太微。是年秋三星逆行入太微守帝座五十日彭城王和薨。

十九年夏四月旱五月雨水劉備破劉璋據益州冬十月曹操遣將夏侯淵討朱建于枹罕獲之。枹罕縣屬

金城郡今河州縣也魏志曰淵字妙才沛國譙人也。〔集解〕錢大昕曰天文志作宋建董卓傳作宗建三國志亦作宋建先謙曰今蘭州府河州治十一月丁卯曹操殺皇后伏氏滅其族及二

皇子。山陽公載記曰劉備在蜀聞之遂發喪

二十年春正月甲子立貴人曹氏為皇后賜天下男子爵人一級孝悌力田二級賜諸王侯公卿百下

穀各有差。秋七月，曹操破漢中，張魯降。

二十一年夏四月甲午，曹操自進號魏王。五月己亥朔，日有食之。秋七月，匈奴南單于來朝。是歲，曹操

殺琅邪王熙，國除。

坐謀欲渡江被誅。

二十二年夏六月，丞相軍師華歆為御史大夫。

〔集解〕錢大昕曰：魏志華歆傳：魏國初建，為御史大夫，是歆為魏國之御史大夫，非漢廷之御史大夫也。劉昭注百官志云：建安十三年罷司

空置御史大夫，御史大夫郗慮免，不得補。考建安十九年廢皇后伏氏，慮尚在職。至二十一年封魏王操，則宗正劉艾行御史大夫事。二十五年禪位則太常張音行御史大夫事。然則郗慮以後漢廷無真授御史大夫，其說信矣。魏志太祖紀：書華歆為御史大夫而不書郗慮，慮為漢臣，歆為魏臣故也。歆之除授不當書於漢紀，且使歆而得書則鍾繇為相國，何以轉不書乎？蔚宗未達官制，因有此誤。

冬，有星孛于東北，是歲大疫。

二十三年春正月甲子，少府耿紀、丞相司直韋晃起兵誅曹操，不克。夷三族。

三輔決錄曰：時有京兆金祿，字德偉，自以代為漢臣，適發憤與耿紀

韋晃欲挾天子以攻魏，南援劉備，事敗。夷三族。〔集解〕陳景雲曰：決錄下當有注字：趙岐卒於建安六年，不及見此事。〔岐著三輔決錄〕

三月，有星孛于東方。

杜預注左傳云：平旦，衆星皆沒，而孛星適見，故不言所在之次。

二十四年春二月壬子晦，日有食之。夏五月，劉備取漢中。秋七月庚子，劉備自稱漢中王。八月，漢水溢。

冬十一月孫權取荊州。

二十五年春正月庚子魏王曹操薨。

魏志曰操字孟德薨時年六十六

子丕襲位。

魏志曰丕字子桓操之太子

二月丁未朔日有食之三

月改元延康。

〔集解〕官本考證曰監本延字訛建按建康順帝年號從宋本改

冬十月乙卯皇帝遜位魏王丕稱天子。

遜讓也。獻帝春秋曰帝時召羣臣賜土告祠高廟詔太常

張音持節奉策爾綬禪位於魏王丕爲壇於繁陽故城魏王登壇受皇帝璽綬〔集解〕惠棟曰魏受禪碑作十月辛未受禪於漢歐陽修云據裴松之注魏志漢實以十月乙卯策詔魏王使張偕奉璽綬而魏王辭讓往返三四而後受也又據侍中劉廙奏問太史令許芝今月十七日乙未可治壇壇又據尙書桓階等奏云輒下太史令擇元辰今月二十九日可登壇受命蓋自十七日乙未至二十九日正得辛未以此據之漢魏二紀皆謬而獨此碑爲是也紀乙卯遜位者書其初命而略其往返辭讓遂失實耳奉帝爲

山陽公。

山陽縣名屬河內郡故城在今懷州修武縣西北〔集解〕先謙曰在今懷慶府修武縣西北三十五里

邑一萬戶位在諸侯王上奏事不稱臣受詔不拜。

呂天子車服郊祀天地宗廟祖臘皆如漢制都山陽之濁鹿城。

濁鹿一名濁城亦名清陽城在今懷州修武東北

四皇子封王者皆

降爲列侯明年劉備稱帝于蜀孫權亦自王於吳於是天下遂三分矣魏青龍二年三月庚寅山陽公

薨。

〔集解〕先謙曰獻帝棄位安受魏封於卒書薨而被以魏年號皆以示貶或疑當準春秋公薨于乾侯例仍書帝崩然昭公孫齊魯國未嘗別立君也

自遜位至薨十有四年年五十四諡孝

獻皇帝八月壬申。日漢天子禮儀葬于禪陵。

續漢書曰天子葬太僕駕四輪駟爲賓車大練爲屋幃中黃門虎賁各二十人執紼司空擇土造穿太史卜曰將作黃腸題湊便房如禮大駕太

僕御方相氏黃金四目蒙熊皮玄衣朱裳執戈楊楯立乘四馬先驅旂長三刃十有二旒曳地畫日月升龍書旆曰天子之柩謁者二人立乘六馬爲次太常跪哭日十五舉音止哭畫漏上請發司徒河南尹先引車轉太常曰請拜送車著白絲三糾縹長三十丈圍七寸六行行五十人公卿已下子弟凡二百人皆素幘委貌冠衣素裳挽校尉三百人皆赤幘不冠持幢幡皆銜枚羽林孤兒巴餼耀歌者六十人爲六列司馬八人執鐸至陵南羨門司徒跪請就下房都導東園武士奉入房執事下明器太祝進醴獻司空將校復土燿音徒了反帝王紀曰禪陵在濁鹿城西北十里在今懷州修武縣北二十五里陵高二丈周回二百步劉澄之地記云以漢禪魏故以名焉〔集解〕劉放曰注太常跪哭日十五舉音止案漢志日字作曰在哭字上

置園邑令丞太子

早卒孫康立五十一年晉太康六年薨子瑾立四年太康十年薨子秋立二十年永嘉中爲胡賊所殺

國除。

論曰傳稱鼎之爲器雖小而重故神之所寶不可奪移。

左氏傳王孫滿曰桀有昏德鼎遷於商商紂暴虐鼎遷於周德之休明雖小重也其姦回昏亂雖大輕也故言神之所寶

不可奪移。至今負而趨者此亦窮運之歸乎。

言神器至重被人負而趨走者斯亦窮盡之運歸於此時乎言不可復振也莊子曰藏舟於壑藏山於澤謂之固矣然而有力者負之而趨而昧者不知〔集解〕官

本考證曰今應作令惠棟曰司馬彪云舟水物山陸居者藏之壑非人意所求謂之固有力者或能取之

天厭漢德久矣山陽其何誅焉。

厭倦誅責也漢自和帝以後政教陵遲故言天厭漢德久矣禍之來也非

獨山陽公之過。其何所誅責乎。左傳。宋子魚曰。天既厭商德。孔子曰。於子子何誅。案今論語。下子當作與。汪文臺曰。案御覽九十二。袁山松書云。獻帝崎嶇危亂之間。飄薄萬里之衢。萍流蓬轉。嶮岨備經。自古帝王。未之有也。觀其天性慈愛。弱而神惠。若輔之以德。真守文令主也。曹氏始於勤王。終至滔天。遂力制羣雄。負鼎而趨。然因其利器。假而不反。迴山倒海。遂移天日。昔田常假湯武而殺君。操因堯舜而竊國。所乘不同。濟其盜賊之身一也。善乎莊生之言。竊鉤者誅。竊國者爲諸侯。諸侯之門。仁義在焉。信矣。

贊曰。獻生不辰。身播國屯。

辰。時也。播。遷也。言獻帝生不逢時。身既播遷。國又屯難。詩曰。我生不辰。左傳曰。震蕩播越。

終我四百。永作虞賓。

春秋孔演圖曰。劉四百歲之際。襄漢王輔。皇王

以期有名不就。宋均注曰。雖襄族人爲漢王。以自輔。以當有應期。名見攝錄者。故名不就也。虞賓。謂舜以堯子丹朱爲賓。虞書曰。虞賓在位是也。以喻山陽公爲魏之賓也。〔集解〕官本考證曰。監本。虞訛作商。今改正。



後漢書集解卷九校補

獻帝紀九月董卓殺皇太后何氏

周壽昌曰此及下初平元年正月董卓殺弘農王建安十九年十一月曹操殺皇后伏氏三殺字皆宜正作試謹案通鑑輯覽皆已改書試此周說所本惟詳觀袁紀書中初六年

九月丙子太后何氏崩董卓殺之也十一月乙巳葬靈思何皇后中和六年九月甲戌卓魯太后與羣臣廢帝為弘農王初平元年正月癸丑卓殺弘農王建安十九年十一月丁卯皇后伏氏廢曹操使人收后殺之於何太后既書崩書葬則史固不能又書試故范書於后紀卓傳皆明言試而於紀筆言殺也至弘農伏后則其見害皆在既廢之後史自不能仍書試故范書亦皆以殺言之蓋修史者例據舊史成文崩則書崩殺則書殺所以存實錄前漢王莽既奏貶傅太后丁太后位號班書於外戚傳即名之曰孝元傳昭儀定陶丁姬非敢如孔子之作春秋豈加以訂正此經史之別也司馬通鑑書法謹嚴而於三殺字皆因而不改其列此矣

呂補宦官所領諸署侍於殿上注靈帝熹平四年改平準為中華

熹平原誤建元據續紀查改錢大昭曰建元當作熹平是錢所據本亦原作建元也

三月乙巳車駕入長安集解惠棟曰

至

袁宏紀又作己巳未知孰是

案丁巳己巳皆與下己酉戊午懸隔故通鑑仍從范書

幸未央宮

集解惠棟曰通鑑云居京兆府舍

案通鑑本云居京兆府舍後乃稍葺宮室而居之又董卓傳云是時唯有高廟京兆府舍遂便時幸焉後移未央宮是特初至長安時居京兆府舍耳既書幸未央宮則

已在宮室修葺之後此解當移上車駕入長安下

己酉董卓焚洛陽宮廟及人家戊午集解惠棟曰戊上脫四月二字

案由三月乙巳至戊午僅

十四日由己酉至戊午僅十日不必改月也他書亦無載殺袁隗等為四月之事不審惠氏何據

董卓殺太傅袁隗太僕袁基夷其族

案己酉戊午兩事皆卓留屯洛陽時所為軍駕西遷而隗基不

獲從殆早為卓拘執

注男女五十餘人

五十官本注作五千誤

大鴻臚韓融

至安集關東

案韓融等之赴關東紀傳皆以謂在卓殺袁隗等後關東諸軍本推袁紹為盟主卓既殺其父兄而仍使人往關東安集解譬何以為辭惟魏志紹傳卓遣執金吾胡母班將作大匠吳修齎詔書喻紹

紹使河內太守王匡殺之卓聞紹得關東乃悉誅紹宗族太傅隗等此則遣使赴關東在前殺隗基在後於理為近

三年春正月丁丑大赦天下袁術遣將孫堅攻劉表於襄陽堅戰破

案通鑑堅被黃祖部曲兵射殺敘在二年冬十月後注載考異云范書初平三年春堅死

吳志孫堅傳亦云初平三年英雄記曰初平四年正月七日死袁紀初平三年五月山陽公載記載策表曰臣年十七喪失所怙裴松之按策以建安五年卒時年二十六計堅之亡策應十八而此表云十七則為不符張璠漢紀及胡沖吳廩並以堅初平二年死此為是而本傳誤也今從之

五月丁酉大赦天下集解惠棟曰考異云至然則五月必無赦也

案呂布傳言允既不赦涼州人由是卓將李傕等遂相結還攻長安是當時誅董卓後確曾布

赦特不赦涼州人耳至一歲不再赦之語果出自允則必在五月丁酉之後蓋以正月丁丑之赦卓主之五月詔書必已更正除去不算也否則正月之赦與卓事無涉允於理亦不能援以拒卓黨之請且袁紀亦載有五月一赦僅丁酉作丁未小異通鑑竟因一



歲不再赦一語。信其必無而削之。故周壽昌疑其不然。但周謂催等擁兵在外。何難矯詔。則亦非也。無論催之舉兵。方以不赦我曹爲辭。激怒其衆。必不矯赦。即矯赦於外。史亦必不書矣。特靈帝中平元年。卽嘗一歲再赦。通鑑明載似一歲非不可再赦。允語自卓黨出。不見於允傳。是否爲催等假設之辭。尙不可知耳。

四年春正月甲寅朔。日有食之。注。太史令王立奏曰。暑過度無變也。至益重朕之不德也。

侯康曰。魏志武帝紀注引張璠

漢紀初。天子敗於曹陽。欲浮河東下。侍中太史令王立曰。自去春太白犯鎮星於牛斗。過天津。熒惑又逆行守河北。不可犯也。由是天子遂不北渡河。將自軹關東出。立又謂宗正劉艾曰。前太白守天關。與熒惑會。金火交會。革命之象也。漢祚終矣。晉魏必有興者。是王立占驗本精。此偶失之耳。立又嘗說孝經六隱令。朝廷行之消姦邪。見東觀記及袁紀。

六月。扶風大風。雨雹。

續志作右扶風。雹如斗。

甲子。帝加元服。

侯康曰。南齊書禮志。初平四年。士孫瑞議日蝕。廢社而不廢郊。通典載此文。廢社作廢冠。是也。議云。案八座書以爲正月之日。太陽虧曜。謫見于天。而冠者必有裸盲之儀。金石之樂。飲燕之娛。獻爵之報。是爲聞哭不祇肅。見巽

不怵惕。蓋帝本當于四年行冠禮。因日蝕改。

遂騰敗績。左中郎將劉範。前益州刺史种劭戰歿。注。焉遣子範將兵就騰。

就。官本作執。誤。

經日而死者無數。

無數、官本作無降、案無降猶言不貶少、亦可通。

詔曰：未忍致汝于理，可杖五十。

洪亮吉曰：此杖御史之始。

分安定、扶風、爲新平郡。

錢大昭曰：袁山松云：分安定之鶉觚、右扶風之漆。案續志：無新平郡、鶉觚、漆仍各隸本郡。以志所據，尚係永和版籍。西遷以後，天子寄生郡縣荒殘，檣時之建置，志不復紀也。今爲郿、涇二州地。

是夜有赤氣貫紫宮。注：東至寅，西至戌地。

官本地作也。

露次田中，集解。王幼學云：露次，言露室也。

案此解當在。上文露次道南下，又道南田中，均不得言室。室當爲宿之譌。

東海王祗薨。

案祗與南陽王馮皆獻帝子，詳見孔融傳。

袁紹薨。

錢大昭曰：袁術僭稱，故書死紹未改臣節，故書薨。

集解。蘇輿曰：紹操書薨，正著其不臣之罪，與孫策異。

案袁紹、曹操死以其官，當時必循舊例，告喪於朝，以

希飾終之榮，故史亦以薨言之。然以未竟出於僭號奪位，猶得書薨，仍爲漢幸之也。

曹操破袁譚於青州，斬之。

侯康曰：御覽三百五引英雄記：建安中，曹操于南皮攻袁譚，斬之。操作鼓吹，自稱萬歲于馬上舞也。今案袁紹傳：袁譚實奔南皮，戰敗被斬。高幹實亡奔荊州，爲上洛都尉，捕斬續。志：南皮、冀州勃海縣。

上維司隸京兆國。而此紀書破譚於青州。明年書破幹於并州。則均就所領州言之。非事實。故袁紀仍書曹操攻袁譚於南皮。大破斬之。而於高幹則但書曹操征高幹斬之。不著其地也。

武威太守張猛殺雍州刺史邯鄲商。

洪亮吉曰。典略載此事。在十四年與紀不同。

注袁宏漢紀曰。雍州作涼州也。

通鑑胡注。風俗通邯鄲以國爲姓。余

謂非也。蓋以邑爲姓。左傳晉有邯鄲午。雍州治武威。侯康曰。通鑑興平元年。河西四郡。以去涼州治遠。隔以河寇。上書求別置州。六月丙子。詔以陳留邯鄲商爲雍州刺史。典治之。則作涼州者非。案雍州之雅。官本文注均作靡。前書百官表有靡太宰。太視令丞。如淳注。五時在靡。是

靡亦可通雍也。

濟北、北海、阜陵、下邳、常山、甘陵、濟陰、平原、八國皆除。集解錢大昕曰。至必濟北之譌。先謙曰。官本濟北

作齊。

錢大昭曰。考諸王傳。齊王承。北海康王。阜陵王敫。下邳哀王宜。常山王嵩。甘陵獻王忠。濟北王政。平原王碩。此八王皆于建安十一年國除。汲古本有濟北而無齊。闕本有齊而無濟北。兩本俱有濟陰。皆誤。今案濟北。闕本作齊。官本亦作齊。則監本

之作齊可知。通鑑所據者。當是北宋監本。故與今官本全同。齊字不誤。濟陰則皆誤。侯康據通鑑胡三省注。謂濟陰據范史。當是濟北。蓋范史原文。濟陰二字。原是濟北。胡所見本如此。竊謂胡所見本。必與汲古本同。但八國中別有一濟北耳。若果濟陰作濟北。可

直訂其誤。何

云當是耶。

曹操大破烏桓於柳城。斬其蹋頓。注。蹋頓。匈奴王號。柳城。縣名。屬遼西郡。今營州縣。集解何焯曰。其字

應衍先謙曰。柳城卽後魏之營州。

案烏桓傳。蹋頓爲遼西烏桓王。丘力居從子。代丘力居立爲王。是蹋頓乃烏桓王名。故何氏謂其字應衍。不解注何以釋爲匈奴王號。柳城。前漢遼西縣。後漢爲遼東屬

國轄地。雖續志不載。縣已省并。而其名仍附見於公孫瓚。烏桓等傳。營州。公孫康據遼東時已設置。亦不始於後魏也。

有星孛於鶉尾。注。鶉尾。己之分也。

官本注末無也字。

敦爲東海王。集解。錢大昕曰。至當是北海之譌。

侯康曰。孔融傳。建安五年。南陽王馮。東海王祗薨。注云。並獻帝子。考獻帝九歲卽位。建安五年。年才二十。不得有孫。則東海之封。建安五年已

絕。故今以封敦。無庸改爲北海也。今案孔融傳。明言南陽。東海二王。諸在沖胤。聖慈哀悼。禮同成人。是東海王祗並未成人。安得有嗣封之子。旣無子。則國絕。故以改封敦。侯說是也。至錢氏大昕之說。則承東海恭王彊傳之誤。考彊傳。彊曾孫孝王臻。立三十一年。薨。子懿王祗嗣。祗立四十四年。薨。子羨嗣。二十年。魏受禪。以爲崇德侯。以傳證紀。則建安五年。薨之東海王祗。是東海王臻之子。非獻帝皇子。而與融傳爲不合矣。然融傳明有故事。必不至誤。且敦爲東海王。袁紀通鑑。前後皆同。又蜀志許靖傳。注引山陽公載記。視章懷爲詳。亦云。敦爲東海王。則東海斷非北海之譌。夫一國不能兩封。意東海恭王之國。傳至孝王臻。後紀無紹封明文。或以絕除。或又改封。均未可定。其誤固在彼。不在此也。

討朱建于枹罕。獲之。注。枹罕。縣屬金城郡。

案前志屬金城。續志改屬隴西。

# 皇后紀第十上

〔集解〕錢大昕曰晉書稱華幡作後漢書九十七卷有帝紀十二卷皇后紀二卷先是東觀漢紀依班固之例作外戚傳。幡以爲皇后配天作合前史作外戚傳以繼末篇非其義也。故易爲皇后紀以次帝紀。其後王隱撰晉書亦從華幡之例。范書因之何焯以爲東京皇后臨朝者六范氏作皇后紀合史家之變爲得其實此臆說也。

## 後漢書十上

宋宣城太守范曄撰

唐章懷太子賢注

王先謙集解

夏殷呂上后妃之制其文略矣周禮王者立后

鄭玄注禮記曰后之言後言在夫之後也

三夫人九嬪二十七世婦八十一女

御呂備內職焉后正位宮闈同體天王夫人坐論婦禮

鄭玄注周禮云夫人之於后猶三公之於王坐而論婦禮也

九嬪掌教四德

九嬪比九卿周

禮曰九嬪掌婦學之法以教九御也四德謂婦德婦言婦容婦功也

世婦主喪祭賓客

婦服也明其能服事於人也比二十七大夫周禮世婦掌祭祀賓客喪紀之事祭之日洩陳女宮之具凡內羞之物掌弔臨于啣大夫之喪〔集解〕

惠棟曰王昭禹曰執箕帚以事人者謂之婦記曰納女於天子備洒掃婦之事人有廣嗣之義故謂之世婦

女御序于王之燕寢

御謂進御于王也比八十一元上周禮曰女御敘于王之燕寢以歲時獻功事也

嬪官

分務各有典司女史彤管記功書過

周禮云女史掌王后之禮書內令凡后之事以禮從也鄭玄注云亦如太史之於王也彤管赤管筆也詩云詒我彤管注云古者后夫人必有女史彤管之法也

居

有保阿之訓，動有瓊珮之響。

列女傳曰：齊孝公孟姬，華氏之女。從孝公遊，車奔，姬懼車碎，孝公使駟馬立車載之。姬泣曰：妾聞妃下堂，必從傅母保阿，進退則鳴玉珮環，今立車無駟，非敢受命。

進賢才目

輔佐君子，衷窈窕而不淫其色。

詩序云：關雎樂得淑女，以配君子，憂在進賢，不淫其色，衷窈窕，思賢才而無傷善之心。毛萇注云：窈窕，幽閒也。〔集解〕先謙曰：官本正文及注，並作衷窈窕，是也。哀與思同義。孔子所謂

哀而不傷也，衷字，鄭君所改，非。

所目能述宣陰化，修成內則。

周禮內宰職曰：以陰禮教六宮，以婦職之法教九御。

閨房肅雍，險謁不行也。

肅，敬也。雍，和也。謁，請也。言能輔佐君

子和順恭敬，不行私謁。詩序曰：雖則王姬，猶執婦道，以成肅雍之德。又曰：而無險謁私謁之心。

故康王晚朝，關雎作諷。

前書音義曰：后夫人雞鳴珮玉去君所，周康王后不然，故詩人歎而傷之。見魯詩。

宣后晏

起，姜氏請愆。

列女傳曰：周宣姜后，齊侯之女也。宣王常夜臥晏起，后夫人不出房。姜后既出，迺脫簪珥，待罪於永巷，使傅母通言於王曰：妾不才，淫心見矣。至使君王失禮而晏起，以見君王樂色忘德，敢請罪。惟君王之命。王曰：寡人之過，夫人何

辜，遂勤政事成。中興之名焉。

及周室東遷，禮序凋缺。

幽王時，西夷犬戎共攻殺幽王于驪山之下。太子宜臼立，是為平王，東遷洛邑，以避犬戎，政遂微弱。

諸侯僭縱，軌制無章。齊桓

有如夫人者六人。

左傳曰：桓公多內寵，有如夫人者六人。長衛姬，少衛姬，鄭姬，葛蕪，密姬，宋華子也。

晉獻升戎女為元妃。

元妃，嫡夫人也。史記曰：晉獻公伐驪戎，得驪姬，愛幸，立以為妃。

終

於五子作亂。

桓公六夫人生六子，桓公卒，立公子昭。於是公子無虧、公子元、公子潘、公子商人、公子雍等五公子皆求立，公子昭奔宋，是作亂也。

冢嗣遭屯。

冢，大也。遭，遇也。屯，難也。晉獻公受驪姬之譖，殺太子申生，故曰遇屯。

爰逮戰國，風憲逾薄，適情任欲，顛倒衣裳。

上曰衣，下曰裳。詩曰：綠兮衣兮，綠衣黃裳。鄭玄曰：綠衣黑，今反以黃為裏，非其禮制。諛妄上僭也。

呂至破國亡身，不可

勝數。斯固輕禮弛防。先色後德者也。秦并天下，多自驕大，宮備七國。

史記曰：始皇破六國，寫放其宮室，作之咸陽北坂上，南臨渭水，殿屋複道，周閣相屬。

所得諸侯美人，以充入之，并秦爲七也。

爵列八品。

前書曰：漢興，因秦之稱號，正嫡稱皇后，妾皆稱夫人，又有美人、良人、八子、七子、長使、少使之號。

漢興，因循其號，而婦制莫釐。釐、高祖

帷薄不修。

大戴禮曰：大臣坐污穢，男女無別者，不曰污穢。曰帷薄不修，謂周昌入奏事，高祖擁戚姬，是不修也。

孝文衽席無辨。

鄭玄注禮記曰：衽，臥席也。孝文幸慎夫人，每與皇后同坐，是無辨也。

然而選

納尙簡，飾翫少華。自武元之後，世增淫費，至乃掖庭三千，增級十四。

婕妤一，嬪二，容華三，充衣四，已上武帝置昭儀五，元帝置美人六，良人七，七子八。

八子九，長使十，少使十一，五官十二，顯常十三，舞涓，共和，娛靈，保林，良娣，使夜者，十四。此六官品秩同爲一等也。

妖幸毀政之符。

〔集解〕先謙曰：官本幸作倖，是。

外姻亂邦之迹。前史載之詳

矣。及光武中興，斲彫爲朴。

彫爲刻鏤也。史記曰：漢興，破觚而爲圓，斲彫而爲朴。

六宮稱號，唯皇后貴人。

鄭玄注周禮曰：皇后正寢一，燕寢五，是爲六宮也。夫人已下分居焉。

貴

人金印紫綬，奉不過粟數十斛。又置美人、宮人、采女三等。

〔集解〕惠棟曰：風俗通采女案采者擇也。

並無爵秩。歲時賞賜，充給

而已。漢法常因八月算人。

漢儀注曰：八月初爲算賦，故曰算人。

遣中大夫與掖庭丞及相工，於洛陽鄉中，閱視良家童女，年

十三以上，二十以下，姿色端麗，合法相者，載還後宮。擇視可否，迺用登御。所目明慎聘納，詳求淑哲，明

帝聿遵先旨宮教頗修登建嬪后必先令德內無出闔之言闔門限也禮記曰外言不入於闔內言不出於闔也權無私溺之授可謂

矯其敵矣向使因設外戚之禁編著甲令前書音義曰甲令者前帝第一令也有甲令乙令丙令改正后妃之制貽厥方來豈不休哉

雖御己有度而防閑未篤故孝章目下漸用色授恩隆好合遂忘淄蠹淄黑也蠹食木蟲以諭傾敗也自古

雖主幼時艱王家多釁必委成冢宰簡求忠賢未有專任婦人斷割重器唯秦苻太后始攝政事苻音亡爾

反故穰侯權重於昭王家富於嬴國太后昭王母也號宣太后史記曰昭王立年少宣太后自知事以同母弟魏冉為將軍任政封為穰侯太后攝政始於此也漢仍其謬知患

莫改東京皇統屢絕權婦女主外立者四帝謂安質桓靈臨朝者六后章帝竇太后和熹鄧太后安思閹太后順烈梁太后桓思竇太后靈思何太后也莫

不定策帷帟委事父兄貪孩童目久其政〔集解〕惠棟曰周章傳鄧太后以皇子勝竊不可奉承宗廟貪殤帝孩抱養為己子故言之抑明賢目專其威周禮

掌幃帟帷幕之事鄭玄注曰帟幄中坐上承塵也殤帝崩鄧太后與兄鸞等迎立安帝年十三冲帝崩梁太后與兄冀迎立質帝年八歲質帝崩太后與兄冀迎立桓帝年十五桓帝崩竇太后與兄武迎立靈帝年十二〔集解〕惠棟曰明賢謂清河王蒜也

重道悠利深禍速身犯霧露於雲臺之上霧露謂疾病也不可指言死故假霧露以畜之靈帝時中常侍曹節矯詔遷太后於雲臺謝桐上封事曰伏惟皇太后援立明聖幽居定宮如有霧露之疾產

任

幕人

亡爾



下當何面目以見天下。（集解）先謙曰官本畜作言是。

家嬰繹綫於囹圄之下。

縲索也。綫繫也。囹圄周獄名也。鄉亭之獄曰圜。音五旦反。謂外戚等被誅也。

湮滅連踵。傾軻繼路。

踵

也。軻車較也。賈誼曰。前車覆後車誡。

而赴蹈不息。焦爛為期。終於陵夷大運。淪亡神寶。

陵夷猶頹替。神寶帝位也。

詩書所歎。略同一揆。故考

列行跡。呂為皇后本紀。雖成敗事異。而同居正號者。並列于篇。其呂私恩追尊。非當時所奉者。則隨它

事附出。

謂安帝母左姬及祖母宋貴人之類。並見清河孝王傳。集解惠棟曰。劉良文選注。追尊謂生非經奉承宗廟祭祀而死後追尊者。他事謂不隨王后之事也。

親屬別事。各依列傳。其餘無所

見。則係之此紀。

謂賈貴人。虞美人之類。是也。集解錢大昕曰。此言后妃親屬。如陰馬。鄧寶之倫。事迹昭著。別為列傳。其無事可見者。附入此紀。不更立外戚傳。若郭況。閻顯。鄧康之類。是也。注似未達其旨。

呂續西京外

戚云爾。

續繼也。集解惠棟曰。謂繼前漢外戚傳也。

光武郭皇后。諱聖通。真定藁人也。

藁縣名。故城在今恆州藁城縣西。集解沈濤曰。前志真定縣有藁城。此與銚期傳但曰藁。則前書疑衍城字。淺人據後代地名增之耳。後漢並無此縣。隋志云。趙郡藁城後

齊廢下曲陽入焉。改為藁城縣。夫曰改為。則齊前無城字可知。而魏地形志云。鉅鹿郡藁城。前漢屬真定。後漢屬（下有脫文）晉罷太和十二年。復城字。當亦據後世地名增之。此縣晉時始罷。今後志無之。當有舊文。先謙曰。前志作藁城。見地理。五行二志。不應緣此與銚期傳無城字。而以前志有城字為淺人所增。設此疑難也。餘見郡國志。今正定府藁城縣西南邱頭社。

為郡著姓。父昌。讓田宅財產數百萬與異母弟。國人義之。

仕郡功曹娶真定恭王女號郭主

恭王名普景帝七代孫

生后及子況昌早卒郭主雖王家女而好禮節儉有母儀

之德更始二年春光武擊王郎至真定因納后有寵及即位呂為貴人建武元年生皇子彊帝善況小

心謹慎年始十六拜黃門侍郎二年貴人立為皇后彊為皇太子封況緜蠻侯

〔集解〕陳景雲曰緜蠻當是綿曼之誤真定屬縣也郡國

志無之蓋後已省李賡芸曰春秋戎蠻子公羊作曼蠻曼二字古通借先謙曰今正定府獲鹿縣北

呂后弟貴重賓客輻湊況恭謙下士頗得聲譽

〔集解〕惠棟曰拾遺記云況雖居富勢閉

門優游未曾干世事為一時之智也

十四年遷城門校尉其後后呂寵稍衰數懷怨懟十七年遂廢為中山王太后進后中

子右翊公輔為中山王呂常山郡益中山國徙封況大國為陽安侯

陽安縣屬汝南郡故城在今豫州朗山縣故道國城是也〔集解〕先謙曰在今汝寧

府確山縣東北

后從兄竟呂騎都尉從征伐有功封為新鄴侯官至東海相

新鄴縣屬汝南郡故城在今潁州汝陰縣西北鄴丘城是也〔音七私反〕〔集解〕先謙曰

在今潁州府太和縣北舊志七十里訛為宋王城

竟弟匡為發干侯

發干縣屬東郡故城在今博州堂邑縣西南〔集解〕先謙曰在今東昌府堂邑縣西南

官至太中大夫

〔集解〕錢大昕曰新鄴侯

竟發干侯匡歷官具詳於後此文依史通點煩之例可省二十字

后叔父梁早終無子其婿南陽陳茂呂恩澤封南鄉侯

〔集解〕錢大昕曰南鄉侯先謙曰注見光武紀

十年中山王輔復徙封沛王。后爲沛太后。況遷大鴻臚。帝數幸其第。會公卿諸侯。親家飲燕。賞賜金錢。繡帛。豐盛莫比。京師號況家爲金穴。

〔集解〕惠棟曰。拾遺記。況累金數億。家僮四百餘人。以黃金爲器。閣下有藏金窟。列武士以衛之。錯雜寶以飾臺榭。其寵者皆以玉器盛食。故東京謂郭家爲瓊厨金穴。

二十六年。后母郭主薨。帝親臨喪送葬。百官大會。遣使者迎昌喪柩。與主合葬。追贈昌陽安侯印綬。諡

曰思侯。二十八年。后薨。葬於北芒。

〔集解〕汪文臺曰。御覽百三十七引續漢書作葬北陵。

帝憐郭氏。詔況子璜尚清陽公主。除璜爲郎。

顯宗卽位。況與帝舅陰識。陰就。並爲特進。數授賞賜。

〔集解〕劉敞曰。案文授當作受。

恩寵俱渥。禮待陰。郭。每事必均。永平

二年。況卒。贈賜甚厚。帝親自臨喪。諡曰節侯。子璜嗣。元和三年。肅宗北巡狩。過真定。會諸郭朝。見上壽。

引入。倡飲甚歡。

說文曰。倡。樂也。聲類曰。併。

呂太牢具上郭主冢。賜粟萬斛。錢五十萬。永元初。璜爲長樂少府。

長樂少府。掌皇太后

宮。秩二千石。居長信宮。曰長信少府。長樂宮曰長樂少府。

子舉爲侍中。兼射聲校尉。及大將軍竇憲被誅。舉呂憲汝堵謀逆。故父子俱下

獄死。家屬徙合浦。

郡名。今廉州縣。〔集解〕先謙曰。今廉州府合浦縣東北七十五里。

宗族爲郎吏者。悉免官。新郵侯竟。初爲騎將。

前書曰。車戶騎將屬光祿。

秩比千石從征伐有功拜東海相永平中卒子嵩嗣嵩卒追坐染楚王英事國廢建初二年章帝紹封嵩子

勤爲伊亭侯勤無子國除發干侯匡官至太中大夫建武三十年卒子勳嗣勳卒子駿嗣永平十三年

亦坐楚王英事失國建初三年復封駿爲觀都侯卒無子國除郭氏侯者凡三人皆絕國

論曰物之興衰情之起伏理有固然矣而崇替去來之甚者必唯寵惑乎當其接牀第承恩色雖險情

贅行莫不德焉說文曰贅臃也老子曰餘食贅行河上公注曰行之無當爲贅莊子曰附贅懸疣言醜惡也及至移意愛析熾私雖惠心妍狀愈獻醜焉愛升

則天下不足容其高歡隊故九服無所逃其命斯誠志士之所沈溺君人之所抑揚未或違之者也郭  
后呂衰離見貶恚怨成尤而猶恩加別館增寵黨戚至乎東海逡巡去就呂禮使後世不見隆薄進退  
之隙不亦光於古乎

光烈陰皇后諱麗華謚法曰執德遵業曰烈東觀記有陰子公者生子方方生幼公公生君孟名睦卽后之父也今世本睦南

作陸〔集解〕惠棟曰孫愔案風俗通曰管修自齊適楚爲陰大夫其後氏爲子方宣帝時人見陰輿傳

陽新野人。初，光武適新野，聞后美，心悅之。後至長安，見執金吾車騎甚盛，因歎曰：「仕宦當作執金吾，娶妻當得陰麗華。」更始元年六月，遂納后於宛，當成里。〔集解〕惠棟曰：御覽引郡國志：鄧州皇后城，卽迎陰后處。時年十九，及光武爲司隸

校尉，方西之洛陽，令后歸新野。及鄧奉起兵，后兄識爲之將，后隨家屬徙清陽，止於奉舍。光武卽位，令

侍中傅俊迎后。

〔集解〕先謙曰：水經注：魯陽關水，逕皇后城西。建武元年，世祖遣侍中傅俊持節迎光烈皇后於清陽，俊發兵三百餘人宿衛皇后，道歸京師，蓋稅舍所在，故城得其名矣。

與胡陽、寧平主，諸

宮人俱到洛陽，吕后爲貴人。

寧平縣屬淮陽，故城在今亳州谷陽縣西南。〔集解〕先謙曰：胡當爲湖，見宋弘傳。

帝吕后雅性寬仁，欲崇吕尊位，后固辭。

吕郭氏有子，終不肯當，故遂立郭皇后。建武四年，從征彭寵，生顯宗於元氏。九年，有盜劫殺后母鄧氏

及弟訴。音欣。

帝甚傷之，迺詔大司空曰：「吾微賤之時，娶於陰氏，因將兵征伐，遂各別離，幸得安全，俱脫虎

口。莊子曰：孔子見盜，跖謂柳下惠曰：幾不免於虎口。

吕貴人有母儀之美，宜立爲后，而固辭弗敢當，列於媵妾。

爾雅曰：媵，送也。孫炎曰：送女曰媵。

朕嘉

其義讓，許封諸弟，未及爵土，而遭患逢禍，母子同命，愍傷于懷。小雅曰：將恐將懼，惟予與汝，將安將樂。

汝轉弃予。谷風之詩。風人之戒，可不慎乎？其追爵謚貴人父陸爲宣恩哀侯，弟訢爲宣義恭侯，呂弟就嗣哀

侯。後及尸柩在堂，使太中大夫拜授印綬，如在國列侯禮。魂而有靈，嘉其寵榮。十七年，廢皇后郭氏，而

立貴人，制詔三公曰：皇后懷執怨懟，數違教令，不能撫循它子，訓長異室，宮闈之內，若見鷹鷂。爾雅曰：宮中小

門謂之關。既無關雎之德，而有呂霍之風。〔集解〕蘇輿曰：后以寵衰怨懟，別無他罪，著見喻以呂霍，未免深文。光武黜呂廟祀而進薄，〔建武中元元年〕亦因於此。豈可託呂幼孤。

恭承明祀，今遣大司徒涉。〔集解〕惠棟曰：劉吉也。章昭國語注：漢宗正用諸劉是也。其上皇后璽綬，陰貴人鄉里良家。

歸自微賤。公羊傳曰：婦人謂嫁曰歸。自我不見，于今三年。詩豳風東山之詞也。宜奉宗廟，爲天下母。主者詳案舊典，時尙尊號。

異常之事，非國休福，不得上壽稱慶。后在位恭儉，少嗜玩，不喜笑謔，性仁孝，多矜慈。七歲失父，雖已數

十年，言及未嘗不流涕。帝見常歎息。顯宗卽位，尊后爲皇太后。永平三年冬，帝從太后幸章陵，置酒舊

宅，會陰鄧故人諸家子孫，並受賞賜。七年崩，在位二十四年，年六十，合葬原陵。明帝性孝愛，追慕無已。

〔集解〕惠棟曰：東觀記：上長思遠墓。至踰年，迺率諸侯王、公、上、外戚、郡國計吏上陵，如會殿前禮。

十七年正月，當謁原陵，夜夢先帝、太后，如平生歡。既寤，悲不能

寐，卽案歷，明旦日吉，遂率百官及故客上陵。其日，降甘露於陵樹。帝令百官采取，呂薦會畢，帝從席前

伏御牀，視太后鏡奩中物。

奩，鏡匣也。音廉。

感動悲涕，令易脂澤裝具。

〔集解〕胡三省曰：沈約云：漢因秦，上陵皆有寢廟，故稱寢殿，起居衣服象生人之具，古寢之意也。

左

右皆泣，莫能仰視焉。

明德馬皇后諱某。

諡法曰：忠和純淑曰德。諱某者，史失其名，下皆類此。

伏波將軍援之小女也。少喪父母，兄客卿敏惠早夭，母蘭夫人

〔集解〕惠棟曰：清河王傳，夫人母爲宋揚姑。

悲傷，發疾恍惚，后時年十歲，幹理家事，勅制僮御。

幹，正也。廣雅曰：僮御，皆使者也。〔集解〕汪文臺曰：御覽百三十七引續漢書云：出入

計校，一作授計，一以貫之。

內外諮稟，事同成人。初，諸家莫知者，後聞之，咸歎異焉。后嘗久疾，大夫人令筮之。

〔集解〕惠棟曰：東觀

記：至卜者家，爲卦問咎崇所在，卜者卦定釋著，仰天歎問之，卜者乃曰：此女雖少年，後必將貴，遂爲帝妃，不可言也。

筮者曰：此女雖有患，而當大貴，兆不可言也。後又呼相

者使占諸女，見后，大驚曰：我必爲此女稱臣。然貴而少子，若養它子者，得方適當踰於所生。初，援征五

溪蠻卒於師。虎賁中郎將梁松、黃門侍郎竇固等，因譖之。由是家益失執。又數爲權貴所侵侮。后從兄嚴，不勝憂憤。白太夫人絕竇氏婚，求進女掖庭。乃上書曰：臣叔父援，孤恩不報。孤負也。而妻子特獲恩全。

戴仰陛下爲天爲父，人情旣不得死，便欲求福。竊聞太子諸王，妃匹未備，援有三女，大者十五，次者十

四，小者十三，儀狀髮膚，上中以上。

東觀記曰：明帝馬皇后美髮，爲四起大髻，但以髮成，尙有餘繞髻。三匝，眉不施黛，獨左眉角小缺，補之如粟，嘗稱疾而終，身得意。

皆孝順，小心，婉

靜有禮。婉，順。願下相工，簡其可否。如有萬一，援不朽於黃泉矣。又援姑姊妹，並爲成帝婕妤，葬於延陵。臣

嚴幸得蒙恩更生，冀因緣先姑，當充後宮。由是選后入太子宫。

〔集解〕惠棟曰：續漢書建武二十八年也。

時年十三，奉承陰后。

傍接同列，禮則修備，上下安之。遂見寵異，常居後堂。顯宗卽位，吕后爲貴人。時后前母姊女賈氏，亦吕選入，生肅宗。帝吕后無子，命令養之，謂曰：人未必當自生子，但患愛養不至耳。后於是盡心撫育，勞悴

過於所生。肅宗亦孝性惇篤，恩性天至，母子慈愛，始終無纖介之間。

纖介，猶微細也。間隙也。

后常吕皇嗣未廣，每懷



憂歎薦達左右。若恐不及。後宮有進見者。每加慰納。若數所寵引。輒增隆遇。永平三年春。有司奏立長

秋宮。

皇后所居宮也。長者久也。秋者萬物成熟之初也。故以名焉。請立皇后不敢指言。故以宮稱之。〔集解〕惠棟曰。續漢書云。有司奏立長秋宮。以率八妾。八妾者。劉向洪範五行傳曰。御廩。夫人八妾所舂米之穀。以奉宗廟者也。師古注。一娶九女。正嫡一餘

者妾也。故云八妾。

帝未有所言。皇太后曰。馬貴人德冠後宮。卽其人也。遂立爲皇后。先是數日。夢有小飛蟲無

數。赴著身。又入皮膚中。而後飛出。旣正位宮闈。愈自謙肅。身長七尺二寸。方口美髮。能誦易。好讀春秋。

楚辭。尤善周官。董仲舒書。

周官。周禮也。仲舒書。玉杯。蕃露。清明。竹林之屬也。蕃音繁。〔集解〕惠棟曰。續漢書云。誦易經。習詩論。春秋略記大義。讀楚辭。尤善賦頌。疾其浮華。聽論輒摘其要。讀光武紀。至有獻千里馬寶劍者。

上以馬駕鼓車。劍賜騎士。手持珠玉。后未嘗不歎息。

常衣大練裙。不加緣。

大練。大帛也。杜預注左傳曰。大帛。厚縉也。太后兄廩上書曰。今陛下躬服厚縉是也。〔集解〕汪文臺曰。御覽三十七引續漢書云。身衣大帛。御者禿裙不

緣。

朔望。諸姬主朝請。

漢律。春日朝。秋日請。

望見后袍衣疏麤。反目爲綺縠。就視迺笑。后辭曰。此縉特宜染色。故用

之耳。六宮莫不歎息。帝常幸苑囿離宮。后輒呂風邪露霧爲戒。辭意款備。多見詳擇。帝幸濯龍中。

續漢志曰。

濯龍。園名。也。近北宮。

並召諸才人。下邳王已下皆在側。請呼皇后。帝笑曰。是家志不好樂。

〔集解〕惠棟曰。是家猶云是人也。王常傳。此家率下江諸將與

此雖來無歡。是呂遊娛之事。希嘗從焉。

〔集解〕惠棟曰。東觀記。后不喜出入。遊觀。希嘗臨御窗。望續漢書作窗牖。

十五年。帝按地圖。將封皇子。悉半

諸國。后見而言曰。諸子食數縣。於制不已儉乎。帝曰。我子豈宜與先帝子等乎。歲給二千萬足矣。時楚

獄連年不斷。囚相證引。坐繫者甚衆。后慮其多濫。乘間言及惻然。帝感悟之。夜起彷徨。爲思所納。

思后所納

之言。〔集解〕汪文臺曰。續漢書云。下有非臣下所得問句。

卒多有所降宥。時諸將奏事。及公卿較議難平者。

廣雅曰。較。明也。〔集解〕通鑑胡注。平。決也。難平。難決者也。王幼學云。平音

病。平其不平曰平。

帝數召試后。后輒分解趣理。各得其情。每於侍執之際。輒言及政事。多所毗補。而未嘗呂家

私干。故寵敬日隆。

〔集解〕惠棟曰。故。舊本作欲。李氏改作故。續漢書云。后志在克己。奉上。不以私家干朝廷也。

始終無衰。及帝崩。肅宗卽位。尊后曰皇太后。

〔集解〕汪文臺曰。續漢書云。太后下詔告三輔二千石。無得令馬氏婚親。因權屬託。奸亂吏治。犯者正法以聞。

諸貴人當徙居南宮。太后感析別之懷。各賜王赤綬。加安車

駟馬。白越三千端。

白越。越布。

雜布二千匹。黃金十斤。自撰顯宗起居注。

〔集解〕惠棟曰。抱朴子。前漢時有禁中起居注。荀悅申鑒最凡二十一。首其十九曰。復內注記。

則漢起居。應在宮中。爲女史之任也。

削去兄防參醫藥事。

〔集解〕汪文臺曰。續漢書云。明帝體不安。召黃門防。本參醫藥。夙夜勤勞。

帝請曰。黃門舅。旦夕供養。且一年。既

無褒異。又不錄勤勞。無過過乎。太后曰。吾不欲令後世聞先帝數親后宮之家。故不著也。建初元年。欲

封爵諸舅。太后不聽。明年夏大旱。言事者曰。爲不封外戚之故。有司因此上奏。宜依舊典。

漢制。外戚以恩澤封侯。故曰舊典。

也。典太后詔曰。凡言事者。皆欲媚朕。曰要福耳。昔王氏五侯。同日俱封。

成帝封太后弟王譚。王商。王立。王根。王逢時等。同時爲關內侯。

其時黃

霧四塞。不聞澍雨之應。又田蚡。竇嬰。寵貴橫恣。傾覆之禍。爲世所傳。

田蚡。景帝王皇后同母弟。武安侯也。爲丞相。貪驕。與淮南王霸上私語。後薨。武帝曰。使武

安侯在者。族矣。竇嬰。文帝竇皇后兄子。魏其侯也。爲丞相。坐與灌夫朋黨。弃市也。

故先帝防慎舅氏。不令在樞機之位。

樞機。近要之官也。春秋運斗樞曰。北斗第一天樞。第二旋。第三機也。

諸子

之封。裁令半楚。淮陽諸國。常謂我子不當與先帝子等。今有司奈何欲曰。馬氏比陰氏乎。吾爲天下母。

而身服大練。食不求甘。左右俱著帛布。無香薰之飾者。欲身率下也。曰。爲外親見之。當傷心自勅。但笑

言。太后素好儉。前過濯龍門上。見外家問起居者。車如流水。馬如游龍。倉頭衣綠繡。領袖正白。

繡。臂衣。今之臂

繡。以縛左右手。於事便也。〔集解〕惠棟曰。胡三省云。臂繡之繡。旁從革。此所謂綠繡。綠。單衣也。下文言領袖正白。則爲單衣之繡。而非臂繡之繡。明矣。

顧視御者。不及遠矣。故不加譴怒。但絕歲

用而已。冀目默愧其心，而猶懈怠，無憂國忘家之慮。知臣莫若君，況親屬乎？吾豈可上負先帝之旨，下

虧先人之德，重襲西京敗亡之禍哉！固不許。西京外戚，呂祿、呂產、竇嬰、上官桀、安父子、霍禹等皆被誅。帝省詔，悲歎，復重請曰：「漢興，舅氏

之封侯，猶皇子之爲王也。太后誠存謙虛，奈何令臣獨不加恩三舅乎？且衛尉年尊，兩校尉有大病，衛尉

太后兄，廖、兩校尉兄，防、兄光也。如令不諱，使臣長抱刻骨之恨，宜及吉時，不可稽留。太后報曰：「吾反覆念之，思令兩善。」〔集解〕

通鑑胡注：兩善，謂國家無濫恩而外戚亦以安全也。豈徒欲獲謙謙之名？〔集解〕惠棟曰：通鑑作謙讓。而使帝受不外施之嫌哉？以恩澤封爵外家爲外施也。昔竇太

后欲封王皇后之兄，竇太后，文帝后也。王皇后，景帝后也。兄即王信，後封爲蓋侯。丞相條侯言受高祖約，無軍功，非劉氏不侯。條侯，周亞夫也。前書曰：高

祖與功臣約，非劉氏不王，非有功不侯，不如約，天下共擊之。今馬氏無功於國，〔集解〕惠棟曰：東觀記：太后曰：吾自念親屬皆無柱石之功。俗語曰：時無絲燒黃土。豈得與陰郭中興之后

等邪？常觀富貴之家，祿位重疊，猶再實之木，其根必傷。文子曰：再實之木，根必傷。掘滅之家，後必殃也。且人所目願封侯者，欲上

奉祭祀，下求溫飽耳。今祭祀則受四方之珍，衣食則蒙御府餘資。〔集解〕通鑑胡注：自西都以來，皇后家祀其父母，太官供具，御府令掌中衣服及補澣之屬，欲

食則太官主之。此言衣食皆資於御府概言之也。斯豈不足而必當得一縣乎。吾計之孰矣。勿有疑也。夫至孝之行。安親爲上。〔集解〕通深胡

注楊子曰。孝莫大於甯親。甯親莫大於得四表之驩心。惠棟曰。李善云。論語摘輔像。曾子未嘗不問安親之道也。今數遭變異。穀價數倍。憂惶晝夜。不安坐臥。而欲先營外

封。逸慈母之拳拳乎。〔集解〕惠棟曰。玉篇。胸脅也。亦作胸。不可不順也。若陰陽調和。邊境清

靜。然後行子之志。吾但當含飴弄孫。〔集解〕惠棟曰。陳楚宋衛之間通語。不能復關政矣。時新平主家御者失火。延及北閣

後殿。太后呂爲己過。起居不歡。時當謁原陵。自引守備不慎。慙見陵園。遂不行。〔集解〕惠棟曰。東觀記。后素謹慎。小感輒自責。如平生事

舅姑初。太夫人葬。起墳微高。〔集解〕惠棟曰。漢律。列侯墳高四丈。關內侯以下至庶人各有差。太后呂爲言。兄廖等即時減削。其外親有謙

素義行者。輒假借溫言。賞以財位。〔集解〕何焯曰。位字疑。如有纖介。則先見嚴恪之色。然後加譴。其美車服。不軌法

度者。便絕屬籍。遣歸田里。廣平、鉅鹿、樂成、王車騎朴素。無金銀之飾。帝呂白太后。太后卽賜錢各五百

萬。於是內外從化。被服如一。〔集解〕惠棟曰。東觀記。明德后詔書流布。咸稱正德。王主諸室。莫敢犯禁。時廣平、樂成王在邸。入問起居。帝望見車騎鞍勒皆純黑。無金銀綵飾。馬不踰六尺。於是以白太后卽賜錢各五百

萬於是施親戚 諸家惶恐倍於永平時 迺置織室 蠶於濯龍中 前書有東織西織屬少府平帝改名織室 數往觀視 呂為娛樂 常被服自此始

與帝且夕言道政事 及教授諸小王 論語經書 述敘平生 雍和終日 四年天下豐稔 方垂無事 帝遂封

三舅 廖防光為列侯 並辭讓 願就關內侯 太后聞之曰 聖人設教 各有其方 知人情性 莫能齊也 禮記王制

曰 凡居人材 必因天地寒暖燥濕 廣谷大川異制 人居其間 異俗修其教 不易其俗 齊其政 不易其宜 中國戎夷 五方之人 皆有性也 不可推移 吾少壯時 但慕竹帛 志不顧命 言少慕古人書名竹帛不顧命

之長 今雖已老 而復戒之在得 論語孔子曰少之時戒之在色及其老也戒之在得得貪簡也言彌復吝惜封爵不欲濫封親戚也 故日夜惕厲 思自降損 惕懼也厲危也

居不求安 食不念飽 冀乘此道 不負先帝 所旨化導 兄弟共同斯志 欲令瞑目之日 無所復恨 何意老

志復不從哉 萬年之日 長恨矣 廖等不得已 受封爵 而退位歸第焉 太后其年寢疾 不信巫祝 小醫數

勅絕禱祀 至六月崩 在位二十三年 年四十餘 〔集解〕惠棟曰建武二十八年 后年十三入太子宮 至建初四年崩年止四十也 合葬顯節陵

賈貴人 南陽人 建武末 選入太子宮 中元二年生肅宗 而顯宗 旨為貴人 帝既為太后所養 專旨馬氏

爲外家。故貴人不登極位。賈氏親族無受寵榮者。及太后崩。遺策書加貴人王赤綬。續漢書曰。諸侯王赤綬也。〔集解〕惠棟曰。

建初四年八月甲午。詔曰。賈貴人者。奉侍先帝。劬勞帷幄。建初之後。以至親供養。長樂宮昏定晨省。夙夜匪懈。今賜貴人赤綬。安車一駟。永巷宮人二百。御府雜帛二萬匹。大司農黃金千斤。錢二萬。詔既早。離皇太后。幸復承子道。中心依依。昊天罔極。

一駟。永巷宮人二百。永巷。宮中署名也。後改爲掖庭。永巷宮人。即宮婢也。御府雜帛二萬匹。大司農黃金千斤。錢二千萬。〔集解〕惠棟曰。帝王世紀。章帝

母姓祕不出。號其幕曰長信家。蔡邕集。中水侯弟伏波將軍。女在淑媛。作合孝明。誕生孝章。蓋當時臣子。不敢斥言章帝爲賈貴人所生。以未受尊號故也。

章德竇皇后。諱某。扶風平陵人。〔集解〕錢大昕曰。馬皇后。援之少女。梁貴人。竦之女。鄧皇后。禹之孫。和帝陰皇后。光烈后。兄

郡縣人。竇皇后。融之曾孫女。而又書扶風平陵人。伏皇后。滿之八世孫。而又書琅邪東武人。是自亂其例也。班超。彪之少子。而又書扶風平陵人。黃瓊。香之子。而又書江夏安陸人。荀彧。淑之曾孫。而又書潁川潁陰人。鄭大衆之曾孫。而又書河南開封人。周舉。防之子。而又書汝南汝陽人。皇甫嵩。規之兄子。而又書安定朝那人。伏恭。湛之兄子。而又書琅邪東武人。袁紹。湯之孫。袁術。逢之子。而又書汝南汝陽人。李固。邵之子。而又書漢中南鄭人。法真。雄之子。而又書扶風郿人。周燮。燕之後。而又書汝南安城人。皆縣複可省。

司徒融之曾孫也。祖穆。父勳。坐事死。事在竇融傳。勳尙東海恭王彊女泚陽公主。〔集解〕先謙曰。泚當作泚。下同。餘見光武紀。

后其長女也。家既廢壞。數呼相工問息耗。薛氏韓詩章句曰。耗。惡也。息耗。猶言善惡也。〔集解〕惠棟曰。倉頡篇。耗。消也。董仲舒對策云。察天下之息耗。師古注。息生也。耗。虛也。韓非子。適觀息耗。萬不失

一、淮南子息耗滅益。通於不訾義並同。

見后者皆言當大尊貴，非臣妾容貌。年六歲能書，親家皆奇之。建初二年，后與女弟

俱，呂選例入見長樂宮，進止有序，風容甚盛。肅宗先聞后有才色，數召訊諸姬傅。

訊，問也。傅，謂傅母。

及見，雅呂

為美。馬太后亦異焉，因入掖庭，見於北宮章德殿。后性敏給，傾心承接，稱譽日聞。明年，遂立為皇后，妹

為貴人。七年，追爵諡后父勳為安成思侯。

安成縣屬汝南郡，故城在今豫州吳房縣東南。

后寵幸殊特，專固後宮。初，宋貴人生皇

太子慶，梁貴人生和帝，后既無子，並疾忌之。數間於帝，漸致疎嫌，因誣宋貴人挾邪媚道，遂自殺。廢慶

為清河王。語在慶傳。梁竦人者，梁竦之女也。少失母，為伯母舞陰長公主所養。

長公主，光武女，梁松尙焉。

年十六，建初

二年，亦與中姊俱選入掖庭為貴人。四年生和帝，后養為己子，欲專名外家，而忌梁氏。八年，迺作飛書

呂陷竦。

飛書，若今匿名書也。

竦坐誅，貴人姊妹呂憂卒。自是宮房懞息。

懞，懼也。音懞。周書曰：臨捕以威而氣懞懼也。

后愛日隆，及帝崩，和帝

即位，尊后為皇太后，皇太后臨朝，尊母泚陽公主為長公主，益湯沐邑三千戶。兄憲、弟篤、景，並顯貴，擅



威權。後遂密謀不軌。永元四年。發覺被誅。九年。太后崩。未及葬。而梁貴人姊嬀。

音一計反。〔集解〕惠棟曰。嬀。袁紀作憑。

上書

陳貴人枉殯之狀。太尉張酺。司徒劉方。司空張奮。上奏。依光武黜呂太后故事。

中元元年。黜呂后。不宜配食高廟。

貶太后

尊號。不宜合葬先帝。百官亦多上言者。帝手詔曰。竇氏雖不遵法度。而太后常自減損。朕奉事十年。深

惟大義。禮臣子無貶尊上之文。恩不忍離。義不忍虧。案前世上官太后。亦無降黜。

上官太后。昭帝后也。父安與燕王謀反。誅太后以年

少。又霍光外孫。故不廢也。

其勿復議。於是合葬敬陵。在位十八年。帝曰。貴人酷殘。殮葬禮闕。迺改殯於承光宮。上尊諡

曰恭懷皇后。諡法曰。敬事尊上曰恭。慈仁哲行曰懷。

追服喪制。百官縞素。與姊大貴人俱葬西陵。

〔集解〕通鑑胡注。西陵。蓋以其地在敬陵之西。故稱西陵。猶薄太后

在霸陵南。因謂之南陵也。

儀比敬園。

敬園。安帝祖母宋貴人之園也。〔集解〕錢大昕曰。注說非也。章帝葬敬陵。以竇皇后合葬。而梁太后別葬西陵。史稱儀比敬園者。謂置令丞守衛。如敬陵之制。百官志。每園陵令各一人。掌守園陵。案行掃除。故稱

敬陵曰敬園。猶西京之高園。文園也。若清河王慶之母宋貴人。別葬樊濯聚。和帝時。慶欲求作祠堂。恐有自同恭懷。梁后之嫌。遂不敢言。安得有敬園之稱乎。其後安帝嗣立。追尊祖母為敬隱皇后。距恭懷改葬二十餘年矣。祭祀志。安帝建光元年。追尊祖母陵曰敬北

陵。亦就陵寢祭。太常領。如西陵。此則敬北陵之儀。比西陵耳。章懷何不考其年代。而妄為之說乎。

和帝陰皇后諱某。光烈皇后兄執金吾識之曾孫也。〔集解〕惠棟曰：袁宏紀：后祖父永明帝時為侍中，親幸左右，父綱為屯騎校尉。后少聰慧，善書藝。

永元四年，選入掖庭。吕先后近屬，故得為貴人。有殊寵。八年，遂立為皇后。自和熹鄧后入宮。熹音許其反。愛

寵稍衰。數有恚恨。后外祖母鄧朱，出入宮掖。十四年夏，有言后與朱共挾巫蠱道。巫師為蠱，故曰巫蠱。左傳注曰：蠱，惑也。事

發覺。帝遂使中常侍張慎與尚書陳襲於掖庭獄雜考案之。朱及二子奉、毅與后弟軼、輔、敞辭語相連。

及吕為祠祭祝詛，大逆無道。奉、毅、輔考死獄中。帝使司徒魯恭持節賜后策，上璽綬，遷於桐宮。吕憂死。

立七年，葬臨平亭部。葬于亭部內之地也。〔集解〕惠棟曰：說文：墳，徒隸所居。一曰女牢。一曰亭部。靈帝紀：熹平五年，使侍御史行詔獄亭部，理冤枉，原輕繫，休囚徒，是則輕罪居亭部也。父特進綱自殺。軼、

敞及朱家屬徙日南比景縣。〔集解〕先謙曰：下卷閩后傳注當移此。宗親內外昆弟皆免官，還田里。永初四年，鄧太后詔赦

陰氏徙者歸故郡，還其資財五百餘萬。

和熹鄧皇后諱綏。蔡邕曰：諡法有功安人曰熹。太傅禹之孫也。父訓，護羌校尉。〔集解〕惠棟曰：續漢書：訓有五男三女，長驍，次京，悝，宏，閭。女燕，次綏，綏即后也。次容，燕，早卒。有子女

蔡邕曰：諡法有功安人曰熹。

〔集解〕惠棟曰：續漢書：訓有五男三女，長驍，次京，悝，宏，閭。女燕，次綏，綏即后也。次容，燕，早卒。有子女

娥甫在襁褓時。后年十二。傷  
娥早孤。養視撫育。慈恩深至。

母陰氏。光烈皇后從弟女也。后年五歲。太傅夫人愛之。自為剪髮。夫人年高。日

冥誤傷后額。

〔集解〕惠棟曰。東觀記。雖痛忍不言。一額盡傷。

忍痛不言。左右見者。怪而問之。后曰。非不痛也。太夫人哀憐。為斷髮。

難傷老人意。故忍之耳。六歲能史書。

史書。周宣王太史籀所作大篆十五篇也。前書曰。教學童之書也。〔集解〕惠棟曰。東觀記。后六歲。諸兄持后髮。后曰。身體髮膚。受之父母。不敢毀傷。孝之始也。奈何弄人

髮。十二通詩論語。諸兄每讀經傳。輒下意難問。

下意。猶出氣也。

志在典籍。不問居家之事。母常非之曰。汝不習

女工。且供衣服。乃更務學。寧當舉博士邪。后重違母言。晝修婦業。暮誦經典。家人號曰諸生。父訓異之。

事無大小。輒與詳議。

〔集解〕惠棟曰。袁宏紀云。訓閭庭甚嚴。諸子進見。未嘗賜席。至於后。事無大小。每輒咨之。弟邠曰。平生不與諸男語。今豈年衰耶。訓曰。我不衰。是女雖小。諸兒無及者。必益於我家。是以奇之。

永元四

年。當目選入。會訓卒。后晝夜號泣。終三年。不食鹽菜。憔悴毀容。親人不識之。后嘗夢捫天。

捫。摸也。

蕩蕩正

青。若有鍾乳狀。

〔集解〕惠棟曰。東觀記。滑如磬磳。有若鍾乳。

迺仰嗽飲之。且訊諸占夢。言堯夢攀天而上。湯夢及天而啣之。

啣音

是〔集解〕惠棟曰。周宣夢書。昔聖帝明皇之時。神氣炤然先見。故堯夢乘龍上天。湯夢布令天下。後皆有天下。啣。東觀記作氈。荀卿子曰。伏而啣天。注。啣與氈同。啣亦作括。用舌食也。

斯皆聖王之前占。吉不可言。又

相者見后驚曰此成湯之法也

續漢書曰相者待詔相工蘇文曰此成湯之骨法〔集解〕汪文臺曰御覽百三十七引續漢書云相者待詔相工蘇太

家人竊喜而不敢宣后

叔父陔言常聞活千人者子孫有封冕訓爲謁者使修石臼河

〔集解〕何焯曰使修當作罷修惠棟曰修本治字罷治石臼河爲不辭矣袁紀治石臼河甚有方法

數千人蓋訓先治之後知其難成而復罷之也

歲活數千人天道可信家必蒙福初太傅禹歎曰吾將百萬之衆未嘗妄殺一人其

後世必有興者

〔集解〕先謙曰其字當衍

七年后復與諸家子俱選入宮后長七尺二寸姿顏姝麗

姝美色也詩曰彼姝者子

絕異

於衆左右皆驚八年冬入掖庭爲貴人時年十六恭肅小心動有法度承事陰后夙夜戰兢接撫同列

常克己呂下之

〔集解〕惠棟曰馬融論語注克己約身也

雖宮人隸役皆加恩借

〔集解〕通鑑胡注既有以恩之又假借以辭色

帝深嘉焉及后有疾特命

后母兄弟入親醫藥不限日數后言於帝曰宮禁至重而使外舍久在內省

外舍

上令陛下有幸私

之讖

〔集解〕惠棟曰幸私通鑑作私幸

下使賤妾獲不知足之謗上下交損誠不願也帝曰人皆目數入爲榮貴人反目

爲憂深自抑損誠難及也每有讖會諸姬貴人競自修整簪珥光采袿裳鮮明

說文簪笄也珥瑱也以玉充耳磬名曰婦人上服曰袿

而后獨著素裝服無飾。

〔集解〕汪文臺曰初學記十引續漢書云衣不擇采裝不務飾。

其衣有與陰后同色者。即時解易。若並時進見。則不

敢正坐。離立。行則僂身自卑。

離並也。禮記曰離坐離立。無往參焉。

帝每有所問。常逡巡後對。不敢先。陰后言。帝知后勞心曲

體。歎曰。修德之勞。迺如是乎。後陰后漸疎。每當御見。輒辭曰疾。時帝數失皇子。后憂繼嗣不廣。數選進

才人。

〔集解〕通鑑胡注。西漢宮中爵號無才人。蓋東都所置也。

呂博帝意。陰后見后德稱日盛。不知所為。遂造祝詛。欲呂為害。帝嘗寢病。

危甚。陰后密言。我得意。不令鄧氏復有遺類。后聞。迺對左右流涕言曰。我竭誠盡心。呂事皇后。竟不為

所祐。而當獲罪於天。婦人雖無從死之義。然周公身請武王之命。

武王有疾。周公為之請命於太王。王季。文王曰。若爾三王有不子之責于天。以且代某之身也。

越姬心誓必死之分。

越姬。楚昭王之姬。越王句踐女也。昭王譙遊。越姬從。謂姬曰。樂乎。對曰。樂則樂矣。而不可久也。王曰。願與子生死若此。姬曰。君王樂遊。要妾以死。不敢聞命。後王病。有赤雲夾日如飛鳥。王問周太史。史曰。是害王

身。請移於將相。王曰。將相於狐。猶股肱也。不聽。姬曰。大哉。君王之德。妾請從王死矣。昔日遊樂。是以不敢聽命。今君王復禮。國人為君王死。何況妾乎。妾願先驅。狐狸於地下。昔日口雖不言。心許之矣。妾聞信者。不負其心。遂自殺。故曰。心誓事見列女傳也。

上

呂報帝之恩。中呂解宗族之禍。下不令陰氏有人豕之讖。

高帝愛幸戚夫人。帝崩。呂太后斷夫人手足。去眼。蕭耳。使居鞠室中。名曰人彘也。

即欲飲藥。

宮人趙玉者固禁之。因詐言屬有使來。

〔集解〕通鑑胡注。屬之欲反會也。

上疾已愈。后信目爲然。廼止。明日帝果瘳。十四

年夏。陰后呂巫蠱事廢。后請救。不能得。帝便屬意焉。后愈稱篤疾。深自閉絕。會有司奏建長秋宮。帝曰。

皇后之尊。與朕同體。承宗廟。母天下。豈易哉。唯鄧貴人德冠後庭。迺可當之。至冬立爲皇后。辭讓者三。

然後卽位。手書表謝。深陳德薄。不足充小君之選。是時方國貢獻。競求珍麗之物。自后卽位。悉令禁

絕。歲時但供紙墨而已。帝每欲官爵鄧氏。后輒哀請謙讓。故兄鶡終帝世。不過虎賁中郎。元興元年。帝

崩。長子平原王有疾。而諸皇子夭歿。前後十數。後生者輒隱祕。養於人間。殤帝生始百日。后迺迎立之。

尊后爲皇太后。

〔集解〕黃山曰。殤帝生始百日。何能躬上皇太后尊號。特羣臣稱詔書尊之耳。然自是闔梁諸太后沿爲典制矣。

太后臨朝。和帝葬後。宮人並歸園。太后

賜周馥貴人策曰。朕與貴人託配後庭。共歡等列。十有餘年。不獲福祐。先帝早弃天下。孤心焚焚。

焚焚。孤持。

之貌也。詩曰。

靡所瞻仰。夙夜永懷。感愴發中。今當呂舊典。分歸外園。慘結增歎。燕燕之詩。曷能喻焉。

詩都。靡序。

焚焚在疚。

曰衛莊姜送歸姜也其詩曰燕燕于飛差池其羽之子于歸遠送于野瞻望不及泣涕如雨

其賜貴人王青蓋車采飾輅驂馬各一副黃金三十斤雜帛三千

匹白越四千端又賜馮貴人王赤綬以未有頭上步搖環珮加賜各一具

周禮王后首服爲副所以副首爲飾若今步搖也釋名曰皇后首副其上

有垂珠步則搖也

是時新遭大變法禁未設宮中亡大珠一篋太后念欲考問必有不辜

〔集解〕通鑑胡注考問則下之獄辭所連及必有無辜而

被逮者

乃親閱宮人觀察顏色卽時首服又和帝幸人吉成御者共枉吉成呂巫蠱事

〔集解〕惠棟曰漢律敢蠱人及教令者棄市王

制執左道鄭氏曰若今巫蠱袁宏紀成御者志恨成乃爲桐人書太后姓字埋之

遂下掖庭考訊辭證明白太后呂先帝左右待之有恩平日尙無惡

言今反若此不合人情更自呼見寶覈果御者所爲莫不歎服呂爲聖明常呂鬼神難徵淫祀無福乃

詔有司罷諸祠官不合典禮者又詔除建武呂來諸犯妖惡及馬竇家屬所被禁錮者皆復之爲平人

減太官導官尙方內者服御珍膳靡麗難成之物

漢官儀曰太官主膳羞也前書音義曰導官主導擇米以供祭祀尙方掌工作刀劍諸物及刻玉爲器漢官儀曰內者主帷帳並署名也

〔集解〕惠棟曰方言東齊言布帛之細者曰綾秦晉曰靡郭璞曰靡細好也薛君韓詩章句曰靡好也

自非供陵廟稻粱米不得導擇

〔集解〕先謙曰導當作導前書百官表少府屬有導官

朝夕

一肉飯而已。舊太官湯官經用。歲且二萬萬。經常也。太后勅止曰殺省珍費。〔集解〕惠棟曰。自是裁數千萬。曰字誤當作日。

及郡國所貢皆減其過半。悉斥賣上林鷹犬。其蜀漢釵器九帶佩刀並不復調。蜀蜀郡也。漢廣漢郡也。二郡主作供進之器。元帝時貢禹

上書蜀廣漢主金銀器各用五百萬是也。釵音口以金銀絲器也。止畫工三十九種。又御府尙方織室錦繡冰紈綺縠金銀珠玉犀象瑇瑁彫

鏤翫弄之物皆絕不作。離宮別館儲峙米糒薪炭悉令省之。儲峙猶蓄積也。糒乾飯也。又詔諸園貴人其宮人有宗

室同族若羸老不任使者令園監實覈上名自御北宮增喜觀閱問之恣其去留即日免遣者五六百

人及殤帝崩太后定策立安帝猶臨朝政。呂連遭大憂。百姓苦役。大憂謂和帝殤帝崩。殤帝康陵方中祕藏。方中陵中也。冢

藏之中故言祕也。及諸工作事事減約十分居一。詔告司隸校尉河南尹南陽太守曰。每覽前代外戚賓客假借

威權輕薄聽詞。言忽遽也。認音七洞反。詞音洞。至有濁亂奉公。〔集解〕通鑑胡注言其挾勢恣橫奉公之吏爲所濁亂也。高誘云濁亂也。爲人患苦。咎在執法怠懈。

不輒行其罰故也。今車騎將軍駑等雖懷敬順之志而宗門廣大姻戚不少。賓客姦猾多干禁憲。干犯也。



其明加檢勅，勿相容護。自是親屬犯罪，無所假貸。

〔集解〕惠棟曰：續漢書，后性謙慎，兄弟中外皆先帝所寵，自攝政之後，內檢左右，外抑宗族。

太后愍陰氏

之罪廢，赦其徙者歸鄉，勅還資財五百餘萬。永平元年。

〔集解〕惠棟曰：依安帝紀，乃永初元年事，平當作初。

爵號太夫人為新野君，萬

戶供湯沐邑。

湯沐者，取其賦稅，以供湯沐之具也。

二年夏，京師旱，親幸洛陽寺，錄冤獄，有囚實不殺人而被考自誣，羸困與

見。

〔集解〕惠棟曰：東觀記，便與見，便當作便。郭璞注三倉曰：篋，輿、土器，說文：篋，竹輿也。

畏吏不敢言，將去，舉頭若欲自訴，太后察視，覺之，即呼還問狀，具

得枉實。

〔集解〕通鑑胡注，得其見枉之實也。

即時收洛陽令，下獄抵罪，行未還宮，澍雨大降。

〔集解〕惠棟曰：東觀記，太后稱制，永初二年三月，京師旱，至五月朔，太后幸洛

陽省獄，舉冤囚，杜冷不殺人，自誣被掠羸困，便與見，畏吏不敢自理，吏將去，微疾舉頭，若欲有言，太后察覺之，即呼還問狀，遂信，即時收令，下獄抵罪，尹左遷行，未還宮，澍雨大降。

三年秋，太后體不安，左右憂惶，禱

請祝辭，願得代命。太后聞之，即譴怒，竊勅掖庭令，目下，但使謝過祈福，不得妄生不祥之言。

〔集解〕惠棟曰：東觀記，左

右咸流涕，歎太后臨大病不自顧，而念兆民，後病瘳，豈非天地之應與。

舊事：歲終當饗遣衛士。

舊事：衛士得代歸者，上親饗焉，前書蓋寬饒傳曰：歲盡當代上臨饗罷衛卒是也。

大儼遂疫。

禮記月令

有大儼，旁磔土牛，以送寒氣。鄭玄注云：儼，陰氣也。此月之中，日歷虛危，有墳墓四星之氣，為厲鬼，隨彊陰出，以害人，故儼卻之也。

太后曰：陰陽不和，軍旅數興，詔饗會勿設戲作樂。

減逐疫振子之半

振子，逐疫之人也。音振。薛綜注西京賦云：「振之言善也。善童幼子也。」續漢書曰：「大離選中黃門子弟年十歲以上，十二以下，百二十人，為振子，皆赤幘卓製，執大髡。」

悉罷象橐駝之屬，豐

年復故。太后自入宮掖，從曹大家受經書。

〔集解〕惠棟曰：續漢書，后自入宮，遂博覽五經，傳記、圖讖、內事、風角、占候、老子、孟子、禮記、法言，不觀浮華申韓之書。

兼天文算數。

晝省王政，夜則誦讀，而患其謬誤，懼乖典章，迺博選諸儒劉珍等及博士議郎、四府掾史五十餘人，詣

東觀讐校傳記。

讐，對也。〔集解〕惠棟曰：劉向別錄云：讐校者，一人持本，一人讀對，若怨家，故曰讐校。

事畢，奏御，賜葛布各有差。又詔中官近臣於東觀受

讀經傳，目教授宮人，左右習誦，朝夕濟濟。及新野君薨，太后自侍疾病，至乎終盡，憂哀毀損，事加於常。

〔集解〕惠棟曰：東觀記。

贈呂長公主赤綬。

〔集解〕惠棟曰：案獨斷，異姓婦女以恩澤封者，儀比長公主也。

東園祕器，玉衣繡衾。

東園署名，屬少府，主作凶器，故言祕也。

又賜布三萬匹，錢三千萬，鸞等遂固讓錢布不受。使司空持節護喪事，儀比東海恭王，諡曰敬君。太后

諒闇既終。

諒闇，居喪之廬也。或為諒陰，諒，信也。陰，默也。言居喪信默不言。〔集解〕先謙曰：官本此下正文有「久旱」太后比三日幸洛陽，錄因徒理出死罪三十六人，耐罪八十人，其餘減罪死，右趾以下至司寇三十八字，此脫。

七年正

月初入太廟，齋七日。至公卿百僚各有差。庚戌，謁宗廟，率命婦羣妾相禮儀。

相助也。儀禮曰：命夫者，男子之為大夫也；命婦者，大夫之妻也。

與皇帝交獻親薦成禮而還。

周禮宗廟祭之日且王服袞冕而入立於阼后服副褱從王而入王以圭瓚酌鬱鬯以獻尸次后以璋瓚酌鬱鬯以獻尸此謂交獻也卒事凡九獻焉〔集解〕惠棟曰袁宏紀五年冬謁者劉

珍上言曰竊見永平初虎賁中郎將梁松言皇太后宜入廟與陛下交獻以彰至孝之心孝明皇帝務選經典使公卿博士議時太傅鄧禹奏宜如松言光烈皇后於是入廟皇太后宜入宗廟如光烈皇后故事事下公卿僉曰宜如珍言棟案母子交獻古無是禮故孝

明皇帝使公卿博士議也

因下詔曰凡供薦新味多非其節或鬱養強孰

〔集解〕通鑑胡注鬱養強孰者言物非其時未及成熟爲土室蓄火其下使土氣蒸暖鬱而養之彊使先時成熟也

兩反

或穿掘萌芽味無所至而夭折生長豈所旨順時育物乎傳曰非其時不食

論語曰不時不食言非其時物則不食之前書

邵信臣曰不時之物有傷於人不宜以奉供養

自今當奉祠陵廟及給御者皆須時迺上凡所省二十三種自太后臨朝水旱十載

四夷外侵盜賊內起每聞人飢或達旦不寐而躬自減徹呂救災隄故天下復平歲還豐穰元初五年

平望侯劉毅

平望縣屬北海郡今青州北海縣西北平望臺是也一名望海臺也〔集解〕先謙曰在今青州府壽光縣東郡國志無蓋省

呂太后多德政欲令早有注記上書安

帝曰臣聞易載義農而皇德著

易繫辭曰古者庖羲氏之王天下仰觀象於天俯觀法於地於是始畫八卦以通神明之德以類萬物之情庖羲氏沒神農氏作斲木爲耜揉木爲耒耒耜之利以教天下伏羲神農爲

三皇故言皇德也

書述唐虞而帝道崇故雖聖明必書功於竹帛流音於管弦

竹謂簡冊帛謂縑素黃帝以下六代樂皆所以章顯功德是流音於管弦

伏

惟皇太后。膺大聖之姿。體乾坤之德。

易曰。聖人與天地合其德。

齊蹤虞妃。比跡任姒。

虞妃。即舜妻娥皇。女英也。任。文王母。姒。武王母也。

孝悌慈仁。

允恭節約。杜絕奢盈之源。防抑逸欲之兆。正位內朝。流化四海。

易家人卦曰。女正位乎內。正家而天下定矣。禮記曰。東夷西戎。南蠻北狄。謂之四海。

及元

興延平之際。國無儲副。仰觀乾象。參之人譽。援立陛下。為天下主。永安漢室。綏靜四海。又遭水潦。東州

飢荒。

延平元年。安帝初即位。六州大水。永初元年。稟司隸。兗。豫。徐。冀。并六州貧人也。

垂恩元元。冠蓋交路。菲薄衣食。躬率羣下。損膳解驂。日贍黎苗。

廣雅

云苗。衆也。

惻隱之恩。猶視赤子。

隱。痛也。尚書曰。若保赤子。惟人其康乂也。

克己引愆。顯揚仄陋。崇晏晏之政。

尚書考靈耀曰。文塞晏晏。

敷在寬之教。

敷。布也。尚書曰。五教在寬。

興滅國。繼絕世。錄功臣。復宗室。追還徙人。蠲除禁錮。政非惠和。不圖於心。制非舊典。不訪於

朝。弘德洋溢。充塞宇宙。

洋溢言多。

洪澤豐沛。漫衍八方。華夏樂化。戎狄混并。丕功著於大漢。碩惠加於生人。

巍巍之業。可聞而不可及。蕩蕩之勳。可誦而不可名。古之帝王。左右置史。

禮記玉藻曰。動則左史書之。言則右史書之。

漢之舊

典。世有注記。

〔集解〕惠棟曰。藝文志。漢著記百九十卷。五行志。凡漢著記十二世。二百一十二年。谷永言災異。有八世著記。久不寒除之語。苟悅有復內外注記之說。云先帝故事。有起居日用。動靜之節。必書焉。宜復其式。內史掌之。以紀內事。

夫道有夷崇，治有進退，若善政不述，細異輒書，是爲堯湯負洪水大旱之責，而無咸熙假天之美。

咸熙，皆也。

廣也。尙書曰：庶績咸熙。言堯之朝政，衆功皆廣。假音格，至也。尙書曰：祐我烈祖，格于皇天。言伊尹佐湯，功至於天也。堯洪水九載，湯大旱七年。

高宗成王有雉雊迅風之變，而無中興康寧之

功也。

高宗，殷王也。小乙之子，名武丁，當祭成湯，有飛雉升鼎耳而雊。高宗修德，殷道中興。成王疑周公，乃有雷電大風之變。成王改過，幾刑措也。

上考詩書，有虞二妃，周室三母。

尙書曰：釐降二女子于媯汭。

嬪于虞，三母，謂后稷母姜嫄，文王母太任，武王母太姒也。詩大雅曰：厥初生民，時維姜嫄。又曰：太任有身，生此文王。又曰：太姒嗣徽音，則百斯男也。

修行佐德。

詩云：既有烈考，亦有文母，是佐德也。《集解》劉攽曰：注案今詩皆作右字，右有音耳，不當

也。作有。

思不踰闕。

闕，門限也。左傳曰：婦人送迎不出門，見兄弟不踰闕。

未有內遭家難，外遇災害，覽總大麓，經營天物。

麓，錄也。言大錄萬機之政。書曰：納于大麓。又曰：

暴殄天物也。

功德巍巍若茲者也。宜令史官著長樂宮注，聖德頌。呂敷宣景耀，勒勳金石，縣之日月。

易曰：縣象著明，莫大

於日。

攄之罔極。呂崇陛下，烝烝之孝，帝從之。

廣雅曰：攄，舒也。孔安國注尙書曰：烝烝，猶進進也。

六年，太后詔徵和帝弟濟北河間王

子男女年五歲以上，四十餘人，又鄧氏近親子孫三十餘人，並爲開邸第。

蒼頡篇曰：邸，舍也。

教學經書，躬自監

試，尚幼者，使置師保，朝夕入宮，撫循詔導，恩愛甚渥。

詔，告也。

迺詔從兄河南尹豹，越騎校尉康等曰：吾所

呂引納羣子。置之學官者。實呂方今承百王之敝。時俗淺薄。巧僞滋生。五經衰缺。不有化導。將遂陵遲。

故欲褒崇聖道。呂匡失俗。傳不云乎。飽食終日。無所用心。難矣哉。論語孔子言也。言人終日飽食。不措心于道義難矣哉。言終無遠大也。今末世

貴戚食祿之家。溫衣美飯。乘堅驅良。堅謂好車。良謂善馬也。墨子曰。聖王為衣服之法。堅車良馬。不知貴也。而面牆術學。不識臧否。尙書曰。弗學面牆也。斯

故禍敗所從來也。永平中。四姓小侯。皆令人學。小侯解見明紀。所目矯俗厲薄。反之忠孝。先公既曰武功。書之

竹帛。兼呂文德。教化子孫。先公謂鄧禹。禹有子十三人。各使守一藝。故曰文德也。故能束修。不觸羅網。言能自約束修整也。誠令兒曹。上述祖考

休烈。下念詔書本意。則足矣。其勉之哉。康呂太后久臨朝政。心懷畏懼。託病不朝。太后使內人問之。時

宮婢出入。多能有所毀譽。其耆宿者。皆稱中大人。所使者乃康家先婢。亦自通中大人。康聞。語之曰。汝

我家出爾。敢爾邪。婢怒。還說康詐疾。而言不遜。太后遂免康官。遣歸國。絕屬籍。永寧二年二月。寢病漸

篤。乃乘輦於前殿。見侍中。尙書。因北至太子新所繕宮。還。大赦天下。賜諸園貴人。王。主。羣僚錢布。各有

差詔曰。朕呂無德。託母天下。而薄祐不天。早離大憂。延平之際。海內無主。元元扈連。危於累卵。

說苑曰。晉靈公

驕奢。造九層之臺。國困人貧。恥功不成。令曰。左右諫者斬也。荀息求見。公曰。諫邪。荀息曰。不敢。臣能累十二博棊。加九雞子其上。公曰。危哉。荀息曰。復有危於此者。公爲九層之臺。男女不得耕織。社稷一滅。君何所望。君曰。寡人之過。乃壞臺焉。

勤勤苦心。

不敢。呂萬乘爲樂。上欲不欺天。愧先帝。下不違人。負宿心。誠在濟度百姓。呂安劉氏。自謂感徹天地。常

蒙福祚。而喪禍內外。傷痛不絕。

內外。謂新野君薨。及和殤二帝崩也。

頃呂廢病沈滯。久不侍祠。自力上原陵。加欬逆唾血。遂

至不解。存亡大分。無可奈何。公卿百官。其勉盡忠恪。呂輔朝廷。三月崩。在位二十年。年四十一。

〔集解〕汪文臺

曰。御覽百三十七引。續漢書作丙午日。

合葬順陵。

論曰。鄧后稱制終身。號令自出。術謝前政之良。身闕明辟之義。

前政。謂周公也。辟。君也。尙書曰。朕復子明辟。言周公攝位。復還成王。今太后不還。故曰闕也。至

使嗣主側目。斂衽於虛器。

器。謂神器。諭帝位也。

直生懷慙。懸書於象魏。

象魏。闕也。直生。杜根等上書請太后還政。

借之儀者。殆其惑哉。

借。猶假也。

殆。近也。言太后不還政於安帝。近可惑也。

然而建光之後。王柄有歸。

太后建光之中崩。歸政安帝。〔集解〕何焯曰。后崩在未改元之前。注云中者。誤建光紀年。亦不及經歲也。

遂乃名賢戮辱。使

孽黨進。

帝寵用乳母王聖及其女伯榮出入宮掖通傳姦賂太尉楊震及鄧騭等皆被中官譖誅也。

衰敝之來茲焉有徵。

敝敗也安帝臨政衰敗逾甚故曰有徵也。

故知持權引誘所

幸者非己焦心卹患自強者唯國。

言執持朝權以招衆謗者所幸不爲己身唯憂國也。

是曰班母一說闔門辭事。

太后兄大將軍騭以母憂上書乞身太后不許以問

班昭乃許之語見昭傳也。

愛姪微愆髮剔謝罪。

太后兄騭子鳳受遺事洩騭遂髮妻及鳳以謝天下語見騭傳。

將杜根逢誅未值其誠乎。

誠信也言未爲太后所信。

但蹊田

之牛奪之已甚。

左傳申叔時曰牽牛以蹊人之田而奪之牛牽牛以蹊者信有罪矣而奪之牛罰已重矣此喻杜根上書雖曰有罪太后殺之爲過甚也。



後漢書集解卷十上按補

皇后紀。上宮備七國。

周壽昌曰。宮。監本作官。據注寫放其宮。室云云。則作宮爲是。案官本亦作官。

爵列八品。

案八原作九。據文選正。錢大昭曰。九文選作八。又前書外戚傳考證。齊召南曰。後書云。秦爵列九品。

是錢齊所據本。皆原作九也。官本作八與選合。

增級十四。注。此六官品秩。同爲一等也。

官本六官作六。宮注末無也字。

抑明賢。呂專其威。注。迎立靈帝。年十二。

十二官本作十三。誤。

光武郭皇后紀。真定。藁人也。集解。先謙曰。前志作藁城。見地理五行二志。

至

餘見郡國志。

錢大昭曰。郭后居藁縣之漆里。

別見劉植傳。今案地理志。真定國。武帝元鼎四年置。本治藁城。郡國志。常山國。高帝置。建武十三年省真定國。以其縣屬。則藁城已併入常山國之真定縣。故續志無此縣名。又前志。藁城。莽曰藁實。去實言藁。蓋中興初之改名也。郭后立於建武二年。時真定國未省。史據以書耳。

帝善。况小心謹慎。

錢大昭曰。善。閩本作美。

帝親臨喪送葬。官本脫親字。

永平二年。况卒。贈賜甚厚。况卒二字官本或誤爲二年。

復封駿爲觀都侯。卒。無子。國除。案桓帝建和二年。賜四姓及梁鄧小侯。是郭氏國雖絕。封未絕也。

光烈陰皇后紀。與胡陽寧平主諸宮人。俱到洛陽。注。寧平縣屬淮陽。故城在今亳州谷陽縣西南。案寧平縣。

前漢屬淮陽。後漢屬陳國。今歸德府鹿邑縣西南五十里。集解。先謙曰。胡當爲湖。見宋弘傳。錢大昭曰。湖陽公主。光武姊。寧平公主。光武妹。今案湖陽前志。南陽縣。續志。南陽邑。然據前書高紀。還攻胡陽。

過番君別將梅鋗。是湖陽之湖。本一作胡也。故城。今南陽府唐縣南八十里。

俱脫虎口。注。幾不免於虎口。官本注末有也字。

時尙尊號。官本尙作上。

卽案歷。明旦日吉。周壽昌曰。古者以下筮日。占其吉凶。至漢以來。麻書具載。不煩占筮也。禮儀志。每月朔日。太史上其月。麻。淫樂。府。焦仲卿妻古詩有曰。視麻復開書。便利此月內。六合正相應。良吉三十日。今已二十七。卿可去成婚。卽此案。

麻是已。親反支歸忌等。其本書各傳。  
注載最明。今案日麻之麻。古通作歷。

明德馬皇后紀。白太夫人絕竇氏婚。求進女掖庭。

周壽昌曰。絕婚而求進女。事似相連而及。豈三女中有一約婚於竇。至是始絕之耶。馬氏各傳不言與竇氏別有婚姻也。今案馬嚴絕竇。

氏婚。自因竇固與梁松相比。譖陷馬氏之故。惟絕婚與離婚。停婚異。左傳。杞宣公來朝。請絕叔姬。而無絕婚。是特謂絕不與爲婚。非已約婚而停之之謂。蓋竇氏當日或有怙勢求婚。弭侮馬氏之事。嚴憤絕之。而因上書進女掖庭耳。

歲給二千萬。

周壽昌曰。考證云。此句下一本有諸史並闕後事。故不知所終。十一字。宋本無。案贅十一字於本句。二千萬下。足矣。之上。殊不可通。當在後買貴人傳末。錢二千萬句下。蓋以同爲二千萬致誤也。惟有此十一字之本。今既未見。不知

是原本之誤刊。抑

考證之誤指耳。

故寵敬日隆。

侯康曰。東觀記。后嘗有不安。時在敬法殿東箱。上令太夫人及兄弟得入見。

倉頭衣綠襦。領袖正白。集解。惠棟曰。胡三省云。

至明矣。案惠引胡三省說。與今通鑑本注有異。

時新平主家御者失火。

案新平主不見於后紀末。新平。縣名。亦未嘗爲國。疑東平琅邪諸女封縣公主者也。周壽昌謂若王家主。太后不至引爲己過。然觀下文。太后自引守備不慎。止重不及備外火耳。

賞以財位。集解。何焯曰。位字疑。

周壽昌曰。位自是官位。如馬廩。馬防之加特進。馬嚴之拜將軍長史。皆在太后時無疑也。案諸馬進位。雖在太后時。然官位惟天子主之。太后不稱制。無由輒賞外視以官。況賢如明德。

方力拒肅宗之封三舅。豈肯輒以官位授所親。此何氏之所以不能無疑於位字。非謂無以解位字也。竊謂位字直物字轉寫之譌耳。

於是內外從化。被服如一。集解。惠棟曰。東觀記。明德后詔書流布。於是施親戚被服自此始。案今聚珍本東觀記

外戚傳云。廣平。鉅鹿。樂成王在邸。入朝。問起居。上望見車騎。鞍勒皆純黑。無金銀飾。馬不踰六尺。于是白太后。即賜錢各五百萬。太后詔書流布。咸稱至德。莫敢犯禁。與惠氏所引前後文倒易。無王主諸室四字。有鉅鹿二字。正德作至德。文字亦異。至於是施親戚被服自此始十字。尤聚珍本所無語。亦不可曉。當由補注文更有脫誤。

賈貴人南陽人。侯康曰。御覽一百三十七引續漢書云。明德馬后之姨女。

章德竇皇后紀。數呼相工問息耗。注。息耗猶言善惡也。集解。惠棟曰。至義並同。周壽昌曰。大戴記。易本命云。息土之人。美耗土之人。醜息

生也。耗。損也。即盛衰意。注訓善惡。微隔。今案周說猶惠說也。竊謂前書天文志。言候息耗者。入國邑。視封疆田疇之整治。城郭室屋門戶之潤澤。次至車服畜產精華。實息者吉。虛耗者凶。準此則相工之於相人。亦視息耗以審吉凶耳。

例入見長樂宮。進止有序。風容甚盛。侯康曰。御覽一百三十七引續漢書云。奉事長樂宮。下至侍御貢獻遺。皆得其忻心。

和熹鄧皇后紀。諸兄每讀經傳。輒下意難問。注。下意。猶出氣也。周壽昌曰。注意隔。下意。猶禮下氣怡色之謂。難問。辯難詰問也。案前書。通傳。未嘗卑節下意以求

仕周說下意義與彼合惟輒相難問方事辯詰抑豈下氣怡色之時仍非確詰耳竊謂章懷注氣字即意字之誤下意猶出意者謂別出己意與諸兄論難戰國策秦策下兵三川高注下兵出兵也此下得訓出之證桓榮傳帝輒引榮及弟子升堂執經自爲下說注下說謂下語而講說之也下意難問與下語講說之下同

若有鍾乳狀集解東觀記滑如礪礪

案今聚珍本東觀記無如礪礪三字礪蓋礪之俗體

入親醫藥

官本親作視

歲時俱供紙墨而已

通鑑胡注毛晃云楮藉不知所始後漢蔡倫以魚網木皮爲紙俗以爲紙始於倫非也前書外戚傳已有赫蹏紙矣墨膠煤爲之案蔡倫傳自古書契多編以竹簡其用縑帛者謂之爲紙縑貴而簡重並不便於

人倫乃造意用樹膚麻頭及敝布魚網以爲紙元興元年奏上之是倫奏上所造紙后即位已閱四年矣其在即位之初所供紙仍縑帛也周壽昌乃謂倫造紙在永元年間其未奏上時已流用於宮掖然倫傳載倫永元九年監作祕劍及諸器械亦未嘗言已造紙尙方用品未經奏上宮掖尤不得先用

以未有頭上步搖環珮加賜各一具

官本無頭上二字

輕薄諛詞注言忽遽也諛音七洞反詞音洞

侯康曰一切經音義八引通俗文曰言過謂之諛詞又引纂文曰諛詞急也

羸困輿見集解。惠棟曰：東觀記便輿見，便當作篋。

史記張耳陳餘列傳：上使灌公持節問之。篋與前篋，徐廣音鞭，索隱引服虔音編，編竹木如今峻，可以糞除也。何休注公羊，筍音峻，筍者

竹篋一名編。

即時收洛陽令下獄抵罪。集解：太后察覺之，即呼還問狀，遂信，即時收令下獄抵罪。

案聚珍本東觀記：太后察覺之，作太后察視覺

之多一視字，與紀文合。遂信（同伸）作遂得伸理。

平望侯劉毅。

錢大昭曰：毅，北海敬王子，建初二年封。永元中坐事失侯，此當云故平望侯。案毅事具文苑傳。

流音於管弦。注：黃帝以下六代樂，皆所以章顯功德。

官本皆作音。

崇晏晏之政。注：尚書考靈耀曰：文塞晏晏。

周壽昌曰：考靈耀文塞晏晏，第五倫陳寵傳注俱引之。又邳壽傳：傷塞晏之化。注引鄭注道德純備謂之塞，寬容覆載謂之晏。此注塞作塞，古今字異也。究以

作塞爲是。監本作基，誤。今案說文：塞，塞本各爲一字。塞下云：實也。虞書曰：剛而塞。今書已通作塞。又禮中庸：不變塞焉。鄭注云：塞猶實。又前書敘傳下：塞淵其德。顏注亦云：塞，實也。是經史之通塞於塞，相承已久。周所據本文塞及塞晏兩處文注皆作塞，自用本字。

第汲古本紀傳文注，則皆作塞。官本此注塞作基，係承監本之爲，餘亦皆作塞，無作塞者。

弘德洋溢。充塞宇宙。注。洋溢言多。

官本四字注在弘德洋溢句下。

漢之舊典。世有注記。

官本記作紀。

縣之日月。注。易曰。縣象著明。莫大於日月。

官本於作乎。

而薄祐不天。

周壽昌曰。祐當作祐。史避安帝諱改。

但蹊田之牛。奪之已甚。注。此喻杜根上書。雖曰有罪。太后殺之。爲過甚也。

洪亮吉曰。玩上語意。當爲安帝雖昏庸。然太后據政不歸。爲奪之已甚不

指杜根也。

注似誤。





皇后紀第十下

後漢書十下

宋宣城太守范曄撰

唐章懷太子賢注

王先謙集解

安思閔皇后諱姬。

謚法曰謀慮不愆曰思。

河南滎陽人也。祖父章。永平中爲尚書。呂二妹爲貴人。章精力曉舊典。

久次當遷呂重職。顯宗爲後宮親屬。竟不用。出爲步兵校尉。

漢官儀曰比二千石。掌宿衛兵。屬北軍中候也。

章生暢。暢生后。后有

才色。初元元年。呂選入掖庭。甚見寵愛。爲貴人。二年立爲皇后。后專房妬忌。帝幸宮人李氏。生皇子保。

遂鳩殺李氏。

鳩。毒鳥也。食蠖。以其羽畫酒中。飲之立死。

三年。呂后父侍中暢爲長水校尉。封北宜春侯。

北宜春縣屬汝南郡。以豫章有宜春。故此北。故城在今

豫州汝陽縣西南也。〔集解〕先謙曰。在今汝寧府汝陽縣西南。

食邑五千戶。四年暢卒。謚曰文侯。子顯嗣。建光元年。鄧太后崩。帝始親政事。

顯及弟景、燿、晏。並爲卿校。典禁兵。延光元年。更封顯長社縣侯。

長社縣。屬潁川郡。前書音義曰。其社中樹暴長。故名。長社。今許州縣。〔集解〕先謙曰。縣字衍。注見靈

紀。食邑萬三千五百戶。追尊后母宗為滎陽君。續漢志曰。婦人封君。儀比公主。油轡駟車。帶綬。以采組為緹帶。各如其綬色。黃金辟邪。加其首為帶。顯景諸子。年皆

童亂。大戴禮曰。男八歲而亂。女七歲而亂。亂。毀齒也。音初刃反。並為黃門侍郎。后寵既盛。而兄弟頗與朝權。后遂與大長秋江京。中常侍

樊豐等。共譖皇太子保。廢為濟陰王。四年春。后從帝幸章陵。帝道疾。崩於葉縣。后顯兄弟及江京樊豐

等謀曰。今安駕道次。晏。晚也。臣下不敢斥言帝崩。猶言晚駕而濟陰王在內。邂逅公卿立之。還為大害。乃僞云

帝疾甚。徙御臥車。行四日。驅馳還宮。〔集解〕胡三省曰。自葉至雒陽。六百餘里。明日。詐遣司徒劉喜詣郊廟社稷。告天請命。其

夕乃發喪。尊后曰皇太后。皇太后臨朝。蔡邕獨斷曰。少帝即位。太后即代攝政。臨前殿。朝羣臣。太后東面。少帝西面。羣臣奏事。上書皆為兩通。一詣后。一詣少帝。呂顯為車騎將

軍。儀同三司。太后欲久專國政。貪立幼年。與顯等定策禁中。迎濟北惠王子北鄉侯懿。惠王名壽。章帝子也。立為

皇帝。顯忌大將軍耿寶。耿弇之弟。舒之孫。位尊權重。威行前朝。乃風有司奏寶及其黨與中常侍樊豐。虎賁中

郎將謝暉。暉弟侍中篤。篤弟大將軍長史宓。善文曰。暉字伯周。宓字仲周。篤字季周。〔集解〕陳景雲曰。善文。書名。陶靖節。聖賢傳。輔錄亦引之。但作者姓名無考耳。隋經籍志不載此書。錢大昕

曰案唐藝文志總集類有杜預善文四十九卷陳氏偶未檢及又秦辯士遺秦將軍章邯書在善文中見裴駟注史記李斯傳

侍中周廣阿母野王君王聖聖女永永壻黃門侍郎

樊巖等更相阿黨互作威福探刺禁省更爲唱和皆大不道豐憚廣皆下獄死家屬徙比景

比景縣名屬日南郡前書

音義曰日居於頭上日景在己下故名之〔集解〕先謙曰官本注無景上日字考證云景字上監本多一日字從如淳原注減

宓嚴減死髡鉗貶寶爲則亭侯遣就國自殺王聖母

子徙鴈門於是景爲衛尉耀城門校尉晏執金吾兄弟權要威福自由少帝立二百餘日而疾篤

〔集解〕

黃山曰少帝卽位至薨凡二百三十四日

顯兄弟及江京等皆在左右京引顯屏語曰北鄉侯病不解

〔集解〕通鑑胡注解散也言病纏於身而不散也

國

嗣宜時有定前不用濟陰王今若立之後必當怨又何不早徵諸王子簡所置乎

〔集解〕惠棟曰簡擇也置立也

顯目爲

然及少帝薨京白太后徵濟北河間王子未至而中黃門孫程合謀殺江京等立濟陰王是爲順帝顯

景晏及黨與皆伏誅遷太后於離宮家屬徙比景明年太后崩

〔集解〕惠棟曰周舉傳永建元年正月帝朝太后於東宮從李郃之請也

在位十二

年合葬恭陵帝母李氏瘞在洛陽城北帝初不知莫敢目聞及太后崩左右白之帝感悟發哀親到瘞

所更曰禮殯。

〔集解〕通鑑胡注殯用皇后禮也。

上尊諡曰恭愍皇后。葬恭北陵。為策書金匱。藏于世祖廟。

在恭陵之北。因以為名。漢官儀曰。置陵園。

令食監各一人。秩皆六百石。金匱。緘之以金。

順烈梁皇后諱嬈。

諡法曰。執德尊業曰烈。聲類曰。嬈。嬈娶也。音納。

太將軍商之女。恭懷皇后弟之孫也。后生有光景之祥。

〔集解〕惠棟曰。續漢

書。后有光景之祥。及長聰敏。仰承兄弟俯接弟妹。恩情周悉。

少善女工。好史書。九歲能誦論語。治韓詩。

韓嬰所傳詩也。

大義略舉。常曰。列女圖畫。

置於左右。目自盥戒。

劉向撰列女傳八篇。圖畫其象。〔集解〕惠棟曰。劉向七略別錄曰。臣向與黃門侍郎歆所校列女傳。種類相從。為七篇。以著禍福榮辱之效。是非得失之分。畫之於屏風四堵。

父商深異之。

竊謂諸弟曰。我先人全濟河西。所活者不可勝數。

商曾祖統。更始二年。補中郎將。酒泉太守。使安集涼州。時西河擾亂。眾議以統素有威信。乃推統與竇融共完全五郡。

雖大

位不究。而積德必報。若慶流子孫者。儻與此女乎。永建三年。與姑俱選入掖庭。時年十三。相工茅通見

后。驚。再拜賀曰。此所謂日角偃月。

〔集解〕惠棟曰。戰國策。司馬喜云。犀角偃月。乃帝王之后也。

相之極貴。臣所未嘗見也。太史卜兆。得壽

房。

〔集解〕惠棟曰。藝文志。龜書五十二卷。沈氏云。古之下者有繇辭。周禮三兆。其頌皆千有二百。東觀記作戴房。沈澹曰。下文云。乃於壽安殿立貴人為皇后。蓋應壽房之兆。則作戴房者誤。

又筮得坤之比。

易坤卦六五爻變而之比。

九五象曰：顯比之吉，位正中也。九五居得其位，下應於上，故吉。

遂曰為貴人，常特被引御。從容辭於帝曰：夫陽曰博施為德，陰曰不專為義。

蠡斯則百福之所由興也。

詩國風序曰：言后妃若蠡斯不妬忌，則子孫衆多也。詩大雅曰：太姒嗣徽音，則百斯男也。

願陛下思雲雨之均澤，識貫魚之次序。

易曰：雲行雨施，品物流形。剝卦曰：貫魚以宮人寵，無不利。剝坤下艮上五陰而一陽，衆陰在下，駢頭相次，似貫魚也。

使小妾得免罪謗之累，由是帝加敬焉。陽嘉元年春，有司

奏立長秋宮，曰乘氏侯商先帝外戚。

商祖姑，章帝貴人生和帝也。

春秋之義，娶先大國。

公羊傳曰：天子娶於紀，紀本子爵也。先娶為侯，言王者不娶於小國也。

梁

小貴人，宜配天祚，正位坤極。

正其內位，居陰德之極也。易曰：女正位乎內也。

帝從之，乃於壽安殿立貴人為皇后。

壽安是德陽宮內殿名。《集解》惠棟曰：東

京賦：壽安永寧，薛綜注：殿以休令為名，美時君之德。在應門之內也。東觀記曰：是時自冬至春不雨，立后之日，嘉澍沾濕。

后既少聰惠，深覽前世得失，雖曰德進，不敢有驕專之

心，每日月見譴。

譴責也。禮記云：陽事不得，譴見於天，日為之食，陰事不得，譴見於天，月為之食。

輒降服求愆。建康元年，帝崩，后無子，美人虞氏子炳立。

是為沖帝，尊后為皇太后。太后臨朝，沖帝尋崩，復立質帝，猶秉朝政。時揚徐劇賊寇擾州郡，西羌鮮卑

及日南蠻夷攻城暴掠，賦斂煩數，官民困竭。太后夙夜勤勞，推心仗賢，委任太尉李固等，拔用忠良，務

崇節儉。其貪叨罪惡。多見誅廢。

貪財曰叨。惡惡也。

分兵討伐。羣寇消夷。故海內肅然。宗廟日寧。而兄大將軍冀。

鳩殺質帝。專權暴濫。忌害忠良。數曰邪說。疑誤太后。遂立桓帝。而誅李固。太后又溺於宦官。多所封寵。

曰。此天下失望。和平元年春。歸政於帝。太后寢疾遂篤。乃御輦幸宣德殿。見宮省官屬及諸梁兄弟。詔

曰。朕素有心下結氣。從間曰來。加曰浮腫。逆害飲食。寢曰沈困。

寢。漸也。

比使內外勞心請禱。私自忖度。日

夜虛劣。不能復與羣公卿士。共相終竟。援立聖嗣。恨不久育養。見其終始。今曰皇帝將軍兄弟委付股

肱。其各自勉焉。後二日而崩。在位十九年。年四十五。合葬憲陵。

虞美人者。曰良家子。年十三。選入掖庭。

續漢志曰。美人。父詩。爲郎中。詩父衡。屯騎校尉。

又生女舞陽長公主。自漢興。母氏莫不尊

寵。順帝既未加美人爵號。而冲帝早夭。大將軍梁冀秉政。忌惡佗族。故虞氏抑而不登。但稱大家而已。

陳夫人者。家本魏郡。少曰聲伎。入孝王宮。得幸。生質帝。亦曰梁氏故。榮寵不及焉。

〔集解〕惠棟曰。續漢書。梁冀欲專權。令帝母不得至。

京都又帝短祚。是以外家無他寵。

熹平四年。小黃門趙祐。

續漢志曰。小黃門。六百石。宦者無員。掌侍左右。受尚書事。上在內宮。關通中外。及中宮以下眾事。諸公主及王大妃等疾苦。則使問之。〔集解〕惠棟曰。祐。北海人。與

于肅等五人。不爭威權。

議郎卑整上言。

風俗通曰。卑氏。鄭大夫卑謫之後。漢有卑躬。為北平太守。〔集解〕惠棟曰。整。雁門人。案孫愐引胡太傅碑。亦作卑整。蔡邕集及袁紀。皆作畢整。作畢字者。誤也。前書古今人表。

稱爲清忠。見宦者傳。

鄭卑。湛師古曰。卑音脾。湛音諶。今論語左傳。皆從俗作諱。蓋爲何晏杜預所亂。

春秋之義。母子貴。

公羊傳曰。桓公幼而貴。隱公長而卑。桓何以貴。母貴也。母貴則子何以貴。子以母貴。母以子貴。

隆漢盛典。尊

崇母氏。凡在外戚。莫不加寵。今冲帝母虞大家。質帝母陳夫人。皆誕生聖皇。而未有稱號。夫臣子雖賤。

尚有追贈之典。況二母見在。不蒙崇顯之次。無以述遵先世。垂示後世也。帝感其言。乃拜虞大家爲憲

陵貴人。陳夫人爲勃海孝王妃。

孝王名鴻。章帝子。千乘貞王伉之孫。鴻生質帝。帝立。徙勃海焉。

使中常侍持節授印綬。遣太常呂三牲告憲

陵。懷陵。靜陵焉。

懷陵。冲帝陵。靜陵。質帝陵。

孝崇。隱皇后諱明。

隱音。

爲蠡吾侯翼媵妾。

蠡吾侯翼。河間王開子。和帝孫。

生桓帝。桓帝卽位明年。追尊翼爲孝崇皇。陵曰

博陵。呂后爲博陵貴人。和平元年。梁太后崩。乃就博陵尊后爲孝崇皇后。

〔集解〕惠棟曰。桓帝詔曰。博園。隱貴人。覆高明之懿德。容淑美之嘉會。與

天合靈，篤生厥躬，欲報之德，詩所感歎，今以貴人爲孝崇皇后。

遣司徒持節奉策，授璽綬，齎乘輿器服，備法物，宮曰永樂。

〔集解〕通鑑胡注：續漢志，德陽前殿西北入門。

內有永樂宮。

置太僕少府，皆如長樂宮故事。

漢官儀曰：帝祖母稱長信宮，帝母稱長樂宮，故有長信少府，長樂少府及職吏，皆宦者爲之。

又置虎賁、羽林衛士。

起宮室，分鉅鹿九縣爲后湯沐邑。在位三年，元嘉二年崩，曰帝弟平原王石爲喪主。

石，蠡吾侯翼子，桓帝兄。

斂，曰東

園，畫梓壽器，玉匣，飯含之具，禮儀制度，比恭懷皇后。

東園，署名，屬少府，掌爲棺器，梓木爲棺，以漆畫之，稱壽器者，欲其久長也，猶如壽堂、壽宮、壽陵之類也。漢舊儀曰：梓棺長二丈

廣四尺，玉匣者，屨已下爲柩，至足亦縫以黃金爲縷，飯含者，以珠玉實口。

使司徒持節，大長秋奉弔，祠賻錢四千萬。

公羊傳曰：貨財曰賻。

布四萬匹，中謁者僕

射典護喪事，侍御史護大駕鹵簿。

漢官儀曰：天子車駕次第，謂之鹵簿，有大駕、法駕、小駕、大駕、公卿奉引，大將軍參乘，太僕御，屬車八十一乘，備千乘萬騎，侍御史在左，駕馬，詢問不法者，今儀比車駕，故以侍

御史監護焉。

詔安平王豹、河間王建、勃海王悝。

悝音恢。

長社、益陽二長公主。

長社公主，桓帝姊，耿弇弟驩玄孫授尙焉，益陽公主，桓帝妹，侍中寇榮從兄子尙焉。〔集

解〕先謙曰：官本注，驩作霸，授作援。

與諸國侯三百里內者及中二千石、二千石、令、長、相，皆會葬，將作大匠復土繕廟，合葬

博陵。



桓帝懿獻梁皇后諱女瑩。

證法曰溫 and 聖善曰懿聰明叡智曰獻。

順烈皇后之女弟也。帝初為蠶吾侯。梁太后徵欲與后為

婚。未及嘉禮。

嘉禮婚禮。

會質帝崩。因曰立帝。明年有司奏太后曰。春秋迎王后于紀。在塗則稱后。

公羊傳曰祭公來逆王后。

于紀。傳曰祭公者何。天子之三公。其稱王后何。王者無外。其辭成矣。

今大將軍冀女弟。膺紹聖善。

膺當也。紹嗣也。聖善謂母也。言娶妻當嗣親也。詩云母氏聖善。集解陳景雲曰。膺紹聖善謂堪繼太后聖善之德。注未

了。結婚之際。有命既集。

謂太后先有命許結親也。詩云天監下民有命既集也。集解先謙曰。官本下民作在下是。

宜備禮章。時進徵幣。

徵成也。納幣以成婚。

請下三公

太常案禮儀。

集解惠棟曰。漢雜事云太常宏。

奏可。於是悉依孝惠皇帝納后故事。

集解惠棟曰。續漢書如孝惠孝平故事。

聘黃金二萬斤。納

采鴈。璧乘馬束帛。一如舊典。

漢書舊儀聘皇后黃金萬斤。呂后為惠帝娶魯元公主女。故特優其禮也。儀禮曰。納采用鴈。鄭玄注云。士大夫以上。玄注云。納其采擇之禮。用鴈取順陰陽往來也。周禮王者穀圭以聘女。鄭玄注云。士大夫以上。

乃以玄纁束帛。天子加以穀圭。諸侯加以大璋。然禮稱以圭。此云用璧。形制雖異。為玉同也。乘馬四匹。馬也。雜記曰。納幣一束。束五兩。兩五尋。然則每端二丈。集解惠棟曰。漢雜事云。以黃金二萬斤。馬十二匹。元纁穀璧。以章典禮。姚士璜云。檢晉志云。漢高后制聘二百斤。馬十二匹。注以為四匹。非也。

建和元年六月。

集解惠棟曰。漢雜事云。六月庚子。

始入掖庭。八月立為皇后。

集解惠棟曰。漢雜事云。八月乙未。

時太后秉政。

而梁冀專朝。故后獨見寵幸。自下莫得進見。后藉姊妹廢執。恣極奢靡。宮幄彫麗。服御珍華。巧飾制度。

兼倍前世。及皇太后崩，恩愛稍衰。后既無子，潛懷怨忌。每宮人孕育，鮮得全者。帝雖迫畏梁冀，不敢譴怒。然見御轉稀，至延熹二年，后呂憂恚崩。在位十三年，葬懿陵。其歲，誅梁冀，廢懿陵爲貴人家焉。

桓帝鄧皇后諱猛女，和熹皇后從兄子鄧香之女也。母宣，初適香，生后，改嫁梁紀。紀者，大將軍梁冀妻孫壽之舅也。后少孤，隨母爲居。因冒姓梁氏。冀妻見后貌美，永興中，進入掖庭，爲采女。絕幸。采擇也，以因采擇而立名。

明年，封兄鄧演爲南頓侯，位特進。演卒，子康嗣。及懿獻后崩，梁冀誅立，后爲皇后。帝惡梁氏，改姓爲薄。封后母宣爲長安君。四年，有司奏后本郎中鄧香之女，不宜改易它姓。於是復爲鄧氏。追封贈香車騎將軍、安陽侯、印綬，更封宣、康、大縣。宣爲昆陽君，康爲泚陽侯，賞賜巨萬計。巨大也。大萬，謂萬萬也。〔集解〕先謙曰：此亦當爲此。宣卒。

贈贈葬禮，皆依后母舊儀。呂康弟統襲封昆陽侯，位侍中，統從兄會。〔集解〕惠棟曰：會，天文志作魯。襲安陽侯，爲虎賁中

郎將。又封統弟秉爲清陽侯，宗族皆列校、郎將。

〔集解〕通鑑胡注：列校，謂北軍五校郎將，即三署郎中郎將。

帝多內幸，博采宮女，至五六

千人及驅役從使。〔集解〕通鑑胡注。驅役者。壁幸挾勢。驅掠良人。以供掖庭私役者也。從使者。趨勢附力。樂從而爲之使也。復兼倍於此。而后特尊驕忌。與帝所幸郭

貴人更相譖訴。八年。詔廢后送暴室。呂憂死。

漢官儀曰。暴室在掖庭內。丞一人。主宮中婦人疾病者。其皇后貴人有罪。亦就此室也。

立七年。葬在北邙。從

父河南尹萬世及會。皆下獄死。統等亦繫暴室。

〔集解〕惠棟曰。天文志。時又有越騎校尉鄧弼。侍中監羽林左騎鄧德。右騎鄧壽。議郎鄧乘。皆繫暴室。

免官爵。歸本

郡。財物沒入縣官。

桓思竇皇后諱妙。章德皇后從祖弟之孫女也。父諱武。

〔集解〕先謙曰。官本無三字。考證云。此句下。監本有父諱武三字。注。王會汾云。按下文有太后父大將軍武句。此處不復

須注。且后父亦不當言諱也。明是後人添入。今從宋本刪。

延熹八年。鄧皇后廢。后呂選入掖庭。爲貴人。其冬。立爲皇后。而御見甚稀。帝所

寵唯采女田聖等。永康元年冬。帝寢疾。遂呂聖等九女皆爲貴人。及崩。無嗣。后爲皇太后。太后臨朝。定

策立解犢侯宏。

〔集解〕先謙曰。犢當爲讀下脫亭字。官本有。

是爲靈帝。太后素忌忍。積怒田聖等。桓帝梓官尙在前殿。遂殺田

聖。又欲盡誅諸貴人。中常侍管霸。蘇康苦諫。乃止。時太后父大將軍武。謀誅宦官。而中常侍曹節等矯

詔殺武遷太后於南宮雲臺。家屬徙比景。竇氏雖誅，帝猶曰：太后有援立之功，建寧四年十月朔，率羣

臣朝于南宮，親饋上壽。黃門令董萌

漢官儀曰：黃門令秩六百石。

因此數為太后訴怨，帝深納之，供養資奉，有加於前。

中常侍曹節、王甫，疾萌，附助太后，誣呂，謗訕永樂宮。

靈帝母所居也。訕，謗毀也。

萌坐下獄死。熹平元年，太后母卒於比

景，后感疾而崩，立七年，合葬宣陵。

孝仁董皇后諱某，河間人，為解犢侯萇夫人。

萇，河間孝王開孫淑之子也。〔集解〕先謙曰：侯上脫亭字，官本有。

生靈帝。建寧元年，帝即位，追

尊萇為孝仁皇。陵曰慎陵。呂后為慎園貴人，及竇氏誅，明年，帝使中常侍迎貴人，并徵貴人兄寵到京

師，上尊號曰孝仁皇后，居南宮嘉德殿。

嘉德殿在九龍門內。

宮稱永樂，拜寵執金吾，後坐矯稱永樂后屬請，下獄

死。及竇太后崩，始與朝政，使帝賣官求貨，自納金錢，盈滿堂室。中平五年，呂后兄子衛尉脩侯重

脩，今德州。

縣故城在縣南，脩，今作齋，音條。〔集解〕先謙曰：在今河間府景州南，州志十三里南條城。

為驃騎將軍，領兵千餘人。初，后自養皇子協，數勸帝立為太子，而

何皇后恨之。議未及定而帝崩。何太后臨朝。重與太后兄大將軍進權執相害。后每欲參于政事。太后

輒相禁塞。后忿恚。嘗言曰。汝今斬張怙汝兄耶。

轉張猶彊梁也。〔集解〕惠棟曰。尚書無逸篇。譁張爲幻。陸德明云。譁。竹求反。馬融本作轉。爾雅及詩作倂。同。倂。張。誑也。揚雄國三老箴云。負乘

覆餗。姦寇侏張。李善注。轉與侏。古字通。張由切。丁度云。李頤說。狂屈。倂。張。似人而非也。續漢書。后憤恚。嘆罵曰。汝欲怪大將軍邪。敕驃騎斬大將軍頭來。與此異也。

當勅驃騎斷何進頭來。何太后聞。目告

進。進與三公及弟車騎將軍苗等奏。孝仁皇后使故中常侍夏惲。永樂太僕封譖等。交通州郡。

漢官儀曰。永樂

太僕。用中人爲之。

辜較在所珍寶貨賂。悉入西省。

辜較。解見靈紀。西省。卽謂永樂宮之司。

蕃后故事。不得留京師。

蕃后。謂平帝母衛姬。時王莽攝政。恐其專權。后不得

留在京師。故云故事也。

與服有章。膳羞有品。請永樂后遷宮本國。奏可。何進遂舉兵圍驃騎府。收重。重免官自殺。

〔集解〕先謙曰。疑當作免重官。重自殺。而傳寫倒脫也。

后憂怖疾病。暴崩。

〔集解〕通鑑考異云。案九州春秋。太后憂懼自殺。

在位二十三年。民間歸咎何氏。喪還河

間。合葬慎陵。

靈帝宋皇后諱某。扶風平陵人也。肅宗宋貴人之從曾孫也。

〔集解〕劉敞曰。案宋貴人安得有從曾孫姓宋者。當是漏一父字。汪文臺曰。御覽百三十七引續漢書。貴

人之從孫。建寧三年，選入掖庭，為貴人。明年，立為皇后。父酈，執金吾，封不其鄉侯。

不其縣屬琅邪郡，故城在今萊州。即墨縣西南，蓋其縣之鄉也。其音

基決錄注酈字伯遇。〔集解〕錢大昕曰：案伏湛於建武六年封不其侯，傳國八世，至獻帝時始絕，而宋酈於靈帝之世得封。不其鄉侯者，伏氏食邑三千六百戶，除所食之外，尚有它鄉也。先謙曰：在今萊州府即墨縣西南，縣志二十七里不其社。

后無寵

而居正位。後宮幸姬，眾共譖毀。初中常侍王甫，枉誅勃海王愷及妃宋氏。

熹平元年，王甫譖愷與中常侍鄭颯交通，欲迎立愷。愷自殺，妃死獄中。

妃即后之姑也。甫恐后怨之，乃與太中大夫程阿共構言皇后挾左道祝詛。

禮記曰：執左道以亂眾，殺無赦。鄭玄注云：左道若巫蠱也。帝

信之。光和元年，遂策收璽綬，后自致暴室。呂嬖死，在位八年。父及兄弟並被誅。諸常侍少黃門在省闥

者，皆憐宋氏無辜，共合錢物，收葬廢后及酈父子，歸宋氏舊塋皋門亭。

詩云：迺立皋門。注云：王之郭門曰皋門。漢官儀曰：十二門皆有亭。

帝

後夢見桓帝怒曰：宋皇后有何罪過，而聽用邪孽，使絕其命。勃海王愷既已自貶，又受誅斃。今宋氏及

愷自訴於天，上帝震怒。

上帝，天也。震動也。書曰：帝乃震怒也。

罪在難救，夢殊明察。帝既覺而恐，以事問於羽林左監許永。

續漢

志曰：羽林左監一人，秩六百石，主羽林左騎，右亦如之。永或作詠。〔集解〕惠棟曰：謝承書：永字游光。靈帝時，為司隸校尉。是時，奄寺在內，並貴，幸用勢於時，永舉法無所迴避。中官子弟為令長官者，並棄官去。威烈風行，於是深見怨於宰官。遂見譏譖，當下廷尉。永謂友

人曰：永年七十庶幾以忠義致身，未得戮姦人之首。而先賊受害，何能復入奏對刀筆吏，遂仰藥而死。

曰：此何祥？其可禳乎？

禳，謂除也。

永對曰：宋皇后親與陛下共承宗

廟，母臨萬國，歷年已久，海內蒙化，過惡無聞，而虛聽讒妬之說，以致無辜之罪，身嬰極誅，禍及家族，天

下臣妾，咸爲怨痛，勃海王悝，桓帝母弟也，處國奉藩，未嘗有過。

〔集解〕惠棟曰：史弼傳，弼遷北軍中候，是時北海王悝素行險辟，譖傲多不法，弼懼其驕悖爲亂，乃

上封事，帝以至親，不忍下其事，後悝竟坐逆謀，貶爲癩陶王。蔡邕集亦云：悝懷逆謀，黜封癩陶王。洪适案：趙相劉衡碑云：勃海王帝之冢弟，不遵憲典，君以特選爲郎中令，如史所載，則勃海王死非其罪，似作碑者附會時論，辭有溢惡。然威宗紀延熹八年，書勃海王悝謀反，降爲癩陶王，後二年復舊，則勃海王亦非身端行治者，孝靈之夢，則齊諧家所志也。棟案：孝靈之夢，載在干寶搜神，范氏撰方術傳，多取材於干氏，非實錄也。

陛下曾不證審，遂伏其辜，昔晉侯失刑，

亦夢大厲，被髮屬地。

左傳曰：晉侯夢大厲，被髮及地，搏膺而踊曰：殺余孫不義，余得請于帝矣。杜預注曰：厲，鬼也。趙氏之先祖也。晉侯先殺趙盾，趙括，故怒也。

天道明察，鬼神難誣，宜并

改葬。呂安冤魂，反宋氏之徒家，復勃海之先封，呂消厥咎，帝弗能用，尋亦崩焉。

靈思何皇后諱某，南陽宛人，家本屠者，呂選入掖庭。

風俗通曰：漢以八月算人，后家以金帛賂遺主者，以求入也。〔集解〕惠棟曰：續漢書進父真死，以妹倚黃門，得入掖庭，案何進傳。

蹇碩與趙忠書曰：中常侍郭勝，進同郡人也。太后及進之貴幸，勝有力焉。然則幸由郭勝，得入掖庭也。

長七尺一寸，生皇子辯，養於史道人家，號曰史侯。

道人，謂道術之人也。獻帝

春秋曰：靈帝數失子，不敢正名，養道人史子助家，號曰史侯。〔集解〕先謙曰：官本助作眇。

拜后為貴人，甚有寵幸，性彊忌，後宮莫不震懾。光和三年，立為皇后。

明年，追號后父真為車騎將軍，舞陽宣德侯。因封后母興為舞陽君。時王美人任娠。

左傳曰：邑姜方娠，杜預注曰：懷胎為娠。音之刃。

反一音身。

畏后，乃服藥欲除之，而胎安不動。又數夢負日而行。四年，生皇子協。后遂鴆殺美人。

〔集解〕惠棟曰：續漢書渴飲米

粥，遂暴斃。

帝大怒，欲廢后，諸宦官固請得止。董太后自養協，號曰董侯。

王美人，趙國人也。

〔集解〕李良表曰：后紀序曰：同居正號者，並列於篇。私恩追尊者，隨事附出。此紀例也。卷內自賈貴人以下，皆應附各紀之末，不應另傳。此必非范氏之舊。先謙曰：元書不提行，正應隨事附見之例。下文紀序何后事。

其明證也。此自後人傳寫之誤。李說非。

祖父苞。

〔集解〕惠棟曰：袁宏紀：苞治尚書，父章，襲苞業。居貧，有子二人，男斌，女曰榮，榮即后也。

五官中郎將，美人豐姿色，聰敏有才明，能

書會計。

會計謂總會其數而算。

呂良家子，應法相，選入掖庭。帝愍協早失母，又思美人，作追德賦，令儀頌。中平六年，

帝崩，皇子辯即位，尊后為皇太后。太后臨朝，后兄大將軍進，欲誅宦官，反為所害。舞陽君亦為亂兵所

殺。并州牧董卓被徵，將兵入洛陽，陵虐朝廷，遂廢少帝為弘農王。

〔集解〕黃山曰：或謂少帝當書皇子辯，非。詳靈紀。

而立協，是為獻



帝扶弘農王下殿，北面稱臣。太后鯁涕，羣臣含悲，莫敢言。董卓又議太后，迫永樂宮，至令愛死，逆婦

姑之禮，乃遷於永安宮。因進醜弑而崩。在位十年。董卓令帝出奉常亭舉哀。

華延雋洛陽記曰：城內有奉常亭。

公卿皆白

衣會不成喪也。

有凶事素服而朝，謂之白衣會。左傳曰：不書葬，不成喪。

合葬文昭陵。初，太后新立，當謁二祖廟，欲齋，輒有變故。如此者

數，竟不克。時有識之士，心獨怪之。後遂因何氏，傾沒漢祚焉。明年，山東義兵大起，討董卓之亂。卓乃置

弘農王於閣上，使郎中令李儒進醜曰：服此藥，可辟惡。王曰：我無疾，是欲殺我耳，不肯飲。強飲之，不

得已。乃與妻唐姬及宮人飲讌，別酒行。王悲歌曰：天道易兮我何艱，棄萬乘兮退守蕃。逆臣見迫兮命

不延，逝將去汝兮適幽玄。因令唐姬起舞，姬抗袖而歌。

抗舉也。

曰：皇天崩兮后土頽。

史記：周烈王崩，周人爲齊威王曰：天崩地拆也。《集

解》先謙曰：官本爲作謂古字通。

身爲帝兮命天摧，死生路異兮從此乖。奈我榮獨兮心中哀，因泣下嗚咽。坐者皆獻歎。

王謂姬曰：卿王者妃，執不復爲吏民妻，自愛從此長辭。遂飲藥而死。時年十八。唐姬，潁川人也。王薨，歸

鄉里父會稽太守瑁欲嫁之。姬誓不許。及李傕破長安。遣兵鈔關東。略得姬。傕因欲妻之。固不聽。而終

不自名。

不自名少帝之姬也。袁宏紀曰。為傕所略。不敢自言。

尙書賈詡知之。

魏志曰。詡字文和。姑臧人。少時。漢陽閻忠見而異之。曰。詡有良平之才。

呂狀白獻帝。帝聞。感愴。乃

下詔迎姬置園中。使侍中持節。拜為弘農王妃。初平元年二月。葬弘農王於故中常侍趙忠成壙中。

趙忠

元有成壙。因而葬焉。

諡曰懷王。帝求母王美人兄斌。斌將妻子詣長安。賜第宅田業。拜奉車都尉。興平元年。帝加

元服。有司奏立長秋宮。詔曰。朕稟受不弘。遭值禍亂。未能紹先。目光故典。皇母前薨。未卜宅兆。禮章有

闕。中心如結。

詩云。心如結兮。

三歲之感。蓋不言吉。且須其後。於是。有司乃奏。追尊王美人為靈懷皇后。改葬文

昭陵。儀比敬恭二陵。

敬。章帝陵。恭。安帝陵。陳景雲曰。謂如恭懷梁后葬敬昭陵。恭愍李后葬恭北陵之禮。不言西北者。省文耳。注非。

使光祿大夫持節行司空事。奉璽

綬。斌與河南尹駱業復土。斌還。遷執金吾。封都亭侯。

凡言都亭者。並城內亭也。漢法。大縣侯位視三公。小縣侯位視上卿。鄉亭侯視中二千石也。

食邑五百戶。

病卒。贈前將軍印綬。謁者監護喪事。長子端襲爵。

獻帝伏皇后諱壽琅邪東武人。

東武今密州諸城縣〔集解〕先謙曰今青州府諸城縣治

大司徒湛之八世孫也。父完。沈深有大度。襲爵

不其侯。尙桓帝女陽安公主。

陽安縣屬汝南郡。故城在今豫州朗山縣東北〔集解〕先謙曰注已見上卷。此重出。

爲侍中。初平元年。從大駕西遷長安。后

時入掖庭。爲貴人。興平二年。立爲皇后。完遷執金吾。帝尋而東歸。李傕。郭汜等。追敗乘輿於曹陽。

〔集解〕

先謙曰注見帝紀。

帝乃潛夜度河走。

度所在今陝州陝縣北水經曰。銅翁仲所沒處是獻帝東遷潛度所。

六宮皆步行出營。

周禮曰。王后率六宮之人。鄭玄注曰。六宮之人。夫人以下。分居后之六宮。

者。

后手持縑數匹。董承使符節令孫徽。呂刃脇奪之。殺傍侍者。血濺后衣。

濺音子見反。

既至安邑。御服穿敝。

唯呂棗栗爲糧。建安元年。拜完輔國將軍。儀比三司。完呂政在曹操。自嫌尊戚。乃上印綬。拜中散大夫。

尋遷屯騎校尉。十四年卒。子興嗣。

〔集解〕先謙曰。官本興作典。

自帝都許。守位而已。宿衛兵侍。莫非曹氏黨。舊姻戚。議

郎趙彥。嘗爲帝陳言時策。曹操惡而殺之。其餘內外。多見誅戮。操後呂事入見殿中。帝不任其憤。因曰。

君若能相輔則厚。不爾。幸垂恩相捨。操失色。俛仰求出。舊儀三公領兵朝見。令虎賁執刃挾之。操出。願

左右汗流浹背。浹，徹也。音子協反。自後不敢復朝請。董承女為貴人，操誅承而求貴人殺之。帝曰：貴人有佞。

曰：佞，孕也。音仁隆反。累為請，不能得。后自是懷懼，乃與父完書，言曹操殘逼之狀，令密圖之。完不敢發。至十九年。

事乃露泄，操追大怒，遂逼帝廢后，假為策曰：皇后壽得由卑賤，登顯尊極，自處椒房。漢官儀曰：皇后稱椒房，取其蕃實之義也。詩云。

椒聊之實，蕃衍盈升。二紀于茲，既無任嬖徽音之美。太任，文王母。太姒，武王母。徽，美也。詩云：太姒嗣徽音。又乏謹身養己之福。左傳曰：人受天地之中以生，謂之命。能者養之。

以福不能者，敗以取禍。而陰懷妬害，苞藏禍心，弗可曰承天命，奉祖宗。今使御史大夫郗慮持節策詔，其上皇后璽

綬。蔡邕獨斷曰：皇后赤綬，玉璽。續漢志曰：乘輿黃赤綬，四綵。黃赤纁紺，淳黃圭。綬長二丈九尺九寸五百首。太皇太后、皇太后其綬皆與乘輿同。退避中宮，遷于它館，嗚呼哀哉！自壽取之，未

致于理，為幸多焉。又以尚書令華歆為郗慮副。魏志曰：華歆字子魚，平原高唐人，代荀彧為尚書令。慮字鴻預，山陽高平人。勒兵入宮收后，閉戶藏

壁中。〔集解〕劉攽曰：案文少一后字。歆就牽后出。〔集解〕惠棟曰：曹瞞傳：歆壞戶廢壁牽后出也。時帝在外殿，引慮於坐，后被髮徒跣行，泣過訣曰：

不能復相活邪？帝曰：我亦不知命在何時。顧謂慮曰：郗公，天下寧有是邪？遂將后下暴室。呂幽崩，所生

二皇子皆酖殺之。后在位二十年。兄弟及宗族死者百餘人。母盈等十九人。徙涿郡。

獻穆曹皇后諱節。諡法曰布德。執義曰穆。魏公曹操之中女也。建安十八年。操進三女。憲節華為夫人。聘呂束帛。

玄纁五萬匹。小者待年於國。留住於國。以待年長。十九年。並拜為貴人。及伏皇后被弑。明年立節為皇后。魏受禪。

遣使求璽綬。后怒不與。如此數輩。后乃呼使者入。親數讓之。呂璽抵軒下。抵。擲也。軒。闕校也。〔集解〕先謙曰。官本璽下有綬字。因泣泣

橫流曰。天不祚爾。〔集解〕惠棟曰。續漢書作天不祚此璽。左右皆莫能仰視。后在位七年。魏氏既立。吕后為山陽公夫人。自

後四十一年。魏景初元年薨。合葬禪陵。車服禮儀。皆依漢制。〔集解〕先謙曰。續漢書云。孝獻曹后。丞相魏王操之女也。名憲。建安十八年。上納操二女。憲節於後宮。皆

為貴人。明年憲為皇后。帝禪位於魏。憲拜山陽夫人。見御覽百三十七。又云。獻穆曹皇后諱節。操女也。魏受禪。遣使求璽綬。后怒。以璽

綬投軒下。因涕泣橫流曰。天不祚此璽。見書鈔百三十一。御覽六百八十二。俱見汪氏文臺所輯引。先謙案。憲無薨年。節安得為后。禪

位之後。仍是憲拜夫人。置節何地。顯然謬誤。所當駁正。論曰。漢世皇后無諡。皆因帝諡。呂為稱。雖呂氏專政。上官臨制。亦無殊號。上官。昭帝后也。中興。明帝始建光烈

之稱。其後並曰德為配。至於賢愚優劣混同一貫。故馬竇二后俱稱德焉。其餘皇帝之庶母。

〔集解〕先謙曰官本皇作

唯。及蕃王承統。曰追尊之重。特為其號。恭懷孝崇之比是也。初平中蔡邕始追正和熹之謚。

蔡邕集謚曰漢世

母氏無謚。至于明帝始建光烈之稱。是後轉因帝號加之。以德上下優劣混而為一。違禮大行受大名。小行受小名之制。謚法有功安人曰熹。帝后一體禮亦宜同。大行皇太后謚宜為和熹。

其安思順烈。曰下皆依而加

焉。

贊曰。坤惟厚載。陰正乎內。

易曰。坤厚載物。又曰。女正位乎內。男正位乎外。

詩美好逑。

逑。匹也。詩云。窈窕淑女。君子好逑。言后妃有關雎之德。為君子好匹。

易稱歸妹。

兌下震上。歸妹卦也。

婦人謂嫁曰歸。妹為少女之稱。兌為少陰。震為長陽。少陰而承長陽。悅以動之。歸妹之象也。以六五與九二相應。五為王侯。故易言帝乙歸妹。

祁祁皇嬪。言觀貞淑。

祁祁。衆多也。嬪亦麗也。觀。示也。言諸后皆示其貞淑。配皇為麗。案字

書無嬪字。相傳音麗。蕭該音離。〔集解〕惠棟曰。漢郭甫碑曰。先生有四男三女。高賢姣。嬪富貴顯榮。其季女文明。潁川之夫人也。戰國策鄒忌妻曰。公皎且麗。則嬪即麗也。

媚茲良哲。承哉天祿。

〔集解〕先謙曰。官本哉作我是。

班政蘭闈。宣禮椒屋。

班固西都賦曰。後宮則掖庭椒房后妃之室。蘭林蕙草披香發越。蘭林殿名。故言蘭闈。椒屋即椒房也。

既云德升。亦曰幸進。

德升。謂馬鄧等也。幸。進。謂闈和之類也。

身當隆極。族漸河潤。

公羊傳曰。河海潤千里也。

視景爭暉。方山並峻。乘剛多阻。行地必順。

易屯卦象曰。六二之難。乘剛也。又坤卦曰。牝馬地類。行地無疆。王弼

注云地之所以得無疆者以卑順行之故也。

谷集驕滿福協貞信慶延自己禍成誰釁

漢制皇女皆封縣公主儀服同列侯

漢法大縣侯視三公

其尊崇者加號長公主儀服同蕃王

蔡邕曰帝女曰公主姊曰長公主建武十五

年封武陽公主為長公主即是帝女尊崇亦為長非惟姊妹也輿服志曰長公主赤屬駟車與諸侯同綬也

諸王女皆封鄉亭公主儀服同鄉亭侯

鄉亭侯視中二千石

肅宗唯特

封東平憲王蒼琅邪孝王京女為縣公主

東平王傳曰封蒼女五人為縣公主孝王女傳不見其數

其後安帝桓帝妹亦封長公主同之

皇女

案鄧禹玄孫少府襲尙舞陰長公主耿弇曾孫侍中良尙漢陽公主岑彭玄孫魏郡守熙尙涅陽長公主來歙玄孫虎賁中郎將定尙平氏長公主並安帝妹也長社益陽公主桓帝妹也解見上〔集解〕錢大昭曰漢陽公主當從耿弇傳作濮陽長公主

惠棟曰長社公主桓帝姊注誤為桓帝妹

其皇女封公主者所生之子襲母封為列侯

馮定獲嘉公主子襲封獲嘉侯馮奮平陽公主子襲封平陽侯此其類也

皆傳國於

後鄉亭之侯則不傳襲其職僚品秩事在百官志

沈約謝儼傳曰范曄所撰十志一皆托儼搜撰垂畢遇曄敗悉蠹以覆車宋文帝令丹陽尹徐湛之就儼尋求已不復得一代以為恨其

志今闕續漢志曰諸公主家令一人六百石丞一人三百石其餘屬吏增減無常漢官儀曰長公主傳一人私府長一人食官一人永巷長一人家令一人秩皆六百石各有員吏而鄉亭公主傳一人秩六百石僕一人六百石家丞一人三百石也〔集解〕錢大昕曰按蕭志今已失傳其名目可考者有五行天文志見蔡邕不足別載故附于后紀末

皇女義王、建武十五年封舞陽長公主。適延陵鄉侯太僕梁松。

舞陽縣屬潁川郡。松，梁統之子。其傳云：尙光武女舞陰公主。又鄧訓傳：舞陰公主子梁扈有罪，訓與

交通。此云舞陽，誤也。〔集解〕錢大昕曰：舞陰與涅陽、館陶二主同時以皇女封，但當云公主耳。其加長字，當在明章之世。史家省文，併作一事書之也。蔡邕獨斷云：帝女曰公主，姊妹曰長公主。此漢家故事。章懷據此文，謂帝女尊崇亦為長，非唯姊妹失其旨矣。

松坐誹謗，誅。

皇女中禮，十五年封涅陽公主。適顯親侯大鴻臚竇固。

涅陽屬南部，顯親縣屬漢陽郡。固，竇融子。〔集解〕先謙曰：涅陽在今南陽府鎮平縣南。顯親，今秦州秦安縣西北。

肅宗尊為長公主。

皇女紅夫，十五年封館陶公主。適駙馬都尉韓光。光坐與淮陽王延謀反，誅。

皇女禮劉，十七年封清陽公主。適陽安侯長樂少府郭璜。璜，郭況子也。璜坐與竇憲謀反，誅。

皇女綬。綬一作緩。二十一年封酈邑公主。適新陽侯世子陰豐。豐害主，誅死。

酈縣屬南陽郡。音酈亦反。新陽縣屬汝南郡。豐，陰就子。〔集解〕先謙曰：酈邑注

見帝紀。新陽，今潁州府太和縣西北。縣志六十里信陽城。



世祖五女

皇女姬。永平二年封獲嘉長公主。適楊邑侯將作大匠馮柱。

獲嘉縣屬河內郡。楊邑縣屬太原郡。柱馮魴子。〔集解〕先謙曰獲嘉今衛輝府新鄉縣西南十二里。柱

子石襲封縣南十里。又有馮石城。石所築楊邑。本或作陽邑。在今太原府太谷縣東南十五里。

皇女奴。三年封平陽公主。

平陽縣屬河東郡。

適大鴻臚馮順。

順勤子也。〔集解〕先謙曰官本考證云監本誤作馮魴子也。從宋本改。

皇女迎。三年封隆慮公主。

迎或作延。

隆慮縣屬河內郡。〔集解〕先謙曰今彰德府林縣治。

適牟平侯耿襲。

牟平縣屬東萊郡。襲耿弇弟舒之子。〔集解〕先謙曰今登州府城東南九十里。

皇女次。三年封平氏公主。

平氏縣屬南陽郡。既不言所適。不顯始終。蓋史闕之也。它皆倣此。〔集解〕先謙曰平氏今南陽府桐柏縣西。

皇女致。三年封沁水公主。

沁水縣屬河內郡。〔集解〕先謙曰今懷慶府濟源縣東北。

適高密侯鄧乾。

乾鄧震之子。禹之孫。

皇女小姬。十二年封平泉公主。

平泉縣屬河內郡。〔集解〕先謙曰今懷慶府溫縣東。

適昌安侯侍中鄧蕃。

昌安縣屬高密國。蕃鄧襲子。禹之孫也。

皇女仲。十七年封浚儀公主。適軼侯。

軼志作軼音伏。師古曰又音徒系反。

黃門侍郎王度。

軼縣屬江夏郡。度王符子。霸之孫。〔集解〕惠棟曰江夏郡有軼侯國王霸傳亦作軼。先謙

曰。今光州光山縣西北。

皇女惠。十七年。封武安公主。適征羌侯世子黃門侍郎來稜。

征羌縣屬汝南郡。稜。襄之子。歆之孫。〔集解〕先謙曰。征羌。今許州鄆城縣東南。

安帝尊

爲長公主。

皇女臣。建初元年。封魯陽公主。

魯陽縣屬南陽郡。〔集解〕先謙曰。魯陽。今汝州魯山縣治。

皇女小迎。元年。封樂平公主。

樂平。太清縣。屬東郡。章帝更名。〔集解〕先謙曰。今東昌府堂邑縣東南四十里。

皇女小民。元年。封成安公主。

成安縣。屬潁川郡。〔集解〕先謙曰。今汝州東南。

顯宗十一女

皇女男。建初四年。封武德長公主。

皇女王。四年。封平邑公主。

平邑縣。屬代郡。今魏郡昌樂東北。又有平邑城。〔集解〕先謙曰。今大同府陽高縣西南。

適黃門侍郎馮由。

皇女吉。永元五年。封陰安公主。

陰安縣。屬魏郡。〔集解〕先謙曰。今大名府清豐縣北。

肅宗三女

皇女保。延平元年。封修武長公主。

修武縣。屬河內郡。〔集解〕先謙曰。注見帝紀。

皇女成。元年。封共邑公主。

共縣。屬河內郡。〔集解〕先謙曰。今衛輝府輝縣治。

皇女利。元年。封臨潁公主。

縣。屬潁川郡。〔集解〕先謙曰。今許州臨潁縣西北。舊志十五里。

適卽墨侯侍中賈建。

卽墨縣。屬膠東國。建。賈參子。復之曾孫。〔集解〕先謙曰。今萊州府平度州。

東南。舊志。俗名康王城。

皇女興。元年。封聞喜公主。

聞喜縣。屬河東郡。〔集解〕先謙曰。今絳州聞喜縣西南。

和帝四女

皇女生。永和三年。封舞陽長公主。

〔集解〕先謙曰。今南陽府舞陽縣西。

皇女成男三年封冠軍長公主

冠軍縣屬南陽郡〔集解〕先謙曰今南陽府鄧州西北

皇女廣永和六年封汝陽長公主

汝陽縣屬汝南郡〔集解〕先謙曰今陳州府商水縣西北

順帝三女

皇女華延熹元年封陽安長公主適不其侯輔國將軍伏完

完伏湛五世孫〔集解〕何焯曰以伏后紀及漢傳參校五世誤當作七世

皇女堅七年封潁陰長公主

潁陰縣屬潁川郡〔集解〕先謙曰今許州治

皇女修九年封陽翟長公主

桓帝三女

皇女某光和三年封萬年公主

靈帝一女

後漢書集解卷十下按補

皇后紀下安思閭皇后紀追尊后母宗為滎陽君注婦人封君儀比公主油韃駟車

公主之公原誤宮據續志正油韃駟車今續志

作油畫

駟車

詐遣司徒劉喜錢大昭曰喜當作熹案本書安紀順紀皆作熹通鑑此亦作熹惟袁紀兩見皆作喜

其夕乃發喪尊后曰皇太后皇太后臨朝案安帝崩太子保既廢所立未定而先尊后為皇太后先事臨朝不知尊將誰屬然其後桓思竇后亦即援此為例矣悖理亂制又西京以來所未有也

孝崇優皇后紀乃就博陵尊后為孝崇皇后周壽昌曰后始制於梁太后繼復為梁冀所制冀未誅而后已崩雖尊為后未得一日供養京師也

詔安平王豹錢大昭曰豹疑當作續

長社益陽二長公主注長社公主桓帝姊耿弇弟驩玄孫授尚焉集解官本注驩作霸授作援

案據耿弇傳作霸作

援知驩授

皆譌字

桓帝鄧皇后紀詔廢后送暴室呂憂死。

周壽昌曰五行志鄧后坐釀上送暴室令自殺則非但以憂死也。

立七年葬在北邙。

錢大昭曰在闕本作于案官本亦作於。

桓思竇皇后紀父諱武集解先謙曰官本無三字考證云。

至今從宋本刪。

案今各舊本父諱武三字皆作正文顧炎武云諱字衍意謂緣上有諱妙

之諱故誤衍也是顧所據本三字亦正文矣據官本考證則北監本三字乃為注文此又有別蓋如為正文官本即亦不得遽刪也。

黃門令董萌注黃門令秩六百石。

注令原作之據正文改錢大昭曰之當作令是錢所據本注令亦原作之也官本不誤。

熹平元年太后母卒於比景后感疾而崩。

太后下原無母字據通鑑補王鳴盛曰太后之下脫母字后之上脫太字是王所據本亦原與是本同官本依監本轉刊后上仍脫太字惟通鑑二字均不脫。

蓋即王說所本也。

孝仁董皇后紀以后兄子衛尉脩侯重注脩今作禱音條。

官本文注脩均作修禱亦作禱音條作音修案前志信都國脩莽曰脩治顏注脩音條功臣表周勃封國字亦作修。

外戚恩澤侯表序脩侯犯色字仍作脩顏注皆音條周亞夫傳則徑作條續志改屬勃海郡字還作修晉志則作禱然觀史記周勃世家注引徐廣云表皆作禱似作禱亦不自晉始大抵脩禱條可通作而音則一以條為正也至官本注之作禱音修殆沿監本

失之。

初后自養皇子協。侯康曰御覽一百三十七引續漢書暴室適夫朱直擁養獨擇乳母歲餘永樂后自將護

靈帝宋皇后紀。肅宗宋貴人之從曾孫也。集解。劉洸曰。案宋貴人安得有從曾孫姓宋者。至 貴人之從

孫。周壽昌曰宋貴人但不得有曾孫姓宋者耳今云從曾孫自是同父兄弟之曾孫不待於從下加父字案袁紀皇后宋氏宋隱之從孫也考肅宗宋貴人即清河王慶之母安帝追諡為敬隱后宋隱之從孫乃宋隱后從孫之訛與續漢書說合作從曾孫

仍脫

父字

父鄼執金吾封不其鄉侯。集解。錢大昕曰。至 尚有它鄉也。案不其縣後漢已省據袁紀鄼作豐不其鄉侯作不期侯續志東萊郡有不期侯國故屬琅邪即不其縣地也

以事問於羽林左監許永。集解。惠棟曰。謝承書。永字游光。靈帝時為司隸校尉。侯康曰姚氏補逸引謝書云永為司隸校尉舉法無所遇

避京師號曰許游光案馬融廣成頌捐閭兩拂游光張平子東京賦噉野仲而殲游光注野仲游光惡鬼也然則許永不當取以為字當是時人畏其舉法避之如鬼魅因舉以相目耳魏志夏侯太初傳注引魏略云李豐兄弟如游光亦以鬼目人也又續五行志一載太常許永與中常侍管霸蘇康代作辱齒者疑非一人今案黨錮傳羊陟遷尚書令以前太尉劉寵司隸校尉許永等清亮在公薦舉升進帝嘉之拜陟河南尹會黨事起免官禁錮卒於家是許永為司隸校尉在羊陟未為河南尹之前錢大昭補表載陟為河南尹係光和元年宋后即以是年十月廢則永是時已為司隸校尉不應後反降為羽林左監惠氏侯氏各引謝書亦皆無永為羽林左監事其為非對夢之許永可知矣惟五行志之許永官本作許詠與章懷注永或作詠正合觀宋后之以憂死諸常侍小黃

門在省闈者既皆憐宋氏無辜合錢收葬詠夙與宦官比爲后及勃海王惶乞恩亦正所以迎合宦官史特不以人廢言耳是許永雖非一而對夢之許永似卽五行志之永或作詠者矣然管霸蘇康均於靈帝卽位之初爲竇武奏誅詠在前已官太常亦不應於靈帝末年反降爲羽林左監意管蘇誅時詠亦坐廢武死乃因緣宦官復進也

靈思何皇后紀卓乃置弘農王於閣上

至王薨歸鄉里

侯康曰御覽九十二引英雄記云置王閣上薦之以棘召王太傅責之曰弘農王病困何故不自遂遣兵迫守太醫致藥

卽日王及妃唐氏皆薨今紀明載唐姬穎川人王薨歸鄉里則謂妃與王同日薨者誤也

葬弘農王於故中常侍趙忠成壙中

沈銘舉曰趙岐之壽藏侯覽之壽冢與此所云成壙皆卽後世生藏壽藏也案宦者傳趙忠因與張讓等共謀殺何進爲袁紹所捕斬蓋其冢宅皆沒入官

食邑五百戶

戶官本作石誤

獻帝伏皇后紀父完沈深有大度襲爵不其侯

通典後漢獻帝皇后父伏完朝賀公廷完拜如衆臣及皇后在離宮后拜如子禮三公八座議不決鄭玄議曰春秋桓九年祭公來遂逆王后

於紀九年紀季姜歸於京師嫁於天子雖已女成言曰王后明當時之尊得加父母也紀季姜歸於京師更稱其字得行禮而戒之其尊安可加父母今不其亭侯在京師禮事出入宜從臣禮若后適離宮及歸寧父母從子禮案伏湛傳建武六年徙封湛爲不其侯邑三千六百戶遺就國則本縣侯也續志功大者食縣小者食鄉亭今鄭議稱完爲不其亭侯則後世固已降封矣不其縣後漢既改爲不期國或其國內之一鄉一亭仍存不其之名宋鄭白爲不其鄉侯伏完自爲不其亭侯名同而爵同殊也



六宮皆步行出營。注：周禮曰：王后率六宮之人，鄭玄注曰：六宮之人，夫人以下，分居后之六宮者。

率原 譌為

年以下原譌為天下皆 依錢按本正官本不誤

完目政在曹操，自嫌尊戚，乃上印綬。十四年卒。

案袁紀：建安十九年冬十一月丁卯，皇后伏氏廢，曹操使人收后，后見殺之日，后父完及宗族死者百有餘人。曹瞞傳亦云：將后殺之，完

及宗族死者數百人。據此紀，則后見殺時，完前卒已六年矣。又魏志：建安十九年十一月，漢皇后伏氏坐昔與父故屯騎校尉完書云：帝以董承被誅，怨恨公，辭甚醜惡。發聞后廢，黜死，兄弟皆伏法。言坐昔與完書言故屯騎校尉亦為完已前卒之辭。言兄弟皆伏法而不及父。亦與范合。

子興嗣，集解：官本興作典。

案袁紀：完生五男一女，長男德，次雅，次后，次均，次尊，次朗，無名興與典者。

操追大怒。錢大昭曰：闕本無追字。

獻穆曹皇后紀：以后為山陽公夫人，自後四十一年，魏景初元年薨。

周壽昌曰：自後四十一年，案魏志為魏主奐景元元年，志載其年六月己未，故漢獻帝夫

人節葬，此作景初，誤。景初乃魏明帝紀元也。

合葬禪陵，車服禮儀皆依漢制。集解：先謙曰：至

先謙案：憲無薨年，節安得為后，禪

位之後，仍是憲拜夫人，置節何地，顯然謬誤，所當駁正。

謹案魏志：建安十八年秋七月，天子娉公三女為貴人，少者待年於國，二十年正月，天子立中公女為皇后，是操納

於天子者本有三女（通鑑胡注操三女長憲次華節後立爲皇后）而立爲皇后者本中女節也故范氏據以入紀袁紀乃云操以二女爲貴人大貴人立爲皇后自係本馬彪續書之說然陳壽作志於晉初漢魏事多所親歷目睹自較詳確可據

論曰漢世皇后無諡至中興明帝始建光烈之稱洪亮吉日此本蔡邕和熹謚謚然攷前書宣帝許后已諡共哀不得謂光烈始也今案蔡議言漢世后氏無諡就常例言耳若前漢衛思

后許共哀乃因皆不壽終追爲之諡自屬變例故不之數非蔡竟忘前世事也

其餘皇帝之庶母集解先謙曰官本皇作唯是錢大昭曰闕本南監本皇均作惟

恭懷孝崇之比是也官本恭上有如字初平中蔡邕始正和熹之諡注蔡邕集謚議曰至諡法有功安人曰熹

熹原譌爲同據蔡邕集改官本不誤帝后一體禮亦宜同大行皇太后諡宜爲和熹案因帝號加謚始自光烈至累行議謚蓋又自和熹始

漢制皇女皆封縣公主儀服同列侯其尊崇者加號長公主儀服同蕃王注蔡邕曰帝女曰公主姊妹

曰長公主沈銘彜曰帝姑曰太主見前書東方朔傳建武十五年封武陽公主爲長公主武陽官本同案下文皇女義王注文及注釋均作舞陽則此注作武陽誤諸王

女皆封鄉亭公主儀服同鄉亭侯沈銘彜曰前漢王女曰王主言王自主婚也亦曰翁主翁父也言父自主婚也見高成二紀及各注又王吉傳漢家列侯尚公主諸侯則國人承翁主督灼曰娶天子女

則曰尙公主。國人娶諸侯女曰承翁主。尙承皆卑下之名也。今案綜上諸說。前漢王女無并封公主之制。有之。當惟和親外國。以翁主爲公主耳。若後漢雖封有縣與鄉亭之分。而概曰公主。故王主翁主之名不復見於史。

其後安帝桓帝妹亦封長公主。同之皇女。注案鄧禹玄孫少府褒尙舞陰長公主。並安帝妹也。班超傳超

孫始尙清河孝王女陰城公主。順帝之姑亦安帝之妹也。注漏未數。

皇女義王建武十五年封舞陽長公主。舞陽原作武陽。誤同前。注據本注改。官本不誤。注梁松統之子其傳云尙光武女舞陰公主。

案今梁統傳作尙舞

陰長公主。此省長字。

皇女中禮十五年封涅陽公主。適顯親侯大鴻臚竇固。注固竇融子。案固乃融弟友之子。自有傳。不知注何以亦誤說。

皇女奴三年封平陽公主。洪亮吉曰。馮勤傳稱平陽長公主。蓋肅宗時所加。下平皋公主小姬。浚儀公主仲。鄧禹王霸傳皆稱長公主。與此同。注平陽縣屬河東郡。今平陽府臨汾縣西南。

皇女致三年封沁水公主。錢大昭曰。五行志作長公主。

皇女仲十七年封浚儀公主。適軼侯。注軼志作軼。音伏。師古曰。又音徒。系反。案此章懷據前書地理志文注訂誤也。軼乃軼之譌。下軼縣同。伏乃

汝之譌，歎本从大得聲，故有汝、秋二音。而世俗相承从犬，今王霸傳仍作歎，是其證也。章懷本欲訂从犬之誤，故引前志兼及孟顏二音，以正其讀。以爲音定，則所从自定，不慮後來寫官仍以从犬者爲正字，反別增造一从犬不經之歎字，以當本字，又因从犬而譌，汝音爲伏音，展轉承譌，晚近字書亦遂據以加入官本，但正歎字之不當从犬，而於歎字疑以傳疑，亦姑從蓋闕矣。然前志具在不難覆案，且从央之字，何由得有伏音，要亦易辨也。

皇女小民元年，封成安公主。注：成安縣屬潁川郡。

案前志成安有二屬潁川郡者爲侯國，屬陳留郡者乃爲縣，後漢皆已省。

皇女王四年，封平邑公主，適黃門侍郎馮由。

由卽馮順之子，勤之孫也。平邑，勤傳作平安，傳注引東觀記，又作安平。

皇女利元年，封臨潁公主，適卽墨侍中賈建。注：建，賈參子，復之曾孫。

據復傳，建尙主在安帝元初元年，主於安帝爲姊妹，故傳稱長公主。

靈帝一女。

一原作三，據錢按改。官本不誤。案後漢縣公主不附此紀者，如光武姊妹湖陽、新野、寧平三長公主，安帝諸妹舞陰、濮陽、涅陽、平氏、陰城五長公主，桓帝姊妹長社、益陽二長公主，均以本非皇女不入。質帝、靈帝之由外藩入繼，有同安桓。

史不言其有姊妹，當由無可考見。他如寶穆之尙內黃公主，伏晨之尙高平公主，傳記均不系何帝，則其不入亦必本非皇女也。惟獻帝皇女有幾，此紀乃全闕。蓋自蔡邕被禍後，東觀失記。如靈帝女萬年公主，已不能詳其名。况獻帝女耶？故無所據以書也。然魏志述甄后言山陽公奉二女，以嬪於魏，又御覽三百八十九引三輔決錄，寶叔高名元，爲上郡計吏，朝會數百人，儀狀絕衆，天子異之，詔以公主妻之。叔高時已自有妻，不敢以聞，方欲迎婦與訣，未發而詔召叔高就第成婚，藝文類聚三十亦云。後漢寶元形貌絕異，天子以公主妻之。趙岐之成決錄，在獻帝西遷之後，此條言稱天子與魏志述操事，稱獻帝爲天子略同。則寶元所尙公主，疑亦獻帝皇女之一，但其封邑與名皆無可考矣。至歐陽詢之纂類聚，則又轉載漢人記述耳。

劉玄劉盆子列傳第一

後漢書十一

宋宣城太守范曄撰  
唐章懷太子賢注

王先謙集解

劉玄字聖公光武族兄也。

爾雅曰族父之子相謂為族昆弟帝王紀曰春陵戴侯熊渠生蒼梧太守利生子張納平林何氏女生更始。

弟為人所殺聖公結客欲報之。

客犯法。

續漢書曰時聖公聚客家有酒請游微飲賓客醉歌言朝亭兩都尉游微後來用調羹味游微大怒縛捶數百。

聖公避吏於平林吏繫聖公父子張聖公詐死使

人持喪歸春陵吏乃出子張聖公因自逃匿王莽末南方飢饉人庶羣入野澤掘鳥苳而食之。

爾雅曰芍鳥苳郭璞

曰生下田中苗似龍鬚而細根如指頭黑色可食芍音胡了反鳥苳續漢書作符臂〔集解〕先謙曰官本食之下有更相侵奪四字此脫東觀記亦有。

新市人王匡王鳳為平理諍訟。

〔集解〕胡三省曰諍與爭同管

王沈釋時論關其勇敢於贊諍叶韻平聲惠棟曰諍爭字通見唐扶頌。

遂推為渠帥。

〔集解〕惠棟曰孔安國云渠大也。

衆數百人於是諸亡命馬武王常成丹等往

從之共攻離鄉聚藏於綠林中。

離鄉聚謂諸鄉聚離散去城郭遠者大曰鄉小曰聚前書曰收合離鄉置大城中即其義也。綠林山在今荊州當陽縣東北也〔集解〕萬承蒼曰離鄉乃聚名若南陽之夕陽聚南郡之

藍口聚丹陽聚皆是也。郡國志於南新市侯國下注。案本傳有離鄉聚綠林山。則離鄉聚與綠林均為地名可知。章懷注非。惠棟曰李吉甫云山在荆門軍常陽縣東南百二十里。歐陽忞云即當陽長坂也。曹操追劉備而張飛拒之於此。數月間人

七八千人。〔集解〕先謙曰官本上人。地皇二年。王莽年也。荆州牧某。史闕名也。發奔命二萬人攻之。匡等相率迎擊

於雲杜。雲杜縣名屬江夏郡。故城在今復州沔陽縣西北。〔集解〕先謙曰今漢陽府沔陽州西北。大破牧軍。殺數千人。盡獲輜重。續漢書曰牧欲北歸隨武等復還擊之。鈞牧車屏泥刺殺其驢乘。然

不敢殺牧也。〔集解〕劉敞曰案馬謂之驢。人謂之參乘。只合用參字。惠棟曰春秋宣二年傳使其驂乘謂之曰云云不必改作參。遂攻拔竟陵。縣名屬江夏郡。故城在今鄧州長壽縣南。〔集解〕先謙曰今德安府天門縣西北。轉擊

雲杜。安陸。安陸郡屬江夏郡。今安州縣也。〔集解〕先謙曰官本注上郡作縣。是今德安府之安陸。雲夢應城漢陽府之孝感黃陂皆漢安陸地。多略婦女。還入綠林中。至有五萬餘口。

州郡不能制。三年。大疾疫。死者且半。乃各分散引去。王常成丹西入南郡。號下江兵。王匡王鳳馬武及

其支黨朱鮪張卬等。續漢書卬作印。〔集解〕通鑑考異云司馬彪續漢書卬作印。袁宏後漢紀作斤。皆誤。宜從范史史炤釋文曰卬音魚央反。北入南陽。號新市兵。皆自稱將軍。

七月。匡等進攻隨。未能下。隨縣屬南陽郡。今隨州縣。〔集解〕先謙曰今德安府隨州治。平林人陳牧廖湛。廖音力弔反。〔集解〕先謙曰平林鄉在今隨州東北八十里。復聚

衆千餘人。號平林兵。呂應之聖公因往從牧等。為其軍安集掾。欲其安集軍衆。故權以為官名。是時光武及兄伯升亦起

春陵與諸部合兵而進。四年正月，破王莽前隊大夫甄阜，屬正梁丘賜，斬之。號聖公爲更始將軍。衆雖

多而無所統一，諸將遂共議立更始爲天子。二月辛巳，設壇場於清水上沙中。

〔集解〕惠棟曰：水經注，清水出安農盧氏縣，攻離山東南。

過南陽西鄂縣西北，又東過宛縣南，諸將立聖公于斯水之上。

陳兵大會，更始卽帝位，南面立，朝羣臣，素懦弱，羞愧流汗，舉手不能言。於是

大赦天下，建元曰更始元年。

〔集解〕惠棟曰：東觀記，聖公號更始將軍，自破甄阜等衆，庶來降十餘萬，將立劉氏，南陽英雄皆歸望於伯升。漢兵以新市、平林爲本，其將帥素習聖公，因欲立之，而朱鮪等立壇城南，清水上，詣伯升，呂植通禮經，爲謁者，將立聖公爲天子，議以示諸將，馬武、王匡以爲王莽未滅，不如且稱王，張卬拔劍擊地曰：稱

天公尙可，稱天子何謂不可？於是諸將起與聖公至於壇所，奉通天冠進聖公，於是聖公乃拜冠南面而立，改元爲更始元年。悉拜

置諸將，呂族父良爲國三老，王匡爲定國上公，王鳳成國上公，朱鮪大司馬，伯升大司徒，陳牧大司空。

餘皆九卿將軍。

〔集解〕胡三省曰：匡、鳳皆位上公，而加定國、成國、美號也。九卿將軍職爲九卿，各帶將軍之號，仍王莽之制也。

五月，伯升拔宛。六月，更始入都宛城，盡封

宗室及諸將爲列侯者百餘人，更始忌伯升威名，遂誅之。目光祿勳劉賜爲大司徒。

〔集解〕胡三省曰：賜與更始同祖，蒼梧太守利。

前鍾武侯劉望起兵，略有汝南。

〔集解〕通鑑考異曰：王莽傳作劉聖，胡三省曰：王子侯表，鍾武節侯度，長沙定王之孫，成帝元延二年，侯則紹封，其後不見，或者望乃則之子歟。鍾武在義陽郡界水，經注師水過義陽。

郡城東逕鍾武故城南鍾武縣名屬江夏郡零陵亦有鍾武非此

時王莽納言將軍嚴尤秩宗將軍陳茂既敗於昆陽往歸之八月望遂自立

為天子。目尤為大司馬。茂為丞相。王莽使太師王匡國將哀章守洛陽。

風俗通曰哀姓魯哀公之後因諱目為姓〔集解〕惠棟曰前書云章廣漢梓潼

人學問長安素無行好為大言考異曰袁紀作褒章誤

更始遣定國上公王匡攻洛陽西屏大將軍申屠建丞相司直李松攻武關

〔集解〕

胡三省曰李松通之從弟

三輔震動是時海內豪傑翕然響應皆殺其牧守自稱將軍用漢年號目待詔命旬月之間

徧於天下長安中起兵攻未央宮九月東海人公賓就斬王莽於漸臺

風俗通曰公賓姓也魯大夫公賓庚之後漸臺太液池中臺也為水所漸潤故

以為名〔集解〕惠棟曰論衡云漢誅王莽兵頓昆陽死者萬數軍至漸臺血流沒趾前書云商人杜吳殺莽校尉東海公賓就故大行治禮見吳問綬主所在曰室中西北隙間就識斬莽首持詣王憲東觀記云杜虞殺莽於漸臺東海公賓就得其首傳詣宛封滑侯孫  
恤云公賓複姓左  
傳魯有公賓庚  
收璽綬傳首口詣宛更始時在使坐黃堂取視之喜曰莽不如是當與霍光等寵姬韓

夫人笑曰若不如是帝焉得之乎更始悅乃懸莽首於宛城市是月拔洛陽生縛王匡哀章至皆斬之

十月使奮威大將軍劉信

〔集解〕胡三省曰信大司徒賜兄顯之子

擊殺劉望於汝南并誅嚴尤陳茂更始遂北都洛陽目劉



賜爲丞相申屠建、李松、自長安傳送乘輿服御。又遣中黃門從官奉迎遷都。二年二月，更始自洛陽而

西。〔集解〕先謙曰：東觀記云：關中咸想望天子，更始遂西發雒陽。

初發，李松奉引，馬驚奔，觸北宮鐵柱門，三馬皆死。續漢書曰：馬禍也。時更始失道，將亡之徵。初，王莽

敗，唯未央宮被焚而已。其餘宮館一無所毀。宮女數千，備列後庭，自鐘鼓帷帳，輿輦器服，太倉武庫，官

府市里，不改於舊。更始既至，居長樂宮，升前殿，郎吏以次列庭中。更始羞忤，俛首刮席，不敢視。作、顏色變也。俛，俯也。

〔集解〕惠棟曰：王幼學云：刮，摩也。正義云：言羞忤而俯首至於坐席。劉子元云：聖公身在微賤，已能結客報仇，避難綠林，名曰豪傑，安有貴爲人主，而反至於斯者乎？將作者曲筆阿時，獨成光武之美，諛言媚主，用雪伯升之怨也。且中興之史，出於東觀，或明帝所定，或

馬后所刊，而炎祚靈長，簡書莫改。遂使他姓追撰，空傳僞錄者矣。諸將後至者，更始問虜掠得幾何。左右侍官皆宮省久吏，各驚相視。〔集解〕先謙曰：

東觀記云：更始愧愆，俯刮席，與小常侍語，郎吏怪之。李松與棘陽人趙萌說更始宜悉王諸功臣，朱鮪爭之。呂爲高祖約，非劉氏不王。

更始乃先封宗室，太常將軍劉祉爲定陶王，劉賜爲宛王，劉慶爲燕王，劉歙爲元氏王，大將軍劉嘉爲

漢中王，劉信爲汝陰王。〔集解〕胡三省曰：祉，春陵康侯歙之子，大宗也。慶，歙之弟。嘉，歙之弟子。歙，更始之叔父。後遂立王匡爲比陽王，王鳳爲宜城王，朱

鮪爲膠東王。衛尉大將軍張卬爲淮陽王。廷尉大將軍王常爲鄧王。執金吾大將軍廖湛爲穰王。申屠

建爲平氏王。尙書胡殷爲隨王。柱天大將軍李通爲西平王。西平縣屬汝南郡。故城在今豫州鄆城縣南也。〔集解〕先謙曰：今汝寧府西平縣西。五威中

郎將李軼爲舞陽王。水衡大將軍成丹爲襄邑王。大司空陳牧爲陰平王。陰平縣屬廣漢國。〔集解〕先謙曰：今階州文縣西北。驃騎大

將軍宋佻爲潁陰王。〔集解〕惠棟曰：光武紀及通鑑皆作宗佻。尹尊爲鄆王。唯朱鮪辭曰：臣非劉宗，不敢干典。遂讓不受。乃徙

朱鮪爲左大司馬。劉賜爲前大司馬。使與李軼、李通、王常等鎮撫關東。〔集解〕惠棟曰：通鑑云：朱鮪、劉賜與李軼等鎮撫關東。又使李通鎮荊州。王常

行南陽太守事。呂李松爲丞相。趙萌爲右大司馬。共秉內任。更始納趙萌女爲夫人。有寵。遂委政於萌。日夜與

婦人飲讌後庭。羣臣欲言事，輒醉不能見。時不得已，乃令侍中坐帷內與語。諸將識非更始聲，出皆怨

曰：成敗未可知。遽自縱放若此。韓夫人尤嗜酒。每侍宴。〔集解〕先謙曰：官本宴作飲。東觀記同。見常侍奏事，輒怒曰：帝方對

我飲，正用此時持事來乎？起，抵破書案。抵，擊也。趙萌專權，威福自己。郎吏有說萌放縱者，更始怒，拔劍擊

之。自是無復敢言。萌私忿。侍中引下輔之。更始救請不從。

〔集解〕惠棟曰：東觀記：趙萌以私事捧侍中。侍中曰：陛下救我。更始言大司馬縱之。萌曰：臣不受詔。遂斬之。捧才骨。

反。

時李軼、朱鮪、擅命山東。王匡、張卬、橫暴三輔。其所授官爵者皆羣小賈豎。或有膳夫庖人。

〔集解〕惠棟曰：東觀記更

始在長安。官爵多羣小。里閭語曰：使兒居市決作者。不能得備之。市空返。問何故。曰：今日騎部尉往會日也。由是四方不復信向京師。三輔舊事云：更始遣將軍李松攻王莽。屠兒賣餅者皆從之。屠兒杜處手殺莽。故其時所授官爵皆屠沽之輩也。多著繡

面衣錦袴。襜褕諸子。罵詈道中。

襜褕諸子見光武紀。續漢志曰：時智者見之。以為服之不中身之災也。乃奔八邊郡避之。是服妖也。其後為赤眉所殺也。

長安為之語曰：竈下養。

中郎將爛羊胃。騎都尉爛羊頭。關內侯。

公羊傳曰：炊亨為養。〔集解〕惠棟曰：張超謂青衣賦云：或於馬廄府門竈下。何休公羊註曰：炊烹者曰養。王幼學云：養去聲。前書倪寬為弟子都養。注云：養造食。

軍帥將軍豫章李淑上書諫曰：

〔集解〕劉攽曰：案是時多置軍帥。鄧禹傳亦作軍帥將軍。此當作師。

方今賊寇始誅。王化未行。百官有司宜慎

其任。夫三公上應台宿。九卿下括河海。

春秋漢舍孽曰：三公在天為三台。九卿為北斗。故三公象五嶽。九卿下河海。二十七大夫法山陵。八十一元士法谷阜。合為帝佐。以匡綱紀。〔集解〕先謙曰：官本注。

下作法。是初學記十二。御覽二百二十八引謝承書。台宿作垣宿。

故天工人其代之。陛下定業。雖因下江平林之執。斯蓋臨時濟用。不可施之

既安。宜釐改制度。更延英俊。因才授爵。巨匡王國。今公卿大位。莫非戎陳。尚書顯官。皆出庸伍。資亭長

賊捕之用。

漢法十里一亭。亭上一長捕賊。專捕盜賊也。〔集解〕劉放曰。注捕賊。據案前書合作賊捕。據先謙曰。官本注上作置是。

而當輔佐綱維之任。唯名與器。聖人所重。今

目所重。加非其人。望其毗益萬分。興化致理。譬猶緣木求魚。升山採珠。

求之非所。不可得也。孟子對梁惠王曰。以若所為。求若所欲。猶緣木求魚也。

〔集解〕周壽昌曰。注梁惠當作齊宣。

海內望此。有目闕度漢祚。臣非有憎疾。目求進也。但為陛下惜此舉厝。敗材傷錦。所宜

至慮。

孟子謂齊宣王曰。為巨室。則必使工師求大木。工師得大木。則王喜。以為能勝其任也。匠人斲而小之。則王怒。以為不勝其任。矣。左傳。子產謂子皮曰。子有美錦。不使人學製焉。大官大邑。身之所庇。而使學者製焉。其為美錦。不亦重乎。未嘗操刀。而使之

割。其傷實多也。

惟割既往。謬妄之失。思隆周文。濟濟之美。

割。絕也。詩大雅曰。濟濟多士。文王以寧。

更始怒。繫淑詔獄。自是關中離心。

四方怨叛。諸將出征。各自專置牧守。州郡交錯。不知所從。十二月。赤眉西入關。三年正月。平陵人方望

立前孺子劉嬰為天子。初。望見更始政亂。度其必敗。謂安陵人弓林等曰。

〔集解〕胡三省曰。姓譜云。弓。魯大夫叔弓之後。又孔子弟子有仲弓。又有

駢臂子弓。

前定安公嬰。平帝之嗣。雖王莽篡奪。而嘗為漢主。今皆云劉氏真人。當更受命。欲共定大功。何如。

林等然之。乃於長安求得嬰。將至臨涇。立之。

今涇州縣也。〔集解〕先謙曰。今涇州鎮原縣西二里。

聚黨數千人。望為丞相。林為大司馬。

更始遣李松與討難將軍蘇茂等擊破，皆斬之。又使蘇茂拒赤眉於弘農，茂軍敗，死者千餘人。三月，遣

李松會朱鮪，與赤眉戰於蔣鄉。

蔣音莫老反，字林云毒草也。因以為地名。續漢志：弘農有蔣鄉。東觀記曰：徐宣、樊崇等入至弘農，枯樅山下，與更始將軍蘇茂戰。崇北至蔣鄉，轉至湖湖，即湖城縣也。以此而言其蔣蓋

在今歸州湖城縣之間。〔集解〕王補曰：其蔣，通鑑注作其地是。

松等大敗，棄軍走，死者三萬餘人。時王匡、張卬守河東，為鄧禹所破，還奔長

安。卬與諸將議曰：赤眉近在鄭華陰間，旦莫且至。今獨有長安，見滅不久，不如勒兵掠城中，呂自富，轉

攻所在，東歸南陽，收宛王等兵。

〔集解〕先謙曰：謂劉賜時蓋在南陽。

事若不集，復入湖池中為盜耳。申屠建、廖湛等皆呂為

然。其人說更始，更始怒不應，莫敢復言。及赤眉立劉盆子，更始使王匡、陳牧、成丹、趙萌、屯新豐，李松軍

擲呂拒之。

擲音子侯反。續漢志曰：新豐有鴻門亭，擲城，即此也。

張卬、廖湛、胡殷、申屠建等與御史大夫隗囂合謀，欲呂立秋日，羶臚時。

共劫更始。

前書音義曰：羶獸，以立秋日祭獸。王者亦此日出獵，用祭宗廟。冀州北郡以八月朝作飲食為臚，其俗語曰：羶臚社伏。羶音丑子反。臚音葦。〔集解〕惠棟曰：袁宏紀：申屠建等勸更始讓帝位，更始不應，建等謀劫之也。先謙曰：此時赤眉未

至。光武初起，亦不在張卬等意計中。欲更始讓位何人。袁紀謬也。

俱成前計。侍中劉能卿知其謀，呂告之，更始託病不出，召張卬等，卬等皆入。

將悉誅之。惟隗囂不至。更始狐疑。使卬等四人且待於外廬。卬與湛、殷疑有變。遂突出。獨申屠建在。更始斬之。卬與湛、殷遂勒兵掠東西市。昏時燒門。入戰於宮中。更始大敗。明旦將妻子車騎百餘。東奔趙

萌於新豐。更始復疑王匡、陳牧、成丹與張卬等同謀。乃並召入。牧丹先至。卬斬之。

〔集解〕錢大昕曰：鄧禹傳言更始諸將王匡、胡殷、成

丹等皆詣宗廣降。則丹未嘗斬也。二傳必有一誤。

王匡懼。將兵入長安。與張卬等合。李松還從更始。與趙萌共攻匡卬於城內。連戰

月餘。匡等敗走。更始徙居長信宮。

三輔黃圖曰：從洛門至周廟門有長信宮在其中。

赤眉至高陵。匡等迎降之。遂共連兵而進。更始

城守。使李松出戰。敗死者二千餘人。赤眉生得松。時松弟汎爲城門校尉。赤眉使使謂之曰：開城門。活

汝兄。汎卽開門。九月。赤眉入城。更始單騎走。從廚城門出。

三輔黃圖曰：洛城門。王莽改曰建子門。其內有長安廚。官俗名之爲廚城門。今長安故城北面之中門是也。

諸婦女從後連呼曰：陛下當下謝城。更始卽下拜。復上馬去。初。侍中劉恭以赤眉立其弟盆子。自繫詔

獄。聞更始敗。乃出。步從至高陵。止傳舍。

〔集解〕惠棟曰：謝承書云：恭從獄中出。參械出街中。逢京兆尹解懽。呼解君載我。我。更始之忠臣也。卽帝敗。我弟又爲赤眉所立。憚使後車載之。前行見定陶王劉

社解其械。言帝在渭中船上。遂相隨見更始。

右輔都尉嚴本。

本或作平。或作丕。〔集解〕惠棟曰。前書有陽陵嚴本。

恐失更始。爲赤眉所誅。將兵在外。號爲屯衛。

而實囚之。

〔集解〕王補曰。光武紀。九月。赤眉入長安。更始奔高陵。辛未。詔封更始爲淮陽王。吏民有敢賊害者。罪同大逆。此東都一代君臣大義瞭然之本也。范史既著其事於紀中。而此傳並不及。非略也。紀傳體異。此史法之所係也。

赤

眉下書曰。聖公降者。封長沙王。過二十日勿受。更始遣劉恭請降。赤眉使其將謝祿往受之。十月。更始

遂隨祿肉袒詣長樂宮。上璽綬於盆子。赤眉坐更始置庭中。將殺之。劉恭、謝祿爲請。不能得。遂引更始

出。劉恭追呼曰。臣誠力極。請得先死。拔劍欲自刎。赤眉帥樊崇等。遽共救止之。乃赦更始。封爲畏威侯。

劉恭復爲固請。竟得封長沙王。更始常依謝祿居。劉恭亦擁護之。三輔苦赤眉暴虐。皆憐更始。而張卬

等曰爲慮。

〔集解〕胡三省曰。卬等攻更始。恐其得位而禍及己。故深以爲慮也。

謂祿曰。今諸營長多欲篡聖公者。一旦失之。合兵攻公。自滅之。

道也。於是祿使從兵與更始共牧馬於郊下。因令縊殺之。劉恭夜往。收藏其屍。光武聞而傷焉。詔大司

徒鄧禹葬之於霸陵。有三子。求、歆、鯉。明年夏。求兄弟與母東詣洛陽。帝封求爲襄邑侯。奉更始祀。歆爲

穀孰候。鯉為壽光侯。求後徙封咸陽侯。求卒。子巡嗣。復徙封灌澤侯。

襄邑即春秋襄牛地也。今為縣。在宋州西。穀孰縣屬梁國。在宋州東南。壽光縣屬北

海郡。今青州縣也。灌澤縣。今澤州縣。故曰徙封。〔集解〕錢大昕曰。灌澤當為灌澤。先謙曰。襄邑。今歸德府睢州西二里。穀熟在歸德府商邱縣東南。壽光。今青州府縣。灌澤。在今澤州府陽城縣西。

巡卒。子姚嗣。

〔集解〕王補曰。劉氏史通編次篇云。

更始升壇改元。寒暑三易。世祖稱臣北面。臣節不虧。既而兵敗。長安。祚歸高邑。兄亡弟及。歷數相承。作者乃抑聖公於傳內。登文叔於紀首。事等躋僖。位先不實。夫東觀策筆。容或詔於當時。後來所修理。當刊革者也。又稱謂篇。更始中興漢室。光武所臣。雖得業不成。而歷數終在。班范二史。皆以劉元為目。不刪其慢乎。補案劉氏所說。與張衡脗合。實為通鑑綱目二書之先導。故鄙見亦以立傳為未安。

論曰。周武王觀兵孟津。退而還師。以為紂未可伐。斯時有未至者也。

史記曰。武王即位。太公望為師。周公旦為輔。召公畢公之徒。左右王師。東觀兵孟津。

時諸侯不期而會者八百。皆曰。紂可伐矣。武王曰。未可。乃還師。

漢起。驅輕黠烏合之眾。

輕黠。謂輕銳。黠。黠也。烏合。如烏鳥之羣合也。

不當天下萬分之一。而旌旃之所

擄及。

擄。與磨同。

書文之所通被。莫不折戈頓額。爭受職命。非唯漢人餘思。固亦幾運之會也。夫為權首。鮮或

不及。

左傳曰。無始禍。前書曰。無為權首。將受其咎。

陳項且猶未興。况庸庸者乎。

劉盆子者。太山式人。

式。縣名。中興縣廢。〔集解〕先謙曰。前志。式。泰山縣。續志。分置濟北。皆無式。而有成。或由形近致譌。成在今寧陽縣北。式。究不知何在。

城陽景王章之後也。

章。高帝孫。朱虛侯也。



祖父憲元帝時封爲式侯。父萌嗣。王莽篡位國除。因爲式人焉。天鳳元年。琅邪海曲有呂母者。子爲縣

吏。犯小罪。宰論殺之。

海曲縣名。故城在密州莒縣東。續漢書曰。呂母子名育。爲游徼犯罪也。〔集解〕先謙曰。海曲當作海西。辨詳前志。然此字誤久。今沂州府日照縣四十里。

呂母怨宰。密聚客。

規以報仇。母家素豐。貨產數百萬。乃益釀醇酒。買刀劍衣服。少年來酤者。皆賒與之。視其乏者。輒假衣

裳。不問多少。數年財用稍盡。少年欲相與償之。呂母垂泣曰。所以厚諸君者。非欲求利。徒以縣宰不道。

枉殺吾子。欲爲報怨耳。諸君寧肯哀之乎。少年壯其意。又素受恩。皆許諾。其中勇士自號猛虎。遂相聚

得數十百人。

東觀記曰。賓客徐次子等。自號猛虎。猛音於責反。力可擒虎。言其勇也。今爲猛字。猛與猛相類也。

因與呂母入海中。招合亡命。

〔集解〕惠棟曰。李吉甫云。今東海有呂母固。即舊集

之所也。樂史云。呂母固在東海縣北三十七里。巨平山南嶺上高二里。呂母還海中。保此以爲固。遂號呂母固。先謙曰。呂母固在今日照縣南。

衆至數千。呂母自稱將軍。引兵還。攻破海曲。執

縣宰。諸吏叩頭爲宰請。母曰。吾子犯小罪。不當死。而爲宰所殺。殺人當死。又何請乎。

〔集解〕先謙曰。官本。何作可。義並通。

遂

斬之。以其首祭子冢。復還海中。後數歲。琅邪人樊崇起兵於莒。

東觀記曰。樊崇字細君。〔集解〕惠棟曰。袁山松書。及東觀記。皆云天鳳五年事。前書曰。赤眉方子都。

樊崇等先謙曰今沂州府莒州治

衆百餘人轉入太山自號三老

〔集解〕惠棟曰水經注云徂徠山亦曰尤嶽山赤眉渠帥樊崇所保也故崇自號尤嶽三老

時青徐大饑寇賊

蜂起羣盜以崇勇猛皆附之一歲間至萬餘人崇同郡人逢安東海人徐宣謝祿楊音

東觀記曰逢音龐安字少子東莞人

也徐宣字驕稱謝祿字子奇皆東海臨沂人也〔集解〕劉放曰案逢字從各起兵合數萬人復引從崇共還攻莒不能

各起兵合數萬人復引從崇共還攻莒不能

下轉掠至姑幕

姑幕縣名故城在今密州莒縣東北古薄姑氏之國〔集解〕先謙曰今青州府諸城縣西南五十里

因擊王莽探湯侯田況大破之

王莽改北海益縣曰探湯殺萬

餘人遂北入青州所過虜掠還至太山留屯南城

南城縣屬東海郡有南城山因以為名也〔集解〕先謙曰今沂州府費縣西南九十里

勸崇等以困窮

為寇無攻城徇地之計衆既寢盛乃相與為約殺人者死傷人者償創以言辭為約束無文書旌旗部

曲號令其中最尊者號三老次從事次卒吏汎相稱曰臣人

〔集解〕劉放曰案三老從事卒史皆是漢小吏名或鄉官也赤眉之起不知自名官府取耳目所熟者為稱呼

故有此號後人不曉誤以史為吏字卒吏絕無義理當改為卒史又案前書言盜賊竄稱巨人今此為臣人亦誤也當作巨

王莽遣平均公廉丹太師王匡擊之崇等欲戰恐其

衆與莽兵亂乃皆朱其眉呂相識別

〔集解〕惠棟曰集覽云識與誌同記也別異也

由是號曰赤眉

〔集解〕王補曰通鑑此下有匡丹合將銳士十餘萬人所過放縱東方為之說

曰寧逢赤眉不逢太師  
太師尚可更始殺我

赤眉遂大破丹匡軍殺萬餘人追至無鹽

無鹽縣名故城在今鄆州須昌縣東〔集解〕先謙曰今泰安府東平州東二十里

廉丹戰

死王匡走

〔集解〕惠棟曰前書赤眉別校董憲等數萬人在梁郡王匡進擊之廉丹隨之合戰成昌兵敗匡走丹使吏持其印綬符節付匡曰小兒可走吾不可遂止戰死

崇又引其兵十餘萬復還圍

莒數月或說崇曰莒父母之國奈何攻之乃解去

〔集解〕汪文臺曰御覽八百十八引袁山松書云莒人出縑千匹以自贖乃散去

時呂母病死其衆

分入赤眉青犢銅馬中赤眉遂寇東海與王莽沂平大尹

王莽改東海郡曰沂平以郡守爲大尹

戰敗死者數千人乃引去

掠楚沛汝南潁川還入陳留攻拔魯城轉至濮陽會更始都洛陽遣使降崇崇等聞漢室復興卽留其

兵自將渠帥二十餘人隨使者至洛陽降更始皆封爲列侯崇等既未有國邑而留衆稍有離叛乃遂

亡歸其營將兵入潁川分其衆爲二部崇與逢安爲一部徐宣謝祿楊音爲一部崇安攻拔長社南擊

宛斬縣令而宣祿等亦拔陽翟引之梁

今汝州梁縣也〔集解〕先謙曰今汝州東汝水南

擊殺河南太守赤眉衆雖數戰勝而疲敵

厭兵

倦

皆日夜愁泣思欲東歸崇等計議慮衆東向必散不如西攻長安更始二年冬崇安自武關

宣等從陸渾關。

武關在今商州上洛縣東。河圖括地象曰：武關山為地門。上為天齊星。前書曰：陸渾縣有關。在今洛州伊闕縣西南。集解先謙曰：武關今商州東一百八十五里。陸渾關今河南府嵩縣北舊志七十里。

兩道

俱入。三年正月，俱至弘農，與更始諸將連戰剋勝，衆遂大集，乃分萬人為一營，凡三十營，營置三老從

事各一人，進至華陰，軍中常有齊巫。

集解胡三省曰：齊巫，齊國之巫。

鼓舞祠城陽景王，曰求福助。

以其定諸呂，安社稷，故郡國多為立祠焉。盆子承其後，故

軍中祠之。集解惠棟曰：沈約云：漢時城陽國人以劉章有功於漢，為之立祠。青州諸郡轉相放效，濟南尤盛。

巫狂言景王大怒曰：當為縣官，何故為賊。

縣官謂天子也。

有笑巫者。

輒病，軍中驚動。時方望弟陽怨更始殺其兄，乃逆說崇等曰：更始荒亂，政令不行，故使將軍得至於此。

今將軍擁百萬之衆，西向帝城，而無稱號，名為羣賊，不可曰久。不如立宗室，挾義誅伐，曰此號令，誰敢

不服。崇等曰：為然而巫言益甚，前及鄭

今華州縣。集解先謙曰：今同州府華州北。

乃相與議曰：今迫近長安，而鬼神如此，當

求劉氏，共尊立之。六月，遂立盆子為帝，自號建世元年。初，赤眉過式，掠盆子及二兄恭、茂，皆在軍中。恭

少習尚書，略通大義，及隨崇等降更始，即封為式侯。呂明經數言事，拜侍中。從更始在長安，盆子與茂

留軍中。屬右校卒吏劉俠卿。

〔集解〕劉敞曰。案吏當爲史。說並見上。惠棟曰。袁山松書作仲卿。下同。

主芻牧牛。號曰牛吏。及崇等欲立帝。求軍中

景王後者。得七十餘人。唯盆子與茂及前西安侯劉孝。最爲近屬。崇等議曰。聞古天子將兵。稱上將軍。

乃書札爲符曰。上將軍。又曰。兩空札置笥中。

札。簡也。笥。篋也。

遂於鄭北設壇場。祠城陽景王。諸三老從事。皆大

會陛下。

〔集解〕王補曰。陛下卽階下。非誤也。官本及鄭氏通志皆然。

列盆子等。三人居中立。呂年次探札。盆子最幼。後探得符。諸將乃皆

稱臣拜。盆子時年十五。被髮徒跣。敝衣赭汗。

〔集解〕惠棟曰。王幼學云。赭。汗面赤而流汗。惶懼之意。

見衆拜。恐畏欲啼。茂謂曰。善藏符。

盆子卽齧折棄之。

〔集解〕惠棟曰。王幼學云。齧折。以口嚼齧。以手屈折。

復還依俠卿。俠卿爲制絳單衣。半頭赤幘。

幘。巾所以覆髮也。續漢書曰。童子幘無屋。示未成人。

也。半頭幘。卽空頂幘也。其上無屋。故以爲名。董仲舒繁露曰。目赤統者。幘尙赤。盆子承漢統。故用赤也。東宮故事曰。太子有空頂幘一枚。卽半頭幘之製也。〔集解〕惠棟曰。東宮故事。晉張敞撰。

直綦履。

綦。履文也。蓋直刺其文。目□爲飾也。乘軒

車大馬。赤屏泥。

赤屏泥。謂目緹油屏泥於軾前。

絳襜絡。

襜。帷也。車上施帷。目屏蔽者。交絡之目爲飾。續漢志曰。王公列侯安車。加交絡帷裳也。

而猶從牧兒遊。崇雖起勇力。

而爲衆所宗。然不知書數。徐宣。故縣獄吏。能通易經。遂共推宣爲丞相。崇御史大夫。逢安左大司馬。謝

祿右大司馬自楊音曰下皆為列卿軍及高陵與更始叛將張印等連和遂攻東都門

三輔黃圖曰宣平門長安城東面北

頭第一門也其外郭門名東都門

入長安城更始來降盆子居長樂宮諸將日會論功爭言謹呼

謹譁也謹音火完反

拔劍擊柱〔集解〕惠棟曰

袁山松書云赤眉諸將自言欲為某王欲得某官爭言號呼拔劍擊柱

不能相一三輔郡縣營長遣使貢獻兵士輒剽奪之

剽劫也

又數虜暴吏民

百姓保壁由是皆復固守至臘日崇等乃設樂大會盆子坐正殿中黃門持兵在後公卿皆列坐殿上

酒未行其中一人出刀筆書謁欲賀

古者記事書於簡冊謬誤者以刀削而除之故曰刀筆

其餘不知書者起往請之

請其書己名也

各各屯

聚更相背向大司農楊音按劍罵曰諸卿皆老傭也今日設君臣之禮反更殺亂

看亦亂也〔集解〕先謙曰官本注看作殺是

兒

戲尚不如此皆可格殺

相拒而殺之曰格

更相辯鬪而兵衆遂各踰宮斬關入掠酒肉互相殺傷衛尉諸葛程

聞之勒兵入格殺百餘人乃定盆子惶恐日夜啼泣獨與中黃門共臥起唯得上觀閣而不聞外事時

掖庭中宮女猶有數百千人自更始敗後幽閉殿門掘庭中蘆葍根

爾雅曰葵蘆葍音步北反葍字或作蘆

捕池魚而食之

死者因相埋於宮中。有故祠甘泉樂人，尚共擊鼓歌舞，衣服鮮明。甘泉宮有祭祠之所，樂人謂掌祭天之樂者也。見盆子，叩頭言

飢。盆子使中黃門稟之。米人數斗。

〔集解〕先謙曰：御覽四百八十六引袁山松書米人數斗作粟數升。

後盆子去，皆餓死不出。劉恭見赤眉衆

亂，知其必敗，自恐兄弟俱禍，密教盆子歸璽綬，習爲辭讓之言。建武二年正月朔，崇等大會，劉恭先曰：

諸君共立恭弟爲帝，德誠深厚，立且一年，肴亂日甚，誠不足呂相成，恐死而無所益，願得退爲庶人，更

求賢知，唯諸君省察。崇等謝曰：此皆崇等罪也。恭復固請，或曰：此寧式侯事邪。

劉恭爲式侯，言衆立天子，非恭所預。

恭惶恐

起去。盆子乃下牀，解璽綬，叩頭曰：今設置縣官而爲賊如故，吏人貢獻，輒見剽劫，流聞四方，莫不怨恨。

不復信向，此皆立非其人所致，願乞骸骨，避賢聖，必欲殺盆子以塞責者，無所離死。

離，避也。

誠冀諸君肯

哀憐之耳。因涕泣噓唏。

蘇與秋同。

崇等及會者數百人，莫不哀憐之，乃皆避席頓首曰：臣無狀，負陛下，請自

今已後，不敢復放縱，因共抱持盆子，帶日璽綬，盆子號呼，不得已，既罷出，各閉營自守。三輔翕然稱天

子聰明百姓爭還長安市里且滿得二十餘日

〔集解〕王補曰袁紀通鑑並作後二十餘日是

赤眉貪財物復出大掠城中糧食

盡遂收載珍寶因大縱火燒宮室引兵而西過祠南郊車甲兵馬最為猛盛衆號百萬盆子乘王車駕

三馬

續漢志曰王車朱班輪青蓋左右駢駕三馬

從數百騎乃自南山轉掠城邑與更始將軍嚴春戰於郿破春殺之遂入安

定北地至陽城番須中

〔集解〕先謙曰來歙傳伐山開道從番須回中徑至洛陽東觀記作自安民縣之陽城從番須回中伐樹木開山道至洛陽是陽城乃安民縣地與番須相近而檢覈地志與番須近者無安民縣名疑有誤

字番須在安定郡或是安定郡之安定縣而譌爲安民耳存俟再考

逢大雪坑谷皆滿士多凍死乃復還發掘諸陵取其寶貨遂汚辱呂后屍凡

賊所發有玉匣殮者率皆如生

漢儀注曰自腰以下以玉爲札長尺廣一寸半爲匣下至足綴以黃金縷謂之爲玉匣也〔集解〕先謙曰官本注一寸作二寸

故赤眉得多行姪穢

大司徒鄧禹時在長安遣兵擊之於郁夷

郁夷縣屬右扶風也〔集解〕先謙曰今鳳翔府隴州西

反爲所敗禹乃出之雲陽九月赤眉

復入長安止桂宮

長安記曰桂宮在未央宮北亦曰北宮

時漢中賊延岑出散關屯杜陵逢安將十餘萬人擊之鄧禹呂逢

安精兵在外唯盆子與羸弱居城中乃自往攻之會謝祿救至夜戰臺街中

三輔舊事曰長安城中有臺街

禹兵敗走延



岑及更始將軍李寶合兵數萬人。與逢安戰於杜陵。岑等大敗。死者萬餘人。寶遂降安。而延岑收散卒走。寶乃密使人謂岑曰。子努力還戰。吾當於內反之。表裏合執。可大破也。岑卽還挑戰。安等空營擊之。寶從後悉拔赤眉旌幟。更立己幡旗。安等戰疲還營。見旗幟皆白。大驚亂走。自投川谷。死者十餘萬。

〔集解〕先謙曰。御覽三百四十一引袁山松書云。蘇茂與寶同降。拔幟之計。茂亦預焉。

逢安與數千人脫歸長安。時三輔大飢。人相食。

〔集解〕先謙曰。東觀記云。黃金一斤。易豆五斗。

城郭皆空。白骨蔽野。遣人往往聚爲營保。各堅守不下。赤眉虜掠無所得。十二月。乃引而東歸。衆尙二十餘萬。隨道復散。光武乃遣破姦將軍侯進等屯新安。建威大將軍耿弇等屯宜陽。分爲二道。以要其還路。敕諸將曰。賊若東走。可引宜陽兵會新安。賊若南走。可引新安兵會宜陽。明年正月。鄧禹自河北度擊赤眉於湖。

湖縣故城。在今隰州湖城縣西南。〔集解〕先謙曰。今陝州閿鄉縣東四十里。

禹復敗走。赤眉遂出關南向。征西大將軍馮異破之於

嶠底。

卽嶠坂也。在今洛州永寧縣西北。〔集解〕先謙曰。注見光武紀。

帝聞。乃自將幸宜陽。盛兵。召邀其走路。

〔集解〕先謙曰。東觀記。光武作飛蝗箭。以攻赤眉。

赤眉忽遇

大軍驚震不知所為，乃遣劉恭乞降。

〔集解〕惠棟曰：宜陽城東南北三面峭絕，劉盆子降光武處，歐陽忞云。

曰：盆子將百萬衆降，陛下何且待

之。帝曰：待汝且不死耳。樊崇乃將盆子及丞相徐宣、目下三十餘人肉袒降。上所得傳國璽，更始七

尺寶劍及玉璧各一，積兵甲宜陽城西，與熊耳山齊。

宜陽縣故城，韓國城也。在今洛州福昌縣東，酈元水經注曰：洛水之北有熊耳山，雙巒競舉，狀同熊耳。在宜陽西也。〔集解〕王

補曰：劉氏史通：盆子既亡，棄甲信多，必與山比峻，則未之有，蓋言之甚也。抑亦太贅。血流漂杵之徒，與補案劉說最當。孟氏所謂吾於武成取二三策而已。先謙曰：宜陽注見光武紀。

帝令縣廚賜食，衆積困餒，十餘

萬人皆得飽飫。明日，大陳兵馬，臨洛水，令盆子君臣列而觀之。謂盆子曰：自知當死，不對曰：罪當應死。

猶幸上憐赦之耳。帝笑曰：兒大黠。宗室無蚩者。

釋名曰：蚩，癡也。

又謂崇等曰：得無悔降乎。朕今遣卿歸營，勒兵

鳴鼓相攻，決其勝負，不欲強相服也。徐宣等叩頭曰：臣等出長安東都門，君臣計議，歸命聖德，百姓可

與樂成，難與圖始，故不告衆耳。今日得降，猶去虎口，歸慈母，誠歡誠喜，無所恨也。帝曰：卿所謂鐵中錚

錚，備中佼佼者也。

說文曰：錚，錚金也。鐵之錚錚，言微有剛利也。錚音初耕反。佼佼音古巧反。佼佼，好貌也。詩曰：倬人僚兮，今相傳云音胡巧反。言佼佼者見備之人，稍為勝也。〔集解〕惠棟曰：水經注：佼佼作皦皦，先謙曰：官本注見作凡是。

又曰。諸卿大爲無道。所過皆夷滅老弱。溺社稷。汧井竈。

溺音奴弔反。〔集解〕先謙曰。汧誤字。官本作汚。是。

然猶有三善。攻破城邑。

〔集解〕劉攽曰。案文當云攻城破邑。

周徧天下。本故妻婦。無所改易。是一善也。立君能用宗室。是二善也。餘賊立君。迫急皆

持其首降。自呂爲功。諸卿獨完全。呂付朕。是三善也。乃令各與妻子居洛陽。賜宅人一區。田二頃。其夏

樊崇。逢安謀反。誅死。楊音在長安時。遇趙王良有恩。賜爵關內侯。與徐宣俱歸鄉里。卒於家。劉恭爲更

始報殺謝祿。自繫獄。赦不誅。帝憐盆子。賞賜甚厚。呂爲趙王郎中。

〔集解〕胡三省曰。趙王良。帝叔父也。以盆子爲其國郎中。

後病失明。賜

滎陽均輸官地。呂爲列肆。

均輸。官名。屬司農。肆。市列也。桓寬鹽鐵論云。郡國諸侯。各以其方物。貢輸往來。物多苦惡。不償其費。故郡國置輸官。以相紹運。故曰均輸。

使食其稅終身。

贊曰。聖公靡聞。假我風雲。

易曰。雲從龍。風從虎。聖人作而萬物覩。假。借也。言聖公初起。無所聞知。借我中興風雲之便。

始順歸歷。終然崩分。赤眉阻亂。

阻。恃也。特盆

子探符。雖盜皇器。

皇器猶神器。謂天位也。

乃食均輸。



後漢書集解卷十一 拔補

劉玄傳及其支黨朱鮪、張印等北入南陽，號新市兵。

張熲曰：王常傳、印與王常、成丹皆為下江兵，與紀異。

號聖公為更始將軍。

案更始將軍王莽常以甄豐、廉丹為之。見前書莽傳。此與立國將軍等號皆莽所新增。聖公初起，用其職名及立為天子，即用為年號，苟且無識，仍是盜賊行耳。宜其不終也。

東海人公賓就。注：公賓，姓也。魯大夫公賓庚之後。

見左氏哀公八年傳。

五威中郎將李軼為舞陽王。

錢大昭曰：光武紀、馮異、耿純傳並作舞陰王。今案官本此亦作舞陰。袁紀作武陰，武蓋亦舞之誤。

大司空陳牧為陰平王。注：陰平縣屬廣漢國。

案前漢陰平國屬東海郡。後漢改縣屬同。今兗州府嶧縣西南三十里是也。又前漢陰平道屬廣漢郡。後漢分屬廣漢、屬國。則今階州文縣西是矣。

注據陰平道言，雖亦可言縣，但屬前漢言不當。

言國屬後漢言當云屬國，亦不當僅言國耳。

或有膳夫庖人。

沈銘彝曰：庖人，前書東方朔傳作胞人。今案前書百官表敘亦作胞人。禮祭統云：胞者，肉吏之賤者也。則从肉當為正字。然前書顏注均云胞與庖通。又莊子庚桑楚湯以胞人籠伊尹，釋文本又作庖。則此作庖人亦非誤。

譬猶緣木求魚。注：孟子對梁惠王曰：集解。周壽昌曰：注梁惠當作齊宣。

案官本梁惠作齊宣。

與赤眉戰於蔣鄉。注：蔣音莫老反。字林云：毒草也。因以為地名。續漢志：弘農有蔣鄉。

錢大昭曰：說文：蔣，卷耳也。蔣，毒艸也。注引字林。

以為毒草，則其字當从艸。从蔣，若作蔣，是卷耳艸矣。又今續志作有蔣鄉，字並不从艸。案據注音莫老反，仍蔣音，故後省為蔣，斷非蔣之誤。乃字林誤解耳。

巡卒子姚嗣集解。王補曰：至。故鄙見亦以立傳為未安。

錢大昕曰：南陽宗室同時舉義，非有素定之分。伯升見戮，光武勢不能安。雖受更始官爵，亦由漢高之於義帝耳。更始前

無所承，後無所授，始則因人以成事，繼遂失道而破亡。史家惡莽之篡，黜地皇而絕更始之年，固為得之。若欲列譜本紀，則失地之君，春秋所貶，豈宜躋於中興令主之上哉。范氏登之傳首篇，稱字而不名，準以史法，最為得中。劉氏以兄終弟及例之，未免擬不於倫矣。今案班氏前書律厯志首名更始為帝，袁氏後漢紀尤極論更始得成為君，張衡、劉知幾雖所見略同，實已各有所本。但光武既不廢更始年號，班志自不得不帝之。袁論之誣，至謂長安猶存，建武之號已立，為道未盡，不思光武兄弟本自首義，其先已非有藉於更始。宛城拔，昆陽勝，然後更始稍有憑藉。反忌伯升而殺之，是更始名為光武族兄，而固不反兵之仇矣。遣徇河北，未嘗授之以軍，努力信都，乃得因而再起，則其後亦非有藉於更始。其間受更始爵命，皆非得已。王夫之嘗論之，故既破王郎，即不受徵罷兵。此東漢得失之幾也。況更始之立，由羣盜無異王郎，盆子、王郎雖滅，赤眉已西，攻長安，公孫述復躡馬稱帝，更始號令且不能行於一城之內矣。光武不自立，無以新天下之耳目。漢豈能復興哉。然使更始終不降赤眉，雖失地被擒而死，猶可說也。抑既請降於盆子，為侯，為王，尚何兄終弟及之有。昔高帝起沛，名為應陳涉，為漢王，則立由項羽，馬遷入陳涉世家，入項羽本紀，及班氏斷代為史，皆擯諸列傳，早有前例。光武紀之用更始紀，年亦猶高紀之用秦紀，年取便隸事耳。餘詳張衡傳集解。

劉盆子傳。殺人當死。又何請乎。集解。先謙曰：官本。何作可。義並通。

謹案袁紀作何與此同。

崇同郡人逢安。注東觀記曰：逢音龐。集解劉攽曰：案逢字從夆。至先謙曰：官本作逢，不誤。謹案官本作逢，乃校刻時所改。

若監本本從夆不誤，則劉氏不必刊矣。

屬右校卒吏劉俠卿集解劉攽曰：案吏當爲史，說並見上。

案赤眉稱號最尊者三老，次從事，次卒吏。袁紀所述亦同。劉氏上云當改爲卒史，說甚精確，但謂三老從事卒史皆

是漢小吏名，則頗嫌無別。此右校卒吏通鑑已改爲卒史，劉氏與修通鑑得用己說，胡注謂漢注卒史百石，九卿寺及諸郡及軍行部校皆有之，則亦考之未詳。夫赤眉以三老爲尊，所云從事卒史必其同等，必皆小吏，固也。秦時有郡三老，見本書王景傳。漢則自高帝以來，唯縣鄉置三老，鄉三老介在亭長，嗇夫之間，明見前續百官表志。誠小吏矣。從事則自司隸校尉都官從事以下，卒史則自廷尉文學卒史以下，前書載王尊由郡決曹史舉幽州刺史，從事顏注引漢儀注，刺史得擇所部二千石卒史從事，必刺史始能擇，其重可知。兗寬由博士掌故，選補廷尉文學卒史，見謂不習事，不署曹。漢博士掌故皆六百石，故蘇林於文學卒史注曰：六百石，舊郡皆有，自非無本。臣瓚乃引漢注謂卒史秩百石，顏注是之，不知卒史固有百石者，而實不止於百石。黃霸卽警爲二百石卒史矣。儒林傳序載武帝時有左右內史，大行卒史，郡太守卒史，至元帝好儒，始於郡國置五經百石卒史，別之曰百石卒史，則其他不皆百石也。況武帝時所選補，其原秩有比二百石目上者，亦必無反補百石卒史之理也。又龔遂守勃海，上遣使者徵遂，議曹王生，潁從史記滑稽傳作文學卒史王先生者，自請與太守俱，可悟公府諸曹掾卽以卒史署，兗寬之不得署，由見謂不習事。王生卽文學卒史之署議曹者耳。前漢公府所辟掾史經上言者，比古元士，其秩率由比二百石至比四百石，見漢舊注。尤不應概以百石卒史當之。蕭何、尹翁歸、張敞均嘗爲郡太守卒史，可以類推。就令如胡注軍行部校皆有卒史，何至與三老皆爲小吏。故劉說失在無別。胡引臣瓚說，斷卿寺諸郡卒史皆百石，失在考之未詳也。唯續志百官五劉注引漢官載河南尹員吏於諸縣有秩，諸屬吏外有

百石卒史二百五十人。蓋是鄉各一人。故多至二百數十。此則與三老同為小吏者。今各本注史仍譌吏。然百石卒史置自元帝。有儒林傳序可證。斷不容作吏。又王常傳注引東觀記。上稱江夏卒史。此史字各本皆不誤。是劉說終精確不易矣。

今日設君臣之禮。反更殺亂。注。肴亦亂也。集解。先謙曰。官本注作殺。是。

謹案官本注作殺。取與正文應也。然觀下文肴亂日甚。正文本作肴。知此處正

文作殺。乃繙刻之誤。注蓋本不誤也。

幽閉殿門。官本門作內。



王劉張李彭盧列傳第二

後漢書十二

宋宣城太守范曄撰  
唐章懷太子賢注

王先謙集解

王昌一名郎趙國邯鄲人也素為卜相工明星歷常昌為河北有天子氣時趙繆王子林

景帝七代孫也  
〔集解〕惠棟曰

袁宏紀邯鄲劉胡子等假漢威勢惑亂吏民詐以卜者王郎為成帝子云云林蓋字胡子也  
先謙曰據下云林等愈動疑惑則林不知子輿是詐此詐者別一人然則胡子非林字也

好奇數術任俠於趙魏間多通

豪猾而郎與之親善初王莽篡位長安中或自稱成帝子子輿者莽殺之

王莽傳曰時男子  
武仲自稱劉子輿

郎緣是詐稱

真子輿云母故成帝謳者嘗下殿卒僵須臾有黃氣從上下半日乃解遂妊身就館趙后欲害之

趙飛  
鸞也

偽易它人子昌故得全

東觀記曰宮婢生子  
正與同時即易之也

輿年十二

〔集解〕劉敞曰案上下文  
皆言子輿此少一子字

識命者郎中李曼卿

識命謂知  
天命也

〔集解〕蘇輿曰識命者謂郎與命者郎中李曼卿相識命者即推星命人之稱猶卜人稱曰  
者相人稱相者耳王補曰蘇說是舊注迂回蓋郎素為卜相工明星歷其所識亦從其類耳

與俱至蜀十七到丹陽

丹陽楚所  
封也在今

歸州稀歸縣東也。〔集解〕二十還長安。展轉中山來往燕趙。呂須天時。須待也。林等愈動疑惑。乃與趙國大豪

先謙曰。官本也。作地是。李育、張參等通謀。規共立郎。會人間傳赤眉將度河。林等因此宣言。赤眉當立劉子與。呂觀衆心。百姓

多信之。更始元年十二月。林等遂率車騎數百。晨入邯鄲城。止於王宮。故趙王之宮也。立郎爲天子。林爲丞相。

李育爲大司馬。張參爲大將軍。分遣將帥。徇下幽冀。移檄州郡曰。制詔部刺史郡太守曰。〔集解〕劉放曰。案文多下一曰。

字。凡有曰字。皆史臣所加。詔不自言曰也。朕。孝成皇帝子子與者也。昔遭趙氏之禍。因呂王莽篡殺。賴知命者將護朕躬。東觀記曰。知命

者謂侍郎韓公等。〔集解〕萬承蒼曰。案上文已言識命者郎中李曼卿。此知命者即曼卿也。先謙曰。案東觀記不言曼卿。所據各異也。解形河濱。削迹趙魏。解形猶脫身也。王莽竊位。獲罪於天。

天命佑漢。故使東郡太守翟義。嚴鄉侯劉信。擁兵征討。出入胡漢。普天率土。知朕隱在人間。南嶽諸劉。

爲其先驅。聖公。光武本自春陵北徒。故春陵近衡山。故曰南嶽諸劉也。朕仰觀天文。乃興於斯。呂今月壬辰。卽位趙宮。休氣熏蒸。應時獲

雨。蓋聞爲國子之襲父。古今不易。劉聖公未知朕。故且持帝號。諸興義兵。咸呂助朕。皆當裂土。享祚子

孫已詔聖公及翟太守。亟與功臣詣行在所。

天子所在曰行在所。

疑刺史二千石皆聖公所置。未覩朕之沈滯。或

不識去就。強者負力。

負恃也。

弱者惶惑。今元元創痍。已過半矣。

痍傷也。

朕甚悼焉。故遣使者班下詔書。郎呂

百姓思漢。既多言翟義不死。故詐稱之。呂從人望。於是趙國呂北。遼東呂西。皆從風而靡。明年光武自

薊得郎檄。

〔集解〕蘇輿曰。光武紀。郎移檄購光武十萬戶。

南走信都。

走。趣也。音子豆反。

發兵徇旁縣。遂攻柏人。不下。議者呂爲守柏人。不如

定鉅鹿。光武乃引兵東北圍鉅鹿。郎太守王饒據城。數十日。連攻不剋。耿純說曰。久守王饒。士衆疲敝。

不如及大兵精銳。進攻邯鄲。若王郎已誅。王饒不戰自服矣。光武善其計。乃留將軍鄧滿。

續漢書。滿作滿。

守鉅

鹿。而進軍邯鄲。屯其郭北門。郎數出戰。不利。乃使其諫議大夫杜威持節請降。威雅稱郎實成帝遺體。

光武曰。設使成帝復生。天下不可得。況詐子與者乎。

〔集解〕王補曰。威方遂。王之明。皆以妖妄僞冒。乘隙煽奸。盈廷。懼怯。幾致大亂。僞不疑。用經訓斷疑。聲重漢室。方遂比以誣罔。

不道。要斬東市。王之明之獄。黃得功。劉良佐。力爲申訟。後世猶有疑其枉者。可歎也。王郎假附成帝遺體。僭竊尊號。罪在不赦。光武於杜威持節請降之頃。斥之曰。設使成帝復生。天下不可得。況詐子與者乎。所謂折以大義。則亂萌立絕也。大哉王言。當機立斷。不假計。

較不須廷議。天寶神武之聰，為萬世人紀立極。後有際斯變者，得其說而存之，弭亂誅妖，孰大於是。

威請求萬戶侯，光武曰：「願得全身可矣。」

顧猶念也。〔集解〕王補曰：注見劉盆子傳，袁紀作「戶不

可願得全身耳。

威曰：「邯鄲雖鄙，并力固守，尚曠日月，終不君臣相率，但全身而已。」遂辭而去。因急攻之，二十餘日，郎少傅李立為反間，開門內漢兵，遂拔邯鄲。郎夜亡走，道死，追斬之。

劉永者，梁郡睢陽人，梁孝王八世孫也。傳國至父立，元始中立，與平帝外家衛氏交通。

衛氏，平帝母家也。中山衛子豪之女。

為王莽所誅，更始即位，永先詣洛陽，紹封為梁王，都睢陽。永聞更始政亂，遂據國起兵，曰：「弟防為輔國。」

大將軍防弟少公御史大夫，封魯王，遂招諸郡豪傑。

〔集解〕先謙曰：官本無郡字，監本同。

沛人周建等竝署為將帥，攻下濟

陰、山陽、沛、楚、淮陽、汝南，凡得二十八城。又遣使拜西防賊帥山陽佼彊為橫行將軍。

西防，縣名，故城在今宋州單父縣北，倭音絞。

〔集解〕惠棟曰：胡氏案，姓譜云：春秋絞國，即佼也。後改從人，漢有佼彊，王幼學云：絞，古巧反，字或作佼。案春秋隱十年取防，杜注：高平昌邑縣西南有西防城，昌邑於後漢屬山陽，章懷於蓋延傳注亦言春秋時宋之西防城，非無據也。先謙曰：漢有防東縣，今濟甯州金鄉縣西南故城是也。西防城在縣西，其南即單縣境。本春秋時宋防邑地，後謂之西防城。後漢置防東縣，在西防之東，故取名焉。章懷以西防為縣，非也。

是時東海人董憲

〔集解〕惠棟曰：袁宏紀：憲字儵，東海胸人，父為人所殺，憲聚

客報怨衆稍多遂攻屬縣

起兵據其郡而張步亦定齊地永遣使拜憲翼漢大將軍步輔漢大將軍與共連兵遂專據

東方及更始敗永自稱天子建武二年夏光武遣虎牙大將軍蓋延等伐永初陳留人蘇茂爲更始討

難將軍與朱鮪等守洛陽鮪既降漢茂亦歸命光武因使茂與蓋延俱攻永軍中不相能茂遂反殺淮

陽太守掠得數縣據廣樂而臣於永永吕茂爲大司馬淮陽王蓋延遂圍睢陽數月拔之永將家屬走

虞

虞縣名屬梁國故城在今宋州虞城縣〔集解〕先謙曰今歸德府虞城縣西南三里

虞人反殺其母及妻子永與麾下數十人奔譙蘇茂俊彊周建

合軍救永爲蓋延所敗

〔集解〕惠棟曰袁宏紀茂建將三萬人攻延於蒲西延逆擊大破之

茂奔還廣樂彊建從永走保湖陵三年春永遣使

立張步爲齊王董憲爲海西王於是遣大司馬吳漢等圍蘇茂於廣樂周建率衆救茂茂建戰敗棄城

復還湖陵而睢陽人反城迎永

反音

吳漢與蓋延等合軍圍之城城中食盡永與茂建走鄆

今亳州縣也鄆音在何反〔集

解〕先謙曰今歸德府永城縣西南鄆縣鄉

諸將追急永將慶吾斬永首降封吾爲列侯蘇茂周建奔垂惠

〔集解〕惠棟曰袁山松郡國志云山桑縣有垂惠聚

共立永子紆為梁王，倭彊還保西防。四年秋，遣捕虜將軍馬武、騎都尉王霸圍紆，建於垂惠。

〔集解〕洪頤煊曰：光武紀

王梁傳：俱作偏將軍王霸。王霸傳：光武即位，拜為偏將軍，並將臧宮，傳倭兵，而以宮、俊為騎都尉。四年秋，使霸與捕虜將軍馬武東討，周建於垂惠。此騎都尉王霸，蓋涉宮、俊而訛。

蘇茂將五校兵救之，紆建亦出兵

與武等戰，不剋。而建兄子誦反，閉城門拒之。建、茂、紆等皆走，建於道死。茂奔下邳，與董憲合。紆奔倭彊。

五年，遣驃騎大將軍杜茂攻倭彊於西防，彊與劉紆奔董憲。時平狄將軍龐萌反叛，遂襲破蓋延。

〔集解〕

王補曰：此與蓋延傳皆言萌襲破延，與東觀記異，注見延傳。

引兵與董憲連和，自號東平王，屯桃鄉之北。

桃鄉故城在今兗州鬲丘縣西北也。〔集解〕惠棟曰：任城有桃聚，萌所據也。前漢

屬東平，故萌自號東平王。前志泰山有桃鄉縣，非此。

龐萌

〔集解〕先謙曰：官本提行，監本同。案前標總目無龐萌，汲古本是。

山陽人，初亡命在下江兵中，更始立，呂為冀州

牧，將兵屬尚書，令謝躬共破王郎，及躬敗，萌乃歸降。

〔集解〕惠棟曰：袁宏紀：萌與世祖謝躬俱平邯鄲，萌謂躬曰：劉公不可信也。躬以告世祖，世祖喻而安之，及上誅謝躬，而萌率

衆降，上奪其衆，謂萌曰：前在邯鄲，知之何速耶？萌曰：知之久矣。

光武即位，呂為侍中，萌為人遜順，甚見信愛。帝嘗稱曰：可呂託六尺之孤，寄

百里之命者。

解見明紀。

龐萌是也。拜為平狄將軍，與蓋延共擊董憲。時詔書獨下延，而不及萌。萌呂為延譖

己。〔集解〕惠棟曰：袁宏紀：萌與延爭權，懼延譖己，遂勒兵反也。自疑，遂反。帝聞之，大怒，乃自將討萌，與諸將書曰：吾嘗以龐萌社稷之臣。

將軍得無笑其言乎。〔集解〕王補曰：光武嘗以社稷臣許龐萌，及萌反叛，自將討之，其與諸將書，首輒自任，失人失言之咎，不稍諱飾，所謂恢廓大度，同符高祖。帝王自有真也。後世帝鑒無恆，先後相違，史並載之，徒見其自戾而已。

老賊當族，其各厲兵馬，會睢陽。憲聞帝自討龐萌，乃與劉紆、蘇茂、佼彊、去下、邳、還、蘭陵。〔集解〕先謙曰：使注見光武紀。

茂、彊助萌，合兵三萬，急圍桃城。〔集解〕惠棟曰：桃城即桃鄉也。東郡燕縣有桃城，非此。帝時幸蒙。〔集解〕先謙曰：今歸德府商邱縣東北。聞之，乃留輜重，自

將輕騎三千，步卒數萬，晨夜馳赴。師次任城。〔集解〕惠棟曰：袁宏紀：桃城告急，上將輕騎二千，步兵數萬，晨夜至兀父，百官疲倦，請可且宿，上不聽，復行十里，宿任城也。去桃鄉

六十里。旦日，諸將請進，賊亦勒兵挑戰。帝不聽，乃休士養銳，目挫其鋒。城中聞車駕至，衆心益固。時吳

漢等在東郡，馳使召之。萌等乃悉兵攻城，二十餘日，衆疲困而不能下。及吳漢與諸將到，乃率衆軍進

桃城，而帝親自搏戰，大破之。萌、茂、彊夜棄輜重，逃奔董憲，乃與劉紆悉其兵數萬人，屯昌慮。自將銳卒

拒新陽。新陽縣屬東海郡。〔集解〕先謙曰：地闕。帝先遣吳漢擊破之，憲走還昌慮。漢進守之，憲恐，乃招誘五校餘賊步騎數

千人屯建陽去昌慮三十里

建陽縣屬東海郡故城在今沂州承縣北承音時證反〔集解〕先謙曰官本承並作丞當作承建陽今兗州府嶧縣西

帝至蕃蕃音皮

又音婆

去憲所百

餘里諸將請進帝不聽知五校乏食當退敕各堅壁且待其敵頃之五校糧盡果引去帝乃親臨四面

攻憲三日復大破之衆皆奔散遣吳漢追擊之俊彊將其衆降蘇茂奔張步憲及龐萌走入繒山

繒縣名故

城在今沂州承縣東北繒山即其縣之山也〔集解〕

先謙曰繒即郛也在今兗州府嶧縣東八十里

數日吏士聞憲尚在復往往相聚得數百騎迎憲入剡城

〔集解〕

先謙曰剡誤官本作郟是下同在今沂州府郟城縣西三十里故縣社

吳漢等復攻拔剡憲與龐萌走保胸

縣名屬東海郡今海州胸山縣西有故胸城秦始皇立石以爲東闕門即此地也

剡

紆不知所歸軍士高扈斬其首降梁地悉平吳漢進圍胸明年城中穀盡憲萌潛出襲取贛榆

贛榆縣名今海州東

海縣也

琅邪太守陳俊攻之憲萌走澤中會吳漢下胸城進盡獲其妻子

〔集解〕劉攽曰案文多一進字

憲乃流涕謝其

將士曰妻子皆已得矣

爲吳漢所得也

嗟乎久苦諸卿乃將數十騎夜去欲從間道歸降而吳漢校尉韓湛追

斬憲於方與

方與音防預〔集解〕先謙曰在今沂州府魚臺縣北

方與人黔陵亦斬萌皆傳首洛陽封韓湛爲列侯黔陵爲關內侯



〔集解〕先謙曰：官本無下爲字是。

張步字文公，琅邪不其人也。漢兵之起，步亦聚衆數千，轉攻傍縣，下數城，自爲五威將軍，遂據本郡。更始遣魏郡王闕爲琅邪太守，步拒之，不得進。闕爲檄，曉喻吏人降，得贛榆等六縣，收兵數千人，與步戰，不勝。時梁王劉永自呂更始所立，貪步兵彊，承制拜步輔漢大將軍忠節侯，督青徐二州，使征不從命者，步貪其爵號，遂受之，乃理兵於劇。

劇，縣名，在今青州壽光縣南也。

呂弟弘爲衛將軍，弘弟藍玄武大將軍，藍弟壽高密

太守，遣將徇太山、東萊、城陽、膠東、北海、濟南、齊諸郡，皆下之。步拓地遼廣，遼，漸也。兵甲日盛，王闕懼其衆

散，乃詣步相見，欲誘呂義方。步大陳兵，引闕，怒曰：「步有何過，君前見攻之甚乎？」闕按劍曰：「太守奉朝命，

而文公擁兵相距，闕攻賊耳，何謂甚邪？」步嘿然良久，離席跪謝，乃陳樂獻酒，待呂上賓之禮，令闕關掌

郡事。關通也。建武三年，光武遣光祿大夫伏隆持節使齊，拜步爲東萊太守，劉永聞隆至劇，乃馳遣立步

為齊王步即殺隆而受永命。是時帝方北憂漁陽南事梁楚。故步得專集齊地。據郡十二。及劉永死。步等欲立永子紆為天子。自為定漢公。置百官。王閔諫曰。梁王呂奉本朝之故。是呂山東頗能歸之。今尊立其子。將疑衆心。且齊人多詐。汲黯曰公孫弘之詞宜且詳之。步乃止。五年步聞帝將攻之。呂其將費邑為濟南

王屯歷下。冬建威大將軍耿弇破斬費邑。進拔臨淄。步呂弇兵少遠客。可一舉而取。乃悉將其衆攻弇於臨淄。步兵大敗。還奔劇。帝自幸劇。步退保平壽。今青州北海縣也。集解先謙曰。在今萊州府濰縣西南三十里。蘇茂將萬餘人來救之。

茂讓步曰。呂南陽兵精。延岑善戰。而耿弇走之。大王奈何就攻其營。既呼茂不能待邪。集解惠棟曰。王幼學云。謂張步既

已求救於我也。步曰。負負無可言者。負愧也。再言之者。愧之甚。集解惠棟曰。王幼學云。負負猶言負罪負罪。帝乃遣使告步。茂能相斬降者。封為列侯。步

遂斬茂。使使奉其首降。步三弟各自繫所在獄。皆赦之。封步為安丘侯。後與家屬居洛陽。王閔亦詣劇降。八年夏。步將妻子逃奔臨淮。與弟弘、蘭。集解先謙曰。蘭誤官本作藍。欲招其故衆。乘船入海。琅邪太守陳俊追擊斬

之。王閔者，王莽叔父平阿侯譚之子也。哀帝時，爲中常侍，時倖臣董賢爲大司馬，寵愛貴盛，閔屢諫忤旨，哀帝臨崩，呂璽綬付賢曰：「無妄呂與人，時國無嗣主，內外懼，閔白元后請奪之。」卽帶劍至宣德後闈。三輔黃圖曰：未央宮有宣德殿，闈宮中門也。舉手叱賢曰：「宮車晏駕，國嗣未立，公受恩深重，當俯伏號泣，何事久持璽綬？」呂待

禍至邪？賢知閔必死，不敢拒之，乃跪授璽綬，閔馳上太后，朝廷壯之。及王莽篡位，潛忌閔，乃出爲東郡

太守。〔集解〕錢大昕曰：莽傳有兗州牧壽良卒，正王閔卽其人也。壽良本東郡屬縣，故史家依本名書之，不用莽所改名也。然莽雖分壽良爲郡，仍改東郡爲治亭，未嘗卽以壽良爲東郡，則史所書未核矣。諸傳中如和成卒，正導江卒，正朔調連率，沂平太尹

之類，皆用莽所改名，史何以變其例。閔懼誅，常繫藥手內，莽敗，漢兵起，閔獨完全，東郡三十餘萬戶，歸降更始。

李憲者，潁川許昌人也。〔集解〕洪亮吉曰：案許縣，獻帝徙都後始改許昌，前漢安得有此名，此史誤。王莽時，爲廬江屬令。王莽每郡置屬令，職如都尉。莽末，江賊王

州公等起，衆十餘萬，攻掠郡縣。莽呂憲爲偏將軍，廬江連率擊破州公，莽敗，憲據郡自守。更始元年，自稱淮南王。建武三年，遂自立爲天子，置公卿百官，擁九城，衆十餘萬。四年秋，光武幸壽春，遣揚武將軍

馬成等擊憲圍舒。

廬江舒縣。〔集解〕先謙曰。注見光武紀。

至六年正月。拔之。憲亡走。其軍士帛意。

帛。姓也。宋帛產之。後也。見韓非子也。

追斬憲而

降。憲妻子皆伏誅。封帛意漁浦侯。後憲餘黨淳于臨等。猶聚眾數千人屯濰山。攻殺安風令。

濰山。安豐。皆縣名。屬廬江。

郡。濰縣故城。今壽州也。〔集解〕劉攽曰。案傳作安風。注作安豐。安風。安豐。皆是縣名。從傳是。王會汾曰。郡國志。安風。安豐。皆屬廬江郡。

安風為侯國。而安豐則縣也。傳言殺令。似當從注作安豐。先謙曰。濰山。山名。非縣也。注誤。寰宇記。山在懷甯縣西北二十里。高三千七

百丈。周二百五十里。有三峯。天柱山。潛山。皖山也。濰縣在今六安州霍山縣東北三十里。安豐在今潁州府霍邱縣西南。

揚州牧歐陽歙遣兵不能剋。帝議欲討之。廬江人陳衆

為從事。白歙請得喻降臨。

曉喻其意而降之也。〔集解〕惠棟曰。謝承書云。光武遣司空李通率師擊之。州牧惶怖。恐獲罪戾。衆於是自請以恩信曉喻降之。

於是乘單車。駕白馬。往

說而降之。濰山人共生為立祠。號白馬陳從事云。

彭寵。字伯通。南陽宛人也。父宏。哀帝時為漁陽太守。偉容貌。能飲飯。

飯音扶。遠反。

有威於邊。王莽居攝。誅不

附己者。宏與何武。鮑宣。並遇害。

〔集解〕洪頤煊曰。前書何武傳。莽陰誅不附己者。元始三年。呂寬等事起。連引諸所欲誅。上黨鮑宣。南陽彭偉。杜公子。偉即宏也。

寵少為郡吏。地皇

中。為大司空士。

王莽時。九卿分屬三公。每一卿置元士三人。〔集解〕劉攽曰。案王莽傳。一卿置大夫三人。一大夫置士三人。此文不具。少置大夫三人。一大夫八字。

從王邑東拒漢軍。到洛陽。聞

同產弟在漢兵中懼誅，卽與鄉人吳漢亡至漁陽，抵父時吏。抵歸更始立，使謁者韓鴻持節徇北州。

也。并承制得專拜二千石已下。鴻至薊，呂寵、漢竝鄉閭故人，相見歡甚，卽拜寵偏將軍，行漁陽太守事。漢

安樂令。安樂縣名屬漁陽郡。故城在今幽州潞縣西。北也。〔集解〕先謙曰：今順天府順義縣西南。及光武鎮慰河北，至薊，呂書招寵，寵具牛酒，將上謁，會王

郎詐立，傳檄燕趙，遣將徇漁陽。上谷急發其兵，北州衆多疑惑，欲從之。吳漢說寵從光武，語在漢傳。會

上谷太守耿況亦使功曹寇恂詣寵，結謀共歸光武。寵乃發步騎三千人，呂吳漢行長史，及都尉嚴宣

護軍蓋延，狐奴令王梁。狐奴縣名屬漁陽郡。〔集解〕先謙曰：今順天府順義縣東北。與上谷軍合，而南及光武於廣阿。光武承制封寵建

忠侯，賜號大將軍，遂圍邯鄲，寵轉糧食，前後不絕。及王郎死，光武追銅馬，北至薊，寵上謁，自負其功，意

望甚高。負恃也。光武接之不能滿，呂此懷不平。不能滿其意，故心不平也。光武知之，呂問幽州牧朱浮，浮對曰：前吳漢北

發兵時，大王遺寵呂所服劍，又倚呂爲北道主人，寵謂至當迎，握手交歡，竝坐。今旣不然，所呂失望。

浮因曰王莽為宰衡時甄豐旦夕入謀議時人語曰夜半客甄長伯

長伯豐字也豐平帝時為少府王莽篡位時為更始將軍

及莽篡位

後豐意不平卒呂誅死光武大笑呂為不至於此及即位吳漢王梁寵之所遣並為三公而寵獨無所

加愈怏怏不得志歎曰我功當為王但爾者陛下忘我邪

〔集解〕胡三省曰爾猶言如此也袁宏紀載寵語曰今但若是陛下忘我邪

是時北州破

散而漁陽差完有舊鹽鐵官寵轉呂賀穀

賀易也

積珍寶益富彊朱浮與寵不相能浮數譖搆之建武

二年春詔徵寵寵意浮賣己上疏願與浮俱徵又與吳漢蓋延等書盛言浮枉狀

枉證己之狀也

固求同徵帝

不許益吕自疑而其妻素剛不堪抑屈固勸無受召寵又與常所親信吏計議皆懷怨於浮莫有勸行

者

〔集解〕惠棟曰東觀記浮密奏寵上徵之寵既自疑其妻勸寵無應徵今漁陽大郡兵馬衆多奈何為人所奏而棄此去寵與所親信吏計議吏皆怨浮勸寵止不應徵

帝遣寵從弟子后蘭卿喻之寵

因留子后蘭卿遂發兵反拜署將帥自將二萬餘人攻朱浮於薊分兵徇廣陽上谷右北平又自吕與

耿況俱有重功而恩賞並薄數遣使要誘況况不受輒斬其使秋帝使游擊將軍鄧隆救薊隆軍潞南

浮軍雍奴。

〔集解〕先謙曰：潞，今順天府通州雍奴，今武清縣。

遣吏奏狀，帝讀檄，怒謂使吏曰：

〔集解〕胡三省曰：遣吏來使，故曰使吏。

營相去百里，其執豈

可得相及，比若還。

若，汝也。

北軍必敗矣。寵果盛兵臨河，呂拒隆。

〔集解〕惠棟曰：河，潞河也，在城西三十里，酈元云：今遺壁故壘存焉。

又別發輕騎

三千襲其後，大破隆軍。浮遠遂不能救，引而去。明年春，寵遂拔右北平、上谷數縣，遣使呂美女繒綵賂

遺匈奴，要結和親。單于使左南將軍七八千騎，往來為游兵，呂助寵。又南結張步及富平，獲索諸豪桀，

皆與交質連衡。

交質，謂交相為質也。左傳曰：交質往來，道路無壅。前書音義曰：以利合曰從，以威力相脅曰橫。

遂攻拔薊城，自立為燕王。其妻數惡夢，又多見怪

變。

東觀記曰：夢羸袒冠幘踰城，髣徒推之。又寵堂上聞蝦蟇聲，在火鑪下，鑿地求之，不得也。

卜筮及望氣者，皆言兵當從中起。寵疑子后蘭卿質漢歸。

〔集解〕惠棟曰：

王幼學云：質，如字。正誤云：質當音致。

故不信之，使將兵居外，無親於中。五年春，寵齋，獨在使室。

便坐之室，非正室也。

蒼頭子密等三人

〔集解〕惠棟曰：秦呼民黔首，謂奴為蒼頭者，以別於良人也。

因寵臥寐，共縛著牀，告外吏云：大王齋禁，皆使吏休，偽稱寵命，教收縛奴婢。

各置一處。

〔集解〕劉放曰：案文多一命字。教即勅下之書，下文自有命字。

又呂寵命呼其妻，妻入大驚。

東觀記曰：妻入驚曰：奴反。奴乃捽其妻頭擊其頰。

寵急呼曰：趣為

諸將軍辦裝。

呼奴爲將軍。欲其效已也。

於是兩奴將妻入取寶物。留一奴守寵。寵謂守奴曰。若小兒。我素所愛也。今爲

子密所迫劫耳。解我縛。當以女珠妻汝。家中財物皆與若。小奴意欲解之。視戶外。見子密聽其語。遂不

敢解。於是收金玉衣物。至寵所裝之。被馬六匹。

〔集解〕胡三省曰。加馬以鞍勒曰被馬。

使妻縫兩縑囊。昏夜後解寵手。令作

記告城門將軍云。今遣子密等。至子后蘭卿所。速開門出。勿稽留之。

稽。稽留也。

書成。卽斬寵及妻頭置囊中。

便持記馳出城。因以詣闕。封爲不義侯。

〔集解〕王補曰。權德輿云。伯通之叛命。子密之戕君。同歸於亂。罪不相蔽。宜各致於法。昭示王度。反乃爵於五等。又以不義爲名。且舉以不義。莫可侯也。此而可侯。

漢爵爲不足勸矣。春秋齊豹盜。三叛人名之義。無乃異於是乎。先謙曰。東觀記云。詔討寵者。封侯。朝廷以奴殺主不義。復不可不封。乃封子密爲不義侯。

明旦。閣門不開。官屬踰牆而入。見寵尸驚

怖。其尙書韓立等。共立寵子午爲王。子后蘭卿爲將軍。國師韓利斬午首。詣征虜將軍祭遵降。夷其

宗族。

盧芳字君期。安定三水人也。居左谷中。

續漢志曰。三水縣有左右谷。故城在今涇州安定縣南。〔集解〕先謙曰。漢三水縣在今平涼府固原州北。

王莽時。天下咸思漢



德芳由是詐自稱武帝曾孫劉文伯。曾祖母匈奴谷蠡渾邪王之姊。爲武帝皇后。生三子。遭江充之亂。

太子誅。皇后坐死。中子次卿。亡之長陵。小子回卿。逃於左谷。霍將軍立次卿。迎回卿。回卿不出。因居左

谷。生子孫卿。孫卿生文伯。常呂是言誑惑安定間。王莽末。乃與三水屬國羌胡起兵。更始至長安。徵芳

爲騎都尉。使鎮撫安定。呂西更始敗。三水豪桀共計議。呂芳劉氏子孫。宜承宗廟。乃共立芳爲上將軍。

西平王。欲平定西方。故以爲號。使使與西羌匈奴結和親。單于曰。〔集解〕惠棟曰。是時匈奴單于乃呼韓。呼韓之子呼都而尸道單于也。名與。匈奴本與漢約

爲兄弟。高祖時與冒頓單于約爲兄弟。後匈奴中衰。呼韓邪單于歸漢。漢爲發兵擁護。世世稱臣。呼韓邪單于降漢入朝。宣帝擁護。國內遂定。今

漢亦中絕。劉氏來歸我。亦當立之。令尊事我。乃使句林王將數千騎迎芳。句音古侯反。〔集解〕惠棟曰。東觀記。屬國胡數千畔在參蠻。芳從之。自稱

西平王。會匈奴句林王將兵來降參蠻胡。芳因隨入匈奴也。芳與兄禽弟程俱入匈奴。單于遂立芳爲漢帝。呂程爲中郎將。將胡騎還入

安定。初五原人李興隨昱。〔集解〕胡三省曰。姓譜。隨侯之後。又杜伯之玄孫爲晉大夫。食采於隨。曰隨會。朔方人田颯代郡人石鮪。閔堪各起兵。自稱

將軍建武四年，單于遣無樓且渠王入五原塞。

塞屬五原郡，因以爲名。

與李興等和親，告興欲令芳還漢地爲帝。五

年，李興、閔堪引兵至單于庭，迎芳與俱入塞，都九原縣。

九原縣名，故城在勝州銀山縣也。〔集解〕先謙曰：漢五原郡治九原縣，在今大同府大同縣西北大河外，今馬喇特旗東

南境。掠有五原、朔方、雲中、定襄、鴈門五郡，並置守令，與胡通兵，侵苦北邊。六年，芳將軍賈覽將胡騎擊殺

代郡太守劉興。

〔集解〕惠棟曰：東觀記：興將數百騎攻覽，上狀檄至，光武知其必敗，報書曰：欲復進兵，恐失其頭首也。詔書到，興已爲覽所殺。長史得檄，以爲國家坐知千里也。王補曰：按馮異傳：異擊盧芳將賈覽，匈奴薁鞬日逐王破之。

芳後，呂事誅其五原太守李興兄弟，而其朔方太守田颯、雲中太守橋扈，恐懼叛芳，舉郡降光武，令領

職如故。後大司馬吳漢驃騎大將軍杜茂數擊芳，並不剋。十二年，芳與賈覽共攻雲中，久不下，其將隨

昱留守九原，欲脅芳降。芳知羽翼外附，心膺內離，遂棄輜重，與十餘騎亡入匈奴，其衆盡歸隨昱。昱乃

隨使者程恂詣闕，拜昱爲五原太守，封鐫胡侯。

鐫謂琢鑿之，故以爲名。下有鐫羌侯，卽其類。

昱弟憲，武進侯。十六年，芳復入居

高柳。

高柳縣名，故城在今雲州定襄縣。〔集解〕先謙曰：在今大同府陽高縣西北。

與閔堪兄林使使請降。

〔集解〕王補曰：匈奴聞漢求盧芳，貪得財帛，乃遣芳還降，望得其賞，而芳以自歸爲功，不稱匈奴所遣單

于復恥言其計，故賞遂不行。由是乃立芳爲代王，堪爲代相，林爲代太傅，賜繒二萬匹。因使和集匈奴，芳上疏大恨入寇尤深，見本書南匈奴傳。

謝曰：臣芳過託先帝遺體，棄在邊陲，社稷遭王莽廢絕，臣是子孫之憂，所宜共誅。故遂西連羌戎，北懷

匈奴，單于不忘舊德，權立救助。是時兵革並起，往往而在。臣非敢有所貪覬，覬望也。期於奉成宗廟，興立

社稷，是日久僭號位，十有餘年，罪宜萬死。陛下聖德高明，躬率衆賢，海內賓服，惠及殊俗。臣肺附之故，

肺附，若肝肺相附著，猶言親戚也。〔集解〕惠棟曰：司馬貞云：肺附音梯府，梯，木札也。附，木皮也。以喻人主疏末之親，如木札出於木樹皮，附於樹。詩云：如塗塗附。注云：附，木皮也。

赦臣芳罪，加臣仁恩，封爲代王。

使備北藩，無臣報塞，重責冀必欲和輯匈奴。

輯音才入反，郭景純云：古集字。

不敢遺餘力，負恩貸。

負猶背也。

謹奉天子玉璽，思

望闕庭，詔報芳朝明年正月。其冬，芳入朝，南及昌平。

昌平，縣名，故城在今幽州昌平縣東南。〔集解〕先謙曰：今順天府昌平州東南。

有詔止令更朝明

歲，芳自道還，憂恐，乃復背叛，遂反，與閔堪、閔林相攻連月。匈奴遣數百騎迎芳及妻子出塞，芳留匈奴

中十餘年，病死。初，安定屬國胡與芳爲寇。

〔集解〕錢大昭曰：郡國志不載安定屬國，然光武紀建武二十一年，安定屬國胡叛，桓帝紀永壽元年，南匈奴叛，安定屬國都尉張奐討之，又隸釋劉寬

碑陰有安定屬國都尉孟扶可證東京有安定屬國都尉也。

及芳敗，胡人還鄉里，積苦縣官徭役，其中有駸馬少伯者，素剛壯，二十一年，

遂率種人反叛，與匈奴連和，屯聚青山。

青山在今慶州，有青山水。〔集解〕先謙曰：慶陽府環縣西有青山，卽此。續志注：北地參縣有青山。

乃遣將兵長史陳訢。

呂忱

云：訢，古欣字。

率二千騎擊之，少伯乃降，徙於冀縣。

冀縣屬天水郡，今秦州伏羌縣。〔集解〕先謙曰：注見光武紀。

論曰：傳稱盛德必百世祀。

左傳：晉侯問於史趙曰：陳其遂亡乎？對曰：未也。臣聞盛德必百代祀，處之代數未也。

孔子曰：寬則得衆，夫能得衆心，則百世不

忘矣。觀更始之際，劉氏之遺恩餘烈，英雄豈能抗之哉！然則知高祖孝文之寬仁，結於人心深矣。周人

之思邵公，愛其甘棠。

詩序曰：甘棠美邵伯也。邵伯聽訟於甘棠之下，周人思之不伐其樹。

又況其子孫哉！劉氏之再受命，蓋呂此乎？若數子者，

豈有國之遠圖哉！

〔集解〕劉敞曰：案文國上少一字，不成文理，蓋有經字也。周壽昌曰：案明言此數子之所爲，非有國之遠圖，何嘗不成文理。劉氏添經字無謂。

因時擾攘，苟恣縱而已耳。然

猶呂附假宗室，能掘強歲月之間。

掘強，謂強梁也。前書伍被謂淮南王安曰：掘強江淮之間，苟延歲月之命。〔集解〕先謙曰：掘是偏之誤。

觀其智略，固無足呂憚漢

祖，發其英靈者也。

言此數子，非漢祖之敵，不足奮發英靈而憚畏之也。

贊曰。天地閉。革。革、改也。易曰。天地閉。賢人隱。又曰。天地革。而四時成。湯武革命。順乎天而應乎人。野戰羣龍。喻英雄並起也。易曰。龍戰于野。其血玄黃。又曰。羣龍无首。吉也。昌芳僭詐。梁齊連

鋒。梁王劉永。齊王張步。

寵負強地。

據漁陽也。

憲縈深江。

起廬江也。

實惟非律。代委神邦。

易曰。師出以律。律。法也。言反叛非用師之法。故更代破滅。委棄其神皋之國。伏於光武也。



後漢書集解卷十二按補

王昌傳時趙繆王子林注景帝七代孫也

案注與光武紀注同然平干繆王元乃景帝曾孫七字皆誤

集解惠棟曰袁宏紀邯鄲劉胡子

等。然則胡子非林字也

案胡子為趙王庶兄已具光武紀集解故不贅及據聚珍本東觀記帝至邯鄲趙王庶兄胡子進狗牒馬隨故趙繆王子臨說帝決水灌赤眉胡子立邯鄲卜者王郎為天子前書景十三上

傳趙敬肅王彭祖再傳至孫懷王尊中絕宣帝以尊弟哀王高紹封高傳子共王充充傳子王隱莽篡位貶為公胡子當即隱之庶兄武帝時以親親故別立敬肅王小子偃為平干王傳子繆王元薨以前罪子不得立國除平干即廣平臨即林也以林為即元子不曰故平干王子而曰故趙王子未知

何說然林與胡子之為兩人則甚明

識命者郎中李曼卿注識命謂知天命也集解蘇輿曰識命者謂郎與命者郎中李曼卿相識其所

識亦各從其類耳

案昌詐言趙后欲害之不得意以為殆有天命故章懷說識命為知天命即下文賴知命者將護朕躬亦當作如此說方合詐言之體雖此所謂郎中李曼卿與東觀記所謂侍郎韓公等者未知是一是二然郎

中侍郎皆官也命者業也世必無儼然士夫而專以業名者微論乖立言之體史亦當無此書法矧古之星命家或名星者或名術者未聞有命者之稱周壽昌謂識命即今所謂算命人固誤矣然猶與下文知命者同說也蘇氏乃就周意別自為說以識為相識之識王氏又從而和之卻皆忘此為昌自詭告人之辭非史家紀實之語語出於史則謂方以類聚昌所識亦不過命者未嘗不可而年甫十二未必即已為卜相仍可疑也今辭出於昌如謂人識已而將護之斯於辭不害若在己甫識一命者即隨之浪游此

不可告人之事何足惑人反不如並此識字去之之爲得矣

林等因此宣言赤眉當立劉子輿巨觀衆心

案袁紀當下有至字

南嶽諸劉爲其先驅注聖公光武至故曰南嶽諸劉也

錢大昭曰莽始建國元年分四方爲四嶽故有南嶽之稱猶云南方耳。魏書傳云威命四布宣風中岳與此同意。諸劉謂

嚴鄉侯信安衆侯崇徐鄉侯快陵鄉侯曾扶恩侯貴等亦不專指光武疑注誤

遂攻柏人不下至光武乃引兵東北圍鉅鹿

張燾曰柏人即今順德府唐山縣鉅鹿在其東南傳云東北誤

劉永傳又遣使拜西防賊帥山陽俊彊爲橫行將軍注西防縣名故城在今宋州單父縣北集解惠棟

曰至章懷以西防爲縣非也

謹案惠氏引左傳杜注昌邑縣西南有西防城說本續志山陽郡昌邑劉注實則劉氏亦非能實驗所有也前志山陽郡有西陽侯國吳卓信謂今金鄉縣西有西防城本春秋宋防邑

隱十年敗宋取防杜注高平昌邑縣西南有西防城是也後書劉永傳注西防縣名二漢志無西防縣疑陽爲防之誤已見補注攷西陽爲東平思王子頃侯竝封國明見前書王子侯表固不得指爲西防之誤而前志以西陽繫山陽郡之末東漢無其國續志即以東繫山陽郡之末西漢亦無其縣準以地望則西陽當即防東抑即西防矣晉縣無防東蓋已併入高平國之昌邑故杜注云然劉氏即以漢昌邑當之未合也唐縣並無昌邑蓋又併入宋州之單父故章懷注云然在茂傳云時西防復反迎俊彊茂率捕斂



將軍馬武進攻西防數月拔之。準以史家得城邑曰拔之例。指爲縣名。亦似別有所本。或莽廢漢諸侯國之時。嘗改西陽國爲西防縣。以別於江夏郡縣之西陽。後又轉改爲防東。兩志皆未及詳著耳。

殺淮陽太守。案太守爲潘

窳見光武紀。

時平狄將軍龐萌反。錢大昭曰平狄。蓋延傳作平敵。

屯建陽去昌慮三十里。注建陽縣屬東海郡。故城在今沂州承縣北。集解先謙曰官本承並作承當作

承。謹案建陽前漢東海郡侯國。非縣。後漢省。承亦漢東海郡故縣。然兩漢志均作承。

襲取贛榆。注贛榆縣名。今海州東海縣也。案贛榆本前漢琅邪郡屬縣。後漢改屬東海郡。在今海州贛榆縣東北。

張步傳建武三年光武遣光祿大夫伏隆持節使齊。錢大昭曰伏隆使齊傳在二年冬。此云三年疑誤。今案光武紀劉永立步爲齊王與步殺隆均在三年二月。蓋隆本以二年冬

往使以三年春被害。此傳文蒙下步即殺隆而受永命言之。取與紀合。非誤也。

王闔亦詣劇降。侯康曰御覽三百六十八引王闔本事曰闔爲琅邪太守張步欲誅之闔出東武城門馬奔墮車折齒闔心惡之移病歸府遂得免。

閔慶諫忤旨。

侯康曰：閔忤旨事見前書董賢傳。又有諫尊寵董賢疏，並見漢紀。

彭寵傳：地皇中，爲大司空士。

士原譌事，據錢按改，官本不誤。

盧芳傳：居左谷中，注續漢志曰：三水縣有左右谷。

張增曰：今續志三水下，但有劉注云：有左谷，盧芳所居亦無右字。

乃與三水屬國羌胡起兵。

錢大昭曰：時安定屬國都尉治三水縣，故言三水屬國。侯康曰：都尉治三水縣，西南去安定郡三百四十里，見水經河水注。

期於奉成宗廟。

官本成作承。

初安定屬國胡與芳爲寇。

安定原誤爲安國，據錢按改，官本不誤。錢大昭曰：安國疑當作安定，是錢所據本亦誤也。

集解：桓帝紀，永壽元年，南匈奴叛，安定

屬國都尉張奐討之。

案永壽元年，奐由議郎遷安定屬國都尉，亦見本傳。

又隸釋：劉寬碑陰有安定屬國都尉孟扶。

侯康曰：蓋勳傳注引續漢書曰：父字

思齊，官至安定屬國都尉，亦一證也。

徙於冀縣。注：今秦州伏羌縣。

伏原爲秦，據唐志正，官本不誤。錢大昭曰：秦羌，閩本作伏，尤是錢所據本亦譌伏爲秦，官本依監本，又與閩本合也。

周人之思邵公。

邵官本文注均作召案古字通作

野戰羣龍注。又曰羣龍无首吉也。

官本无作無



隗囂公孫述列傳第二

後漢書十三

宋宣城太守范曄撰

唐章懷太子賢注

王先謙集解

隗囂〔集解〕惠棟曰姓源韻譜云天水隗氏出於大隗氏先謙曰官本前一行隗囂傳三字下有囂音五高反五字字季孟天水成紀人也

成紀縣名故城在今秦州隴城縣西北〔集解〕先謙曰今秦州秦安縣治

少仕州郡王莽國師劉歆引囂為士

王莽置國師位上公士其屬官也莽置九卿分屬三公每一卿置大夫三人一大夫置元士三人

歆死囂歸鄉里〔集解〕惠棟曰前書云地

皇四年遣七公幹士隗囂等七十二人分下敕令曉諭囂等既出因逃亡矣

季父崔素豪俠能得衆聞更始立而莽兵連敗於是乃與兄義及上邽

人楊廣冀人周宗謀起兵應漢囂止之曰夫兵凶事也

史記范蠡曰兵者凶器戰者逆德

宗族何辜崔不聽遂聚衆數千

人攻平襄殺莽鎮戎大尹

平襄縣名屬天水郡故城在今秦州伏羌縣西北王莽改天水郡曰鎮戎郡守曰大尹〔集解〕惠棟曰前書云大尹李育先謙曰平襄今鞏昌府通渭縣西南

崔廣等曰為

舉事宜立主目一衆心咸謂囂素有名好經書遂共推為上將軍囂辭讓不得已曰諸父衆賢不量小

子必能用囂言者乃敢從命衆皆曰諾囂既立遣使聘請平陵人方望曰爲軍師平陵縣名屬右扶風也

〔集解〕通鑑胡注武王伐

紂以太公爲師尙父田單守卽墨以一卒爲神師韓信旣破趙師事李左車皆軍師也後遂以爲官稱

望至說囂曰足下欲承天順民輔漢而起今立者乃在南陽

王莽尙據長安雖欲目漢爲名其實無所受命將何目見信於衆乎宜急立高廟繙臣奉祠所謂神道

設教求助人神者也

易觀卦曰聖人神道設教而天下服矣

且禮有損益質文無常削地開兆

除地以開兆域

茅茨土階目致其肅

敬雖未備物神明其舍諸囂從其言遂立廟邑東祀高祖太宗世宗

〔集解〕惠棟曰東觀記乃立高祖太宗之廟胡注平襄邑之東也李吉甫云今廟在

秦州上邽縣東北五里

囂等皆稱臣執事史奉璧而告

史祝史也璧者所以禮神也

祝畢有司穿坎于庭

周禮司盟掌盟載之法也鄭玄注曰載盟辭也書其辭於策殺

牲取血坎其牲加書於上而種之

牽馬操刀奉盤錯鋌遂割牲而盟

臣賢按蕭該音引字詁鋌卽題音徒啓反方言曰宋楚之間謂盞爲題據下文云錯不濡血明非盆盞之類前書甸奴傳云漢遺韓昌等

與單于及大臣俱登諾水東山利白馬單于以徑路刀金留犂撓酒應劭曰留犂飯匕也撓攪也以匕撓血而歃之今亦奉盤錯匙而歃也以此而言題卽匙字錯置也音七故反

曰凡我同盟三十一將十有六姓

允承大道興輔劉宗如懷姦慮明神殛之

殛誅也

高祖文皇武皇俾墜厥命厥宗受兵族類滅亡有司奉

血鏃進，護軍舉手揖諸將軍曰：鏃不濡血，敵不入口，是欺神明也。厥罰如盟，既而鍾血加書，一如古禮。

〔集解〕惠棟曰：杜預春秋釋例云：盟者殺牲載書，大國制其言，小國尸其事。珠槃玉敦，以奉流血而同盟。

事畢，移檄告郡國曰：漢復元年七月己酉朔己巳，上將軍隗

囂、白虎將軍隗崔。

〔集解〕通鑑胡注：崔本自署右將軍，白虎居右，又起兵於西方，白虎主之，因改右將軍號白虎將軍。

左將軍隗義、右將軍楊廣、明威將軍王遵、雲

旗將軍周宗等告州牧、部監、郡卒正、連率、大尹、尹尉隊、大夫、屬正、屬令。

莽以周官王制之文置卒正、連率、大尹、大尹職如大守，屬令、屬長職如都尉置。

州牧部監二十五人，見禮如三公，監位上大夫，各主五郡。公氏作牧，侯氏卒正，伯氏連率，子氏屬令，男氏屬長，皆代其官。其無爵者爲尹，又置六隊，部置大夫，職如太守。〔集解〕劉攽曰：大尹尹尉隊大夫，案王莽置六隊六隊，郡各置大夫，故云尉隊大夫，此多一尹字，又

注云：又置六隊，部置大夫，少六尉二字，部又當作郡也。

故新都侯王莽慢侮天地，悖道逆理。

〔集解〕惠棟曰：逆理，逆節。絕理，漢律所謂不道也。

煇殺孝平皇帝。

〔集解〕惠棟曰：

顏籀漢注云：帝春秋益壯，以母衛太后故怨不悅，莽自知益疏，冀殺之謀。由是生，因到臘日，上椒酒置藥酒中，故翟義移書云：莽煇殺孝平皇帝。

篡奪其位，矯託天命，僞作符書。

莽遣五威將軍王奇等，班符命四十

二篇於天下，言當代漢之意。

欺惑衆庶，震怒上帝，反戾飾文，目爲祥瑞。

大風毀莽玉露堂，又拔其昭寧堂池東榆樹，大十圍，莽乃曰：念紫閣仙圖，天意立太子，正其名，乃立其子臨爲太子，以爲

也。祥應。戲弄神祇，歌頌禍殃。

戲弄神祇，謂仙人掌旁有白頭公青衣，莽曰：皇祖叔父子僞，欲來迎我也。歌頌禍殃，謂莽作告天策，自陳功勞千餘言，能誦策文者，除以爲郎，至五十餘人。〔集解〕劉攽曰：案本傳作五千人。楚

越之竹不足目書其惡

前書朱光世曰南山之竹不足以盡我詞。蓋以楚越多竹故引以爲言也。〔集解〕惠棟曰呂氏春秋明理篇荆越之竹猶不能書高誘注楚越竹所出也。

天下昭然所共

聞見今略舉大端目喻吏民蓋天爲父地爲母

尚書曰惟天地萬物父母

禍福之應各目事降莽明知之而冥昧觸冒

不顧大忌詭亂天術援引史傳

王莽每有災禍皆引史傳以文飾之前書說符侯崔發言於莽曰周禮及春秋左氏國有大災則哭以厭之故周易稱先號咷而後笑宜呼嗟告天以求救莽乃率羣臣至南郊陳其符

命因搏心大哭

昔秦始皇毀壞諡法目一二數欲至萬世

史記曰秦始皇初并天下制曰太古有號無論中古有號死而以行爲諡如此則子議父臣議君自今以來除諡法朕爲始皇帝後世以計數

至於萬世傳之無窮

而莽下三萬六千歲之歷言身當盡此度

莽令太史推三萬六千歲歷紀六歲一改元布告天下

循亡秦之軌推無窮之數是

其逆天之大罪也分裂郡國斷截地絡

絡猶經絡也謂莽分拆郡縣斷割疆界也

田爲王田賣買不得

莽更名天下田曰王田不得賣買

規鋼山澤

奪民本業

莽制名山大澤不得採取

造起九廟窮極土作

莽九廟一曰黃帝太初祖廟二曰虞帝始祖昭廟三曰陳胡王統祖穆廟四曰齊敬王代祖昭廟五曰濟北愍王王祖穆廟六曰濟南伯王尊廟昭廟七曰元城孺子王尊廟穆廟八曰陽平頃王昭廟九曰新都顯王穆廟殿皆重屋太祖廟東西南北各四十丈高十七丈餘半之爲銅欄

曰元城孺子王尊廟穆廟八曰陽平頃王昭廟九曰新都顯王穆廟殿皆重屋太祖廟東西南北各四十丈高十七丈餘半之爲銅欄飾以金銅瑠文窮極百工之巧功費數百鉅萬卒徒死者萬數也〔集解〕劉牧曰窮極土作案文土當作工凡興作不專在土也又

注七曰元城孺子王案本王翁孺故稱孺王不當有子字周壽昌曰土作即興造土木意舉土以該水也禮無作土功亦指土木而言土字似不必改作工

發家河東攻劫丘壘此其逆地之大罪也



尊任殘賊信用姦佞誅戮忠正覆按口語〔集解〕惠棟曰口語單辭之類無左證者也赤車奔馳續漢志曰小使車赤轂白蓋亦帷從驛騎四十人法冠晨夜

冤繫無辜續漢志曰法冠一曰柱後高五寸侍御史服之妄族衆庶行炮烙之刑除順時之法莽作焚如之刑燒殺陳良終帶等二十七人莽又作不順時之令春夏斬人此爲不順時之法

灌呂醇醪裂目五毒莽以董忠反收忠宗族以醇醪毒藥自刃叢棘井一坎而葬之〔集解〕惠棟曰釋義傳莽發方進及先祖家在汝南者以棘五毒并葬之如淳注野葛狼毒之屬也政令日變官名月

易莽州郡官名改無常制乃至歲復變更一郡至五易名而還復其故吏人不能紀也貨幣歲改時百姓便安漢五銖錢以莽錢大小兩行難知皆私以五銖錢市買莽患之下書諸挾五銖錢者比非井田制投四裔吏民昏亂

不知所從商旅窮窘號泣市道設爲六管管主也莽設六管之令謂酤酒賣鹽鐵器鑄錢名山大澤此爲六也皆令縣官主稅收其利增重賦斂刻剝百姓厚

自奉養苞苴流行財入公輔禮記曰苞苴簞筍問人者莽令七公六卿兼號將軍分鎮大郡皆使爲姦於外貨賄爲市侵漁百姓上下貪賄莫相檢考民坐挾銅炭

沒入鍾官莽時關東大飢蝗人犯鑄錢伍人相坐沒入爲官奴婢其男子檻車兒女子步以鐵鎖其頸傳詣鍾官八十萬數到者易其夫婦愁苦死者什六七鍾官主鑄錢之官也徒隸殷積數十萬人工匠

飢死長安皆臭既亂諸夏狂心益悖北攻強胡南擾勁越莽令十二部將同時十道並出大擊匈奴莽改句町王爲侯其王邯怨怒不附莽諷牂柯大尹周歆詐殺邯邯弟承

起兵攻西侵羌戎東摘濊貊摘擄也西羌龐恬博幡等怨莽奪其地爲西海郡遂反攻西海太守陳永莽又發高句麗兵伐胡不欲行郡強迫之皆亡出塞爲寇使四境之外竝入爲害

緣邊之郡江海之瀨滌地無類類、涯也、滌、蕩也、蕩地無遺類也故攻戰之所敗苛罰之所陷飢饉之所夭疾疫之所及

萬萬計其死者則露尸不掩生者則奔亡流散幼孤婦女流離係虜此其逆人之大罪也是故上帝哀

矜降罰于莽妻子顛殞還自誅刈顛、路也、殞、絕也、莽殺其子宇臨等、妻王氏以莽數殺其子涕泣失明病卒大臣反據亡形已成大司馬董忠國師

劉歆衛將軍王涉涉、曲陽侯根之子也皆結謀內潰司命孔仁納言嚴尤秩宗陳茂舉衆外降莽置五威司命孔仁敗降更始餘並見光武紀今

山東之兵二百餘萬已平齊楚下蜀漢定宛洛據敖倉守函谷威命四布宣風中岳中岳、嵩高也、謂更始至洛陽興滅

繼絕封定萬國遵高祖之舊制修孝文之遺德有不從命武軍平之馳使四夷復其爵號莽貶句町王為侯西域盡改其

王為侯單于曰服于高句麗周禮曰出曰理兵入曰振旅詩周頌曰載戢干戈載囊弓矢囊、韜也、臥猶息也然後還師振旅囊弓臥鼓申命百姓各安其所庶

無負子之責百姓襁負流亡責在君上既安其業則無責也集解錢大昕曰史記魯世家若爾三王是有負子之責于天小司馬云尚書負為丕鄭玄譴丕曰負子謂負上天之責也章懷注非王伯厚嘗言之鷩乃勒兵

十萬擊殺雍州牧陳慶將攻安定安定大尹王向集解惠棟曰前書云安定卒王旬莽從弟平阿侯譚之子也威風獨

能行其邦內。屬縣皆無叛者。囂乃移書於向。喻曰：天命反覆，誨示終不從。於是進兵虜之。呂徇百姓，然後行戮。安定悉降，而長安中亦起兵誅王莽。囂遂分遣諸將，徇隴西、武都、金城、武威、張掖、酒泉、燉煌。皆下之。更始二年，遣使徵囂及崔義等。囂將行，方望目爲更始未可知，固止之。囂不聽，望目書辭謝而去。

〔集解〕先諫曰：望既去，以明年正月立前孺子劉嬰爲天子，已爲丞相，敗死。詳劉玄傳。

曰：足下將建伊呂之業，弘不世之功。

不世者，言非代之所常有也。

而大事草創。草創，謂初始也。

英雄未集，呂望異域之人，疵瑕未露。

望，平陵人，以與囂別郡，故言異域。

欲先崇郭隗，想望樂毅。

新序云：郭隗謂燕昭王曰：王誠欲致士，請從隗始。隗且見事況賢於

隗者乎？於是昭王爲隗築宮而師之，樂毅自魏往，竊行自齊往，劇辛自趙往，士爭赴燕。

故欽承大旨，順風不讓。將軍呂至德尊賢，廣其謀慮，動有功，發中權。

某業已定，大勳方緝。今俊乂竝會，羽翮比肩。

管子曰：桓公謂管仲曰：寡人之有仲父，猶飛鴻之有羽翼耳。

望無耆耆之德，而猥託賓客之

上。猥，猶濫也。

誠自愧也。雖懷介然之節，欲潔去就之分，誠終不肯其本。貳其志也。何則？范蠡收責句踐，乘偏

舟於五湖。

偏舟，特舟也。收責，謂收其罪責也。史記曰：范蠡與句踐滅吳，爲書辭句踐曰：臣聞主憂臣勞，主辱臣死。昔者君王辱於會稽，所以不死，爲此事也。今既雪恥，臣請從會稽之誅，乃裝其輕寶珠玉，自與其私徒屬，乘舟浮海以行。計然云：范蠡乘偏

舟於江湖。〔集解〕劉攽曰：偏舟，案史傳皆作扁舟，扁，特也，不當用偏字。

咎犯謝罪文公，亦逡巡於河上。

逡巡，不進也。左傳曰：晉公子重耳反國，及河，子犯以璧授公子曰：臣負羈縻從君巡於天下，臣之罪多矣。臣猶

知之，而況君乎？請由此亡。公子曰：所不與舅氏同心者，有如白水。

夫目二子之賢，勒銘兩國，猶削跡歸愆，請命乞身，望之無勞，蓋其宜也。望聞

烏氏有龍池之山。

烏氏，縣名，屬安定郡。故城在今涇州安定縣東也。〔集解〕先謙曰：在今平涼府平涼縣西北涇水北彈箏峽口。

微徑南通，與漢相屬。其傍時有奇人，聊

及閒暇，廣求其真，願將軍勉之。

〔集解〕王補曰：袁紀囂固留望，遂去。

囂等遂至長安，更始目為右將軍，崔義皆即舊號。

〔集解〕通鑑胡

注：就其舊號而授之，隗囂違方望之言而從更始，違馬援之言而叛光武，始則幾至殺身，後則終於滅族，擇木之難也。

其冬，崔義謀欲叛歸，囂懼并禍，即目事告之。崔義誅死。

更始感囂忠目為御史大夫。明年夏，赤眉入關，三輔擾亂，流聞光武即位河北，囂即說更始歸政於光

武叔父國三老良，更始不聽。諸將欲劫更始東歸，囂亦與通謀。事發覺，更始使使者召囂，囂稱疾不入。

因會客王遵、周宗等，勒兵自守，更始使執金吾鄧曄。

謝承書曰：曄，南陽南鄉人，以勁悍廉直為名。〔集解〕洪亮吉曰：前志南陽無南鄉縣，續志有之，蓋從後追書耳。

將兵

圍囂，囂閉門拒守。至昏時，遂潰圍，與數十騎夜斬平城門關。

三輔黃圖曰：長安城南面西頭門。

亡歸天水，復招聚其衆，據

故地。自稱西州上將軍。及更始敗。三輔耆老士大夫。皆奔歸囂。囂素謙恭愛士。傾身引接。爲布衣交。呂

前王莽平河大尹長安谷恭

恭改清河爲平河。〔集解〕先謙曰。官本注恭作莽。是。

爲掌野大夫。平陵范遂爲師友。趙乘、蘇衡、鄭興爲祭

酒。前書音義曰。禮。飲酒必祭。示有先也。故稱祭酒。祭祀時唯長者以酒沃醑。

申屠剛、杜林爲持書。

持書卽持書侍御史。秩六百石。〔集解〕惠棟曰。袁紀作治書。先謙曰。本治書。避唐高宗諱改持。

楊廣、王遵、周

宗及平襄人行巡。阿陽人王捷、長陵人王元爲大將軍。

東觀記曰。元。杜陵人。阿陽。縣名。屬天水郡。本爲河陽者。誤也。

杜陵金丹之屬爲賓

客。〔集解〕惠棟曰。丹。醬。續司馬遷史記。見劉知幾史通。故下云。囂賓客多。文學生。案時班彪亦爲囂賓客。彪集有與金昭卿書。丹蓋字昭卿也。

由此名震西川。〔集解〕先謙曰。官本川作州。是。

聞於山東。建武

二年。大司徒鄧禹西擊赤眉。屯雲陽。禹裨將馮愷引兵叛禹。

〔集解〕通鑑考異云。鄧禹傳。愷叛禹在建武元年。今云二年。蓋愷以元年冬未叛。延及二年。囂拜官在二

年。西向天水。囂迎擊。破之於高平。

縣名。今原州高平縣。〔集解〕陳景雲曰。注高平當作平高。

盡獲輜重。於是禹承制遣使持節命囂爲西

州大將軍。得專制涼州。朔方事。及赤眉去。長安欲西上隴。囂遣將軍楊廣迎擊。破之。又追敗之於烏氏。

涇陽間。

涇陽。縣名。屬安定郡。今原州平原縣南涇陽故城。是也。〔集解〕先謙曰。今平涼府平涼縣西四十里。

囂既有功於漢。又受鄧禹爵署。其腹心議者。多勸通使

京師三年。囂乃上書詣闕。光武素聞其風聲。報曰。殊禮言稱字。用敵國之儀。所曰慰藉之良厚。

慰安也。藉薦也。

言安慰而薦藉之良甚也。〔集解〕王補曰。光武始以殊禮遇。此兵機也。張步之勢與才。下囂無算。然乘其北憂瀘陽。南事梁楚。而步遂得專集齊地。據郡十二。以此例囂。設方其上。書詣闕。遠正君臣之禮。囂必不服。而招誘關東羣盜。必投其隙。以煽合從之謀。協規公孫。并力拒漢。中興之業。未可期也。帝因竇融降附。既用河西。扼隴蜀之亢。又以柔懷隴坻。孤蜀之勢。不戰而屈人兵。此計之得者。及羣盜蕩平。天下底定。乃始專精西討。隴滅則蜀舉。天戈一揮。坐受其成。自然之勢也。時陳倉人呂鮪擁

衆數萬。與公孫述通寇。三輔囂復遣兵佐征。西大將軍馮異擊之。走鮪。遣使上狀。帝報曰。手書。

〔集解〕惠棟曰。

鄭康成云。手猶親也。漢詔令皆人主自親其文。故第五倫讀詔書而歎息也。

曰。慕樂德義。思相結納。昔文王三分。猶服事殷。

孔子曰。周之德。可謂至德。三分天下有其二。以服事殷。但

驚馬鈹刀。不可強扶。

周禮。校人掌六馬。駑馬最下者也。說文。鈹。青金也。似錫而色青。賈誼云。鈹刀爲鈹。言駑馬鈹刀。不可強扶持而用也。

數蒙伯樂一顧之價。

戰國策曰。蘇代爲燕說齊。未見齊王。

先說淳于髡曰。人有賣駿馬者。比三旦立市。市人莫之知。往見伯樂曰。臣有駿馬。欲賣之。比三旦立於市。市人莫與言。願子還而視之。去而顧之。臣請獻一朝之價。伯樂如其言。一旦而價十倍也。

而蒼蠅之飛。不過數步。即

託驥尾。得呂絕羣。

張敞書曰。蒼蠅之飛。不過十步。自託驥之尾。乃騰千里之路。然無損於驥。得使蒼蠅絕羣也。見敞傳。

隔於盜賊。聲問不數。將軍操執款款。扶傾

救危。南距公孫之兵。北禦羌胡之亂。是曰馮異。西征得呂數千百人。躡躅三輔。微將軍之助。則

躡躅。猶陶躅也。

咸陽已爲佗人禽矣。今關東寇賊，往往屯聚，志務廣遠，多所不暇，未能觀兵成都，與子陽角力。角力，猶爭力也。

如令子陽到漢中三輔，願因將軍兵馬，鼓旗相當，儻肯如言，蒙天之福，卽智士計功割地之秋也。秋，一歲中。

成功之時，故舉以爲言。事見史記。管仲曰：生我者父母，成我者鮑子。自今日後，手書相聞，勿用傍人解構之言。解構，猶間構也。〔集解〕先

謙曰：淮南似真訓，執背解構人間之事，與此解構同。詩經或作避遁，又作避觀，字異義同。皆言適然會遇也。帝欲囂用手書，勿以旁人倉卒相傳，恐其爲詞所掩，不達本意。自是恩禮愈篤，其後公孫述數出

兵漢中，遣使呂大司空扶安王印，綬授囂。〔集解〕通鑑胡注：謂相扶助而安也。囂自呂興述敵國，恥爲所臣，乃斬其使，出兵

擊之，連破述軍。呂故蜀兵，不復北出。時關中將帥數上書言蜀可擊之狀，帝以示囂，因使討蜀。呂效其

信，囂乃遣長史上書，盛言三輔單弱。劉文伯在邊。文伯，盧芳字也。〔集解〕萬承蒼曰：盧芳詐稱武帝曾孫劉文伯，故當時之人但知爲劉文伯，不知爲盧芳。文伯非芳字也。芳字君期，見本

傳。未宜謀蜀，帝知囂欲持兩端，不願天下統一，於是稍黜其禮，正君臣之儀。〔集解〕通鑑胡注：帝與囂書，初用敵國禮，今黜其禮。惠棟曰：東觀記

囂負隴城之固，納王元之說，雖遣子春卿入質，猶持兩端。世初，囂興來歙，馬援相善，故帝數使歙，援奉使往來，勸令

入朝許目重爵。爵不欲東。連遣使深持謙辭。言無功德。須四方平定。退伏閭里。五年復遣來歙。說爵遣

子入侍。爵聞劉永彭寵皆已破滅。乃遣長子恂隨歙詣闕。目為胡騎校尉。封鐫羌侯。

胡騎校尉武帝置。秩二千石也。鐫謂鐫鑿。

也。〔集解〕先謙曰。

官本注謂作猶。

而爵將王元王捷常目為天下成敗未可知。不願專心內事。元遂說爵曰。昔更始西都。

四方響應。天下喁喁。謂之太平。

喁喁衆口向上也。

一旦敗壞。大王幾無所厝。今南有子陽。北有文伯。江湖海岱。

王公十數。

謂張步據齊。董憲起東海。李憲守紆。劉紆居垂惠。佼彊周建。秦豐等各據州郡。

而欲牽儒生之說。棄千乘之基。

儒生謂馬援說。歸光武。〔集解〕通鑑胡注。儒生謂鄭興。班彪等。

羈

旅危國。目求萬全。此循覆車之軌。計之不可者也。今天水完富。士馬最強。北收西河。上郡。東收三輔之

地。按秦舊迹。表裏河山。

秦外山而內河。左傳曰。表裏山河。〔集解〕先謙曰。官本。河山作山河。

元請目一丸泥。為大王東封函谷關。

〔集解〕惠棟曰。水經注。函谷關。蓬岸。

天高。空谷幽深。謂道之峽。車不方軌。號曰天險。故西京賦曰。巖嶮周固。矜帶易守。

此萬世一時也。若計不及此。且畜養士馬。據隘自守。曠日持久。目待

四方之變。圖王不成。其弊猶足目病。

前書。塗嬰曰。圖王不成。其弊足以病也。

要之魚不可脫於淵。

老子曰。魚不可脫於泉。脫失也。失泉則淵空。

神龍失



熱卽還與蚯蚓同。

慎子曰：騰蛇游霧，飛龍乘雲，雲罷霧除，與蚯蚓同，失其所乘故也。

囂心然元計，雖遣子入質，猶負其險阨，欲專方面。於是游

士長者稍稍去之。

東觀記曰：杜林先去。餘稍稍相隨東詣京師。

六年，關東悉平，帝積苦兵間，日囂子內侍，公孫述遠據邊垂，乃謂

諸將曰：且當置此兩子於度外耳。因數騰書隴蜀。

說文曰：騰，傳也。〔集解〕惠棟曰：淮南子云：子產騰辭，高誘注：騰，傳也。

告示禍福，囂賓客掾史，

多文學生，每所上事，當世士大夫皆諷誦之。

〔集解〕先謙曰：東觀記云：囂故宰府掾吏，善爲文書，每上書移檄，士大夫莫不諷誦，與此徵異。

故帝有所辭答，尤加

意焉。囂復遣使周游詣闕，先到馮異營，游爲仇家所殺。

〔集解〕惠棟曰：袁宏紀：帝遣大中大夫來歙，持節送馬援，周遊先生，長安怨家殺遊，其弟爲囂雲旗將軍，來歙恐其怨恨，

卽與援俱還長安。

帝遣衛尉銚期，持珍寶繒帛賜囂，期至鄭，被盜。

鄭，今華州縣是也。〔集解〕先謙曰：注見劉盆子傳。

亡失財物，帝常稱囂長者，

務欲招之，聞而歎曰：吾與隗囂事，欲不諧，使來見殺，得賜道亡。會公孫述遣兵寇南郡。

南郡，今荊州也。

乃詔囂

當從天水伐蜀，因此欲自潰其心腹。囂復上言：

〔集解〕王補曰：袁紀：囂復上書止討蜀曰：蜀道危險，棧閣敗絕，丈尺之地，側不得通，述性嚴酷，上下相患，須其罪惡執著，大呼響應之勢也。

白水險阻，棧閣絕敗。

白水縣有關，屬廣漢郡。棧閣者，山路懸險，棧木爲閣道。

又多設支閣。

支柱障閣。〔集解〕王補曰：來歙傳，作多設疑故。

帝知其終不爲用，叵欲討

之。巨猶遂也。遂西幸長安。遣建威大將軍耿弇等七將軍從隴道伐蜀。先使來歙奉璽書喻旨。囂疑懼，即勒

兵使王元據隴坻。坻，坂也。郭仲產秦州記曰：隴山東西百八十里，在隴州汧源縣西。伐木塞道，謀欲殺歙。歙得亡歸。諸將與囂戰，大敗，各引退。

囂因使王元行巡，侵三輔。征西大將軍馮異、征虜將軍祭遵等擊破之。囂乃上疏謝曰：吏人聞大兵卒

至，驚恐自救。臣囂不能禁止，兵有大利，不敢廢臣子之節，親自退還。〔集解〕通鑑胡注：此因王元隴坻之捷而有慢書也。昔虞舜事父，

大杖則走，小杖則受。家語：孔子謂曾子之詞也。臣雖不敏，敢忘斯義。今臣之事在於本朝，賜死則死，加刑則刑。如遂蒙

恩，更得洗心，死骨不朽。有司目囂言慢，請誅其子恂。帝不忍，復使來歙至汧。汧，水名，因以為縣，屬右扶風。故城在今隴州汧源縣南。〔集解〕先謙

曰：今鳳翔府隴州南。賜囂書曰：昔柴將軍與韓信書。柴將軍，柴武也。韓信，韓王信也。信反入匈奴與漢戰，故武與之書也。云陛下寬仁，諸侯雖有亡叛，而後

歸輒復位號，不誅也。目囂文吏，曉義理，故復賜書。深言則似不遜，略言則事不決。今若束手，復遣恂弟

歸闕庭者，則爵祿獲全，有浩大之福矣。浩，亦大也。吾年垂四十，在兵中十歲。〔集解〕惠棟曰：東觀記：吾年已三十餘，在兵中十歲，所更非一也。厭浮

語虛辭。卽不欲。勿報。囂知帝審其詐。遂遣使稱臣於公孫述。〔集解〕王補曰。囂於光武既臣之。而復叛之。於公孫述。既恥之。而又臣之。首施兩端。進退失據。無一可者。

明年述曰。囂爲朔寧王。〔欲其寧靜北邊也。〕遣兵往來爲之援執。〔集解〕通鑑胡注。張形勢以爲之援也。〕秋。囂將步騎三萬。侵安定。至陰

槃。陰槃。縣名。屬安定郡。今涇州縣。〔集解〕先謙曰。今邠州長武縣西北。〕馮異率諸將拒之。囂又令別將下隴。攻祭遵於汧。兵竝無利。乃引還。帝

因令來歙。目書招王遵。遵乃與家屬東詣京師。拜爲大中大夫。封向義侯。〔續漢書云。遵降封上雒侯。〕遵字子春。霸陵人

也。父爲上郡太守。遵少豪俠。有才辯。雖與囂舉兵。而常有歸漢意。曾於天水私於來歙曰。吾所目戮力

不避矢石者。〔集解〕先謙曰。官本戮作勦是。〕豈要爵祿哉。徒目人思舊主。先君蒙漢厚恩。思効萬分耳。又數勸囂遣子入

侍。前後辭諫切甚。囂不從。故去焉。八年春。來歙從山道襲得略陽城。囂出不意。懼更有大兵。乃使王元

拒隴坻。行巡守番須口。番須口與回中相近。並在汧。〔集解〕惠棟曰。秦紀云。出雞頭。過回中。雞頭卽笄頭也。同。在安定朝那。應劭以爲回中在安定高平。則番須亦當在安定界。但未詳其所在耳。〕王孟塞雞

頭道。雞頭山道也。雞頭作笄。一名崆峒山。在今原州西。〔集解〕惠棟曰。前書有藍田王孟。史記云。黃帝采至于海。登丸山。西至于崆峒。峒。音雞頭。卽此山也。李吉甫云。雞頭山在成州上祿縣東北二十里。樂史云。在高平縣西一百里。雍州記曰。雞頭山在鄠縣。淮

南子高誘注。筭頭山在臨涇西。前志又有開頭山在涇陽縣西。或云即筭頭也。先謙曰。山在今平涼府平涼縣西。隴坻在漢天水郡番須。雞頭瓦亭皆在安定郡。章懷云在汧。詳來欵傳。第自來未確。指番須之所在耳。  
牛邯軍瓦亭。安定烏支

縣有瓦亭故關。有瓦亭川水。在今原州南。〔集解〕惠棟曰。李吉甫云。瓦亭故關在平涼南七十里。隴山北垂。先謙曰。官本注。南作西。平涼府固原州南瓦亭山西麓。有瓦亭關。接隆德。華亭二縣界。通鑑。唐貞觀三年。太宗踰隴山。至西瓦亭。觀馬牧。舊志。今隆德縣

西北四十里有牛營砦。相傳牛邯嘗軍此。蓋即西瓦亭也。  
囂自悉其大衆圍來欵。公孫述亦遣其將李育。田弇。助囂攻略陽。連月不下。帝

乃率諸將西征之。數道上隴。使王遵持節監大司馬吳漢留屯於長安。遵知囂必敗滅。而與牛邯舊故。

知其有歸義意。呂書喻之曰。遵與隗王歃血盟為漢。〔集解〕先謙曰。官本無血字。是。自經歷虎口。踐履死地。已十數矣。于

時周洛呂西。周洛。謂東都也。無所統壹。故為王策。欲東收關中。北取上郡。進呂奉天人之用。退呂懲外夷之亂。

數年之間。冀聖漢復存。當挈河隴。奉舊都。呂歸本朝。生民呂來。臣人之執。未有便於此時者也。而王之

將吏羣居穴處之徒。穴處。言所識不遠也。人人抵掌。說文。抵。側擊也。戰國策曰。蘇秦與李兌抵掌而談也。欲為不善之計。遵與孺卿日夜所爭。害幾

及身者。豈一事哉。前計抑絕。後策不從。所呂吟嘯扼腕。垂涕登車。扼。持也。史記云。天下之士莫不扼腕以言之。幸蒙封拜。得延論

議遷誇大申大夫每及西州之事未嘗敢忘孺卿之言今車駕大衆已在道路吳耿曉將雲集四境而儒

卿曰奔離之卒拒要阨〔集解〕先謙曰官本阨作扼同當軍衝視其形勢何如哉夫智者觀危思變賢者泥而不滓在泥滯之

中而不滓汚也〔集解〕先謙曰官本阨作扼同是曰功名終申策畫復得故夷吾束縛而相齊新序曰桓公與管仲鮑叔甯戚飲桓公謂鮑叔曰姑爲寡人視乎鮑叔奉酒而起祝曰吾君無忘出莒也使管子無忘束縛從

魯也使甯戚無意其飯牛於車下也鯨布曰劍曰歸漢鯨布爲楚淮南王高祖使隨何說布乃杖劍歸漢王也〔集解〕先謙曰官本上以作杖是去愚就義功名竝著今孺卿當成

敗之際遇嚴兵之鋒可爲怖慄宜斷之心胸參之有識邯得書沈吟十餘日乃謝士衆歸命洛陽拜爲

太中大夫於是囂大將十三人屬縣十六衆十餘萬皆降王元入蜀求救囂將妻子奔西城從楊廣西城

縣名屬漢陽郡一名始昌城在今秦州上邽縣西南〔集解〕惠棟曰隴西縣城也而田弇李育保上邽詔告囂曰若東

後屬漢陽注以爲西城縣非也陳景雲曰注中城字衍先謙曰西縣今秦州西南

手自詣父子相見保無佗也高皇帝云橫來大者王小者侯田橫爲齊王天下既定橫與賓客五百人居海島高祖使召之曰橫來大者王小者侯事見前書若

遂欲爲鯨布者亦自任也必不歸降遂如鯨布云欲爲帝亦任之也囂終不降於是誅其子恂使吳漢與征南大將軍岑彭圍

西城耿弇與虎牙大將軍蓋延圍上邽車駕東歸

穎川賊起故東歸

月餘楊廣死弇窮困其大將王捷別在戎

丘〔集解〕惠棟曰或作戎兵非史記王子侯表有戎邱侯讓水經漾水注戎邱城在西城西北戎溪水逕其南

登城呼漢軍曰爲隗王城守者皆必死無二心願諸軍

亟罷

亟音紀力反

請自殺曰明之遂自刎頸死

何休公羊傳云刎割也

數月王元行巡周宗將蜀救兵五千餘人乘高卒

至鼓譟大呼曰百萬之衆方至漢軍大驚未及成陳元等決圍殊死戰遂得入城迎弇歸冀會吳漢等

食盡退去於是安定北地天水隴西復反爲囂九年春囂病且餓出城餐糗糒

鄭康成注周禮曰糗熬大豆與米也說文曰糒乾飯也

〔集解〕先謙曰東觀記云時民饑饉乃噉弩煮履

悲憤而死

續漢志曰王莽末天水童謠曰出吳門望緹羣見一蹇人言欲上天今天可上地上安得人時囂初起兵於天水後意稍廣欲爲天子遂破滅囂少病蹇吳門冀都門名也有緹羣山

〔集解〕先謙曰東觀記云悲憤腹脹而死

王元周宗立囂少子純爲王明年來歙耿弇蓋延等攻破落門

落門聚名也有落門谷水在今秦州伏羌縣西〔集解〕惠

棟曰本志作雒在天水冀縣先謙曰通志伏羌縣西四十里有永寧鎮即羌之大落門谷

周宗行巡苟宇趙恢等將純降宗恢及諸隗分徙京師目東

〔集解〕通鑑胡

注隗純降而徙其族以其西州強宗恐其後復爲患也

純與巡宇徙弘農唯王元留爲蜀將及輔威將軍臧宮破延岑元舉衆詣宮降

元字惠孟初拜上蔡令遷東平相坐墾田不實下獄死。決錄曰平陵之王惠孟鏘鏘激昂述困於東平也。牛邯字孺卿狄道人有勇

力才氣雄於邊垂及降大司空司直杜林。〔集解〕劉放曰案司空無司直當作徒字杜林傳亦可見。大中大夫馬援並薦之目為護羌校

尉與來歙平隴右十八年純與賓客數十騎亡入胡至武威捕得誅之。

論曰隗囂援旗糺族。援引也糺收也。假制明神。謂立高祖考文等廟而祭之也。〔集解〕先謙曰官本注考作孝是。迹夫創圖首事有目識其風矣終於

孤立一隅介于大國。東逼於漢南拒於蜀左傳曰介于二大國之間。隴坻雖隘非有百二之執。百二者以秦地除固二萬人當諸侯百萬人前書曰田肯賀高祖秦得百二焉。〔集解〕先謙曰

官本注除作險是。區區兩郡。隴西天水也。目禦堂堂之鋒。言光武親征之也魏武兵書云無擊堂堂之陣。至使窮廟策竭征徭身歿衆解然後定之。

則知其道有足懷者所目棲有四方之桀。四方雄桀者多棲集而有之。士至投死絕亢而不悔者矣。亢喉嚨也謂王捷自刎也。夫功全

則譽顯業謝則覺生回成喪而為其議者或未聞焉。成喪猶成敗也言事之成敗在于天命不由人力能回為此議者寡故未之聞也。若囂命會符運

敵非天力雖坐論西伯豈多嗤乎。天力謂光武天所授也言不遇光武為敵則不謝西伯也嗤笑也。〔集解〕惠棟曰鄭興傳云囂矜己自飾常以為西伯復作又見公孫述傳王補曰隗囂之視文王其猶梟鸞之異

乎以彼妄自矜飾。蓋藉以羈絡賓從。誑託將吏。與竇融、公孫述爭為雄長地耳。是杜林、班彪、申屠剛之羞也。范史稱其坐論西伯。未可多噓。謬矣。猥曰回成喪而為議。不知矯誣之過。適足貽亂賊以口實也。

公孫述字子陽。扶風茂陵人也。

東觀記曰。其先武帝時。以吏二千石自無鹽徙焉。

哀帝時。呂父任為郎。

任。保任也。東觀記曰。成帝末。述父仁。為侍御史。任為太子舍人。稍增秩為

郎焉。〔集解〕惠棟曰。前書音義云。漢儀注。吏二千石以上。視事滿三年。得任同產若子一人為郎。周壽昌曰。案傳宜云。以父仁侍御史。任太子舍人。遷為郎。庶任字為有根。侍御史亦不能即任子為郎也。

後父仁為河南都尉。秦

郡尉典兵。禁捕盜賊。景帝更名都尉。秩比二千石也。

而述補清水長。

清水。縣名。屬天水郡。今秦州縣。〔集解〕惠棟曰。袁宏紀成帝時。為清水長。案東觀記述成帝末為郎。而傳云哀帝時。所載不同。未詳孰是。先謙曰。清水縣。今秦州清水縣西五

十里牛頭山下。

仁。呂述年少。遣門下掾隨之官。

州郡有掾。皆自辟除之。常居門下。故以為號。

月餘。掾辭歸。白仁曰。述非待教者也。後太守

曰。其能使兼攝五縣。政事修理。姦盜不發。郡中謂有鬼神。

言明察也。〔集解〕汪文臺曰。續漢書。鬼神作。神明見。類聚五十。御覽三百六十七。

王莽天鳳

中。為導江卒。正居臨邛。

王莽改蜀郡曰導江。太守曰卒。正臨邛。今邛州縣也。

復有能名。及更始立。豪傑各起其縣。呂應漢。南陽人。宗成。

〔集解〕先謙曰。漢宗氏多出南陽安衆。

自稱虎牙將軍。入略漢中。又商人王岑。亦起兵於雒縣。

商。今商州商雒縣也。雒縣。屬廣漢郡。今益州縣也。〔集解〕先謙曰。商。今商州東。

雒。今成都府漢州北。

自稱定漢將軍。殺王莽庸部牧呂應成。

王莽改益州為庸部。其牧宋遵也。〔集解〕惠棟曰。華陽國志作朱遵。據為士女讚云。白鹿狂。亂離斯紀。季仲繁。馬社稷是死。遵字孝仲。武陽



人也。公孫奮號遵爲健，爲郡功曹，領軍拒戰於六水門，衆少不敵，乃擗車輪，絆馬必死，爲述所熱。光武嘉之，追贈復漢將軍，新津縣圖經曰：光武追贈輔漢將軍吳漢，表爲置祠，一曰：遵失首，退至此地，絆馬訖，以手摸頭，始知失首，於是土人感而義之，乃爲置祠，號爲健兒廟。後衆合數萬人，述聞之，遣使迎成等，成等至成都，虜掠暴橫，述意惡之，召縣中豪傑謂曰：天下同改勇士祠。

苦新室，思劉氏久矣，故聞漢將軍到，馳迎道路，今百姓無辜，而婦子係獲。

〔集解〕惠棟曰：王幼學云：謂妻與子皆被係累，以爲賊獲也。正譏云：案此

但謂婦子皆被係累，虜獲也。袁宏紀作俘獲。

室屋燒燔，此寇賊，非義兵也。吾欲保郡自守，目待眞主，諸卿欲并力者，卽留，不欲者

便去。豪傑皆叩頭曰：願效死。述於是使人詐稱漢使者自東方來，假述輔漢將軍，蜀郡太守，兼益州牧。

印綬，乃選精兵千餘人，西擊成等。

〔集解〕通鑑胡注：臨邛在成都西南，述兵自臨邛迎擊成等，非西向也。傳誤。

比至成都，衆數千人，遂攻成，大破之。

成將垣副殺成，呂其衆降。

風俗通曰：垣，秦邑也，因以爲姓。秦始皇有將垣，東觀記曰：初副以漢中亭長聚衆降成，自稱輔漢將軍。

二年秋，更始遣柱功侯李寶，益州

刺史張忠，將兵萬餘人，徇蜀漢，述恃其地險，衆附有自立志，乃使其弟恢

恢本或作恢

於綿竹擊寶，忠大破

走之。

綿竹，縣名，屬廣漢郡，今益州縣也。故城在今縣東。〔集解〕先謙曰：今綿州西南七十里。

由是威震益部。功曹李熊說述曰：方今四海波蕩，匹夫橫議，將

軍割據千里地什湯武。枚乘諫吳王曰湯武之士不過百里。若奮威德。日投天隙。天時之閒隙也。集解。惠棟曰。列子說符篇云。投隙抵時。應事無方。霸王之業成矣。

宜改名號。日鎮百姓。述曰。吾亦慮之。公言起我意。於是自立為蜀王。都成都。蜀地肥饒。兵力精強。遠方

士庶多往歸之。邛笮君長。邛笮。皆西南夷國名。笮音昨。見西南夷傳。皆來貢獻。李熊復說述曰。令山東饑饉。人庶相食。兵所屠

滅。城邑丘墟。蜀地沃野千里。土壤膏腴。無塊曰壤。果實所生。無穀而飽。左思蜀都賦曰。戶有橘柚之園。又曰。瓜疇芋區。前書卓王孫曰。吾聞崑山之下沃野下有蹲鴟。

至死。女工之業。覆衣天下。左思蜀都賦曰。百室離房。機杼相和。衣音於既反。名材竹幹器械之饒。不可勝用。竹幹。竹箭也。內盛曰器。外盛曰械。又有魚鹽

銅銀之利。丙穴出嘉魚在漢中。蜀有鹽井。又有銅陵山。其朱提界出銀。朱音上朱反。提音上移反。浮水轉漕之便。北據漢中。杜褒斜之險。東守巴郡。拒扞關

之口。史記曰。楚肅王為扞關以拒蜀。故基在今硤州巴山縣。集解。惠棟曰。續漢志云。巴郡魚復縣。扞水有扞關。李文子云。史記。張儀說楚曰。秦西有巴蜀。大船下水而浮。一日三百餘里。不至十日而拒扞關。扞關驚。則黔中。巫郡。非王之有矣。史記素隱。以為

扞關即魚復江關。今瞿唐關。顏師古註輿地廣記。郡縣志。皆仍其說。惟李賢以為峽州巴山縣。樂史寰宇記。峽州長揚縣有古扞關城。存。即巴山縣地。此為得之。扞關實楚地。史記稱楚肅王所築。今巫郡江關。乃屬巴地。故張儀云。拒扞關。則黔中。巫郡。非秦有。拒抵也。至

若黔中。巫郡。皆在楚扞關之外也。蓋扞關。乃楚之扞關。江關。乃巴蜀之江關也。述據扞關。則荆門。地方數千里。戰士不下百

虎牙。在扞關之內。皆其設險之地。豈肯先自隘。而但守魚復之江關哉。故辨之。以正地理之闕。

萬見利則出兵而略地無利則堅守而力農東下漢水呂窺秦地南順江流呂震荆揚所謂用天因地

成功之資今君王之聲聞於天下而名號未定志士狐疑宜即大位使遠人有所依歸述曰帝王有命

吾何足目當之熊曰天命無常百姓與能詩曰天命靡常易曰百姓與能也能者當之王何疑焉述夢有人語之曰八

子系十二為期說文云八音私覺謂其妻曰雖貴而祚短若何妻對曰朝聞道夕死尚可況十二乎會有

龍出其府殿中夜有光耀述目為符瑞因刻其掌文曰公孫帝建武元年四月遂自立為天子號成家

以起成都故號成家集解先謙曰以成爲國號也與袁術稱仲家同義色尙白集解惠棟曰華陽國志云述以莽尙黃乃服色尙白自以興西方爲金行也建元曰龍興元年目李熊爲大司

徒目其弟光爲大司馬恢爲大司空改益州爲司隸校尉蜀都爲成都尹漢以京師爲司隸校尉部置京兆尹中興以洛陽爲司隸校尉部置河南

尹故述數焉越舊任貴集解惠棟曰前書云粵裔蠻夷任貴殺太守枚根自立爲耶穀王先謙曰越裔今寧遠府亦殺王莽大尹而據郡降述遂使將軍侯丹開

白水關在漢陽西縣梁州記曰關城西南有白水關也集解惠棟曰梁州記齊都官尙書劉澄之撰先謙曰白水關在今保寧府昭化縣西北通志百二十里東接陰平西達平武北連文縣最爲要隘北守南鄭今梁州縣也故城在

今縣東北也。〔集解〕先謙曰：今漢中府南鄭縣東。

將軍任滿從關中下江州。

關中、江州皆縣名，並屬巴郡。關中，今隆州縣也。江州，故城在渝州巴縣西。〔集解〕先謙曰：關中，今保寧府閬中縣西。江州，今重慶府巴縣。浮西

漢水而下。

東據扞關，於是盡有益州之地。自更始敗後，光武方事山東，未遑西伐。關中豪桀呂鮪等，往往擁

衆，目萬數，莫知所屬，多往歸述。

時延岑據藍田，王歆據下邳，各稱將軍，擁兵事見馮異傳。

皆拜爲將軍，遂大作營壘，陳車騎，肄習戰射，會

聚兵甲數十萬人，積糧漢中，築宮南鄭，又造十層赤樓帛蘭船。

蓋以帛飾其蘭檣也。

多刻天下牧守印章，備置公

卿百官，使將軍李育、程烏

〔集解〕惠棟曰：光武紀及馮異傳俱作焉，案華陽志當從烏。

將數萬衆，出陳倉，與李鮪、徐三輔

〔集解〕先謙曰：三年官本李作呂是。

征西將軍馮異擊鮪，育於陳倉大敗之。

〔集解〕惠棟曰：通鑑考異本紀四年，馮異與述將程焉戰陳倉，破之，異傳同，此誤以四年爲三年。

鮪、育奔漢中。五年，延岑

田戎爲漢兵所敗，皆亡入蜀。岑字叔牙，南陽人。

東觀記曰：筑陽縣人。

始起，據漢中，又擁兵關西。關西所在破散。

〔集解〕

劉放曰：案文多兩關西字。

走至南陽，略有數縣。戎，汝南人，初起兵夷陵，轉寇郡縣。

〔集解〕先謙曰：東觀記戎，西平人，與同郡陳義客夷陵爲羣盜，更始元年，義戎將兵陷夷陵，義

自稱巨大將軍，戎自稱掃地大將軍。

衆數萬人，岑、戎並與秦豐合，豐俱呂女妻之。及豐敗，故二人皆降於述。述，呂岑爲大司

馬封汝寧王。戎翼江王六年，述遣戎興將軍任滿，出江關，下臨沮、夷陵間。

華陽國志曰：巴楚相攻，故置江關。舊在赤甲城，後移在江州南岸，對白帝。

城，故基在今夔州復縣南。臨沮，縣名，侯國，屬南郡。故城在今荊州當陽縣西北。夷陵，縣名，屬南郡。今峽州縣也。故城在今縣西北。〔集解〕劉攽曰：注今夔州復縣，案文少一魚字。惠棟曰：案此註與岑彭傳注同。今華陽國志云：巴楚數相攻伐，故置扞關、陽關及沔關。

世治江州，不言有江關也。司馬貞以為江關即瞿唐關。案前書地理云：巴郡魚復縣，江關都尉治。郡國志：魚復有扞關，然則扞關當作江關也。先謙曰：臨沮，今安陸府當陽縣西北。夷陵，今宜昌府東湖縣東。招其故衆，因欲取荊州。

諸郡，竟不能剋。是時，述廢銅錢，置鐵官錢。

置鐵官以鑄錢。

百姓貨幣不行，蜀中童謠言曰：黃牛白腹，五銖當復。

好事者竊言王莽稱黃，述自號白，五銖錢，漢貨也。言天下當并還劉氏，述亦好為符命，鬼神瑞應之事。

妄引讖記，目為孔子作春秋，為赤制而斷十二公。

尚書考靈耀曰：孔子為赤制，故作春秋，赤者，漢行也。言孔子作春秋，斷十二公，象漢十二帝。

明漢至平帝十

二代，歷數盡也。

據漢十一帝，言十二代者，并數呂后。

一姓不得再受命。

〔集解〕惠棟曰：周語：叔向云：吾聞之一姓不再興，今周其興乎？韋昭曰：一姓，一代也。逸周書：王子晉曰：自太皞以下，至於堯舜禹，未有一

姓而再有天下者。陳景雲曰：姓不再命，尚書帝命驗之文。見詩文王篇正義。

又引錄運法曰：廢昌帝，立公孫，括地象曰：帝軒轅受命，公孫氏握。

錄運法，括地象。

並河圖名也。〔集解〕先謙曰：官本錄並作錄。

援神契曰：西太守乙卯金，謂西方太守而乙絕卯金也。

乙，軋也。述言西方太守能軋絕卯金也。

五德之運。

黃承赤而白繼黃。金據西方為白德。而代王氏得其正序。又自言手文有奇。及得龍興之瑞。數移書中國。冀目感動衆心。帝患之。乃與述書曰。圖讖言公孫。即宣帝也。〔集解〕通鑑胡注。宣帝有公孫病已之符。代漢者當塗高。君豈

高之身邪。

東觀記曰。光武與述書曰。承赤者黃也。姓當塗。其名高也。〔集解〕洪頤煊曰。三國志周羣傳。父舒。少學術於廣漢楊厚。人有問春秋讖曰。代漢者當塗高。此何謂也。舒曰。當塗高者魏也。鄉黨學者私傳其語。文選景福殿李注引獻帝紀。又

以為故白馬令李雲之言。

乃復目掌文為瑞。王莽何足效乎。

王莽詐以織絮石龜文圭玄印等為符瑞。言不足傲也。

君非吾賊臣亂子。倉卒時。人皆欲

為君事耳。何足數也。數責也。

老子云。天下神器不可力爭。

君日月已逝。妻子弱小。當早為定計。可目無憂。天下神器不可力爭。

老子云。天下神器不可

可為也。

宜留三思。

〔集解〕王補曰。華陽國志引此書曰。西狩獲麟。讖曰。乙子卯金。即乙未歲授劉氏。非西方之守也。光廢昌帝。立子公孫。即霍光廢昌邑王。立孝宣帝也。黃帝姓公孫。自以土德。君所知也。漢家九百二十歲。以蒙孫亡。受以丞相。其

名當塗高。高豈君身邪。吾自繼祖而興。不稱受命。求漢之斷。莫過王莽。近張滿作惡。兵圍得之。歎曰。為天文所誤。恐君復誤也。其詞與本傳大異。所釋讖記。尤足破述之迷誤。

署曰。公孫皇帝。述不答。明年。隗囂

稱臣於述。述騎都尉平陵人。荆邯。見東方漸平。

〔集解〕先謙曰。官本漸作將。

兵且西向。說述曰。兵者帝王之大器。古今

所不能廢也。

左傳。宋子罕曰。天生五材。廢一不可。誰能去兵。聖人以興亂人以廢。廢與存亡之術。皆兵之由也。

昔秦失其守。豪桀並起。漢祖無前人之迹。立錐之

地。言漢祖起自布衣，無公劉太王之業也。枚乘諫吳王書曰：舜無立錫之地，以有天下。起於行陣之中，躬自奮擊，兵破身困者數矣。然軍敗復合，創愈復

戰。軍敗，謂戰於睢水上，為楚所破，後得韓信軍，復大振也。創愈，謂在於成皋間，項王射傷漢王胸，後復戰。何則？前死而成功，踰於卻就於滅亡也。〔集解〕劉攽曰：案文下於字當作而在，文勢不

可併用兩於字也。惠棟曰：東觀漢記云：死而成功，愈於坐而滅亡。隗囂遭遇運會，割有雍州，兵強士附，威加山東。隴西、天水，皆雍州之地，故言割有也。囂傳云：名震西州，流聞山東，是威加也。

遇更始政亂，復失天下，衆庶引領，四方瓦解。淮南子曰：武王伐紂，左操黃鉞，右秉白旄而麾之，則瓦解而走。囂不及此時，推危乘勝，日爭天

命，而退欲為西伯之事，尊師章句，賓友處士。章句，謂鄭興等也。處士，謂方望等也。偃武息戈，卑辭事漢，喟然自矜，為武王復

出也。〔集解〕惠棟曰：武王一本作文王，尚書西伯戲黎，先儒皆以為武王也。先謙曰：官本武作文，以上文文義推之，西伯謂文王是也。惠說非，王補曰：袁記通鑑均作文王。令漢帝釋關隴之憂。以囂居西，無東之意，故置

之度外而專精東伐，四分天下而有其三，使西州豪傑咸居心於山東。〔集解〕先謙曰：官本居作歸是。發間使，召攜貳。問使，謂來

歎、馬援等也。攜貳，謂王遵、鄭興、杜林、牛邯等，相次而歸光武。則五分而有其四，若舉兵天水，必至沮潰。天水既定，則九分而有其八。陛下

自梁州之地，內奉萬乘，外給三軍，百姓愁困，不堪上命，將有王氏自潰之變。王氏，即王莽也。臣之愚計，目為宜

及天下之望未絕，豪傑尙可招誘。急目此時發國內精兵，令田戎據江陵，臨江南之會，倚巫山之固。

巫山

在今夔州巫山縣東也。築壘堅守，傳檄吳楚。長沙呂南必隨風而靡，令延岑出漢中，定三輔，天水隴西拱手自服。如

此海內震搖，冀有大利。述目問羣臣，博士吳柱曰：昔武王伐殷，先觀兵孟津，八百諸侯不期同辭，然猶

還師，目待天命，未聞無左右之助，而欲出師千里之外，目廣封疆者也。邯曰：今東帝無尺土之柄。

〔集解〕

通鑑胡注：謂光武。驅烏合之衆，鄒陽云：周用烏集而王。跨馬陷敵，所向輒平，不亟乘時與之分功。

亟，急也。

而坐談武王之說，是效

隗囂欲爲西伯也。述然邯言欲悉發北軍屯士及山東客兵。

〔集解〕通鑑胡注：述做漢制，亦置北軍，山東之人僑寓於蜀者，述以爲兵，故曰客兵。

使延岑

田戎分出兩道，與漢中諸將合兵并執。蜀人及其弟光，目爲不宜空國千里之外，決成敗於一舉，固爭

之，述乃止。延岑、田戎亦數請兵立功，終疑不聽。述性苛細，察於小事，敢誅殺而不見大體，好改易郡縣

官名，然少爲郎，習漢家制度，出入法駕。

法駕，屬車三十六乘，公卿不在兩簿中，侍中參乘，奉車都尉御前驅九旂，雲罕，鳳皇闐闐，載皮軒。

變旗旄騎。

旄，旗之也。

陳置陞



戟然後輦出房闕。又立其兩子爲王。食犍爲廣漢各數縣。羣臣多諫。目爲成敗未可知。戎士暴露而遽。

王皇子示無大志。傷戰士心。述不聽。唯公孫氏得任事。由此大臣皆怨。〔集解〕王補曰：此著述敗亡之由。八年帝使諸將

攻隗囂。述遣李育將萬餘人救囂。囂敗。并沒其軍。蜀地聞之。恐動。述懼。欲安衆心。成都郭外有秦時舊

倉。述改名白帝倉。述以色尚白。故改之。自王莽目來。常空。述卽詐使人言白帝倉出穀如山陵。百姓空市里往觀之。

述乃大會羣臣。問曰：白帝倉竟出穀乎？皆對言無。述曰：訛言不可信。道隗王破者復如此矣。俄而囂將

王元降。述目爲將軍。明年使元與領軍環安拒河池。河池。今鳳州縣也。〔集解〕惠棟曰：孫愐云：環姓。古有楚賢者環淵。姓譜曰：楚環列尹之後。河池屬武都郡。又遣田

戎及大司徒任滿。南郡太守程汎。將兵下江關。破虜將軍馮駿等。〔集解〕惠棟曰：蔣杲云：岑彭傳：馮駿爲威虜將軍。案文破下脫威字。拔巫及夷

陵夷道。夷道。縣名。屬南郡。故城在今硤州夷都縣西。〔集解〕先謙曰：巫在夔州府巫山縣東。夷道。今荊州府宜都縣西北。因據荆門。荆門。山名也。在今硤州夷都縣西北。今猶有故城基址在山上。十一年征南

大將軍岑彭攻之。滿等大敗。述將王政斬滿首。降於彭。田戎走保江州。江州。縣名。屬巴郡。故城今渝州巴縣。〔集解〕先謙曰：已見上。此復出。城邑

皆開門降彭遂長驅至武陽

武陽縣名故城在今眉州〔集解〕先謙曰注見光武紀

帝乃與述書陳言禍福目明丹青之信

楊雄法言曰王者之言炳

若丹青〔集解〕惠棟曰王莽傳云明告以生活丹青之信說文云青東方色也木生火從丹丹青之信言必然李善云丹青不渝故以方誓王補曰文選阮籍詠懷詩注引東觀漢記光武詔曰明設丹青之信廣開束手之路

述省書歎息曰

示所親太常常少光祿勳張隆隆少皆勸降述曰廢興命也豈有降天子哉左右莫敢復言

〔集解〕惠棟曰華陽國志

云尚書解文卿大夫鄭文伯初亦諫述繫之暴室六年二子幽死

中郎將來歛急攻王元環安安使刺客殺歛述復令刺殺岑彭十二年述弟

恢及子培史興並為大司馬吳漢輔威將軍臧宮所破戰死自是將帥恐懼日夜離叛述雖誅滅其家

猶不能禁帝必欲降之乃下詔喻述曰往年詔書比下

比類也

開示恩信勿目來歛岑彭受害自疑今日

時自詣則家族完全若迷惑不喻委肉虎口痛哉奈何將帥疲倦吏士思歸不樂久相屯守詔書手記

不可數得朕不食言

〔集解〕王補曰光武之詔喻公孫述曰開示恩信勿以來歛岑彭自疑其敕耿弇則曰張步前殺伏隆述若步來歸命吾當詔大司徒釋其怨所謂治天下亦以柔道行之也帝王大度三代下吾於光武見之

終無降意九月吳漢又破斬其大司徒謝豐執金吾袁吉漢兵遂守成都述謂延岑曰事當奈何岑曰

男兒當死中求生。可坐窮乎。財物易聚耳。不宜有愛。述乃悉散金帛。募敢死士五千餘人。目配岑於市。

橋。市橋。卽七星之一橋也。李膺益州記曰。沖星橋。舊市橋也。在今成都縣西南四里。僞建旗幟。幟。幡也。幟音昌。忌反。又式志反。鳴鼓挑戰。而潛遣奇兵出吳漢軍後。襲擊破

漢。漢墮水。緣馬尾得出。十一月。臧宮軍至咸門。成都北面有二門。其西者名咸門。述視占書云。虜死城下。大喜。謂漢等當

之。乃自將數萬人攻漢。使延岑拒宮。大戰。岑三合三勝。自旦及日中。軍士不得食。竝疲。漢因令壯士突

之。述兵大亂。被刺洞胸。墮馬。吳漢傳云。護軍高平奔陣。刺述。殺之。〔集解〕惠棟曰。華陽國志云。述兵敗。漢騎士高平以戟刺述中頭。卽墮馬。叩心者數十人。都知是述。前取其首。與此異也。左右輿入城。

述。目兵屬延岑。其夜死。〔集解〕惠棟曰。樂史云。述家在蜀州江源縣東一十三里。高三丈。周迴二十步。故老傳云。此冢銅作鉸絡五里。故亂離發掘。莫之陷也。明日。岑降。吳漢乃夷述妻

子。盡滅公孫氏。并族延岑。遂放兵大掠。焚述宮室。帝聞之。怒。目譴漢。又讓漢副將劉尚。〔集解〕惠棟曰。東觀記作禹。

城降三日。吏人從服。孩兒老母。口目萬數。一旦放兵縱火。聞之。可爲酸鼻。尚。宗室子孫。〔集解〕惠棟曰。東觀記家有弊常享。

之千金。禹。宗室子孫。故嘗更吏職。何忍行此。仰視天。俯視地。觀放麀啜羹。二者孰仁。韓子曰。孟孫獵得麀。使秦西巴持之。其母隨而呼。秦西巴不忍。

而與其母戰國策曰樂羊爲魏將而攻中山其子在中山  
中山君亨其子而遺之羹樂羊啜之盡一杯而攻拔中山

良失斬將弔人之義也

良猶甚也(集解)王補曰光武救馮異曰三輔塗炭無所依訴今之征伐要在平定安集

之耳無爲郡縣所苦其平蜀之日讓劉尚曰孩兒老母口以萬數一旦放兵縱火聞之可爲酸鼻良失斬將弔  
民之義也於異則戒之於前於尚則痛之於後仁愛之誠奕世如揭孟子曰不嗜殺人者能一之不其信與

初常少張隆勸述

降不從竝呂憂死帝下詔追贈少爲太常隆爲光祿勳呂禮改葬之其忠節志義之士竝蒙旌顯

謂李業譙

玄等見獨行傳(集解)惠棟曰華陽國志云蜀郡王皓王嘉廣漢李業刎首死節表其門閭健爲朱遵絆馬死戰贈  
以將軍爲之立祠費貽任永君業馮信等閉門索隱公車特徵文齊守益州封爲列侯董君習禮明詩貢爲博士

程鳥李育呂

有才幹皆擢用之於是西土咸悅莫不歸心焉

論曰昔趙佗自王番禺

趙佗真定人因漢初天下未定自立爲南越王番禺縣屬南海郡故城在今廣州西南越志曰有番山禺山因以爲名

公孫亦竊帝蜀漢推其無他功

能而至於後亡者將呂地邊處遠非王化之所先乎述雖爲漢吏無所馮資徒呂文俗自喜遂能集其  
志計道未足而意有餘不能因隙立功呂會時變方乃坐飾邊幅

邊幅猶有邊緣以自矜持

呂高深自安昔吳起所目

慙魏侯也

史記曰魏武侯浮西河而下中流而顧曰美哉乎河山之固此魏之寶也吳起對曰在德不在險

及其謝臣屬審廢興之命與夫泥首銜玉者異日談

也。千寶晉記曰。吳王孫皓。將其子瑾等。泥首而縛。降王濬。左傳曰。許男而縛銜璧。以見楚子。璧。玉也。

贊曰。公孫習吏。隗王得士。漢命已還。二隅方跖。天數有違。江山難恃。

違。猶去也。



後漢書集解卷十三校補

隗囂傳。史奉璧而告。注。璧者所以禮神也。

官本禮作祀。

奉盤錯鋌。注。以此而言。題卽匙字。

題官本作鋌。案承上文正字。詰鋌卽題之誤。作題是。

反戾飾文。目爲祥瑞。注。大風毀莽玉露堂。

玉露官本作玉路。案前書莽傳。地皇元年七月。大風毀王路堂。而莽於始建國元年。改未央宮曰壽成室。前殿曰王路堂。亦見本傳。服虔注云。如言路。疑也是。

則作玉露。誤卽作玉路。仍誤一字。

乃立其子臨爲太子。以爲祥應也。

案莽傳。以子臨爲皇太子。安爲新嘉辟。在始建國元年。地皇元年。乃據紫閣仙圖。謂臨有兄而稱太子。爲名不正。改立安爲新遷王。臨爲

統義陽王。

注說亦誤。

援引史傳。注。故周易稱先號咷而後笑。宜呼嗟告天以求救。

宜呼嗟告天。與前書莽傳合。官本作宜乎。嗟呼告天。多一乎字。呼嗟二字亦誤倒。

設爲六管。注。謂酤酒賣鹽鐵器鑄錢名山大澤。此爲六也。

此爲官本作此謂。與上謂字複明誤。

沒入鍾官。注。傳詣鍾官八十萬數。

張贍曰。據莽傳。入乃以之誤。

西侵羌戎注西羌龐恬傳幡原譌播據錢按改官本不誤

而大事草創注草創謂初始也官本初始作始造

更始使執金吾鄧曄注曄南陽南鄉人以勁悍廉直為名官本注脫以字

露迎擊破之於高平官本迎作逆

巨欲討之注巨猶遂也案班超傳欲因此巨平諸國注義同周壽昌云疑借作頗

豈要爵祿哉官本祿作位

囂將妻子奔西城注西城縣名屬漢陽郡一名始昌城集解陳景雲曰注中城字衍案公孫述傳述遂使將軍侯丹開白水關注明

云在漢陽西縣足知此城字為誤衍也又晉志漢西縣晉改曰始昌故注謂一名始昌城

公孫述傳喟然自目為武王復出也官本無為字



不亟乘時與之分功注。亟，急也。

官本無此注。

使元與領軍環安拒河池。集解：河池屬武都郡。

今秦州徽縣西十五里。

拔巫及夷陵夷道。注：夷道，縣名，屬南郡。故城在今陝州夷都縣西。

案注及下荆門注，兩夷都均應作宜都。官本不誤。

目明丹青之信。注：楊雄法言曰：

楊，官本作揚。案雄姓，前書本傳雖據雄自序，而古書相承多从木，亦自有所據。已見前書雄傳補注，故不具。

